



Als dritte teyl

des Alten Testaments.



Der Psalter von neuem durch
D. Martin Luther geendert
vnd gebessert

(Solchs zeygen an dise sternenn * * wo sie kommen.)

Getruckt zu Strasburg.

M. V. XXV.

Das Register über dis Dritte Teyl
sich innwendig an disem bladt.



...
...
...
...
...
...

Das Register über die bücher dieses Dritten teyls.

i	Hiob	
ij	Psalter	
iiij	Spriich Salomonis	Proverbiolum.
iiij	Prediger Salomonis	Ecclesiastes.
v	Hohe lied Salomonis	Canticum Canticorum.

vj Isaia

vij Jeremia

viiij Esekiel

ix Daniel

Zwelfffleine Propheten mit namen.

i Hosea.

ij Joel.

iiij Amos.

iiij Abdia.

v Jona.

vj Micha.

vij Nahum.

viiij Habakuk.

ix Zophania.

x Haggi.

xi Sacharia.

xii Malachia



Das büch Hiob ist nicht ein schwer
büch des sinnes halben/sondern allein der sprachen hal
ben. Denn der es gestellet hat/gehet mit der frage vmb/
ob auch den frummen vnglück von Gott widderfare.
Sie stehet Hiob feste vnd helt/das Gott auch die frum
men on vsach/allein zu seinem lobe peiniget/Dawider setzen sich seyne
freunde/vnd treiben groß vnd lange geschwoez/wollen Gott recht er
halten/das er keynen frummen straffe/Straffe er aber/so müsse der sel
big gesündigt haben/vnd haben so ein fleyschliche gedancken vō Gott
vnd seiner gerechtigkeit/als were er gleich wie menschen seind/vnd sei
ne recht wie jr recht ist/wiewol auch Hiob/als der in tods nötten ligt/
auf menschlicher schwachheit zūuel wider Gott redet/vnd im leidē sün
diget/vnd doch darauff bleibet/er habe solch leiden nicht verschuldet/
wie es denn auch war ist. Aber zu letst vteylt Gott/Das Hiob in dem
er widder Gott geredt hat im leiden/vnrecht geredt habe/Doch was
er widder seine feinde gehalten hat von seiner vnschuld für dem leidē/
recht geredt habe. Also füret dises büchs tichter dise historia endlich da
hyn/das Gott alleine gerecht ist/vnd doch wol ein mensch widder den
andern gerecht ist/auch für Gott.

Es ist aber vns zu trost geschriben/das Gott seine grosse heyligen/al
so leßt straucheln/sonderlich in der widderwerttigkeit/Denn ehe das
Hiob in todes angst kumpt/lobet er Gott über dē raub seiner güter vnd
tod seiner kinder. Aber da jm der tod vnder augen gehet/vnd Gott sich
enzeücht/geben seine wort anzeygen/was für gedancken ein mensch ha
be(er sey wie heylig er wolle) wider Gott in tods angst/wie in dunckt
das Gott nicht Gott/sondern nur richter vnd zorniger tyriann sey/der
mit gewalt fare vnd frage nach niemands gutem leben. Dis ist das hö
hest stuck in disem büch/das verstehen alleine die auch erfare vnd süle/
was es sey/Gottes zorn vnd vteyl leidē/vnd seine gnade verborgē sein.

Die rede aber dises büchs ist so reysig vnd prechtig/als freylich keyns
büchs in der ganze schrift/Vnd so mans solte allenthalben vō wort zu
wort/vnd nicht das mehr mal nach dē synn verdolmetschē(wie die Jü
den vnd vnuerstedige dolmetscher wolle) wurde es niemant verstehen
mügē/als wen er so oder des gleichen redet/Die durstigen werden sein
güt aus sauffen/das ist/die reüber werdēs jm nemen. Itē die kinder des
hohmüts seind nie drauff gangen/das ist die jungen lewen die stolz her
gehē/vnd dergleichē viel. Itē liecht heist er glück/sinsternis vnglück ꝛc.
Derhalben acht ich/dis dütte teyl werde müssen her haltē vnd von den
fluglingē getadelt werden/es sey gar ein ander büch den die lateinische
Bibel hat/Die lassen wir faren/Wir haben den fleiß fürgewandt/das
wir deutliche vnd yederman verstendliche rede geben/mit vnuerfelsch
tem synn vnd verstandt/mügen leyden/das yemandt besser mache.



Die Illustration zeigt eine Frau, die vor einem heiligen Mann kniet. Der Mann hat einen Heiligenschein und trägt ein leopardenfleckiges Gewand. Über ihm schwebt ein geflügeltes Wesen mit einem Stab. Die Inschrift lautet: "Bene dic deo et morere."

Das erst Capitel.



Dwar ein Man im lande Uz / ²

der hies Hiob / der selb war schlecht vñ recht / gott-
föchtig vnd meidet das böse / vnd zeüget syben sö-
ne vnd drey töchter / vnd seins viechs war sybē tau-
sent schaff / drey tausent kamel / fünff hundert joch
rinder / vnd fünff hundert esel / vñ seer vil gesinds /
vnd er war mechtiger denn alle die gegen morgen
woneten.

Vnd seine söne giengen hyn vnd machten mal / ein iglicher inn seinem
hause auff seinen tag / vnd sandten hyn vñ lüden ire drey schwestern
mit in zu essen vnd zu trincken. Vnd wenn ein tag des wollebens vmb
war / sandte Hiob hyn vnd heyligete sie / vnd machte sich des morgens
frü auff vnd opfferte brandopffer / nach jr aller zal / Den Hiob gedach ³
te / meyne söne möchten gesündiget / vñ den herin gesegnet haben in
irem hertzen. Also thet Hiob alle tage.

Es begab sich aber auff einen tag / da die kinder Gottes kamen vñ für-
den **HERRN** tratten / kam der Satan auch vnder sie. Der **HERR**
aber sprach zu dem Satan / wo kumst du her? Satan antwortet dem
HERRN vnd sprach / Ich hab im land vmbher zogen vñ bin erdurch
zoge. Der **HERR** sprach zu Satan / Hastu nicht acht gehabt auff mei-
nē knecht Hiob? Den es ist sein gleiche nicht im lande / schlecht vñ recht /
gottföchtig vnd meidet das böse. Satan antwortet dem **HERRN**
vnd sprach / Meynstu das Hiob vmb sunst Gott fürchtet? Hastu doch
in / sein haus vnd alles was er hat / rings vñ her verwart / du hast dem
werck seiner hende gesegnet / vnd sein güte hat sich außbreytet im lande /
Aber recke deine hand auß vnd taste an alles was er hat / was gildts / er
wirt dich ins angesicht * segē. Der **HERR** sprach zu Satan / Sihe / al-
les was er hat / sey in deiner handt / on allein an in selbs lege deine handt
nicht. Da gieng Satan auß von dem **HERRN**.

Des tages aber do seine söne vnd töchter assen vnd truncken wein in
ires brüders hause des ersten / kam ein bote zu Hiob vnd sprach / Die rin-
der pflügeten vnd die esel ynnen giengen neben in an der weyde / da fielen
die auß reich Arabia ereyn / vnd namen sie vnd schlügen die knaben mit
der scherffe des schwerdts / vnd ich bin allein entrunnen / das ich dirs an-
saget. Da der noch redet / kam ein and vnd sprach / das fewr Gottes fiel
vom hymmel / vnd verbrandt schaff vnd knaben vnd verzeret sie / vñ
ich bin allein entrunnen / das ich dirs ansaget. Dader noch redet / kam
einer vnd sprach / Die Chaldeer machten drey spizen / vnd überfielen die
kameel vnd schlügen die knaben mit der scherffe des schwerdts / vnd ich
bin allein entrunnen / das ich dirs ansaget. Dader noch redet / kam einer

A iij vnd

* (Segen)
gas ist / flü-
hen vnd le-
stern.

vnd sprach/Deine söne vnd töchter assen vnd trunckē im hause ires brüders des ersten/vnd sihe/do kam ein grosser windt über der wüste her/vnd stieß auff die vier ecken des hauses/vnd warffs auff die knabē/das sie storben/vnd ich bin alleine enttrunnen/das ich dirs ansaget.

Da stund Hiob auff vnd züreyß seine kleyder vnd raufft sein heubt/vnd siel auff die erden vnd bettet an vnd sprach/Ich bin nacktet von meiner mütter leibe kommen/nacket werde ich widder dahyn faren/Der HERR hats gebē/der HERR hats genomme/der name des HERRn sey gesegenet. In disem allen sündiget Hiob nicht/vnd thet nichts thölich widder Gott.

Das. II. Capitel.

ES begab sich aber des tages/da die kinder Gottes kamē vnd trat ten für den HERRN/das Satan auch vnder sie kam/vnd für den HERRN trat. Da sprach der HERR zu dem Satan/wo komstu her? Satan antwortet dem HERRN vñ sprach/Ich hab im land vmbherzogen vnd bin erdurch gangen. Der HERR sprach zu dem Satan/Hastu nicht acht auff meinen knecht Hiob gehabt? Denn es ist sein gleiche im lande nicht/schlecht vnd recht/Gottfürchtig/vñ meydet das böse vnd hellt noch an seiner frumkeit/Du aber hast mich bewegt/das ich in on vrsach verderbet habe. Satan antwortet dem HERRN vnd sprach/Haut für haut/vnd alles was ein man hat/lest er für sein leben/Aber recke deine hand auß/vnd taste sein gepeyn vñ fleisch an/was gilts/er wirt dich ins angesicht segenen. Der HERR sprach zu dem Satan/Sihe da/er sey in deiner hand/doch schone seines lebens. Da für der Satan aus von dem HERRN vñ schlug Hiob mit bösen schweren/von der fußsolen an bis auff seine scheytel. Vnd er nam eine scherbē vnd schabet sich/vnd saß in der aschē. Vnd sein weib sprach zu jm. Heltestu noch an deiner frumkeit? Segene Gott vñ stirb. Er aber sprach zu jr/Du redest wie die nerischen weyber reden/Haben wir güts empfangen von Gott/vnd solten das böse nicht auch annemē? In disem allen versündigt sich Hiob nicht mit seinen lippen.

Da aber die drey freunde Hiob hörten alle das vnglück das über in kommen war/kamen sie/ein yeglicher auß seinem ort Eliphas vñ Theman/Bildad von Suah/vnd Zophar von Naemath/Den sie wordēs eins/das sie kemen in zu klagen vnd zu trösten. Vnd da sie ire augen auff huben von ferne/kenneten sie in nicht/vnd hüben auff ire stym vñ weyneten/vnd ein ighlicher züreyßs sein kleyd/vñ sprengete erdē auff jr heubt gen hymel/vnd sassen mit jm auff der erden sieben tage vnd siebē nacht/vñ redete nichts mit jm/Den sie sahe/das der schmerze seer gros war.

Das. III. Capitel.

Darnach

(Haut für
haut) Das
ist für seine
haut lest er
farc kinder/
viech/gesin
de vnd aller
ander haut.

Darnach that Hiob seinen mund auff vnd verflucht seinen tag / ^A vnd sprach / Der tag müsse verloren werden / darinnen ich geboren bin / vnd die nacht do man sprach / ^{Hiere. 20.} Es ist ein menlin empfangen / Der selbetag müsse finster sein / vnd Gott von oben erab müsse nicht nach im fragen / kein glantz müsse über in scheynen / finsternis müssen in inne haben / vnd das dunckel bleibe über im mit wolcken / vnd der tampff am tage mache in greslich / Die nacht müsse ein tunckel eynnemen / vnd müsse sich nicht vnder den tagen des jars freuwen / noch in die zal der monden komme / ^B Sibe / die nacht müsse eynsam sein / vnd kein freude komme drynnen / Es verfluchen sie die verflucher des tages / vnd die da bereyt seind zu erweckē den Leuiathan / Seine sterne müssen finster werden in seiner demmerung / Er hoffe aufs liecht vñ komme nicht / vnd müsse nicht sehen die augenbrun der morgenrödt / Das er nicht verschlossen hat die thür ^{*} meins leibs / vnd nicht verborgē ^{*} das vnglück für meinen augen.

^{*} (Meins leibs) darauff ich geboren ward / das ist der mitter leib.

Warumb bin ich nicht gestorben von müter leib an? warumb bin ich nicht vmbkummen do ich auß dem leibe kam? warumb haben sie mich auff die schosse genummen? warumb bin ich mit brüsten geseüget? So lege ich doch nu vnd were stille / schliesse vnd hette rüge mit den künigē vnd radtherin auff erden / die das ^{*} wüste bawen / odder mit den fürstē die gold haben vnd ire heüser voll sylbers seind / odder wie ein vnzeitige gepurt verborgen vnd nichts were / wie die jungen kynder / die das liecht nye gesehen haben / daselbs müssen doch auff hören die Gottlosen mit toben / Daselbs rügen doch die viel mühe gehabt haben / da haben doch miteinander fride die gefangenen / vnd hören nicht die styme des drengers / da seind klein vñ gros / knecht vñ der vō seinem herin frey ist.

^{*} (wüste) die mit bawen vmbgehen da zū vor nichts stehet.

Warumb ist das liecht geben dem mühseligen / vnd das leben den betrübten hertzen? (die des tods warten vnd kumpt nicht / vnd gräben ^D in wol auß dem ^{*} verborgē / die sich fast frewen vñ seind frölich / das sie das grab bekummen) vñ dem man des weg verporgē ist / vnd für im vō Gott ^{*} bedeckt wird? Denn mein seuffzen kumpt ehe denn ich esse / mein heülen sellet erauß wie wasser / Denn das ich geforcht habe / ist ^{*} (verborgē) ^D das ist / das er nitt weis wo er auß sol for angst

Das III. Capitel.

Da antwortet Eliphas von Theman / vnd sprach / Du hast vil ^A leicht nicht gern / so man versucht mit dir zu reden / aber wer kans lassen? Sibe / du hast viel vnderweiset vnd müde hende ^A iij gesterckt

Das Buch

gestreckt/deine rede hat die gefallene auffgericht/vnd die bebende knye hastu betrefstiget/Vu es aber an dich kompt/wirstu verzagt/vnd nu es dich trifft/erschrickst du/*Ja das ist deine Gottes forcht/dein trost/deine hoffnung/vnd dein gutes wesen. Lieber gedencck/wo ist ein vnschuldiger vmbkommen: oder wo seind die rechten ye vertilget: wie ich wol gesehen habe/die da mühe pflügeten/vnd vnglück setten/vnd erndten sie auch eyn/das sie durch den odem Gottes seind vmbkommen/vnnd vom geyst seines zorns alle worden/Das brüllen der * lewen/vnnd die stym der lewyn/vnd die zeen der jungen lewen seind zubrochē/der lewe ist vmbkommē/dz er nicht mer raubet/vñ die jungē lewē seint zerstreuet

*(Ja das ist) Das ist/da sibe man nu wie frum du seyst/das dich Gott so strafft.

*Dise lewen vnd lewyn seind die reichen vnd gewaltigen auff erden/so die armen vnderdrucken.

E Vnd zu mir ist kummē ein heimlich wort/vnd mein ohr hat ein mercklichs aus dem selbē entfangē/do ich betrachtet der nacht gesichte/wen der schlaff auff die leüt fellet/do kam mich forcht vnd zittern an/vnd all mein gebeyne erschracken/vnd da der geyst für mir über gieng/stunden **S** mir die har zu berge an meinem leibe/ Da stünd ein bilde für meinen augen vnd ich kante seine gestalt nicht/Es war stille/vnnd ich höret eine stym/Wie mag ein mensch gerechter sein denn Gott: oder ein man reiner sein/denn der in gemacht hat: Sibe vnder seinen knechten findt er nicht trew/vnd in seinen botten findt er tozheyte/wie viel mer die in den leyen heuseru wonen/vnd welche auff erden gegrundet seind/werdē von den würmen gefressen werden: Es weret von morgen bis an den abent/so werden sie aus gehawen/vnd ehe sie es gewar werden/seind sie gar dahyn/vnd die vnder in überbleyben/vergehen vnd sterbē auch vnuersehens.

Isa. 33.

Das. V. Capitel.

a (Heilige) Das ist/zeyge mir einen heilige der vnschuldig sey geplagt/wie du meynest. Aber die tolen vñ vnwitzige heist er hie/die losen vñ frechen leut die nach Gott nicht fragen/Solche verderbt wol der zorn vnd eyffer Gottes.

Nenne mir einen/was gilts/ob du einen findest: vnnd sich dich vmb irgent nach einem heyligen. Einen tollē aber erwürget wol der zorn/vnd den vnwitzigen tödtet der eyffer/Ich sahe einen tollē eyngewurzelet/vnd ich flüchet plözlich seinem hause/Seine kinder werden fern sein vom heyl/vnd werden züschlagē werden im thor do kein erretter sein wirt/Seine erndte wirt essen der * hungerige/vñ die gewapnetē werden in nemē/vnd sein güt werdē die durstige auffsauffen/Den mühe auff d erdē nicht geht/vñ vnglück auff dē acker nicht wechsset/Son d n d mēsch wirt zu vnglück geborn/wie die vōgel schwēbē empor zu fliegen. Doch ich will yetz vō Gott redē/vñ vō im handeln der grosse ding thūt die nicht zu erforschen seind/vnd wunder die nicht zu zelē seind/der den regē auffss land gibt/vñ leyt wasser kommen drauffsen/Der die nidrigen erhöhet/vñ den verdrukctē empor hilft/Er macht zu nichte

* Hungerige vnd durstige heist er die Reüßer vñ tyrannē.

* (Nicht gehet) das ist/der mensch verdient so lchs mit sündē/sunst keme es im nit gent her.

1. Cor. 3.

zu nichte die anschlege der listigen / das es ire hand nicht außföhren kan. c
 Er sehet die weisen in irer listigkeit / vnd macht zu nartheit der witzigen
 radt / das sie des tags ins finsternüs lauffen / vnd tappē im mittag wie
 in der nacht / Vnd hilfft dem armē von dem schwerd vnd vō irem mun
 de / vnd von der hand des mechtigen / vnd ist des armen hoffnung / das
 die bosheit wird iren mund müssen zūhalten.

Sihe / Selig ist der mensch den Gott straffet / darumb weger dich 8
 züchtigung des allmechtigen nicht. Denn er verletzet vnd verbindet / er 9
 zurschmeißt vnd seine hand heylet / Auf sechs trübsalen wirt er dich er
 redten / vnd in der sybenden wirt dich kein übels rüren / In der theurüg
 wirt er dich vom tod erlösen / vnd im kriege von des schwerdts hande /
 Er wirt dich verhelen für der geysel der zungē / das du dich nicht fürch
 test für dem verderben weñ es kumpt. Im verderbē vnd hunger wirst
 du lachen / vnd dich für den wilden thiern im land nicht fürchtē / Son
 dern^a dein bund wirt sein mit den steynen auff dem felde / vnd die wildē^a (dein bünd)
 thier auff dem lande werden fried mit dir halten / vnd wirst erfaren / das^a Das ist / die
 deine hütten fride hat / vnd wirst dein behausung versorgen vnd nicht^a steine wer
 sündigen / vnd wirst erfaren / das deins samens wirt viel werden / vnd^a den dein ge
 deine nachkummen / wie das gras auff erdē / vnd wirst im allter zū grab^a treide bewa
 kummen / wie eine mandel eyngesfurt wird zū seiner zeyt / Sihe das ha^a ren / weil da
 ben wir erforschet / vnd ist also / Dem gehorche vnd mercke du dirs. ^a uo ein mazz
 vmbher ge
 macht wird

Das. VI. Capitel.

H Job antwortet vnd sprach / Weñ man^b meinen zorn wöge / vñ^a
 mein leiden zūsamē in eine wage legte / so wurde es schwerer^a (mei zorn)
 sein dann sand am merr / Darumb ist vmb sunst was ich rede^a das ist Got
 Denn die pfeyl des allmechtigen stecken inn mir / der selbē grym seufft^a tes zorn der
 auß all meinē geyst / vnd die schrecknis Gottes seind anff mich gericht.^a mich plaget
 * Der waldefel schreiet nit wenn er gras hat / noch der ochse wenn er sü
 ter hat / kan man auch essen das vngesaltzen ist ? oder wirt yemant ko
 sten das weisse vmb den totter. Was meiner seelen widderete an zū rürē^b B
 das ist mein speise für schmerzen. O das mein bitte geschehe / vnd Gott
 gebe mir wes ich hoffe / das Gott anfienge vnd zūschlüge mich / vnd lies
 seine hand gehen vnd zūscheiteret mich / so hette ich noch trost / vñ wolt
 bittē in meiner franckheit / das er nur nicht schonet / hab ich doch * nicht *
 verleignet die rede des heyligen.

* (Der waldefel) Das ist / ir habt güt tröstē / euch mangelt nichts / Man ist nicht vngesaltzes / weñ
 mans besser weys / Aber ich müs wol yetzt / dis vnd das ic.

* (nicht verleignet) Das ist / hab ichs doch nicht verdienet / das ich so geplagt werde / wolt Gott ich
 were doch todt.

Was ist meine krafft das ich möge beharren? vnd wilch ist mein ende
 das meine sele gedultig solt sein? Ist doch meine krafft nicht steinern / so e
 ist mein fleysch nicht ehern / hab ich doch nyrgent kein hülfse / vnd es wil
 nirgent fort mit mir / Wer barmhertzigkeit seinem nehisten nicht bewei
 set

Das buch

set/der verlesset des allmechtigen forcht / Meine brüder gehen für mir über wie ein bach/ wie die wasserstrom fürüber fließen / Doch welche sich für dem reysen scheühen/über die wird der schnee fallen/ Zur zeyt wenn sie die hitze drucken wirt/ werde sie verschmachten/ vnd wenn es heys wirt/ werden sie vergehen/ von irer stett/ ir weg gehet beseyt auf/ sie tretten auff vngebante vnd werden vmbkommen.

* (Verschmachten) das ist/ weil meine freunde yetz für über rauschen wie ein wasser vnd kenne mich nicht/ wird sie auch ein mal ein hyze drucken/ so werden sie denn versigen vnd verrockt/ darumb das sie mich yetz verlassen.

* Sie sehen auff die wege Thema/ auff die psadte reich Arabia wartē sie/ Aber sie werden zu schanden werden/ wens am sicherste ist/ vnd sich schemen müssen wenn sie drauff kummen seind / Denn jr seyt nu zu mir kommen/ vñ weil jr jamer sehet/ fürchtet jr eüch / Hab ich auch gesagt/ macht euch her/ vnd von ein werm vermügen schenckt mir/ vnd erredtet mich auß der hand des feyns/ vnd erlöset mich vō der handt der grausamen: Leret mich/ ich will schweigen/ vnd was ich nicht weis/ das vnderweiset mich/ Warumb tadelt jr die rechten rede? wer ist vnder euch der sie straffen kunde? jr erdencket wort das jr nur straffet / vñ den mit worten zag machet/ jr fallet über einen armen weysen/ vñ rottet ein wern nehisten auß/ Doch weyl jr habt angehaben/ sehet auff mich / ob ich für euch mit lüge bestehen werde/ Antwortet/ was dz recht ist / mein antwort wirt noch recht bleiben/ was gillts ob meine zungē vnrecht habe/ vnd mein mund vntugent für gebe.

* (die wege Thema) das ist/ sie haltens mit denen die mich beraubt haben/ wie oben im erste capitel sehet/ geben den selben recht vnd mir vnrecht.

Das VII. Capitel.

21
vergeblich
Das ist/ ich
hab lüge vñ
derbeyt ein
end gesucht
aber das ist
vmb sunst/
Es beleibet
noch ymer
vnrüge.

M Vs nicht der mensch ymmer im streyt sein auff erdē / vnd seine tage seind wie eins taglōners? Wie ein knecht sehnet sich nach dem schatten/ vñ ein taglōner das sein erbeit auß sey/ Also hab ich wol ganze monde² vergeblich geerbeytet/ vñ elēder nacht seind mir viel worden. Wenn ich mich legt/ sprach ich/ Wenn werde ich auff sten? vnd darnach rehent ich wens abent wolt werden/ Denn ich war ganz ein schewstal yedman bis finster ward/ Mein fleysch ist vñ vnd vmb wurmicht vnd kotich/ Meine haut ist verschumpffen/ vñnd zu nicht worden/ Meine tage seind leichter dahin geflogen denn ein weber spāl vnd seind alle worden/ das kein auffhalten da gewesen ist.

Gedenck das mein leben ein windt ist/ vnd meine augen nicht wider kummen zu sehen das gūte/ vnd kein lebēdig augē wirt mich mehr sehē/ Deine augen sehen mich an/ darüber vergehe ich/ Ein wolcken wirt alle vnd gehet dahin/ Also wer in die helle hynndern feret/ kumpt nicht wider erauff/ vnd kumpt nicht wider in sein haus / vñnd sein ort bleibt ewiste. Darumb will auch ich meinem mund nicht werē / Ich will redē von der angst meins gemüts/ vnd will eraus sagen das betrübniß meiner seelen. Bin ich den ein meer oder walsfisch/ das du mich also verwa rest?

rest: Wenn ich gedacht/mein bette sol mich trösten / mein lager sol mirs leichtern / weñ ich mit mir selbs rede / so erschreckstu mich mit trewmen / vñnd machst mir graven / das meine seele wundschet erhangen zü sein / vñnd meine gebeyne den tod t / Ich hab michs erwegen / ich werde nicht mehr leben.

Höre auff vō mir / denn meine tage sind eytel / Was ist ein mensch / das du in gros achtist: vñ bekümmerst dich mit im: Zü erst setzest du in wol ein / aber du greiffest in bald an / Warumb thüstu dich nicht von mir / vñ lessest nicht abe / bis ich meinē speichel schlinge: hab ich gesündigt / was soll ich dir thün / o du menschen hüter: Warumb machstu mich / das ich auff dich stosse / vñ bin mir selbs eine last: vñ warumb vergibstu mir meyne missetat nit / vñ nymest nit weg meine vntugēt: Den nu werde ich mich in die erdē lege / vñ weñ man mich morgē sūchet / werde ich nicht da sein.

Das. VIII. Capitel.

DA antwortet Bildad von Suah vñnd sprach / wie lange wilt du solchs reden: vñnd die rede deines mundes so ein stolzē müt haben: Meynst du das Gott vnrecht richte / oder der allmechtige das recht verkere: Haben deine sūne für im gesündigt / das er sie vnder ire missethat gelassen hat / So du aber dich bey zeyt zü Gott thüst / vñnd dem allmechtigen flehest / vñnd so du reyn vñnd auffrichtig bist / so wirdt B er auffwachen zü dir / vñnd wirt widder auffrichten die wonung vñnd deiner gerechtigkeit willē / vñnd was du zü erst wenig gehabt hast / wirt hernach fast zunemen / Denn frage die vōrigen geschlechte / vñnd nym dir für ^{Deut. 13.} zü forschē ire vätter / denn wir seind von gestern her vñnd wissen nichts / ^{Psal. 143.} vnser leben ist ein schattē auff erden / Sie werden dichs leren vñnd dir sagen / vñnd ire rede auff irem hertzen erfür bringen.

Kan auch die pinzen auffwachsen wo sie nicht feucht stehet: oder ein wise wachsen on wasser: sonst wens noch in der bliet ist / ehe es ab gehawen wirt / verdürret es / ehe denn man hew macht / So gehet es allē denen die Gottes vergessen / vñnd die hoffnung der heuchler wirt verlorn sein / denn seine zūuersicht ist matt / vñnd seine hoffnung ist ein spinnweb / Er verlesset sich auff sein hauf / vñnd wirt doch nicht bestehen / Er wirt sich dran halten aber doch nicht bestendig sein / Es hat wol fruchte ehe denn die Sonn kompt / vñnd reyser wachsen erfür inn seinem garten / Seyne sat stehet dicke auff dem acker / vñnd seyn hauf auff steynen / Wenn er in aber verschlinget von seynem ort / wirt er sich seyn nicht annemē / als kennet er in nicht. Sihe das ist die freude seines wesens / vñ werden ander auß dem staub wachsen. Darumb sihe / das Gott nit verwirfft die frummē / vñnd erhellt nicht die hand der boßhafftige / bis das dein mund voll lachēs werde / vñnd deine lippen voll jauchzēs / die dich aber hassen / werden zü schanden werden / vñnd der gottlosen hütte wirt nicht bestehen.

Das buch

Das IX. Capitel.

Job antwortet vnd sprach/ Ja ich weys fast wol/ das also ist/ das ein mensch nicht rechtfertig bestehen mag gegē Gott/ Hat er lust mit jm zū hadern/ so kan er jm auff tausent nicht eins antworten/ Er ist weise vnd mechtig/ wem ist's yhe gelungen/ der sich widder in gelegt hat/ Er versetzt berge ehe sie es innen werden/ die er in seinem zorn vmbkeret/ Er weget ein land aus seynem ort/ das seine pseyler zittern/ Er spricht zur Sonnen/ so gehet sie nicht auff vnd versigelt die sterne/ Er breytet den hymmel auß alleyn/ vnd gehet auff den wogen des meers/ Er macht den wagen am hymel vnd Orion/ vnd die glücken vnd die stern gegen mittag/ Er thut grosse ding die nicht zürforsch en seind/ vnd wunder der keynezal ist.

Orion ist dz helle gestirne gegē mit tag/ das die

Sihe wenn ehr über mich gehet/ so scheichs nicht/ vnd wenn er sich wandelt/ merck ichs nicht/ Sihe wenn er schwind hyn feret/ wer will in widder holen/ wer will zū jm sagen/ was machstu/ Er ist Gott/ seinen zorn kan niemant stillen/ vnder jm müssen sich beügen die hochfertigen bundgenossen/ wie sollt ich denn jm antworten/ vnd wort finden gegen jm/ Wenn ich auch gleich rechtfertig bin/ kan ich sm dennoch nicht antwortē/ sondern ich müst vmbrecht flehē/ Wenn ich in schon anruffe/ vñ er mich erhöret/ so gleübe ich doch nicht/ das er meine stymme höre/ Den er feret über mich mit vngestümb/ vnd macht mir der wunden vil on vrsach/ Er leht meinen geyst sich nicht erquickē/ sondern macht mich vol betrübniß/ Will man macht/ so ist er zū mechtig/ will man recht/ wer wil mein zeüge sein/ Sage ich/ das ich gerecht bin/ so verdämet er mich doch/ bin ich frum/ so macht er mich doch zū vnrecht/ bin ich den frum/ so thar sichs meine seele nicht annemen/ Ich müs mich meins lebens erwegen/ Das ist's/ das ich gesagt hab/ Er bringt vmb beyde den frumen vnd gottlosen/ Wenn er anhebt zū geysfeln/ so dringet er fort bald zūm tod/ vnd spottet der ansechtung der vnschuldigen/ Das land aber wirt gebē vnder die handt des gottlosen/ das er jre richter vnderdrucke/ Ist's nicht so/ wie sollts anders sein?

B
Baur den jacobs stab heissen. Die glücken od die henne / seind die syben kleine ge styme.

Meine tage seind schneller gewesen denn ein lauffer/ sie seind geflohe vnd habē nichts gūts gesehē/ Sie seind vergangē wie die starckē schiff/ wie ein adler fleügt zür speyse/ Wenn ich gedencē/ ich will meiner klage vergessen/ vnd mein geperde lassen farē/ vnd mich erquickē/ so schewe ich mich über alle meinem thün/ weil ich weys/ dz du mich nicht vnschuldig sein lestest/ Bin ich den gottlos/ warumb hab ich den solch vnnütze mühe/ Wenn ich mich gleich mit allem schnee wuffche/ vnd reyniget meine hende mit dem brunne/ so wirstu mich doch tunckeinn kot/ vnd werden mit meine ^b fleys scheutzlich anstehen/ Den er ist nicht mein gleiche/ dē ich antwortē möchte/ das wir für gerichte miteynand kemē/ Es ist vñ der vns kein scheydeman/ noch der seine handt zwisschē vns beyde lege/ Er neme

b (fleyder) das ist/ mey ne tugent.

Er neme von mir seine rüthen/ vnd las sein schreckē von mir/ das ich mü-
gereden/ vnd mich nicht für im fürchten dürsse/ Den also kan ich nichts
mit im handeln.

Das. X. Capitel.

M Einer selen grauwet für meinem leben/ Ich will meine klagen
gehen lassen/ vnd reden vom betrübniß meiner selen/ vnd zu
Gott sagen/ Verurteyle mich nicht/ las mich wissen/ warumb
du mit mir hadderst/ Gefellt dir/ das du gewalt thust/ vnd mich ver-
wirffest den deine hende gemacht haben/ vnd machest der Gottlosen
fürnemen zu ehren/ Hastu denn auch fleischliche augen/ oder sibest du
wie ein mensch sibet/ Oder ist deine zeit wie eines menschen zeyt/ oder
deine jar wie eines menschen jare/ das du nach meinem vnrecht fragest/
vnd suchst meine sünde/ das du wissest/ wie ich nicht gottlos sey/ So
doch niemand ist der aus dein er handt erredten müge.

Deut. 23.
Psal. 118.

Deine hende haben mich geschaffen vnd gemacht/ vnd verschlingest
mich zu gleich vmb vnd vmb/ Bedenck doch/ das du mich auß leyme ge-
macht hast/ vnd wirfst mich wider zu erden machen/ Hast du mich nicht
wie milch gemolcken/ vnd wie kese lassen gerinne/ Du hast mir haut vñ
fleisch angezogen/ mit beynen vnd adern hastu mich zusamen gefüget/
leben vnd wolthat hastu mir gethan/ vnd dein auffsehē bewart meinen
* oddem. Vnd wiewol du solchs in deinem hertzen verbirgest/ so weys
ich doch/ das du das gedencst/ Hab ich gesündigt/ so hastu mich be-
halten/ vnd ledest mich dennoch nicht ledig sein vñ meiner missethat/
Bin ich Gottlos/ so ist mir aber wehe/ binn ich gerecht/ so thar ich doch
mein heupt nicht auffheben/ als der ich voll schmach bin vnd sehe mein
elend/ Vnd wie sich ein lawe auffricht/ jagst du mich/ vnd handelst wi-
derüb grevlich mit mir/ Du ernewest deine zeugē widder mich/ vñ ma-
chest deines zorns viel auff mich/ Es endert sich siner vñ verheret mich.

C
*(Oddem)
das ist mein
leben / das
der oddem
anzeigt

Warumb hastu mich auß mutter leib kumme lassen/ Ach das ich we-
re vmbkummen vnd mich nie kein ange gesehen hette. So were ich als
dienye gewesen seind/ von mütter leibe zum grabe bracht/ Will denn
nicht ein ende haben mein kurzes leben/ vnd von mir lassen/ das ich ein
wenig erquicket würde/ Ehe denn ich hyn gehe vnd kumme nicht wid-
der/ nemlich ins land der finsternis vnd des tuncfels/ das ein landt ist/
des liecht dicke finsternis ist/ vñ da kein ordnung ist/ do es scheint wie
das tuncfel.

Das. XI. Capitel.

D A antwortet Zophar von Naema vnd sprach/ Wen einer lan-
ge geredt/ müs er nicht auch hören/ Müs denn ein wescher im-
mer recht haben/ Müssen die leüt dir alleine schweigē/ das du spottest/
vnd niem and dich schweyge/ Du spuchst/ meine lere ist reyn / vñ lauter
B bin

bin ich für deinen augen/ Ach das Gott mit dir redet/ vñ thet seine lippē auff vnd zeygete dir die heymliche weyßheit/ Denn do ist noch viel auß zūrichtē/ das du erfürest/ wie Gott weniger fodert deñ deine missethat
B verdienet/ Meynstu du werdest Gott mit dein forschē findē? Meinst du den allmechtigen zū finden aller dinge? Er ist höher denn der hymel/ was wiltu thūn? Tieffer denn die hell/ wie kanstu in erkennen? Leng er denn die erde/ vnd breyter denn das meer / So er sie vmbkeret odder verburge odder in einen hauffen würrffe/ wer will in drumb anreden?

* (waldesel
 Das ist. frey
 vñ syns wil
 lens.

Denn er kennet die losen leut/ Er sibet die vntugent/ vnd solts nicht ver stehen? Ein vnnützer man blehet sich/ vnd ein geporn mensch will sein wie ein iunger* waldesel.

C Wenn du dein herze hettest gericht vñ deine hende zū im auß gebreyt tet/ wenn du die vntugent/ die in deiner hand ist/ hettest ferne vō dir gethan/ das in deiner hütten kein vnrecht bliebe/ so möchtest du dein and liz auß heben on taddel/ vnd würdest fest sein vnd dich nicht fürchtē/ Denn würdestu der mühe vergessen/ vñnd so wenig gedencken als des wassers das für über gehet/ vnd die zeyt deines lebēs wurde außgehen/ wie der mittag/ vnd wurde erfür prechen wie der morgē/ vnd dürfftest dich des trösten/ das hoffnung da sey/ vnd würdest mit rüge inns grab kommen/ vnd würdest dich legen/ vnd niemant wurde dich auß schre cken/ vnd viel wurden für dir stehen/ Aber die augen der gottlosen wer den all werden/ vnd werden nicht enttrinnen mügen/ Den ire hoffnüg wirt irer seele feylen.

Das XII. Capitel.

D Antwortet Hiob vnd sprach/ Ja jr seit die leüt/ mit euch wirt die weisheit sterben/ Ich habe so wol ein hertz als jr/ vnd binn nicht geringer deñ jr/ vnd wer ist/ der solchs nicht wisse? Wer von seinem nehisten verlachet wirt/ der wirt Gott anruffen/ der wirt in erhören/ Die gerechten vnd frummen müssen verlachet sein/ vñnd ist ein lampe den reichen verachtet in irem hertze/ aber zūgericht/ das sie die füsse dian stossen/ Der verstörzer hütten haben die fülle/ vnd toben wid der Gott thürstiglich/ wiewol es in Gott in ire hende geben hat.

Prover. 14.

Frage doch das vieh/ das wirt dichs lernē/ vnd die vogel vnder dē hi mel/ die werden dirs sagen/ odder rede mit der erden/ die wirt dichs le ren/ vnd die fisch im meer werden dirs erzelen / Wer weys solchs alles nicht/ das des **HERREN** handt das gemacht hat: das in seiner hant ist die seel alles das do lebt/ vnd der geyst alles fleyisches eins yeglichen? Prüfet nicht das ore die rede: vnd der mund schmeckt die speyse: Ja bey den grosuettern ist die * weisheit/ vnd der verstandt bey den altē/ Bey **C** im ist weisheyt vnd gewalt/ radt vñ verstandt/ Sibe wenn er zūbricht so hilfft kein bawen/ wenn er yemandt verschleüft/ kan niemāt auffma chen/ Sibe/ wen er das wasser verschleüft/ so wirts alles dürre/ vñnd
 weiß

wenn ers anfleisset / so keret es das land vmb / Er ist starck vnnnd fürets aus / Sein ist der da irret vnd der da verführet.

Das ist / jr sagt (* weißheit) sey bey den großuettern / Ich sage aber sie sey bey Gott / welcher allein aller künige / priester / richter / gewalt / kunst / heyligkeit zu nicht macht

Er führet die klügen wie ein raub / vnd macht die richter toll / Er löset auff der künige zwang / vnnnd gürtet mit ein gürtel ire lenden / Er führet die priester wie ein raub / vnd leßt seyle den festen / Er wendet weg die lippen der warhafftigen / vnd nimpt weg die sittē der allten / Er schütt verachtung auff die fürsten / vnd macht den bund der gewalttrigen los / Er öffnet die finstern grunde / vnd bringt er auß das tuncfel an dz liecht. Er macht etlich zum grossen volck / vñ bringet sie widder vmb / Er breytet ein volck auß / vnd treibts widder weg / Er wendet ab das hertz der obersten des volcks im lande / vnnnd macht sie irre auff ein vnwege / da kein weg ist / das sie die finsternis tappē on liecht / vnd macht sie irre wie die trunckene.

Das. XIII. Capitel.

SHe / das hat alles mein auge gesehen / vnd mein ore gehöret / A vnd habs verstanden / Was jr wisset / das weys ich auch / vñ bin nicht geringer dann jr / Doch will ich von dem allmechtigen reden / vnd hab willen Gott zu taddeln / Den jr deuttet felschlich / vnd seit alle vnnütze ertzte / Wolt Gott / jr schwiget / so würdet jr weise / höret doch meine straff / vnd merck auff die sache meiner rede / Wolt jr Gott verteydingen mit vnrecht / vnd für in list brauchen: B wolt jr seine person ansehen: wolt jr Gott vertreten: wirts euch auch wol gehen / wenn er euch richten wird: Meynet jr / dz jr in teuschen werdet / wie man einen menschen teüschet: Er wirt euch straffen / wo jr person ansehēt heymlich / wirt er euch nicht erschrecken / wenn er sich wirt erfür thun: vnd seine forcht wirt über euch fallen / Eüwer gedechtnis wirt vergleicht werden der asschen / vnnnd eüwer rucke wirt wie ein ley men hauffen sein.

Schweiget mir / das ich rede / es soll mir nichts felē / was sol ich mein c fleisch mit meinen zenen *beissen / vnnnd meine seel in meine hende legen: * (Beissen) dz ist / was soll ich mich vil casteyen vnd mir wehe thun / so ich doch sterbē müß / vñ hilfft mich nicht. Item mein sele in die hende legen das ist / viel wagen vnd in fahr geben. S

Sihe / er wirt mich doch erwürgē / vnd kans nicht erwarten / doch will ich meine wege für jm straffen / er wirdt ja mein heil sein / Den es kumpt kein heüchler für jm. Höret meine rede vnd meine außlegung für eweren oren / Sihe / ich hab das vrtel schon gefellet / Ich weys das ich werde gerecht sein / wer ist der mit mir rechten will: Aber nu müß ich schweigen vnd verderben.

Zweierley thū mir nur nicht / so wil ich mich für dir nit verbergē / Laf deine handt ferne von mir sein / vnd dein schrecken erschrecke mich nicht / Küß mir / ich will dir antworten / odder ich will redē / antworthe du mir. Wie viel ist meiner missethat vnd sünden: Las mich wissen meine übertretung vnd sünde / Warumb verbirgest du dein andtitz vnd helltest

B ij mich

mich für deinen feind: wiltu widder ein fliegend blad so ernstlich sein/
vnd ein dürren halm verfolgen: Den du schreibst mir an betrübnis/ vñ
wilt mich vmb bringen vmb der sünde willē meiner jugēt/ Du hast mei-
nen fuß inn stock gelegt/ vnd hast acht auff alle meine pfädte/ vñ sibest
auff die füß stapffen meiner füsse/ der ich doch wie ein faul afs vergehe/
vnd wie ein kleyd das die motten fressen.

Das. XIII. Capitel.

D Er mensch vom weibe geboren/ lebt kurze zeit/ vnd ist voll vn-
rügen/ gehet auff wie ein blüme vñ fellt ab/ fleucht wie ein scha-
ten/ vñ bleibt nicht/ vnd du thust deine augē über solchen auff/
das du mich für dir ins gericht zeühest/ Wer will einen reynen findē bei
denen da keiner reyn ist: Er hat sein bestympte zeyt/ Die zal seiner mon-
den stehet bey dir/ Du hast ein zyl gesetzt/ das wirdt er nicht übergehen/
Thū dich von jm/ das er rüge hab/ bis das seine zeit komme/ der er wie
ein tagloner wartet.

B Ein bawm hat hoffnung/ wenn er schon abgehawen ist/ das er sich
widder verendere/ vnd seine schußlinge hören nicht auff/ ob sein wurz-
el in der erden veraltet/ vnd sein stam in dem staub er stirbt/ so grünet er
doch widder vom geruch des wassers/ vñnd wechset daher als were er
gepflanzt/ Wo ist aber ein mensch/ wenn er tod vnd vmbkommen vnd
dahyn ist: wie ein wasser außleufft auß dem see/ vnd wie ein strom ver-
siget vnd vertrocknet/ so ist ein mensch wenn er sich legt/ vnd wirt nicht
auffstehen/ vnd wirt nicht auffwachen/ so lange der hymel bleibt/ noch
von seinem schlaff erweckt werden.

e Wer gibt mir das/ das du mich in der helle verdecktest vñ verbergest/
bis dein zorn sich lege/ vñnd setzest mir ein zil/ das du an mich denckest/
Meynstu ein todter mensch werde widder leben: Ich harre teglich die
weil ich streitte/ bis das mein verenderung komme/ das du wollest mir
ruffen/ vñ ich dir antwortte/ vnd woltest das werck deiner hende nicht
aufschlagen/ Denn du hast schon meine genge gezelet/ aber du woltest
ja nicht acht haben auff meine sünde/ Du hast meine übertretung inn
ein bündlin verfigelt/ vñnd meine missethat zusamen gefasset/ Züfellt
doch ein berg vnd vergehet/ vñnd ein fels wirt von seinem ort versetzt/
wasser weschet steine weg/ vnd die tropffen flözzen die erden weg/ aber
* des menschen * hoffnung ist verloren/ Denn du stoffest in gar vmb das
er dahyn feret/ verenderst sein wesen/ vnd lesset in faren/ Seind seine
kinder in eheren/ das weys er nicht/ odder ob sie geringe seind/ des wirt
er nicht gewar/ Weil er das fleisch antregt/ muß er schmerzen haben/
vnd weil seine seele noch bey jm ist/ muß er leyde tragen.

*(Hoffnung) das ist/ für den tod hat er kein hoffnung inn diesem leben.

Das. XV. Capitel.

Da ant

Dantwortet Eliphaz von Theman/ vnd sprach/ Soll ein weiser man so in den wind reden/ vnd seinen bauch mit lufft füllen? ^a (Lufft) das ist/ vol los/ er wort sein.
 Du straffest mit worten die nicht tugen/ vnd dein reden ist kein nutz/ Du hast die forcht faren lassen/ vnnnd machst Gottes ehre geringe mit deym wort/ Denn deine missethat leret deinen mund also/ vnd hast erwelet ein schalckhafftige zunge/ Dein mund wirt dich verdammen/ vnd nicht ich/ deine lippen sollen dir antworten/ Bistu der erste mensch geboren? Bistu für allen hüggeln empfangen? Hast du Gottes heymlichen radt gehört? vnd ist die weißheit selbs geringer denn du? Was weißest du das wir nicht wissen? Was verstehest du das nicht bey vns sey? Es sein graw vnd allte vnder vns/ die lenger gelebt habē denn deine vätter.

Solten Gottes tröstung so *geringe für dir gelten? Aber du hast yrgent noch ein heymlich stück bey dir/ Was nimpt dein hertz für? was siehest du so stolz? was setzt sich dein müß widder Gott/ das du solche rede auß deinem munde leßest? Was ist ein mensch/ das er solt reyn seyn/ vnd das er solt gerecht sein der vom weib geporn ist? Sihe/ vnder seinen heyligen ist keiner on tadel/ vnd die hymel seind nicht reyn für im/ wie vil mehr der mensch der ein grewel vñ schnöde ist/ vñ vnrecht seufft wie wasser/ Ich will dir zeygen/ höre mir zu/ vnd will dir erzelen/ was ich gesehen habe/ was die weisen gesagt haben/ vnnnd iren vättern nicht verholen gewesen ist/ welchen allein das land geben ist/ das kein fremder durch sie gehen muß.

Der Gottlose bebet sein leben lang/ vnnnd dem tyrannen ist die zal seiner jar verborgen/ was er höret das schreckt in/ vnd wenns gleich fride ist/ dēnoch hat er sorge er verderbe/ gleubt nicht das er müge dem vnglück entriemen/ vnd versihet sich ymmer des schwerds/ Wenn er außzeucht seiner narung nach/ so dunckt in/ die zeyt seines vnglücks sey fürhanden/ angst vnd not schrecken in vnd schlagen in nider/ als einen künig mit eim heer/ Denn er hat seine hand widder Gott gestreckt vnd wider den allmechtigen sich gestreübet/ Er leufft mit dem kopff an in/ vñ sicht halbstarlich wider in/ Er hat sich widder in auffgelehnet vnd hat sich fest widder in gesetzt.

Er wirt aber wonen in verstorēten stetten da keine heuser seind/ sondern auff eim hauffen ligen/ Er wirt nicht reich werden/ vnnnd sein güt wirt nicht zunemen/ vñ wirt sich nicht außbreyten im lande/ vnfall wirt nicht von im lassen/ Die flamme wirt seine zweige verdören/ vnd wirt weg genommen werden durch den odem seines mundes. Er ist so betrogē/ das er nicht gleubt/ das erger mit im werde/ Er wirt ein ende nemen/ wens im vneben ist/ vnd sein zweig wirt nicht grünen/ Er wirt abgelesen werden wie ein vnzeyttige draubē vom weinstock/ vnd wie ein olebaum seint blüt abwirfft/ Denn der heuchler versamlung wirt einsam bleiben/ vnd das fewr wirt die hütten fressen die geschencck nemen/

B ij Er geet

Das büch

1fa. 59.

Er gehet schwanger mit vnglück vnnnd gepyt mühe/vnd jr bauch bitt
get list.

Das. XVI. Capitel.

H Job antwortet vnd sprach/ Ich habe solchs oft gehöret/ jr seyt
allzumal elende tröster. Wöllen die lose wort kein ende haben?
Hodder was seylet dir das du antwortest? Ich kund auch wol re
den wie jr/ Wollt Gott ewer seele were an meiner seele statt / Ich wolt
auch mit wortten an euch setzen/vnnnd mein heubt also über euch schüt
teln/ Ich wolt euch stercken mit dem munde/vnd mit meinen lippen aus
dem synn reden/ Aber wenn ich schon rede/so schonet mein der schmer
ge nicht/las ichs an stehen/so gehet er nicht von mir.

Tu aber macht er mich müde/vnnnd verstöret alles was ich byn/ Des
zum zeüigen hat er mich runtzlicht gemacht/vnd mein widder sprecher le
net sich widder mich auff/vnd antwortet widder mich / sein grym reis
set/vnd der mir gram ist/beisset die zeene über mich zusamen/ Mein wi
dersacher funckelt mit seinen augen auff mich / Sie habē iren mund auf
gesperret widder mich/vnnnd haben mich hönisch auff meine backen ge
schlagen/ Sie haben iren müß miteynander an mir gekület / Gott hat
mich übergeben dem vngerechte/vnd hat mich in der Gottlosen hende
lassen kommen/ Ich war reich/ aber er hat mich zu nicht gemacht/ Er
hat mich beym hals genommen vnd zürissen / vnd hat mich im züm ziel
auffgericht/ Er hat mich vmbgeben mit seinen schützen / Er hat meine
nyeren gespalten vnd nicht verschonet/ Er hat mein gallen auff die er
den geschütt/ Er hat mir ein wunde über die andern gemacht/ Er ist an
mich gelauffen wie ein gewaltiger/ Ich habe einen sack vmb meine haut
geneet/vnnnd habe mein * horn inn den staub gelegt/ Mein antlitz ist ge
schwollen von weynen/vnd mein auge lied seind vertunckeleet/wiewol
kein freuel in meiner hand ist/vnd mein gebett ist reyn / Ach erde verde
cke mein blüt nicht/vnd mein geschrey müsse nicht raxum finden/ Auch
sibe da/mein zeüige ist im hymmel/vnd der mich kennet / ist in der höhe/
mein freünde seind meine spotter/ aber mein auge threnet zu gott / Wen
ein man kund mit Gott rechten wie ein menschen kind mit seinem freün
de/ Aber die zal der jar seind kommen/vnd ich gehe byn des weges / den
ich nicht widder kommen werde.

* (Horn) das ist/mein gewalt/macht vnd hirschaft/ vnd warauff ich mich verließ.

Das. XVII. Capitel.

M Ein odem ist schwach/vñ meine tage seint abkürtzet/das grab
ist da/ Niemand ist vō mir geteuschet/nach müß mein auge blei
ben in betrübnis/ Ob du gleich einen bürgen für mich wölest/
wer will für mich geloben? Du hast irem herzen den verstandt verbor
gen/darumb wirstu sie nicht erhöhen / Er rümbt wol seinen freünden
die

die außbeute/ aber seiner kinder augen werden all werden/ Er hat mich zum sprichwort vnder den leutten gesetzt/ vnnnd muß ein spiel vnder in sein. Mein gestalt ist tuncfel worden vor * zorn/ vnd alle mein gliedder seind wie ein schatten/ Darüber werden die gerechten übel sehen / vnd die vnschuldigen werden sich setzen widder die heüchler / Der gerecht wirt seinen weg behalten/ vnd der von reynen henden wirt starck bleiben/ Wolan so keret euch alle her vnd kumpt/ ich werde doch keinen weis vnder euch finden.

Meine tage seind vergangen/ meine anschlege seind zütrünet vnd haben mein hertz abgenaget/ vnd haben auß der nacht tag gemacht / vnnnd auß dem tage nacht/ Wenn ich gleich viel harre/ so ist doch die helle mein hauß/ vnd im finsternis ist mein bette gemacht/ Die verwesung heiß ich meinen vater/ vnd die würme meine müter vnd meine schwester/ Was sol ich harren: vnd wer wirt mein harren erfüllen: Hynunder in die helle wirt es faren/ vnd wirt mit mir in dem staub ligen.

Das. XVIII. Capitel.

DAntwortet Bildad von Suha vnd sprach / Wenn wollt jr der rede ein ende machen: Mercket doch/ darnach wollen wir reden/ Warumb werden wir für dir geachtet wie viech/ vnd seind so vnreyn für eüwern augen: Wiltu für bosheit beissen: Meynst du das vmb deinen willen die erden verlassen werde/ vnd der fels von seinem ort^b versetzet werde: Auch wirdt das liecht den Gottlosen verlesschen/ vnd der funcke seines sews wirt nicht leuchte/ Das liecht wirt finster werden in seiner hütten/ vnnnd seine leuchte über im verlesschen/ Die zügende seiner habe werden schmal werdē/ vnd sein anschlag wirt im seylen/ Denn er ist mit seinen füßen inn strick bracht/ vnnnd wandelt im netze/ Ein strick wirt seine ferssen halten/ vnnnd die durstigen werden in erbasschen/ Sein strick ist gelegt inn die erden/ vnd seine falle auff seinem pfad/ Vmb vnd vmb wirt in schrecken plözliche forcht / das er nit weys/ wo er hinaus soll.

^b (Versetzt) Das ist/ Gott wirts mit dir nit anders machen denn mit allen andern / vnd seine weise nicht lassen vmb deinen willen.

Hunger wirt seine habe sein/ vnd vnglück wirt im bereyt sein vnd anhangen/ die sterck seiner hand wirt verzeret werden / vnnnd seine stercke wirt verzerē der * fürst des tods/ Sein hoffnung wirt auß seiner hütte gerott werden/ vnnnd sie werden in treiben zum künige des schreckens/ In seiner hütten wirt nichts bleibē/ über sein pallast wirt schwessell gestrewet werden. Von vnden werden verdorrē seine wurzel / vnd von oben abgeschnitten sein * erndte / Sein gedechtnis wirt vergeen in dem lande/ vñ wirt keinen namē habē auff s gassen/ Er wirt vom liecht inns finsternis vertribē werdē/ vñ vom erdbodē verstoffē werden/ Er wirt

B iij kein

* (zorn) das ist/ für d pla
ge die von gottes zorn kumpt.

(fürst) dz ist/ mach / vnd gewalt des tods/ also auch künig des schreckens/ ist die gewalt des schreckens dz er müs vñ ligen vñ nit entrynnen kan.

Das Buch

Kein kinder haben vnd keinen nesen vnder sein volck / Es wirt im keiner über bleiben in seinem geschlecht / Die nach im kummē / werde sich über seinen tag entsetzē / vnd die vor im seind / wirt ein forcht ankummē. Das ist die wohnung des vngerechten / vnd dis ist die stett des der Gott nicht kennet.

* (Erndten) wurzel / heist er alles was in der erden gepflanzt ist / erndten / alles das oben auß wechset / es sey Korn / ole / wein zc.

Das. XIX. Capitel.

Job antwortet vnd sprach / Was plaget jr doch meine seele / vñ teübt mich mit wortten : jr habt mich zu zehen malen gehönet / vnd schemet euch nicht / das jr mich also vmbtreibet / jrze ich / so jrze ich mir / Aber jr erhebt euch warlich widder mich / vñ scheltet mich zu meiner schmach / Merckt doch einft / das mir Gott vnrecht thüt / vnd hat mich mit seinem iagestrick vmbgebē / Sihe / ob ich schon schrey über freuel / so werd ich doch nicht erhöret / Ich ruffe / vñnd ist kein recht da / Er hat meinen weg verzeünet / das ich nicht kan hynüber gehen / vñnd hat finsternis auff meinen steyg gestellet / Er hat meine ehre mir außgezogen / vñnd die krone von meinem heubt genommen / Er hat mich zu brochen vmb vnd vmb / vnd lehr mich gehen / vnd hat außgerissen meine hoffnung wie einen bawm.

(Krone / ere / hoffnung) ist alles geret vom zeitlichen leben in güter rüge.

Sein zorn ist über mich ergrymet / vnd er achtit mich für seine feind / Seine kriegsleut seind mit einander kommen / vnd habē iren weg über mich gepflastert / vnd haben sich vmb meine hüttē her gelägert / Er hat meine brüder ferne von mir gethan / vnd meine verwandten seind mir frembde worden / Meine nehisten haben sich entzogē / vñ meine freunde haben mein vergessen / Meine haufgenossen vnd meine megde achten mich für frembde / Ich bin vnbekant worden für iren augē / Ich rieff meinem knecht / vnd er antwortet mir nicht / Ich müst im flehen mit eyg nem munde / Mein weib schewet sich für meinem odem / Ich müs flehē den kindern meins leibes. Auch die bösen verachten mich / weñ ich mich auff mache / so reden sie von mir / All meine getrawen haben gewel an mir / vnd den ich lieb hatte / hat sich widder mich gekeret.

Mein gebeyn hanget an meiner haut vnd fleyisch / vnd kan meine zene mit der haut nicht bedecken / Erbarmet euch mein / erbarmet euch mein doch jr meine freunde / Denn die handt Gottes hat mich gerürt / Warum verfolget jr mich gleich so wol als Gott / vnd kund meins fleychs nicht satt werden ? Ach das meine rede geschriben würden / Ach das sie inn ein büch gestellet wurden / mit ein eysern griffel auff bley / vñnd zu ewigem gedechtnis inn einen fels gehawen würden. Ich weys das mein erlöser lebet / vñnd er wirdt mich hernach auß der erdden auffwecken / vñnd werde darnach mit differ meyerer hautt vmbgeben werden / vnd werde inn meine fleyisch Gott sehen / Den selben werde ich mit sehen /

(Satt werden) das ist / kundt nicht auffhöre mich zu beissen vnd zu strafen.

sehen/vnd meine augen werden in schawen/vnd keinen andern / Meiner nieren sind alle worden in meine schos / Den jr spricht / wie wolle wir in verfolgē / vnd eine sache zu jm fundē / Fürchtet euch vor dem schwert / Denn das schwerdt ist der zorn über die missethat / auff das jr wisset / dz ein gericht sey.

Das. XX. Capitel.

DA antwortet Zophar vō Naema vnd sprach / Darauff zwingen mich meine gedancken zu antworten / Ich will der sache bald raten / vnd will gern hören / wer mir das sol straffen vnd tadeln / Denn der geyst meins verstands sol für mich antworten / Weysst du nicht / das allezeit so gangen ist / synt das menschen auff erden gewesen sind / das der rhüm der gottlosen stehet nicht lange / vñ die freude des heuchlers weret ein augenblick / Wenn gleich seine höhe in den hymel reychet / vnd sein heubt an die wolcken rüret / so wirt er doch zu letzt vmbkommen wie ein dreck / das die / für denen er ist angesehen / werden sagen / wo ist er / Wie ein traum vergehet / so wirt er auch nicht funden werden / vnd wie ein gesicht in der nacht verschwindet / Welch augen gesehen hat / wirt in nicht mehr sehen / vnd seine stett wirt in nicht mehr schawen / Seine kinder werden betteln gehen / vnd seine hand wirt in mühe zu lon geben / Seine gebeyne werden seiner jugent entgelten / vnd werde sich mit jm in die erdē legē.

Wenn jm die bosheit gleich in seine munde wol schmeckt / wirt sie doch jm in seiner zungen ^a feylen / Sie wirt verhalten werden vnd nicht zügelassen / vnd wirt jm geweret werden in seinem hause / Seine speyse inwendig im leibe wirt sich verwandeln in otter gallen / Die güter / die er verschlungen hat / muß er widder aus speien / vnd Gott wirt sie aus seinem bauche stossen / Er wirt der ottern heupt ^{*} saugen / vnd die zunge der schlangen wirt in tödten / Er wirt nicht sehen die strome noch die wasser beche / die mit honig vnd buttern stießen / Er wirt erbeyten vnd des nicht genießen / vnd seine güter werden andern / das er der nicht fro wirt / Denn er hat vndertruckt vnd verlassen den armen / er hat heuser zu sich gerissen / die er nicht erbauwet hat / Denn sein wanst kund nicht voll werden / vnd wirt durch sein kostlich güt nicht entrynnē / Es wirt seiner speyse nichts über bleiben / darumb wirt sein güt leben keinen bestandt haben / wenn er gleich die fülle vñ genüg hat / wirt jm doch angst werden. Aller hand mühe wirt über jm kommen.

(faint marginal notes)

a (feylet) wenn er bosheit ansehethatt er wol lust vnd rüste / aber es wirdt nicht werē / wirt bald bitter schmecken.

* (Saugen) das ist / er wirdt todlich hertenleyd vnd jamer leiden / vnd alles güten beraubt werde.

Es wirt jm der wanst ein mal voll werden / vnd er wirt den grymm seins zorns über jm senden / Er wirt über jm regenen lassen seinen streit / Er wirt fliehen für dē eyfern harnisch / vnd der ehern bogē wirt in verlagē / Ein bloß schwerdt wirt durch jm auß geen / vñ des schwerds blitz en / der jm bitter sein wirt / wirt mit schrecken über jm faren / Es ist kein finsternis

(faint marginal notes)

(auffgeblasen) das ist/ ein fewr vñ Gott anzündet / nicht durch mensche auffgeblasen.

finsternis da/die in verdecken möchte/Es wirt in ein fewr verzere/das nicht auffgeblasen ist/vnd wer übrig ist in seiner hütte/dem wirts übel gehen/Der hymmel wirt seine missethat eröffenē/vñ die erde wirt sich widder in serze/Das getreyde in seinem hause wirt weggeführt werden/züstrewet am tage seines zorns. Das ist der lohn eins Gottlosen menschen bey Gott/vnd das erbe seiner rede bey Gott.

Das XXI. Capitel.

21 **H** Job antwortet vnd sprach/Höret doch zu meiner rede vnd besert euch/vertragt mich/das ich auch rede/vñ spottet darnach mein/Handel ich denn mit ein menschen/das mein müth hierin nicht solt vnwillig sein: Keret euch her zu mir/jr werdet sawr sehē/vnd die hand auffss maul legen müssen/ Wenn ich dran gedenck/so erschreck ich/vnd zittern kompt mein fleysch an/ Warumb leben denn die Gottlosen/werden allt vnd nemen zu mit gütern: jr same ist sicher vmb sie her vnd jr nachkumling seind bey inen/jr hauf hat fride für der forcht/vñ Gottesrüten ist nicht über inen/Seine ochse leßt man zu vnd mispredt im nicht/Seine küe kalbet vnd ist nicht vnfruchtbar/jre iungē kinder gehen auß wie ein herd/vnd ire kinder lecken/Sie tragen sich mit paucken vnd harssen vnd seind frölich mit pfeiffen/Sie haben gute tage/vñ erschrecken kaum ein augenblick für der helle/die doch sagē zu Gott/Heb dich vñ vns/vns gefellt die erkentnis deiner wege nicht/Wer ist der allmechtige/das wir im dienen solten: odder was seind wirts gebessert/so wir im entgegen lauffen?

Jerem. 12.
Abac. 1.

* (Augenblick) das ist/sie leben bis an den tod wol/vnd da ifts vmb ein böse augenblick mit in zu thun/so seind sie hindurch/Ich aber muß solange zeit schrecken vnd vnglück leiden.

22 **A**ber sihe/jr güte steht nicht in jren henden/darumb soll der Gottlosen synn ferne von mir sein/ Wie wirt die leuchte der Gottlosen verleschen/vnd jr vnglück über sie kummen: Er wirt hertenleyd auf teylen in seinem zorn/Sie werden sein wie stro für dē winde/vnd wie sprew die das vngewitter weg füret/Gott behelt den kindern des selben das leyd/wenn ers im vergelten wirt/so wirt mans innen werde/Sein augen werden sein verderben sehen/vnd vom grym des allmechtigen wirt er trinckē/Den wer wirt gefallen haben an seinem hause nach im: vnd die zal seiner monden wirt kaum halb bleiben.Wer will Gott leren der auch die hohen richtet: Diser stirbt frisch vnd gesund in allem reichthum vnd voller gnüge/sein melckesaf ist voll milch/vnd seine gebeyne werde gemest mit marck/Ihener aber stirbt mit betrübter seelen/vnd hat kein güts gessen/vnd ligen gleich mit einander in der erden/vñ wurt me decken sie zu.

Prover. 24.

23 **S**ihe/ich ken ewer gedanckē wol/vñ ewer freuel fürnemē wiß mich/Den jr spricht/wo ist das hauf des fürsten: vnd wo ist die hütte do die gottlosen

gottlosen wonet. Redet jr doch dauß / wie 8 gemeyn pubel / vñ merck
nicht was ihener wesen bedeyt / Denn der böse wirt behalten auff den
tag des verderbens / vnd auff den tag des grymmens bleibt er / Wer wil
sagen / was er verdienet / weñ mans eusserlich ansihet / wer wil jm * ver
gelten was er thut. Aber er wirt zum grabe gerissen / vnd man warttet
auff in bey den ^ahauffen / Es gefiel jm wol der ^bschlam des bachs / vnd
alle menschen werden jm nach gezogen / vñ der die für jm gewesen seind /
ist kein zal / Wie tröstet jr mich so vergeblich / vñnd ewer antwort findt
sich vnrecht.

^a(Hauffen)
das ist. es ist
jm auch ein
grab bereyt
vnder ande
ren grebern

* (Vergelten) das ist / wer kans vntellen was jm zuuergelten sey / on Gott allein.

^b(Der schlam des bachs) das ist / die wollüst im fleisch vnd güts leben.

Das XXII. Capitel.

DA antwortet Eliphas von Thema / vnd sprach / Meynst du dz
ein man Gott gleich sey / odder yemand so klüg sey / das er sich
jm vergleichen müge / Meynstu das Gott gefallen habe / das
du dich so frum machest / Oder was hilffts jr / ob deine wege gleich on
wandel seind / Meynstu er wird sich für dir fürchtē dich zu straffen / vñ
mit dir für gericht tretten / Ja deine boßheit ist zū groß / vnd deiner mis
sethat ist kein ende / Du hast etwa deinem brüder ein pfandt genommen
on vrsach / Du hast den nacketen die kleyder auß gezogen / Du hast die mü
den nicht getrenckt mit wasser / vñnd hast dem hūngerigen dein brodt
versagt / Du hast gewalt im lande geübet / vñ freuel dünne gessen /
Die widwyn hastu leer lassen gehen / vnd die arm der weysen zūbrochē
Darumb bistu mit stricken vmbgeben / vnd forcht hat dich plözlich er
schreckt / Solltest du denn nicht die * finsternis sehē / vnd die wasserflut
dich nicht bedecken /

Meynst du weil Gott höher ist denn der hymmel / vnd sihest an das
heubt der sternē die so hoch seind / vnd wilt darumb sagen / Was weys
Gott / Solt er das im tuncel ist / richten können / Die wolcken seind sei
ne vordeck / vnd sihet nicht / vñnd wandelt jm vmbgang des hymmels /
Wilt du der welt lauff achten / darinnen die vngerechten gangen seind /
Die vergangē seind ehe denn es zeit war / vñ das wasser hat jren grund
weg gewaschen / Die zū Gott sprachen / Heb dich von vns / Was sollt 8
allmechtige jnen güts thun künden / so er doch jr hauf mit güttern fül
let. Aber der Gottlosen radt sey ferne von mir / Die gerechten werden
sehen vnd sich frewen / vnd der vnschuldige wirt jr spotten / Was gilts
jr wesen wirt verschwinden / vnd jr übriges wirt das feur verzeren.

So vereinige dich nu mit jm vñ habe fride / darauff wirt dir vil güts
kommē / Nim das gesetz vō seinē munde / vñ fasse seine rede in dein hertz.
Wirstu dich bekerē zū dem allmechtige / so wirstu gebawet werdē / vnd
vnrecht ferne vō deiner hütte thun / So wirt er für erde goldt gebē / vñ
für die felsē güldene beche / Vñ wirst golds krafft habē / vñ sylber wirt
dir

^b
in d. alle
in d. d. d.
in d. d. d.
* (Finsternis) heißt /
trübsal vnd
vnglück. wi
derüb. liecht
heißt glück
vnd heil.

psal. 116

Prouer. 29.

dir zugeheuffet werden / Denn wirstu deine lust haben an dem allmechtigen / vnd dein andlitz zu Gott auffheben / So wirstu in bitten / vnd er wirt dich hören / vnd wirst deine gelübde halten / Was du wirst fürnehmen / wirt er dir lassen gelingen / vnd das liecht wirt auff deinem wege scheinen / Denn die sich demütigen / die erhöhet er / vnd wer seine augen nider schlecht / der wirt genesen / vnd der vnschuldige wirt errettet werden / Er wirt aber errettet vmb seiner hende reynigkeit willen.

Das. XXIII. Capitel.

Job antwortet vnd sprach / Meine redde bleibt noch betrübt / meine macht ist schwach über meinem seuffze. Ach das ich wüßte / wie ich in finden / vnd zu seinem stul kommē möcht / vnd dz recht für im solt für legen / vnd den mund voll straffe fassen / vnd erfare die rede die er mir antworten / vnd vernemen / was er mir sage wurde / **W**ill er mit grosser macht mit mir rechten? Er stelle sich nicht so gegen mir / sondern lege mirs gleich für / so will ich mein recht wol gewinnen / Aber gehe ich nu stracks für mich / so ist er nicht da / gehe ich zu ruck / so spur ich in nicht / Ist er zur linckē / so ergreiff ich in nicht / verbirget er sich zur rechten / so sehe ich in nicht.

Er aber kennet den weg für mir wol / vñ versucht mich wie das gold / So ich doch auff seiner ban meinen füß setze vnd seinen weg halte / vnd nicht abweiche / vnd von dem gepott seiner lippen nicht trette / vnd beware die rede seines mundes mehr denn ich schuldig bin / Er ist *eynig / wer will im antworten? vnd er machts wie er will / vnd wenn er mir gleich vergillt / was ich verdienet habe / so ist sein noch mer dabyn den / Darumb erschreck ich für im / Gott hat mein hertz blöde gemacht / vnd der allmechtige hat mich erschreckt / Denn die finsternis machts kein ende mit mir / vnd das tuncel will für mir nicht verdeckt werden.

* Also Gal. 1. 10. Gott ist einig / des einigen aber ist kein mitler.

Das. XXIII. Capitel.

Warumb solten * die zeyt dem Allmechtigen nicht verborseind? vnd die in kennen / sehen seynne ragenicht / Sie treiben die Grenzen zu ruck / sie rauben die herde vnd weyden sie / Sie treiben der weysen esel weg / vnd nemē der widwyn ochsen zu pfande / Die armen mussten in weichen / vnd die dürfftigen im lande mussten sich vertriechē / Siehe die walde esel in der wüsten gehen eraus wie sie pflegē / frū zum raub / das sie speise bereyten für die jungen / Sie erndten auff dem acker der nicht jr ist / vnd lesen den weinberg den sie mit vnrecht haben / Die nacketen lassen sie liegen / vnd lassen inen keine decke im frost / den sie die kleyder genommen haben / das sie sich müssen zu den felsē halten / wenn ein platz regē von bergen auff sie geüßt / weil sie sunst keinen trost haben.

* (Die zeit) weil Gott die bösen so leßt machē wie sie wollen / so scheint es / als wisse er nicht drum / weil jr denn sagt / er straffe die bösen vnd nicht die frommen / So müßet ir zugeben / das er nicht wisse /

wisse/vnd die in Kennen/auch nicht wissen zu welcher zeyt er straffen werde/wie jr euch thümet zu
 a (waldesel) die freyen frechen leut vnd tyrannen. (wissen.)

Sie reißen das kind von den brüsten vnd machens zum weyßen/vnd
 machen die leut arm mit pfenden. Den nacketen liessen sie on kleyder ge
 hen/vnd den hungerigen namen sie die garben/Sie zwungen sie öle zu
 machen auff jrer eygen mülen/vnd ire eygen kelter zu ziehen/vnd liessen
 sie doch durst leiden/Sie machten die leut in der statt seuffzend/vnd e
 die seel der erschlagenen schreyend/Vnd Gott stürzet sie nicht/Darum
 seind sie abtrünnig worden vom liecht/vnnd kennen seinen weg nicht/
 vnd keren nicht wider zu seiner strassen.Bey liecht steht auff der mörd/
 vnd erwürget den armen vnd dürfftigen/vnd des nachts ist er wie ein
 dieb. Das ange des eebrechers hat acht auff das tuncel vnnd spricht/
 Mich sibet kein ange/vnd verdeckt sein antlitz/im finstern brücht er zum
 heusern eyn/des tages verbergen sie sich mit einander/vnd wöllen nicht
 vom liecht wissen/Denn wo in der morgen kompt/ists in wie ein finster
 nis/Denn er fület das schrecken der finsternis/Er feret leichtfertige wie
 auff ein wasser dahyn/seine habe wirt geringe im lande/vnnd *barwet * (Barwet)
 seinen weinberge nicht/Die hell nympt weg die do sündigen/wie die hi
 erz vnd dürre das schneewasser verzeret. das ist/Die
 der hurerey
 nachgehen/
 bringen ihe
 gut vmb vn
 lassens vn
 gebawet

Es werden sein vergessen die barmhertzige/seine lust wirt vernicht
 werden/sein wirt nicht mehr gedacht/er wirt zubrochen werde wie ein
 fauler bawm/Er hat beleydiget die eynsame die nicht gebirt/vnd hat
 der widwin kein güts gethan/Vnd die mechtigen vnder sich gezogen mit
 seiner krafft/Wenn er stehet/wirt er seines lebens nicht gewiss sein/Er
 macht im selbs ein sicherheit darauff er sich verlasse/vnd seine augen se
 hen * auff jr thun/Sie seind ein kleine zeyt erhaben/vnd werde zunicht/
 vnd vnderdruckt werden/vnd ein end nemē wie alle ding/vnd wie der
 ehern hülsen werden sie abgeschladen werden/Its nicht also? wolan
 wer will mich lügen straffen/vnd mein rede bewerē das sie nichts sey?
 * (Auff jr thun) das ist/das sie nicht ein auffrür wider in machen/dempffet er sie jmerdar/vnd mus
 also sicherheit mit list suchen/Aber es weret nicht.

Das. XXV. Capitel.

D A antwortet Bildad von Suba vnd sprach/ Ist nicht die herz
 schafft vnd frucht bey im/der den fridē macht vnder seinenhö
 bisten: Wer will seine kriegsleut zelē: vnd über welchen gehet
 nicht auff sein liecht: vn wie mag ein mensch rechtuertig für Gott sein:
 vnd wie mag reyn sein eins weibs kind: Sibe der mond scheint noch
 nicht/vnd die sterne seind noch nicht reyne für seinen augen/wienil we
 niger ein mensch/die made/vnd ein menschen kind der wurm: B

Das. XXVI. Capitel.

J ob antwortet vn sprach/Wem stehestu bey: dē der keine kraft
 hat: Hilffstu dem der keine sterck in armen hat: Wem gibst du
 radt: Dem der keine weisheit hat: vnnd zeygest deine grosse thetigkeit:
 C für

Das Buch

B für wen redest du: vnd für wen gehet der odem vō dir: * Die Risen eng
* (risen) die
grossen wal
fisch/ welch
bedeutē die
C an nyrgent/ vnd henger die erden an nichtes/ Er fasset das wasser zūsa
grossen tyra
nen auff er
den.
D seinen stül vnd breytet seine wolcken dafür / Er hat vñ das wasser ein
ziel gesetzt/ bis das liecht sampt dem finsternis alle werde/ Die seulē des
himmels zittern vnd entsetzen sich für seinem schelten/ Für seiner kraft
wirt das meer plötzlich vngestüm/ vnd für seinem verstant erhebt sich
die höhe des meers/ Am hymmel wirts schön durch seinen windt/ vnd
seine hand treibt walfisch weg/ Sibe also gehet sein thün/ aber was ha
ben wir darinn sonderlichs gehört: Wer will aber den donner seiner
macht versthen?

Das XXVII. Capitel.

Vnd Hiob für weiter/ hūb auff seine sprüch vñnd sprach/ So
war Gott lebt/ der mir mein recht nicht gehen lest/ vnd der all
mechtige der meine sele betrübt/ so lange mein odem in mir ist/
vñ das schnaubē von Gott in meiner nasen ist/ meine lippē sollen nichts
vnrechts reden/ vnd meine zunge soll keinen betrug sage. Das sey ferne
von mir/ das ich eūch recht gebe/ bis das mein ende kompt/ wil ich nicht
weichen von meiner fromkeit / Von meiner gerechtigkeit die ich halte/
will ich nicht lassen/ Mein gewissen beyset mich nicht meines ganzē le
bens halben/ Aber mein feind wirt erfunden werden ein gottloser/ vnd
der sich widder mich aufflehnet/ ein vnrechter / Denn was ist die hoff
nung des heuchlers/ das er so geytzig ist/ vnd Gott doch seine seele hyn
reysset: Meynstu das Gott sein schreien hörē wird/ wen die angst über
in kumpt: wie kan er an dem allmechtigen lust haben / vnd in etwa an
ruffen?

* (Heuch
ler) heißt in
diesem büch
allenthalbē
einen falsch
en mensche
wie sye alle
sint für gott
on glaubē.

Ich will euch leren von der handt Gottes/ vnd was bey dem almech
tigen gillt/ will ich nicht verhelē/ Sibe jr haltet euch alle für klüg/ War
umb gebt jr den solch vnnütze ding für: Das ist der lohn eins gottlosen
menschen bey Gott/ vnd das erbe der tyrannē das sie von dem allmech
tigen nemen werden/ wirt er viel kinder habē/ so werdē sie des schwerts
sein/ vñnd seine nachkomlinge werden des brods nicht satt haben / seine
übrigen werden im tod begraben werden / vnd seine wydwin werden
nicht beweynet werden/ Wenn er gelt zūsamē bringt wie erdē/ vnd be
reytet kleyder wie leyden/ so wirt er es wol bereyten / aber der gerecht
wirt es anziehen/ vnd der vnschuldige wirt das gelt auf teylē/ Er bau
wet sein hauf wie eine spynne/ vnd wie ein hūter eine schawr macht.

E Der reychē wenn er sich legt/ wirt ers nicht mit raffen/ Er wirt seine
augen auff thūn vnd da wirt nichts sein/ Es wirt in schrecken über fallē
wie wasser/ Des nachts wirt in das vngewiter weg nemē / Der ostwint
wirt

wirt in weg führen/das er dahyn feret/vnd vngestüm wirt in von seinem ort treiben/Er wirt solchs über in führen vnd wirt sein nicht schonē/Er wirt fliegen müssen vnd lassen die so seine hand waren/Man wirt über in mit den henden klappen/vnd über in ziffchen da er gewesen ist.

Das. XXVIII. Capitel.

ES hat das sylber seine genge vñ das gold seinen ort da es wechset/ **Z** Eisen bringt man auß der erden/vñnd auß den steynen schmelzt man ertz. Es wirt ye des ^a finstern etwa ein ende/vñ yemand findet ja zuletzt das verborge/Es quillet ein solch bach eraus/das die drüb wonen mit füßen nicht müge drüber gehen/vnd wirt den leuttē zühoch vnd fleißt dahyn/Man bringet auch sew: vñden auß der erde/da doch oben speise auff wechset/Man findet Saphir an etlichen orten/vnd er **B** den klosse da gold ist/Den steyg kein vogel erkant hat/vnd kein geyrs ange gesehen/Es haben die ^{*} stolzen kinder nicht drauff getretten/vnd ist ^{*} kein lerne drauff gangen/Auch legt man die hand an die fels/vnd grebt die berge vmb/Man reisset beche aus den fels/vnd alles was köstlich ist sibet yemands ange/Man weret dem strom des wassers/vñ bringet das verborgen drinnen ist ans liecht.

^a (Finstern) Das ist/ man grebt zu lezt so tieff das man findet das verborgen ligt inn finsternis der erden.

^{*} (Stolzen kinder) Das seind jungelweien.

Wo will man aber weisheit finde:vñ wo ist die stett des verstands? Niemand weys wo sie ligt/vnd wirt nicht funden im land der lebendigen/ Der abgrund spricht/Sie ist in mir nicht/vnd das Meer spricht/sie ist nit bey mir/Man kan nicht gold vmb sie geben/noch silber dar wegē sie zū bezalen.Es gildt jr nicht gleich ophirisch gold/oder köstlicher onych vnd Saphir/gold vnd demant mag jr nicht gleichen/noch vmb sie gulden kleynod wechsell/Kamoth vñ Gabis acht man nicht/sie ist höher zū wegē den Berlen/Topasius aus Nozenland wirt jr nicht gleich geschetzt/vnd das reyniste gold gilt jr nicht gleich.

Wo her kumbt denn die weisheit:vñ wo ist die stette des verstands? Sie ist verholen für den augen aller lebendige/auch verborgen den vogeln vnder dem hymmel/Das verdammis vnd der tod sprechen/wir haben mit vnsern oren jr gerucht gehört/Gott weys den weg dazu/vñ kennet ire stette/Denn er sibet die ende der erden/vñ schawet alles was vnder dem hymmel ist/das er dem wind sein gewicht mache/vnd dem wasser seine masse/Da er dem regen ein ziel macht/vnd dem döner vnd blitzen den weg/da sabe er sie/vnd erzelet sie/bereytet sie vñnd sand sie/vnd sprach zum menschen/Sibe/die forcht des **S E R R E A** das ist weisheit/vnd meiden das böse/das ist verstand.

Das. XXIX. Capitel.

Vnd Hiob für weiter / hüb auff seine sprüch vñnd sprach / O das ich were wie in den vorigen monden / in den tagē da mich Gott behütet / Da seine leuchte über meinem heubt scheyn / vñ ich bey seinem liecht im finsternis gieng / wie ich war zur zeyt meiner jugent / da Gottes geheymnis über meiner hütten war / da der allmechtige noch mit mir war / vñnd meine knaben vmb mich her / da ich meine tritt wusch in butter / vñnd die fels mir öle flüs gossen / Da ich außgieng zum thor in der statt / vñnd mir ließ mein geses auff der gassen bereyten / Da mich die knaben sahen vñnd sich versteckten / vñnd die altē für mir auffstündē / Da die obersten auffhöreten zu reden vñnd legten ire hand auff iren mund / Da die stym der fürsten sich verkroch / vñnd ire zunge an irem gumen klebet / Denn welchs ore mich hörete / der preiset mich selig / vñnd welchs auge mich sahe / das zeugete von mir / Denn ich errettet den armen vom geschrey / vñnd den wäysen der keinen helffer hatte / Der segen des verloren kam über mich / vñnd tröstet das hertz der widwyn / Gerechtigkeit war mein kleyd das ich an zoch wie einen rock / vñnd mein recht war meine zierde / Ich war des blinden augen vñnd des lamens füsse. Ich war ein vatter der armen / vñnd welche sache ich nicht wuffte / die erforschet ich / Ich zübrach die backen zeen des vngerechten / vñnd reys den raub auß seinen zenen / Ich gedacht / Ich will in meinem nest ersterbē / vñnd meiner tage viel machen wie sand / Meine saat gieng auß vō wasser / vñ der taw bleyb über meiner erndte / Meine herligkeit ernewet sich für mir / vñnd mein bogē verendert sich in meiner hant / Man hörete mir zü vñ schwygen vñnd warteten auß meinen radt / Nach meinen worten redet niemāt mehr / vñnd meine rede trauff auß sie / Sie warteten auß mich wie auß den regen / vñnd sperreten iren mund auß als nach dem abent regē / Wenn ich sie anlachtet / des sie sich nicht versahen / so richtet das liecht meines angesichts ir heubt auß / Wenn ich zü irem geschafft wolt kommen / so müßt ich oben an sitzen / Vñnd wonet wie ein künig vnder kriegs knechtē / da ich tröstet die leyde trügen.

B * (Inbutter) das ist / da ich alles übrig gnug hatte.

S * (Bogen) das ist / meine macht namet zu

b (Licht) dz ich sie fruntlich ansah.

Das. XXX. Capitel.

N Vaber lachend mein die jünger seind denn ich / welcher vätter ich verachtet hette zü stellen vñder meine schaffhunde / Welcher vermügē ich für nichts hielt / die nicht züm alter kommē künden / Die für hunger vñnd kummer eynsam flohen in die eynöde / newlich verdorben vñnd elend worden / die dan esseln außraufftē vmb die püsch / vñnd wegholdern wurzel war ire speyse / Vñnd wenn sie die erauß rissen / jauchzeten sie drüber wie ein dieb / An den grausamen bächern wonenen sie / inn den löchern der erden vñnd steynritzen / zwischē den püschē rießten sie / vñnd vnder den disteln samleten sie / die kinder loser vñnd verachter

achter leut/die die geringsten im lande waren/ Nu bin ich je seyten spiel worden/vnd muß jr merlin sein/Sie haben einen grewel an mir/vnnd machen sich ferne von mir/vnd schouen nicht für meinem angesicht zu speien.

Denner hat seine sehne gespannen/vnd hat mich gedemütiget/vnnd hat mir ein gebiss inns maul gelegt/zür rechten do ich grünnet/haben sie sich widder mich gesetzt/vnd haben meinen süß aufgestossen/vnd haben über mich einen weg gemacht mich zünerderben/Sie haben meine steyge zübrochen/Es war in so leicht mich zü beschedigen/das sie keiner hülffe dazu dürfften/Sie seind kommen wie zür weitten lucken erein/vnd seind on ordenung daher gefallen.Schrecken hat sich gegemich fetret/vnd hat verfolget wie der windt meine freyheit/vñ wie ein lauffende wolcke mein heyl/ Nu aber geüßet sich auß meine seel über mich/vñ mich hat ergriffen die elende zeyt/Des nachts wirt mein gebeyn durchboret allenthalben/vnd die mich jagen/legē sich nicht schlaffen/Durch die menge der krafft werde ich anders vnd anders * gekleydet/vnd man * gurtet mich damit wie mit de loch meins rocks/Man hat mich in dreck getretten/vnd gleich geacht dem staub vnd asschen.

* (Gekleydet) das ist/mancherley vnglück wirt mir angethan gewaltiglich das ich mich nicht erweren kan/vnd gurtet mich/das ich nicht crauß kommen kan/vnnd müs es anhaben wie ein rock am halse.

Schrey ich zü dir/so antwortest du mir nicht/trett ich erfür/so achtest du nicht auff mich/du bist mir verwandelt in einen grausamē/vnd zeygest deinen has an mir mit der stercke deiner hand/Du hebest mich auff vnd ledest mich auff dem winde faren vnd zürschmelzest mich krefftilich/Denn ich weys/du wirfst mich dem tod überantworten/da ist das bestymppte haus aller lebendige/Doch wirt er nicht die hand aufstreckē inns * beynhaus/vnd werden nicht schreyen für seinem verderben/Ich weynet ja inn der hartten zeit/vñ meine seel jamerte der armē/Ich wartet des gūten/vnd kumpt das böse/Ich hofft auffs liecht/vñ kumpt finsternis/Mein eyngeweyde sieden vnd hören nicht auff/mich hat überfallen die elende zeyt/Ich gehe betrübt einher/wiewol ich mit niemand zürne/Ich stehe auff in der gemeyne vnd schreye/Ich bin ein brüder der schlangē/vnd ein gesell der strausen/Meine haut über mir ist schwarz worden/vnnd mein gebeyn seind verdorret/Meine harpffe ist ein klag worden/vnd meine pfeiffe ein weynen.

Das ist (im beynhause werde ich verüger haben.

Das XXXI. Capitel.

Ich hab einen bund gemacht mit meinen augē/das ich nicht acht et tauff eine juncckfraw/Was gibt mir aber Gott zü lohn von oben:vnd was für ein erbe der allmechtig von der höhe? Solt nicht billicher der vnrecht solch vnglück habē?vnd ein übelheter solch elend leidē? Sihet er nicht meine wege vnd zelet all meine genge? Hab ich gewandelt inn eytelkeit oder mein süß geeylet hat zum betrug? So

E iij wege

Das buch

wege man mich auff rechter wage / so wirt Gott erfahren meine frumbheit / Hat mein gang gewichen auß dem wege / vnd mein hertz meinen augen nachgefolget / vnd ist etwas in meinen hendē beklebt / So müsse ich seen / vnd ein ander fresses / vnd mein geschlecht müsse auß gewurtzelt werden.

B Hat sich mein hertz lassen reytzen zūm weibe / vnd habe an meines nehisten thür gelauret / so müsse mein weib vō eym andern geschēdet werden / vnd andere müssen sie beschlaffen / Denn das ist ein laster vnd ein missethat für die richter / Denn das were ein feur das biß ins verderben verzeret / vnd alle mein eynkommen auß wurtzelte . Hab ich veracht dz recht meins knechts odder meiner magd / wenn sie mit mir hadderten / Was wolt ich thūn / weñ Gott sich auffmacht : vnd was würd ich antworten / wenn er heymsucht : Hat in nicht auch der gemacht / der mich in mütter leibe machte : vnd hat in im leibe eben so wol bereyt . Hab ich den dürffrigen jr begird versagt / vnd die augen der wydwin lassen verschmachten : Hab ich meinen bissen alleine gessen / vnd nicht der weyse auch davon gessen / Denn von mitleiden hab ich von meiner jugent auff groß gehalten / vnd von meiner mütter leibe an bin ich damit vmbgange .

C Hab ich yemand sehen vmbkommen das er kein fleyd hatte / vnd den armen on decke gehen lassen . Haben mir nicht gesegnet seine seitten / da er von den sellen meiner lemmer erwermet ward . Hab ich meine hand an den weysen gelegt / weil ich mich sahe im thor macht haben / so falle meine schulder von der achseln / vñ mein arm breche vō der rōzen / Denn ich fürchte Gott wie ein vnfall über mich / vnd kunde seine last nicht ertrage . Hab ich das gold zū meiner zūuersicht gestellt / vnd zū den gold klumpē gesagt / mein trost : Hab ich mich gefrewet / das ich groß güt hatte / vnd meine hand allerley erworben hatte : Hab ich das *licht angesehen wenn es helle leuchtet / vnd den mond wenn er voll gieng : Hat sich mein hertz heimlich berede lassen / das mein *hand meinen mund küsse : welchs ist auch ein missethat für die richter / Denn do mit het ich verleucktet Gott von oben .

* (Licht) das ist / wann mirs glücklich gieng hab ich nicht meine freude darinn gehabt .

* (Handküssen) heyst sein eygen werck preisen / welchs allein Gott zugehört .

D Hab ich mich gefrewet / wens meinem feind übel gieng / vñ hab mich erhaben das in vnglück betreten hatte / Dann ich lies meinen mund mit sündigen / das er wünschete einen fluch seiner seelen . Hab nicht die mēner in meiner hütten müssen sagen / O wolt Gott das wir von seinem fleysch nicht gesettiget wurde . Draussen müste der gast nicht bleibē / sondern meine thür thet ich dem wanderer auß . Hab ich meine schalckheit wie ein mensch decket / das ich heimlich meine missethat verborge : Hab ich mir grauwen lassen für der grossen menge / vnd die verachtung der freundschaften mich aberschreckt hat : Ich bleib stille vnd gieng nicht zūr thür auß .

(die mēner)
dz ist / mein
gefind mü-
ste auch ni-
chts begere
an meinen
feinde .

Wer gibt mir einen verhörer/das mein begir der allmechtige erhöre:
Das yemant ein büch schreibe von meiner sache/So wolt ichs auff mei
ne achßeln nemen/vnd mir wie eine krone vmbpinden/Ich wolt die zal
meiner genge ansagen/vnd wie ein b^hfürst wolt ich sie dar bringē. Wird
mein land widder mich schreyen vnd mitteinander seine furche weynē.
Hab ich seine fruchte vnbezalet gessen/vñ das lebēden ackerleüten sawr
gemacht/so wachse mir disteln für weytzen/vnd domen für gersten.

¶ Ein ende haben die wort Hiob.

Das. XXXII. Capitel.

DAhöreten die drey menner auff Hiob zu antwortē/weil er sich
für gerecht hielt. Aber Elihu der sūn Baracheel von Bus des
geschlechts Kam/ward zornig über Hiob/das er seine seel gere
chter hielt denn Gott/Auch ward er zornig über seine drey freunde/das
sie kein antwort funden/vnd doch Hiob verdampften/denn Elihu hat
te geharret/bis das sie mit Hiob geredt hatten/weil sie ellter waren den
er/Darumb da er sahe/das kein antwort war im munde der dreyer mē
ner/ward er zornig. Vnd so antwortet Elihu der son Baracheel von
Bus vnd sprach.

Ich bin jung/jr aber seyt alt/darumb hab ich mich geschewet/vnd ge
fürcht meine kunst zū beweisen/Ich dacht/laß die jar redē vnd die men
ge des allters las weyßheit beweisen/Aber der geyst ist inn leütten/vnd
der odē des allmechtigen macht sie verstendig/Die meyster seind nicht
die weisesten/vnd die allten verstehen nicht das recht/Darumb wil ich
auch reden/höre mir zū/ich will meine kunst auch sehen lassen/Sihe/ich
habe geharret/dz jr geredt habet/Ich habe aufgemerckt auff ewern ver
standt/bis jr der rede ein ende machet/vnd habe acht gehabt auff euch/
Aber sihe da ist keiner vnder euch/der Hiob straffe odder seiner redde
antworte.

Jr werdet villeicht sagē/wir haben die weisheit troffen/das Gott in
verstoffen hat/vñ sunst niemant/Die rede ist nicht meins dings/ich wil
im nicht so nach ewer rede antworten/Ab sie seind verzagt/künne nicht
mer antworten/Sie können nicht mehr reden/Weil ich denn geharret
habe/vnd sie kündē nicht reden(wen sie stehen still vnd antwortē nicht
mehr)will doch ich mein teyl antworten/vnd will meine kunst bewei
sen/Denn ich bin der rede so voll/das mich der odem in meinem bauche
engstet/Sihe mein bauch ist wie 8 most der zū gestopffr ist/der die neü
wen fassē zureisset/Ich muß reden/das ich odem hole/Ich muß meine
lippen auffthun vnd antworten/Ich will niemants person ansehen vñ
will solchs keinem menschen zū gefallē reden/Denn ich weis nicht (wo
ichs thet) ob mich mein schöpffer über ein kleines hyn nemen wurde.

¶ C iij Da. xxxij.

Das XXXIII. Capitel.

Höre doch Hiob meine rede/vñ merck auff alle meine wort. **S**iehe ich thū meinen mund auff / vnd meine zunge redet in meinem munde / Mein hertz sol recht reden / vnd meine lippen sollē den reynen verstandt sagen / Der geyst Gottes hat mich gemacht / vñnd der odem des allmechtigen hat mir das leben geben / kanst du / so antworthe mir / tritt mir gleich vnder augē / Siehe ich bin Gottes wie du sagest / vnd auß leyman binn ich auch gemacht / Doch du darffest für mir nicht erschrecken / vnd mein hand soll dir nicht zūschwer sein.

Du hast geredt für meinen oren / die stymme deiner rede müst ich hören / Ich bin reyn vnd on missethat / vñschuldig / vnd habe keine sünde / Siehe er hat eine sache wider mich funden / drum achtet er mich für seinen seynd / Er hat meinen fuß inn stock gelegt / vnd hat alle meine wege verwaret. Siehe / eben daraus schliesse ich widder dich / das du nicht recht bist / Denn Gott ist mehr denn ein mensch. Warumb wilt du mit im zanken / das er dir nicht rechenschafft gibt alles seines thuns : Denn wenn Gott ein mal etwas heyst / soll man nicht darnach erst sehē / obs recht sey.

Im traum des gesichts in der nacht / weñ der schlaf auff die leüt fellt wenn sie schlaffen auff dem bette / da öffnet er das ore der leut / vnd schreckt sie vnd züchtiget sie / das er den menschen vom vnglück wende vnd beschirme in für überfallen vnd verschonet seiner seelen für der verderbung / vnd seins lebē das nicht in geschoss falle / Er strafft in mit schmerzen auff seinem bette / vnd alle seine gebeyne hefftig / Vnd richt im sein leben so zū / das im für der speyse grawet / vnd seine seele / das sie nicht lust zū essen hat / Sein fleysch verschwindet das mans nymmer sibet / vnd seine beyne zūstossen sich das man sie nicht sehen kan / das seine seele nahet zūm verderben / vnd sein leben zū den todten.

So denn ein engel einer auß tausent würde in vertreten zū verkündigen dem menschen Gottes gerechtigkeit / so wirt er im gnedig sein vñ sagen / Er soll erlöset werden / das er nicht hynunder fare inn verderbung / Denn ich habe eine versünung funden / Sein fleysch ist auffgeribē für qual / las in wider kommen zū den tagen seiner jugēt / Er wirt Gott bitten / der wirt im gnade zeygen / vnd wirt sein antlitz sehen lassen mit freuden / vnd wirt dem menschen seine gerechtigkeit vergeltē / Er wirt für den leüten bekennen vnd sagen / Ich hab gesündigt vnd missethan / vnd ist mir noch nicht gleich geschehen / Er hat meine seele erlöset / das sie nicht für / in verderbung / sondern mein leben das liecht sehe.

* (drei mal)
das ist / off
mals.

Siehe das alles thut Gott *drey mal mit ein yglichen / dz er seine seel erumb hole auß der verderbung / vnd erleucht in mit dem liecht der lebēdigen. Merck auff Hiob vnd höre mir zū / vñnd schweige das ich rede /

Hasu

Hastu aber was zu sagen/so antworte mir/Sage her/bist du recht/ich wil gerne hören. Hastu aber nichts/so höre mir zu/vñ schweig/ich wil dich die weysheit leren.

Das. XXXIII. Capitel.

V Ad Elihu antwortet vñ sprach/Höret jr weisen meine rede vñ^B jr verstendigen merck auff mich/Denn das ore prüfet die rede/vñ der mund schmeckt die speyse/Last vns ein vteyl erwele/das wir erkennen vnder vns/was gut sey/Denn Hiob hat gesagt/Ich bin gerecht/vñ Gott weget mir mein recht/Ich müs liege/ob ich wol recht habe/vñ bin gequelet von *meinen pfeylen/ob ich wol nichts ver- * (Meinen pfeilen) das sind Gottes pfeile die in mir stickē
schuldet habe. Wer ist ein solcher wie Hiob: & do spöterey trinckt wie wasser/vñ auff dem wege gehet mit den übelthettern/das er wandele mit den Gottlosen leütten: Denn er hat gesagt/Wenn yemandt schon frum ist/so gilt er doch nichts bey Gott/Höret mir zu jr weisen leüt. ^B

Es sey ferne/das Gott solt gottlos sein/vñ der allmechtige vngerecht/Sondern er vergilt dem menschen darnach er verdient hat/vñ trift einen yglichen nach seinē thün/On zweiffel Gott verdampt nicht/vñ der allmechtige beuget das recht nicht/Wer hat das auff erden ist verordnet: vñ wer hat den gantzen erdbodē gesetzt: So er sichs würde vnderwinden/so würde er aller geyst vñ odem zu sich samle/Alles fleisch würde miteinander vergehen/vñ der mensch würde wider zu aschen werden.

Hastu nu verstandt so höre das/vñ merck auff die stymme meiner rede/Solt einer darumb das recht zwingen/das ers hasset: vñ das du stolz bist/soltest du dem gerechtē verdammen: Solt einer zum künige sagen Belial: vñ zum fürsten jr Gottlosen: der doch nicht ansihet die person der fürsten/vñ kennet den herrlichen nicht mehr den armen/Den sie sind alle seiner hende werck/plötzlich müssen die leut sterben/vñ zu mitternacht erschrecken vñ vergehen/Die mechtigen werden krafftlos weggenommen/Denn seine augen sehen auff eins ygliche wege/vñ er schawet alle ire genge/Es ist kein finsternis noch tuncel/das sich da möchten verbergen die übelthetter/Denn es wirt niemandt gestattet das er mit Gott rechte.

Er bringt viel vñ die nicht zu zelen sind/vñ stellet andere an ire statt Darumb das er kennet ire werck/vñ feret sie vmb des nachts das sie zu schlagē werde/Er wirfft die gottlosen über ein hauffen da mans gerne sibet/darumb das sie im nicht nachgefolget habē/vñ verstundē seiner wege keinē/das das schreyen der armen müste für in komme/vñ er dz schreyen des dürfftigē höret/Wenn er stride gibt/wer will verdamme: vñ wenn er das antlitz verbirget/wer will in schawen/vñ der den volckern vñ leuten: So lesst er denn regiern einen heuchler das volck^B zu^B driengen.

Das büch

*(Züdringen) Das ist/ er leßt einen tyrannen regiern der das volck mit auffsetzen/ schetzen/vnnd schinden/ sehet vnd quelet.

Weil ich nu von Gottes wege außgeredt habe/ wil ich dich nicht hindern/ Hab ichs nicht troffen/ so lere du michs besser/ Hab ich vnrecht gehandelt/ ich wils nicht mehr thun/ Man wartet der antwort von dir/ Denn du verwirffest alles/ vñ du hast angefangen vnd nicht ich/ Weyf fest du nu was/ so sage an/ Weise leut las ich reden/ vnd ein weiser man gehorcht mir/ Aber Hiob redet mit vnuerstandt/ vñ seine wort seind nicht klug/ Mein vatter las Hiob versucht werden bis ans ende/ darüb das er sich zü vnrechten leuten feret/ Er hat über seine sünde dazü noch gelestert/ darumb las in zwyschen vns geschlagen werde/ vnd darnach widder Gott mit seinen Worten haddern.

Das. XXXV. Capitel.

Vñ Elihu antwortet vñ sprach/ Achtest du das für recht/ das du sprichst/ Ich bin gerechter denn Gott/ Den du sprichst/ wer gildt bey dir etwas? was hilffts ob ich mich on sünde mache?

Ich wil dir antwortē mit wortē vnd deinen freunden mit dir/ Schaw gen hymmel vñ sihe/ vnd schaw an die wolckē/ das sie dir zü hoch seind
B Sündigest du/ was kanst du mit im machen? vñ ob deiner missethat viel ist/ was kanst du im thun? vnd ob du gerecht seyest/ was kanstu im geben? oder was wirt er von deine henden nemē? Ein mensche wie du bist/ mag wol etwas thun deine böfheit/ vnd eym menschen kind deine gerechtigkeit.

Die selbigen mügen schreyen weñ in vil gewalt geschicht/ vnd rüffen über den arm der grossen/ die nicht darnach fragen/ wo ist Gott mein
***** schöpffer? der das * gesenge macht in der nacht/ der vns geleter macht denn das viech aufferden/ vnd weiser denn die vogel vnder dem hymmel. Aber sie werden da auch schreyen über den hohmüt der bösen/ vñ
D er wirt sie nicht erhören. Denn Gott wirt das eytel nicht erhören/ vnd der almechtige wirt es nicht ansehen. Du sprichst aber/ du werdest in nit sehen/ Aber es ist ein gericht für im/ harre sein nur/ Ob sein zorn so bald nicht heymsucht/ vñ sich nicht annympt/ das so viel laster da seind. Darumb hat Hiob seinen mund vmbsonst auffgesperret/ vñ gibt stolze teyding für mit vnuerstandt.

*(Gesenge) das ist/ der vogel gesenge/ oder geystlich/ das man in lobt inn leyd vnd vnfall/ wie der psalm auch sagt/ Et nocte canticum eius.

Das. XXXVI. Capitel.

Elihu redet weiter vnd sprach/ Harz mir noch ein wenig/ Ich will dir szeygen/ Denn ich hab noch von Gottes wegen was zü sage/ Ich will meinen verstandt weyt holen vñ meinen schöpffer beweyfen das er recht sey/ Meyne redde sollen on zweyffel nicht falsch sein/

sein/mein verstandt soll on wandel für dir sein/ Sibe Gott verwirfft die mechtigen nicht/denn er ist auch mechtig von krafft des hertze/Den Gottlosen erhellt er nicht/sondern hilfft den elenden zum rechten/ Er wendet seine augen nicht von dem gerechten/vnd die künige leßt er sitze auff dem thron ymerdar/das sie hoch bleiben/Vnd wo gefangene ligen in stöcken/vnd gebunden mit stricken elendiglich/ So verkündigt er in was sie than haben/vnd ire vntugent/das sie mit gewalt gefaren habē/vnd öffenet in das ohr zur zucht/vnd saget in/das sie sich von dem vnrechten bekeren sollen.

Gehorchen sie vnd dienen im/so werden sie in gūten tagen alt werde/vnd mit lust leben/Gehorchē sie nicht/so werde sie durch den spies laufen/vnd vergehen ehe sie es gewar werden. Die heuchler wenn sie der zorn trifft/schreyen sie nicht/wenn sie gefangen ligen/so wirt jr seel mit qual sterben/vnnd jr leben vnder den hürern. Aber den elenden wirt er auß sein elend erretten/vnd dem armen das ohr öffenē im trübsal/ Er wirt dich reyssen auß dem weiten rachen der angst die keinen bodē hat/Vnd dein tisch wirt rüge haben voll alles gūten. Du aber machst die sache der Gottlosen gūt/das jr sache vnd recht erhalten wirt/Sibe zu dz dich nicht vvilleicht vngedult bewegt habe in der qual/od groß geschēck dich nicht gebeüiget habe. Meynstu dz dein gewalt bestehen werde on trübsal/oder irgent ein stercke odder vermügen. Du darffest der nacht nicht begeren/die leut an irem ort zu überfallen/Hüt dich/vnd kere dich nicht zum vnrecht/wie du denn für elende angefangen hast.

Sibe/Gott ist zu hoch in seiner krafft/wo ist ein gesetz maker wie er ist. Wer will über in heym suchen seinen weg/vnd wer will zu im sage/du thust vnrecht. Gedentck dz du sein werck nicht weyffest/wie die leut singen/Denn alle menschen sehen in/Die leut schawen von ferne/Sibe Gott ist groß vnnd vnbekandt/seiner jar zal kan niemant forschē/ Er macht das wasser zu kleinen tropffen/vnd treibt seine wolcken zusamen zum regen/das die wolcken fließen vnd triessen seer auff die menschen/Wenn er fürnympt die wolcken zütrennen/vnd seine decke weg thut/sibe/so breytet er auß sein liecht über die selbe/vnd bedeckt das meer da her sie kommen/Denn do selbst richtet er die leut/vnd gibt speyse die fülle/Er helt die hende für vnd bedeckt das liecht/vnd gepeüt im das wid der komme. Wer sein freünd ist/der kan von im sagen/vnd der seine/kan sagen von im der über im ist.

Das XXXVII. Capitel.

Desentsetzt sich mein hertz vn bebet/Horet den schall seiner stim vnd das geschprech das von seinem mund auß gehet/Er sibet vnder allen hymeln/vnnd sein liecht scheynet auff die ende der erden/Im nach rumpelt der donner/vnd er dönert mit eim grossen schall vnnd wenn sein donner gehört wirt/kan mans nicht auffhalten/Gott

donner

Hiob. 18
vnd er
wird er

Hiob. 18
vnd er
wird er

Hiob. 18
vnd er
wird er

* (se liecht)
das ist / Er
macht schöne
ne am hymel
vnd auff
de meer do
die wolcken
her komme
vnd auffge
zoge werde

Hiob. 18
vnd er
wird er

* (verkrei-
cht) das ist/
wens don-
B
nert fleucht
man für for-
cht/ auch die
wilde thier.

Donnert mit seinem donner greulich/ vnd thut grosse ding / vnd wirt doch nicht erkant/ Er spricht zum schnee/ so ist er bald auff erden / Vnd zum platz regen/ so ist der platz regen da mit macht / Man * verkreucht sie bey allen menschen/ das die leut erkennē sollen seine werck. Das wild thier gehet in die hūle vnd bleibt in seinem ort. Von mittag her kompt wetter/ vnd vō mitternacht keltte/ Vom odem Gottes kompt frost vñ grosse wasser/ wenn er geuſt. Die dicke wolcken scheyden sich/ das helle werde/ vnd durch den nebel bricht sein liecht/ Er keret die wolckē wo er hyn will/ das sie schaffen alles was er in gebeūt auff dem erdboden / es sey über ein geschlecht oð über ein land / so man in barmherzig findt.

e Da merck auff Hiob/ stehe vñ vernym die wunder Gottes/ Weystu/ wenn Gott solchs über sie bringt: vnd wenn er das liecht seiner wolckē leſset er für brechen: Weystu/ wie sich die wolcken auß strewen: welche wunder die vollkommenen wissen. Das deine kleyder warm seind/ weñ das land still ist vom mittags wind: Ja du wirst mit im die wolckē auß breytten/ die starck seind vnd anzusehen wie ein boden. Zeyge vns/ was wir im sagen sollen/ denn wir werden nicht dahyn reychen für finster- nis. Wer wirt im erzelen das ich rede: So yemandt redet der wirt ver- schlungen/ Man sibet ja das liecht nicht/ Er macht wol helle die wolck en/ vñ der windt weht vnd machts klar/ Von mitternacht kompt gold zu lob für dem schreckelichen Gott. Den allmechtigen aber mügē sie nit finden der so groß ist von krafft/ Den er wirt von seim recht vnd güter sachen nit rechenschafft geben/ Darumb müssen in fürchtē die leut/ vnd er fürcht keine weisen.

(Gold) das
ist/ hell wet-
ter wie lau-
ter gold.

Das XXXVIII. Capitel.

21 Vnd der HERR antwortet Hiob auß ein wetter vnd sprach/ Wer ist der/ der seine gedancken verbergen will/ vnd redet so mit vnuerstandt: Gürtē deine lendē wie ein man / Ich wil dich fragen/ sage an/ bistu so klüg/ Wo warestu/ da ich die erden grundet: sa- ge mir/ weyſſeſt du wer jr das mas gesezt hat: oð wer über sie ein richt schnür gezogen hat: oder war auß stehen ire füſſe versencket: oder wer hat jr einen eckstein gelegt: Do mich die morgen stern miteinander lobe- ten/ vnd jauchzetē alle kinder Gottes. Wer hat das meer mit seinen thū- ren verschlossen/ da es erauß brach wie auß mütter leibe/ da ichs mit wol- cken kleydet vñ in tuncel eynwickelt wie in windeln/ da ich im den lauff brach mit meinem tam/ vnd setzet im rigel vnd thür vnd sprach/ bis hie- her soltu kommē vñ nicht weyter/ hie sollē sich legen deine stolzē wellē.

(schul) in
22) in an
dch) gebat
vurd) ma
qua) gna
od) man
n) blo
3) un
2) un
3) un

* (Dz) sigel
dz ist/ jr stād
vñ wese des
sie gewis sei
wollen alle
versigelt.

Sastu bey deiner zeyt dem morgen gebotten/ vnd der morgē öte iren ort gezeyget: das die ecken der erden gefasset/ vnd die gottlosen erauß ge- schüttelt wurden: * Das sigel wirt sich wandeln wie leymē/ das sie ste- hen werden wie ein kleyd/ vñ den gottlosen wirt jr liecht verweret wer- den/ vnd der arm der hoffertigen wirt zūbrochen werden. Bistu in den grund

grund des meers kommen / vnd hast inn den füßstapffen der tieffen gewandelt: Haben sich dir des todes thor ye auffgethan: odder hastu gesehen die thor der finsternis: Hastu vernommen wie breyt die erde sey: Sage an / weystu solchs alles: Welch ist der weg do das liecht wonet / vnd welchs sey der finsternis stett: das du mügest abnemen seine grenze / vnd mercken den pfad zu seinem hause: Wustestu / das du zu der zeit soltest geporn werden: vnd wievil deiner tage sein wurden:

Bistu gewesen da der schnee her kommet: od hastu gesehe wo der hage her kompt: Die ich habe verhalten bis auff die zeyt der trübsal / vnd auff den tag des streyts vnd krieges. Durch welchen weg teylet sich dz liecht: vnd aufferet der ostwind auff erden: Wer hat dem plaz regē seinen lauff außgeteylet: vnd den weg dem blitzen vnd donner / das es regent auff s land da niemandt ist / in der wüsten do kein mensch ist / das es füllet die eynöden vnd wildnis / vnd macht das gras wechset: Wer ist des regens vatter: Wer hat die tropffen des tawes gezeuget: Auf wes leibe ist das eif gangen: vnd wer hat den reiffen vnder dem hymmel gezeuget: das das wasser verborgen wirt wie vnder steinē / vnd die tieffe oben gestehet. Kanstu die band der syben sternē zusamen binden: oder das band des Orion auff lösen: Kanstu den morgenstern ersür bringen zu seiner zeit: odder den wagen am hymmel über seine kinder führen: Weyssest du wie der hymmel zu regyrn ist: odder kanstu ein ampt auff in legen auff erden:

Kanstu deinen donner inn der wolcken hoch her führen / oder wirdt dich die menge des wassers verdecken: Kanstu die blizen auflaffen / dz sie hynfarē / vnd sprechen / hie seind wir: Wer hat die weisheit vns verborgen gelegt: Wer hat den gedanken verstandt geben: Wer ist so weise / der die wolcken erzelen kunde: Wer kan die wasser schleüche am hymmel verstopffen: weñ der staub begossen wirt das er züh auff leüfft / vñ die klöße aneinander kleben.

*(verborgen) dz ist ins heitz.

Das. XXXIX. Capitel.

Kanstu der lewin iren raub zu iagen gebē: vnd das wild der lewen erfüllen / das sie sich legen in irer stett vnd rüge in der hole / dz sie lauren: Wer bereyt dem raben die speyse / wenn seine jungen zu Gott rüffen vnd schreien das sie nicht zu essen haben: Kanstu die zeyt setzen / wenn die gemsen auff den felsē geperen: odder hastu gemerckt / wenn die Hyrßschen schwanger gehen: Hastu erzelet ire monden wenn sie voll werden / odder weyssestu die zeit wenn sie geperen: Sie beugen sich wenn sie geperen / vnd reißen sich vnd lassen auß ire jungē / ire jungē werde feyßt vnd wachsen draussen / vnd gehen auß vnd kommen nicht widder zu inē / Wer hat den waldesel so frey lassen gehen: Wer hat die band des wilden esels auffgelöset: dem ich das feld zum hause gebē habe / vnd die wüste zur wonung / Er verlacht das getümel der statt / das

*(dz wild) das ist / das sie wildes genüghabē essen.

D pochen

Das Buch

pochen des treibers höret er nicht / Er schawet nach den bergē do seine weyde ist / vnd sücht wo es grüne ist.

B Meynstu das einhorn werde dir dienen / vnd werde bleyben an deiner krippen: Kanstu jm das ioch anknüpfen in deinen fürchē / das er byn der dir pflüge inn grundē: Magst du dich auff jm verlassen / das er viel vermag: vnd wirst jm lassen deine erbeyt: Magst du jm trawwen das er deinen samen dir widderbringe / vnd in deine scheune samle:

Die fittich des strausen seind schöner denn die flügel des reygers oder sperbers / Wenn er sein eyer inn der erden leyt / Kanst du sie auß bürren: Er vergisset / das sie möchten zürtrettē werden / vnd ein wild thier sie zübreche / Er wirt so hart gegē seine jungen / als weren sie nicht sein: **C** Umb sunst erbeytet er on forcht / Denn Gott hat jm die weisheit genōmen / vnd hat jm keinen verstandt mitgeteylet / Für zeyt weñ er hoch setzet / erhöhet er sich vnd verlacht beyde roß vnd man.

Kanstu dem roß kressen geben / oder seinen hals zieren mit seinem geschrey: Kanstu jm schrecken wie die hewschreckē: Das ist ^apreyß seiner nasen / was schrecklich ist / Es scharret auff den boden / vnd ist freydig mit krafft / vnd zeücht auß den geharnschten entgegē / Es spottet der fürcht vnd erschüct nicht / vnd fleücht für dem schwert nicht / weñ gleich wider es klinget der köcher / vnd glenzt beyde spieß vnd schild / Es zittert vnd tobet vnd verheeret das land / vnd ^{*}glenbt nicht / das die trommet lautte / weñ die trommet fast klinget / spricht es / Hui / vnd reücht den streit von ferne / das schreyen der fürsten vnd jauchzen.

* (Gleubt nicht) dz ist / es thut alls sey jm nichtz dumber / das doch so schrecklich ist.

^a (Preyß) das ist / es ist nur deste trotziger vnd mütiger vñ schraubt als thümet sichs wo schrecklich ding / als streyt vnd krieg / für handen ist.

Flüget der sperber durch deinen verstandt mit seinen fittichen züm mittag: Fluget der adler so hoch auß deinem befehl / das er sein nest in der höhemacht: In felsen wonet er / vnd bleibt auß den kipffen an felsen vnd in festen orten / Von dannen schawet er nach der speise / vnd seine augen sehen ferne / Seine jungen sauffen blüt / vnd wo ein af ist / da ist er.

Vnd der **HER** antwortet Hiob vnd sprach / Wer mit dem almechtigen hadern will / sol der nicht jm bey bringen: Vnd wer Gott tadelte / sol der nicht antworten: Hiob aber antwortet dem **HER** vnd sprach / Sibe / ich habe geflücht / was sol ich antworten: Ich will meine handt auß meinen mund legen / Ich habe ein mal geredt / darumb will ich nicht mehr antworten / züm andern mal wil ichs nicht mehr thun.

Das XL. Capitel.

Vnd der **HER** antwortet Hiob auß ein wetter vnd sprach / Gurtte wie ein man deine lenden / ich wil dich frage / Sage an / Soltest du mein vrteyl zü nicht machen / vnd mich verdammē / das du rechtfertig sieest: Vnd weñ du einen arm hettest wie Gott / vnd mit

mit gleicher stym donnerst als er thüt / Schmuck dich mit hoffart vnd erhebe dich / Zeuch dich löblich vnnnd zierlich an / Strewe auß den zorn vnd deines grymmes / Schaw an alle hohmütigen vnd beüge sie / vnd mache die Gottlosen dünne do sie seind / Verscharre sie mit einander in der erden / vnd versencke ire pracht inns verborgen / So will ich dir auch bekennen / das dir deine rechte handt helffen kan.

Sihe / der Behemoth den ich nebedir gemacht habe / wirt hew fresen wie ein ochse / Sihe seine krafft ist in seinen lenden / vnd sein vermügen in dem nabel seines bauchs / Sein schwantz starret wie ein cedern / die adern seiner geylhen seind verwickelt / Seine knochē seind wie eherner bören / Sein gebeine seind wie eysern stebe / Er ist der anfang der werge Gottes / der in gemacht hat / der gehet in an mit seinem schwerd. Die berge tragen im kreüter / vnd alle wilde thier spielen doselbs. Er ligt vnder dem gepusch verporgē / im rhor vñ im schlam / Das gepusch bedeckt in mit seinem schattē / vnd die bach weiden bedeckē in. Sihe / er schluckt in sich den strom / vnd schewet sich nicht / leßt sich duncken er wölle den Jordan mit seinem mund außschöpffen / Noch sehet man in mit seinen eygen augen / vnd durch fallstrick durchboret man im seine nasen.

a Behemoth heyst alle grosse vngeheure thiere / wie Leviathan alle grosse vngeheure fische. Aber darunder beschreibet er die gewalt vnd macht des teufels vnd seines gefindes / des Gottlosen haußens in der welt.

Das. XLI. Capitel.

Kinstu den Leviathan ziehen mit dem hamen / vnd seine zungen mit ein strick fassen. Kanstu im einen ring inn die nasen legen / vnnnd mit einer stachel im die backen durchboren. Meynst du er werde dir viel flehens machen odder dir heüchlen. Meynstu das du einen bund mit im machen mügest / das du in ymmer zum knecht habest. Kanst du mit im spielen wie mit ein vogel / oder in deinen diernen binden. Die gesellschafftē werden in züsneiden / das er vnder die kaußleut züteylet wirt. Kanstu das netz füllen mit seiner haut / vnd die fische reüsen mit seinem kopff. Wenn du deine handt an in legest / so gedenck / das ein streit sey den du nicht außfürē wirst. Sihe / seine hoffnung wirt im feylen / vnd wirt öffentlich verstofften werden.

Wenn er wirt erweckt / wirt er nicht so grausam sein / Denn wer ist der mir widderstehen kan. wer hat mir was züvor gethan / das ichs im vergeltte. Es ist mein was vnder allen hymeln ist. Ich will mich nicht lassen schweygen seine gelieder / noch seine macht / noch sein flehen. Wer kan im sein kleyd auffdecken. Vnd wer thar es wagen im zwyschen die zene zü greiffen. Wer kan die kynbackē seines antlytzes auffthün. Schrecklich stehen seine zene vmbher. Sein leichnam ist wie schilde / fest vnd enge in einander. Eins rürt an das ander / das nicht ein lüfflin dar zwyschen gehet. Es henger einer am andern / vnnnd halten sich züsamen / das sie nicht von einander gethan mügen werden. Sein niesē ist wie ein

Dü glenzens

b Leviathan nēnet er die grossen walfisch im meer / doch darund beschreibet er den Teüfel mit seinē anhang.

c (So grausam sein) dz ist / weil mir niemant widerstehen kan. will ich im wol weere / das er nicht so grausam sein müs.

glenzens liecht. Seine augen seind wie die augen gelied der morgenrot. Auf seinem munde sare sackeln vnd ferwige brennd. Auf seiner nasen gehet rauch wie von heissen topffen vnd kesseln. Sein odem ist gliuende kolen/ vnd auf seinem munde gehen flammē. Er hat einen starcke hals/ vn̄ ist sein lust wo er etwas verderbt. Die geliedmas seines fleychs hangen an einander/ vnd halten hart an im/ das er nicht bewegt wirt.

e Sein hertz ist so hart wie ein stein/ vnd so fest wie ein stuck vom vn̄dersten mülstein. Wenn er sich erhebt/ so entsetzen sich die starcken/ vn̄ die wellen werden trübe. Wenn man zu im will mit dem schwerd/ so reget er sich nicht/ odder mit spies/ geschos vnd panzer/ Er achtet eysen wie stro/ vnd erz wie faul holtz/ kein schutze wirt in veriage/ Die schlen der steine seind im wie stopffsel/ Den haimer achtet er wie stopffseln/ Er spottet der bebenden lantzen/ Er kan auff scharffen scherben ligē/ vnd legt sich auff scharffe wie auff tot/ Er macht das das tieffe mehr seüdet wie ein topffen/ Vnd rürets ineinander wie man eine salbe menget/ Nach im leuchtet der weg/ Er achtet die tieffe wie ein alte^b grawē/ Auffer den ist im niemant zu gleichen. Er ist gemacht on furcht zu sein/ Er sibet alles hohe/ Er ist ein künig über alle kinder des hohmüts.

b (Grawen) das ist/ er schwimmet vnd lebet im meer wie er will/ das man seinen weg von ferne sibet/ vnd achtet das meer/ wie einen alten/ das im zu schwach sey. Das ist alles auch des teufels wesen inn der welt/ do tobet/ hirschet vnd waltzet/ wie er will.

Das XLII. Capitel.

Vnd Hiob antwortet dem HERRN vnd sprach/ Ich erkenne/ das du alles vermagst/ vnd kein gedancken ist dir verborgen/ Es ist ein vnbesonnen man/ der seinen radt meynet zu verbergen/ Darumb hab ich vnweislich geredt/ das mir zuhoch ist vnd nicht verstehe. So erhöre nu/ las mich reden/ ich will dich fragen/ sage mir/ Ich habe dich mit den oren gehört/ vnd mein auge sibet dich auch nu/ Darumb schuldige ich mich vnd thū büsse/ inn staub vnd asschen.

B Danu der HERR dise wort mit Hiob geredt hatte/ sprach er zu Eliphaz von Theman/ Mein zorn ist ergrymmet/ über dich vnd über deine zwen freünde/ Denn jr habt nicht recht von mir geredt wie mein knecht Hiob/ So nemet nu sieben farren vnd sieben widder/ vnd gehet hyn zu meinem knecht Hiob/ vnd opffert brandopffer für euch/ vnd laßt meinen knecht Hiob für euch bitten/ Denn in will ich ansehen/ das ich euch nicht sehen lasse wie jr thorheit begangen habt/ Den jr habt nicht recht geredt wie mein knecht Hiob. Da giengen hyn Eliphaz von Thema/ Bildad von Suha/ vnd Zophar von Naema/ vnd thetten wie der HERR in gesagt hatte/ Vnd der HERR sahe an die person Hiob/ vnd der HERR wandt sich zu Hiob/ do er bat für seine freünde.

Vnd der HERR gab Hiob zwifeltig so viel als er gehabt hatte. Vn̄ es kamen zu im alle seine brüder vnd alle seine schwester/ vnd alle die in vorhyn

vorhyn kanden/vnd assen mit jm in seinem hause/vnd kerete sich zu jm
 vnd trösteten in/über allem übel das der **S****E****R****R** über in hatte komen
 lassen/vnd ein yglicher gab jm einen grosschen vnd ein gülden klein
 odt. Vnd der **S****E****R****R** segenet hernach Hiob mehr denn vor D
 hyn/das er freyg vierzehē tausent schaff vnd sechs tausent
 kameel/vñ tausent joch rinder/vnd tausent esel / Vnd
 freyg sieben söne vñnd drey töchter/Vnd hieß die
 erste Jemina/die ander Kezia / vnd die dritte
 Kerenhapuch/vnd wurde nicht so schön
 ne weiber fundē in allen landen / als
 die töchter Hiob / vnd jr vatter
 gab jnen erbteyl vnder jren
 brüdern. Vnd Hiob
 lebet nach disem /
 hundert vñnd
 vierzig jar/
 das er sa
 he kinder vnd Kindes
 kinder bis in das vierde gelied/
 Vnd Hiob starb
 allt vnd le
 bens satt.

*

Ende des Buchs Hiob.

Im. xxiiij. Capitel Hiob/bald nach dem anfang lies/nicht verborzen sein

Bist die Ebreische Sprache so reiche /
 das keine Sprach sie mag gnügsam erlangen. Denn sie hat viel
 wörter die da / singen / loben / preysen / ehren / frewen / betrüb-
 en zc. heysen / da wir kaum eines haben. Vnd sonderlich im
 göttlichen heyligen sachen ist sie reich mit worten / das sie wol zehen na-
 men hat / da sie Gott mit nennet / da wir nicht mehr haben den das eyni-
 ge wort / Gott / das sie wol billich ein heylige Sprache heysen mag. Der-
 halben keine verdolmetschung so frey gehen kan / als im Ebreische selbs
 lautet / on was noch ist der verblümeten wort / die man figuras nennet /
 darinnē sie auch alle zungē übertrifft. Doch dz der Psalter an etliche ort
 tern deste heller werde / will ich etliche wörter hie weyter aufstreichen.

Im Psalter vnd sonst hyn vnd widder / begegnet offft dise zwey wort
 beyeynander / barmhertzigkeit vnd warheit / welche von etlichen seind
 wild vnd wüst gezogen / die habe ich verdeutschet also / güte vnd trewe /
 vnd ist eygentlich / das wir auff frey teutsch sagen / Liebe vñ trew / weñ
 wir pflegē zū sagen / Er hat mir liebe vnd trew beweiset. Aber ich hab
 nicht törfen wagen so frey zūerdeutschen / Denn Heseu / das sie barm-
 hertzigkeit / vnd ich güte habe verdeutschet / heyst eygentlich das / wenn
 man yemand freundschaft / liebe odder wolthat erzeygt / wie es Chri-
 stus Matt. xij. aus Hosea selbs deutet vnd spricht / Ich habe lust an der
 barmhertzigkeit vnd nicht am opffer / das ist / Ich will das man freünd-
 schafft / liebe / vnd wolthat beweise / lieber denn opffern.

So heyst warheit / trew / das man sich auff einen verlassen darff / vñ
 zūflucht zū im habe / vnd der selbe halte / was er geredt / vñnd wes man
 sich zū im versihet. Also leßt sich Gott auch rühmen gegen vns inn der
 schrift allenthalben / das er barmhertzig vnd trew sey / das ist / das er lie-
 be vnd trew beweiset / vnd vns alle freundschaft vnd wolthat erzeyg-
 et / vnd wir vns auff in verlassen mügen tröstlich / das er thüt vnd hellt
 trewlich / wes man sich zū im versihet. Solche trew vnd warheit heist
 Emeth. Daher kompt Emuna / welchs S. Paulus selbs auf Abakuck
 verdolmetscht / glaube. Ro. i. Der gerecht lebet seins glaubēs. Vñ wirt
 im Psalter offft zū Gott gesagt / Dein glaube odder in deinem glauben /
 drum das er solchen glauben gibt vnd auff seine trew bauet. Das die
 zwey wort / warheit vnd glaube im Ebreischen fast gleich / vñnd schier
 eins für das ander genommen wirt. Wie auch auff teutsch wir sagen /
 Der hellt glauben / der warhafftig vnd trew ist / Widder umb wer mis-
 trewet / den hellt man für falsch vnd vngleübig.

Darnach kommen die zwey wort / gericht vñnd gerechtigkeit / welche
 wir auch nicht wol geben können / Denn das wörtlin gericht / wens al-
 leine stehet / heist es etwa ein richter ampt / als psalm. vij. Erwecke das
 gericht das du gebotten hast / Vnd richte heist den regiern. Etwa heist
 es Gottes gebott / als psalm. cxviii. Lere mich deine gerichte. Item eine
 gewonheit

IIXX Vorrede auff den Psalter.

gewonheit odder recht / als **Exo. xxij.** Er sol mit jr thun nach de gericht der tochter / das ist / tochter recht / odder wie man einer tochter pflegt zu thun zc. Wens aber bey dem wort / gerechtigkeit / stehet / so ist es des gerichtes werck die helfft / nemlich / das vrteyl da mit das Gottlos vnnnd vnrecht verurteylt / gehasset vn gestrafft wird / Vnd gerechtigkeit heist das ander teyl / damit die vnschuld beschirmet / erhalten vnd gefordert wird. Dises alles wolt ich auff teutsch gerne sagen / Recht vnd redlich / Als man spricht / Er hat die sache recht vnd redlich gewonnen. Aber ich durfft nicht so weyt von den Worten gehen.

Wenn nu im Psalter odder sonst dir furtkompt / das er nicht schlecht von gericht vnd gerechtigkeit / sondern von Gottes gericht vnd gerechtigkeit redet / odder zu Gott spricht / Deine gericht vnd gerechtigkeit / so mußt du durch die gerechtigkeit den glauben verstehen / vnd durchs gericht die tödtung des alten Adams / Denn Gott durch sein wort beydes thut. Er verurteylet / verdampft / strafft / vnd tödtet was fleysch vnnnd blüt ist / rechtfertiget aber vnnnd macht vnschuldig den geyst durch den glauben. Das heissen den Gottes gericht vnd gerechtigkeit. Das gericht übet er durchs wort seins gesetzes. **Rom. viij.** Das gesetze tödtet / Die gerechtigkeit durchs wort des **Euangelij** / welches der geyst durch den glauben annimpt.

Rom. i. wie das fleysch die tödtung durch gedulde leyden muß. Der gleichen mehr wirt mit der zeit die übung selbs klar vnnnd erkendlich machen.

★

I



Die Blöde der nicht wandelt im rat

der gottlosen / noch tritt auff den weg der sündler /
noch sitzt da die spotter sitzen. Sondern hat seine
lust am gesetz des HERRN / vnd redet von seine
gesetz tag vnd nacht. Der wirt sein / wie ein baum
gepflanzt an den wasser bechen / Der seine frucht
bringt zu seiner zeit / Vnd seine bletter werden nicht
verwelcken / vnd was er schafft wirt im gelingen. Aber so wirdts den
gottlosen nicht gehen / Sondern wie der sprew die der wint verstreuet.
Darumb werden die gottlosen im gericht nicht stehen bleiben / noch
die sündler in der gemeyne der gerechten. Denn der HERR kñet den
weg der gerechten / aber der gottlosen weg wirt umbkommen.

a (gericht)
dz ist sie wer
dent weder
ampt habē/
noch sonst i
der chriſten

II



Arumb toben die Heyden / vnd die leut reden so vergeblich
Die künige im lande lehnen sich auff / vnd die radhern rat
schlahen miteynander / Widder den HERRN vnd sein
en gesalbeten. Laſt vns zureiſſen ire bande / vnd von vns
werffen ire seyle. Aber der im hymmel wonet / wirt ir lachē / Vnd der
HERR wirt ir spotten. Da wirt er mit ir reden in seinem zorn / vnd
mit seinem grym wirt er sie schrecken. Aber ich habe meinen künig eyn
gesetzt / auff meinen heyligen berg Zion. Ich will von dem satz predig
en / Das der HERR zu mir gesagt hat / du bist mein son / heutthe hab ich
dich gezeüget. Heyſſche von mir / so will ich dir die heyden zum erbe ge
ben / vnd der welt ende zum eygenthumb. Du solt sie mit dem eisern ze
pter züschlagen / wie eins topffers gefess soltu sie züschmeiſſen. So seit
nu flug ir künige / vnd laſt euch züchtigē ir richter im lande. Dienet dē
HERRN mit forcht / vnd frewet euch mit zitern. Küſſet den son das
er nicht zürne / vnd ir den weg verlieret. Denn sein zorn wirt bald anb
ren / aber wol allen die auff ir trawen.

gemeyn blei
bē / ſa sie ver
enderen sich
selbs ab wie
die sprewe
vom koin.

(küſſet) das
ist / nemet ir
an mit ehre.

III

Ein Psalm David / do er floch für seinem son Absalom.

HERR / wie ist meiner feynde so viel / vnd setzen sich so viel
widder mich. Uiel sagē von meiner seel / Er hat keine hülfte bei
Got. Sela. Aber du HERR bist d schilt für mich / vñ d mich zü ehre
setzt / vnd mein heubt auffricht. Ich wil mit meiner stim den HERRN
anrüſſen / So wirt er mich erhöre von seine heyligē berge. Sela. Ich
lag vnd schlieff / vnd bin erwacht / Denn der HERR enthellt mich.
Ich fürchte mich nicht für hundert tausent volcks / Die sich vñher wi
der mich legen. Auff HERR / vnd hilff mir mein Gott / Denn du
schlegst alle meine feinde auff den backē / vñ zübrichst der gottlosen zene.
Bey dem HERRN stehet die hülfte / vnd dein segē über dein volck.

Ein

Der Psalter.

IIII

Ein Psalm David / hoch zu
singen auff seyt
ten spielen.

Gleich wie man mit zwei stymmen singt eine über die andern in der höhe.

Hörhe mich wenn ich ruffe / Gott meiner gerechtikeit / der du mich
tröstest in angst / Sey mir gnedig vñ höre mein gebet. ^b Ir men
ner wie lange soll mein ehre züschandē werden? Wie lang wöilt
jr das vnnütze lieben vnd trachten nach der lügen? Sela. Erkennet
doch / das der **HERR** seine heyligen wunderbarlich füret / der **HERR**
wirt hören wenn ich in anruffe. Zürnet jr / so sündiget nicht / redet mit
ewrem hertze auff ewrem läger / vnd harret. Sela. Opffert rechte opf
fer / vnd hoffet auff den **HERRN**. Viel sagen / wer zeyget vns was
güt ist / Aber **HERR** erhebe über vns das liecht deines andtlizs.
Damit du gibst freüde in mein hertz / Sie aber werden groß wenn sie
korn vnd most für sich haben. Ich will mich gantz mit Friden legē vnd
schlaffen / Denn du **HERR** alleine lesest mich sicher wonen.
^b (Männer) dz ist / die jr nu kein kinder seyt vnd billich verstendig sein solt.

V

Ein Psalm David / hoch zu sin
gen für das erbe.

H^a **HERR** höre meine wort / merck auff meine rede. Hab acht auff
mein schreyen / mein künig vnd mein Gott / Den ich will für dir
beten. **HERR** des morgens woltestu meine stym hören / Des
morgens will ich mich schicken vnd auff schawen. Denn du bist nicht
ein Gott / dem gottlos wesen gefellt / Was böse ist / bleibet nicht für dir.
Die tollē werdē nicht tretten für deine augē / Du bist seynd allen übel
thetern. Du wirst die lugener vmbbringen / Der **HERR** hat einen
grewel an den blütgygē vnd vntrewē. Ich aber will inn dein haus
gehen auff deine grosse güte / vnd anbeten gegen deinem heyligen tem
pel inn deiner furcht. **HERR** leyttē mich inn deiner gerechtikeyt / vñ
meiner seynde willen / richte deinen weg für mir her. Denn inn irem
mund ist nichts * gewisses / jr inwendigs ist vnglück / jr rachen ist ein of
fens grab / mit iren zungen heüchlen sie.

* Vngewiß vnd vnglück heist er irelere / damit sie die gewissen voll vnrüge vnd hertzenleid ma
chen / vnd nymmer ein bestendig sicher gewissen machen.

Schuldige sie Gott / das sie fallen von irem fürnemmen / stosse sie auß
vmb irer grossen übertrettungen willen / Denn sie seind dir vngeloh
sam. Was sich frewen alle die auff dich trawen / ewiglich las sie rüh
men / denn du beschirmest sie / frölich las sein alle die deinen namen lie
ben. Denn du **HERR** wirst die gerechten segē / Deine gunst wirt sie
wie mit eim schilt vmbbringen.

Ein

VI

Ein Psalm David / hoch zu singe
auff seyttenspielen von
acht seytten.



A HERR straff mich nicht in deinem zorn / vnd züchtige
mich nicht in deinem grym. HERR sey mir gnedig / Den
ich bin schwach. Heyle mich HERR / Denn mein gebeyn
sind erschrocken / vnnnd meine seel ist seer erschrocken / Ah du
HERR wie lange? Wende dich HERR vnd errette meine seele /
hilff mir vmb deiner güte willen. Den in dem tod gedencet man dein
nicht / Wer will dir inn der hellen dancken? Ich hab mich geerbeytet
mit meinen seuffzen / Ich schwemme mein bettthe die ganze nacht / vnd
weyche mit meinen threnen mein läger. Mein gestalt ist verweset für
dem zorn / vnd ist allt worden / Denn ich allenthalben geengstet werde.
Weichet von mir alle übelthetter / Denn der HERR hat die stymm
meins weynens gehört. Der HERR hat mein flehē gehört / Mein
gebet hat der HERR angenommen. Es müssen sich all meine feyn-
deschemen vnd erschrecken / sich vmbkeren vnd sich schemen plözlich.

(Zorn) dz ist
gottes zorn
vnd straff.
c

VII

Die vnschuld David / dauon er sang dem
HERRN / von wegen der
des moren / des sons Jemini.

* Das seind die wort Simej. ij. Regum. xvj. der. in
schuldiget einen Blüthund.

A Vff dich HERR traw ich mein Gott / hilff mir von allen mei-
nen veruolgern vnnnd errette mich. Das er nicht wie ein lewe
meine seelerhassche / vnnnd züreise / weil kein erretter da ist.
HERR mein Gott / hab ich solchs gethan / vnd ist vnrecht in meinen
henden. Hab ich böses vergolten die Frid mit mir haben / odder meine
feinde on vrsach aufzogen. So veruolge mein feynd meine seele vnnnd
ergreiffe sie / vnd zürtrette inn die erden mein leben / vnd lege meine ehre
in den staub. Sela. Stehe auff HERR inn deinem zorn / erhebe dich
über den grym meiner feynde / vnd erwecke mir das gericht / das du ge-
botten hast. Und laß sich die gemeyne der leutte / vmb dich her saml-
en / vnnnd komm vmb der selben willen widder empör.

a (Gericht) Das ist / hilff mir wider inn das ampt das du mir beuolhen hast / auff das sich also das
volck widder zu dir finde.

Der HERR richtet das volck / Richtemich HERR nach mein-
er gerechtigkeit vnd frumbkeit.

b (Richtet) Das ist / nicht ich noch yemandt / sondern Gott selbs allein regirt im volck.

Was der gottlosen bosheit ein end werden / vnd fordere die gerechten /

Herr Denn

Denn du gerechter Gott brüfest hertzen vnd nieren. Mein schild ist vñ
 Gott/der den auffrichtigen von hertze hilffet. Gott ist ein rechter rich-
 ter/vnd ein Gott der teglich dretet. Will man sich nicht bekeren/so
 hat er sein schwerdt gewerzt/vnd seinen bogen gespannet vñnd zieleet.
 Und hat auffgelegt tödtlich geschos / seine pfeyle hat er zügericht zü
 brennen. Sibe/der hat böses im synn/mit vnglück ist er schwanger/
 Er wirt aber einen feyl geben. Er hat eine gruben graben vnd auf-
 gefurt/vnd ist inn das loch gefallē/das er gemacht hat. Sein vnglück
 wirt widder auff seinen kopff kommē/vnd seiner freuel auff seine scheyt-
 tel fallen. Ich dancke dem **HERREN** vmb seiner gerechtigkeit wil-
 len/vnd will loben den namen des **HERREN** des allerhöchsten.

VIII

**Ein Psalm David über Githith
 hoch zü singen.**

*Was dise Githith sey/ist noch vnberuust/es heysset
 aber eine keldier auff teutsch.*

HERR vnser hirscher/wie herlich ist dein name in allen lan-
 den/daman dir danckt im hymmel. Auf dem mund der jung-
 en kinder vnd seüglingen hastu eine macht zügericht/vmb dei-
 ner feinde willen/ Das du schweygest den feynd vnd den rachgirigen.
 Denn ich werde sehen die hymmel deiner finger werck / Den monden
 vnd sternen/die du bereyttet hast. Was ist diser mensch/das du sein ge-
 denckest/vnd des menschen son/das du auff in sibest. Du wirst in ein
 wenig lassen mangeln an Gott/Aber mit ehren vnd schmuck wirstu in
 krönen. Du wirst in züm herin machen über deiner hende werck/alles
 hast du vnder seine füsse gethan. Schaf vnd ochffen all züm al / Dazu
 auch die wilden thier. Die vogel vnder dem hymmel/vnd die fisch im
 meer/vnd was durchwandelt die wege im meer. **HERREN** vnser hir-
 scher/Wie herlich ist dein name inn allen landen.

IX

**Ein Psalm David hoch zü singen
 von der jugent des sons.**

Ich will dancken dem **HERREN** von ganzem hertzen/vnd
 will alle deine wunder erzelen. Ich will mich frewen vnd frö-
 lich seyn/vnd loben deinen namen du allerhöchster. Das du
 meine feynde hynder sich getriben hast/Sie seind gefallen vnd vmbko-
 mē für deinem angesicht. Denn du hast mein recht vnd sach auf gefurt.
 Du sizest auff dē stül ein rechter richter. Du hast gescholten die hey-
 den/vnd die gottlose; vmbbracht/ iren namen hast du vertilget ymer
 vnd ewiglich. Die schwerdre des feinds habē ein ende/ Die stette hast
 du vmb-

du umbkeret/ir gedechtnis ist vmbkommen mit inen. Der **HERR** e
aber bleibt ewiglich / Er hat seinen stül bereyt züm gericht. Und er
wirdt den erdboden recht richten / vnd die leüt regirn auffrichtiglich.
Und der **HERR** ist des armen schutz / ein schutz zür zeyt der angst.
Darumb werden auff dich hoffen die deinen namen kennen / Denn du
verledest nicht / die dich **HERR** süchen. Lobet den **HERRN** der **S**
zü Zion wone / Verkündiget vnder den leütten sein thün. Denn er ge
denckt vnd fragt nach irem blüt / Er vergisset nicht des schreyens der ar
men. Sey mir **HERR** gnedig / Siehe an mein elend vnder den feyn
den / Der du mich erhebest aus den thoren des todes. Auff das ich er
zele all deinen preis in den thoren der tochter Zion / das ich frölich sey in
deinem heyl. Die heyden seind versuncken inn der grüben die sie züge
richt hatten / ir süß ist gefangen im netz / das sie gestellet hatten. Der
HERR ist erkandt / das er recht schaffet / der Gottlos ist verstrickt in **S**
dem werck seiner hende. Sela. Die Gottlosen müssen zür helle gefe
ret werden / alle heyden die Gottes vergessen. Denn er wirt des ar
men nicht so ganz vergessen / vnd die hoffnung der elenden wirdt nicht
verloren sein ewiglich. **HERR** stehe auff / das menschen nicht über
handt kriegen / las alle heyden für dir gerichtet werden. Setze ihn
HERR eynen lerer / Das die Heyden erkennen / das sie menschen
seind. Sela.

H^X**HERR** warumb trittest du so ferne / verbirgest dich zür zeit der **A**
not? Wenn der Gottlose über handt nimpt / müß sich leiden
der arme / Sie treiben iren mütwillen wie sie es fürnemmen.
Denn der Gottlose ehümet sich wie es im gelust / vnd der geytzige se
genet sich vnd lestert den **HERRN**. Der Gottlose / weil sein zorn **B**
fort gehet / fraget er nach niemandt / alle seine anschlege seind on Gott.
Er treibt sein thün ymmerdar / Deine gericht seind hoch vō im / er han
delt trozig mit seinen feinden. Er spricht inn seinem hertzen / ich wer
de nymmermehr vmbgestossen werden / Es wirdt nicht not haben.
Sein mundt ist voll flüchens / listis vnd trugs / vnder seiner zungen ist
mühe vnd erbeyt. Er sitzt auff der laur in den höfen / er erwürget die
vnschuldigen heimlich / Seine augen haben acht auff den armen hauf
fen. Er lauret im verborzen / wie ein lew inn der hülle / Er lauret das e
er den elenden erbassche / vnd erbassche in wenn er in in sein netze zeicht.
Er züschlecht vnd krümpt vnd fellet den armen hauffen mit seiner ge
walt. Er spricht inn seinem hertzen / Gott hats vergessen / Er hat sein
andtliz verborge / Er sibets nicht mehr. Stehe auff **HERR** Gott /
erhebe deine handt / vergifs der ellenden nicht. Darumb soll der Got
tlose Gott lestern / vnd sprechen inn seinem hertzen / Du fragest nicht dar
nach? Du sihest ja / Denn du schawest das ellend vnd jamer / das dir **S**
E iij in die

Der Psalter.

inn die hend geben werde/ Der arme hauffe wirts dir heym stellen/ Du bist der weysen helffer. Zübrich den arm des gottlosen / vnd suche den bösen/ so wirdt man sein gottlos wesen nymmer findē. Der **HERR** ist künig immer vnd ewiglich / jr heyden werdet auß seinem land vmbkommen. Das verlangē der elenden h̄rest du **HERR** / jr hertz wirt sich richten / das dein ohre drauff mercke. Das du recht schaffest dem weysen vnd armen/ Das der mensch nicht mehr freuel sey auff erden.

XI

Ein Psalm Davids hoch zū singen.

Ich traw auff den **HERRN** / wie sagt jr denn zū meiner se-
le/ sie soll fliegen wie ein vogel auff ewre berge? Denn sihe/ die
gottlosen spannen den bogen/ vnd legen ire pfeyle auff die sehn-
en/ damit zū schiessen im tunceln auff die so auffrichtig seind von hertz-
en. Denn sie haben den grund vmbgerissen/ Was sol der gerechte dar-
zū thun? Der **HERR** ist in seinem heyligen tēpel/ des **HERRN**
stül ist im hymmel/ Seine augen sehen drauff/ seine augen liede prüffen
der menschen kinder. Der **HERR** prüffet den gerechten/ Seine seel
hasset den gottlosen/ vnd der do freuel liebet. Er wirt regenen lassen
liber die gottlosen strick/ sewr/ schwefel/ vnd windt des vngewitters
wirdt er in eynschencken zū lohn. Der **HERR** ist gerecht vnd hat
gerechtigkeit lieb/ Darüb das jr angesichte schawē auff das do recht ist.

XII

Ein Psalm David hoch zū singen
auff acht seyten.

Nuff **HERR** / die heyligen haben abgenommē/ vnd der gleü-
bigen ist wenig worden vnder den menschen kindern. Einer
redet mit dem andern vnnütze ding/ vnd reden heüchley mit
vneynigem hertzen. Der **HERR** rotte auß alle heücheley / vnd die
zungedie da stolz redet. Die da sagen/ vnser zunge soll überhandt ha-
ben/ vns gepürt zū redē/ wer ist vnser herr? Weil dann die elenden ver-
stört seindt vnd die armen seüßzen/ will ich auff/ spricht der **HERR** /
Ich will ein heyl auffrichten/ das getrost darinn handeln soll. Die re-
dedes **HERRN** seind lautter/ wie durchsewit sylber im erdenem ti-
gel/ bewerdet syben mal. Du **HERR** woltest sie bewaren vnd vns
behüten für disem geschlecht ewiglich. Es seind Gottlosen vmb vnd
vmb/ Wenn vnder den menschen kindern die losen erh̄bet werden.

XIII

Ein Psalm Davids
hoch zu singen.

HERR wie lange wilt du mein so gar vergessen? wie lange ver-
birgest du dein andtlich für mir? Wie lange soll ich radt such-
en in meiner seele/vnd leyd tragen inn meinem hertze? wie lang
soll sich der feynd über mich erheben? Schaw doch vnd erhöre mich
HERR mein Gott/erleuchte meine augen/das ich nicht im todt ent-
schlasse. Das nicht mein feyndt thume/er sey mein mechtig worden/ B
vnd meine widder sacher sich nicht frewen/das ich vmbgestossen sey.
Ich hoff aber auff deine gütte/mein hertz frewet sich deins heyls.
Ich will dem HERRN singen/das er mir widder auffgeholfen
hat.

XIIII

Ein Psalm David/
hoch zu singen.

Die narren sprechen inn irem hertzen/Es ist kein Gott/sie seind A
verderbet vnd gewulich worden in irem thün/das ist keiner der
güts thū. a (Narren) Heißt die schrifflose leute die nach Gott nicht fragen.

Der HERR sahe vom hymmel auff der menschen kinder/das er se-
he/obyemandt verstendig were vnd nach Gott fraget. Aber sie wa-
ren aufgewichen/vnd alle mit eynander vntüchtig/Da war keiner der
güts thet auch nicht einer. Wöllen denn nicht erkennen die übelthe-
ter/die mein volck fressen das sie nur zu essen haben/Den HERRN C
rüffen sie nicht an. Daselbs b fürchten sie sich/Denn Gott ist bey dem b
geschlecht der gerechten. b (fürchten) das ist/sie machen gewissen/das keins ist/dienen
Gott das er nicht gepotten hat.

Ir habt verhonet des armen radt/das Gott seine züuersicht ist.
Wer wirt Israel zu Zion helffen? Wenn der HERR seines volcks ge-
fencnis wende wirt/so wirdt Jacob frölich sein vnd Israel sich frewe.

XV

Ein Psalm Davids.

HERR wer wirt wonen in deiner hütten? wer wirt bleibē auff A
deinem heyligen berge? Wer on wandel einher gehet vnd
thüt recht/vnnd redet die warheit von hertzen. Wer mit seyner zung-
en nicht nachredet/vnnd seinem nehisten kein leyd thüt/vnnd wid-
der seinen nehisten keine schmach auffspringt. Verachtet seind für im B
die vntüchtigen/aber er ehret die so den HERRN fürchten/
Der da schweret seynem nehisten vnnd ennderts nicht. Wer seyn
gelltdt nicht auff wücher gibt/vnnd nympt nicht geschenke über den
E iij vnschul-

vnschuldigen. Wer das thut/der wirt wol bleiben werden.

XVI

Ein gülden kleynod Davids.

BEware mich Gott/ Denn ich trauwe auff dich. Ich hab gesagt zü dem **HERRN**/ du bist der **HERR**/ Ich hab nicht güt bey dir. All mein lust ist an den heyligen/ die auff erden seind/ vnd an den trefflichen. Ir er gözen ist viel worden/ den eylen sie nach/ Ich will dere/ die vom blüt seind/ tranck opffer nicht opfferen/ noch iren namen in meinem munde führen. Der **HERR** aber ist mein güt vnd mein teyl/ Du erhelltest mein erbteyl. Das los ist mir gefallen auffss liebliche/ Mir ist worden ein schon erbteyl. Ich will den **HERRN** loben der mir geraten hatt/ Auch haben mich meine yeren des nachts gezüchtiget. Ich hab den **HERRN** allzeit für augen/ Denn er ist mir zür rechten/ drum werde ich wol bleyben. Darumb frewet sich mein hertz vnd mein ehre ist frölich/ Auch mein fleysch wirdt ligen sicher. ^a (Ehre) das ist meine zunge da ich mit ehre vnd preyse. Denn du wirst mein seele nicht inn der helle lassen/ vnd nicht zügeben/ das dein heylige sehe die grüben. Du wirst mir kundt thün den weg züm leben/ für dir ist freude die fülle/ vnd lieblich wesen zü deiner rechten ewigklich.

XVII

Ein gebett Davids.

HERR höre die gerechtigkeit/ merck auff mein rüffen/ vernym mein gebett/ das nicht auß falschem munde gehet. Was mein gericht von dir außgehen/ Deine augen las sehen was recht ist. Du hast mein hertz geprüffet/ vnd des nachts heymgesucht/ vnd hast mich geleüttert vnd nichts funden/ Ich hab mir fürgesetzt/ das mein mund nicht soll übertretten. Ich hab mich bewart inn dem wort deiner lippen/ für menschen werck auff dem wege des reubers. Erhalt meinen gang auff deinen süßsteygen/ das meine tritt nicht gleytten. Ich rüffe zü dir Gott/ das du wolltest mich erhören/ Neyege deine oren zü mir/ höre meine rede. Beweise deine wunderliche güte du heyland der die dir vertrauen/ widder die so sich widder deine rechte handt setzen. Behüte mich wie einen augapffel im auge/ beschirme mich vnder dem schatten deiner flügel. Für den Gottlosen/ die mich verstorre/ für meinen feynden/ die vmb vnd vmb nach meiner seelen stehen. Sie haben sich mit iren ^b fetten beschlossen/ Sie reden mit irem mund/ stolz.

^b (Fetten) Das ist/ die grossen vnd gewaltigen seind des eins worden.

Wo wir

Wo wir gehen so vmbgeben sie mich / jr augen richten sie dahyn / das sie vns zur erden beugen. Er ist gleich wie ein lewe / der des raubs begert / wie ein junger lewe der inn der hule sitzt. **HERR** mach dich auff / überweldige in vnd demütige in / errette meine seele von den Gottlosen mit deinem schwerdt. Von den leuten deiner hand / von den leuten dises lebens / welche iren lohn haben inn irem leben / welchen du den bauch füllest mit deinem schatz / die da kinder die fülle haben / Vnd lassen jr übriges iren jungen. Ich aber wil schawen dein andtlich inn gerechtigkeit / Ich will satt werden / wenn dein bild auffwacht.

XVIII

Ein Psalm hoch zu singen / Davids des **HERRN** knecht / welcher hat dem **HERRN** die wort dises liedes geredt / zur zeit da in der **HERR** errettet hatte von der hand aller seiner feynde / vnd vō der hand Saul vnd sprach.

Ich bin dir hold **HERR** / meine stercke / **HERR** mein fels / meine burg / mein erretter / mein Gott / mein hort / auff den ich trawe / Mein schild / vnd horn meus heyls vnd mein schutz. Ich will den **HERRN** anruffen mit loben / so werde ich vō meinen feynden erlöset. Denn es vmbfiengen mich des todes peyn / vnd die beche Belial erschreckten mich. Der hellen peyn vmbfiengen mich / vnd des todes not überweldiget mich. Wenn mir angst ist / so ruff ich den **HERRN** an / vnd schrey zu meinem Gott / so erhoret er meine stym von seinem heyligen tempel / vnd mein geschrey kompt für im zu seinen oren. Die erde bebete vnd ward bewegt / vnd die grundfeste der berge regten sich vnd bebeten da er zornig war. Dampff gieng auff von seiner nasen / vnd verzerend feu von seinem munde / kolen entbranten davon. Er neygete den hymel vnd fur erab / vnd tuncel war vnder seinen füßen. Und er steyg auff den Cherub vnd foch / Er schwebt auff den sittichen des winds. Er verdeckete sich mit finsternis vmbher zu seym gezellt / mit finster wasser inn den dicken wolcken. Seine wolcke vergiengen für seim glantz / für im hagel vnd feu kolen. Und der **HERR** donnert im hymel vnd der höhst ließ auß seinen donner / hagel vnd feu kolen. Er schos seine pfeyle vnd strewet sie auß / Er
lies

ließ seer blitzen vnd schrecktet sie. Da sahe man wasser güsse / vnnnd die
 e grundfeste des erdtbodden wurden geöffent **HERR** von deinem
 schelthen / von dem odem vnd schnaubē deiner nasen. Er schicket aus
 von der höhe vnnnd holet mich / vnnnd zoch mich auß grossen wassern.
 Er errettet mich von meinen starcken feynden / Von meinen hassern/
 die mir zū mechtig waren. Die mich überweldigeten zur zeit meins vn-
 falls / Vnd der **HERR** ward meine zūuersicht. Vnnnd er füret mich
 auß inn den rawm / Er reys mich erauß / Denn er hatte lust zū mir.
 Vnd der **HERR** wirt mir vergelten nach meiner gerechtigkeit / Er
 s wirt mich bezalen nach der reynigkeit meiner hende. Denn ich habe be-
 waret die wege des **HERRN** / vnd bin nicht Gottlos gewesen wid-
 der meinen Gott. Denn alle seine rechte seind für mir / vnd seine sitten
 werffe ich nicht von mir. Sondern ich will on wandel sein bey jm / vñ
 mich behüten vor meiner sünde. Darumb wirt mir der **HERR** ver-
 gellten nach meiner gerechtigkeit / nach der reynigkeit meiner hende für
 seinen augen. Bey den heyligen wirst du heylig sein / vnnnd bey den on
 wandel wirstu on wandel sein / vnd bey den reynen wirst du reyn sein /
 vnnnd bey den verkereten wirst du verkeret sein. Denn du wirst dem
 ellenden volck helffen / vnnnd die hohen augen nydigen. Denn du er-
 leuchtest meine leuchte / Der **HERR** mein Gott wirdt meine finster-
 nis liecht machen. Denn mit dir kan ich kriegs volck zūschmeissen /
 vnnnd mit meynem Gott über die mauren springen. Gottes wege
 e seind on wandel / die redde des **HERRN** seind durchleittert /
 Er ist ein schild allen die jm vertrauwen. Denn wo ist ein Gott on
 der **HERR**: odder ein hort on vnsern Gott? Gott hat mich vmb-
 gürttet mit krafft / vnnnd hat meine wege on wandel gemacht. Er ma-
 chet meine füsse gleich den hyssen / vnd stellet mich außf meine höhe.
 Er leret meine handt streyten / vnd leret meinen arm den ehern bogen
 spanne. Vnd gibst mir das schild deins heyls / vnd deine rechte sterckt
 mich / vnd weiß du mich demütigest machst du mich groß. Du machst
 vnder mir rawm zū gehen / das meine knöchel nicht gleytten. Ich will
 s meinen feynden nachjagen vnd sie ergreiffen / vnd / vnd nicht vmbkerē /
 bis ich sie vmbbracht habe. Ich will sie zūschmeissen das sie nicht blei-
 ben sollen / Sie müssen vnder meine füsse fallen. Du wirst mich rüste
 mit stercke zūm streyt / Du wirst vnder mich werffen / die sich widder
 mich setzen. Du gibst mir meine feynde inn die flucht / Das ich meine
 hassere verstöre. Sie rieffe / aber da ist kein helffer / zūm **HERRN** / aber
 er antwortet in nicht. Ich will sie zūstossen wie staub für dem wind /
 G Ich will sie weg werffen wie den kott auß den gassen. Du wirst mich
 von dem hadderigen volck helffen / vnd zūm heubt vnder den heyden
 setzen / Ein volck das ich nicht kante / wirdt mir dienen. Es gehorch-
 et mir mit gehorsamen ohren / aber die frembden kinder verleüctē mich.
 Die fr:

Die frembden kinder seind veralltet / vnd werden hincken inn iren banden. Der **HERR** lebt / vnd gelobt sey mein hort / vñ der Gott meins heils wirdt erhaben werde. Der Gott der mir rache gibt / vnd zwingt die völder vnder mich. Der mich errettet von meinen seynden / vnd erhöhet mich auß denen die sich widder mich setzen / Du wirst mir von den freuelen helffen. Darumb will ich dir dancken **HERR** vnder den heyden / vnd deinem namen lobesingen. Der der groß heyl beweiset seinem künige / vnd barmherzigkeit thüt an seinem gesalbeten / Das vñ vnd seinem samen ewiglich.

XIX

Ein Psalm David
hoch zu singen.

Die hymmel erzelen die ehre Gottes / Vnd die feste verkündet seiner hende werck. Ein tag sagts dem andern / Vnd eine nacht thüts kund der andern. Es ist kein sprach noch rede / Da man nicht ire stymme höre. Ir richtschnür ist außgangen in alle land / vnd ir rede an der wellt ende / Er hat der sonnen ein hütten in den selben gemacht. Vnd die selb gehet erauß wie ein brütgam auß seiner kamer / vnd ist fro wie ein held zu lauffen den weg. Sie gehet auff an ein ende des hymmels / vnd leüfft vmb bis widder an das selbe ende / vnd bleibt nichts für ir hytze verborgen. Das gesetz des **HERRN** ist on wandel vnd erquickt die seele / Das zeugnis des **HERRN** ist gewiss / vnd macht weise die albern. Die rechte des **HERRN** seind richtig vnd erfreuen das hertz / Die gepott des **HERRN** seind lauter vnd erleuchten die augen. Die furcht des **HERRN** ist reyn vnd bleibt ewiglich / Die sitten des **HERRN** seind rechtschaffen alle sampt gerecht. Sie seind köstlicher denn gold vnd viel feyns goldes / Sie seind süßer denn honig vnd honig seym. Auch ist dein knecht fürsichtig durch sie wordē / Denn er hat groß lohn wer sie hellt. Wer merckt auff die feyle / mach mich reyn von den heimlichen. Auch behalt deynen knecht für den stolzen / das sie nicht über mich hirschen / so werde ich on wandel sein / vnd vnschuldig bleiben für grosser missethat. Was dir wolgefallen die rede meins munds / vnd das gesprech meins hertzen für dir. **HERR** mein hort vnd erlöser.

XX

Ein Psalm Davids hoch zu singen.

Der **HERR** erhör dich zurzeyt der angst / Der name des Gottes Jacob schütze dich. Er sende dir hülffe vom heyligthum / vñ stercke dich von Zion. Er gedenc all deines speyßopffers / vnd dein brandopffer müsse fett sein. Sela. Er gebe dir was du im sin hast

B hast/ vnd erfülle deine anschlege. Wir wollen von deinem heyl rühmē/
vnd in namē vnser Gottes panir auffwerffen / Der **HERR** erfülle
alle deine bitte. Du merck ich/ das der **HERR** seinem gesalbte hilfft/
vnd erhöret in inn seinem heyligen hymmel / Das heyl seiner rechten ist
mchtig. Ichene verlassen sich auff wagen vnd rosse / wir aber wollen
dencken an den namen vnser Gottes. Sie seind nydder gestürzt/wir
aber stehen auffgericht. Hilf **HERR**/ Der künig erhöre vns zur zeyt
wenn wir ruffen.

XXI

Ein Psalm Davids hoch zu singen.

H **HERR** der künig frewet sich in deiner krafft/ vnd wie seer frö-
lich ist er vō deym heyl. Du hast im gebē seins hertze wunsch/
vnd nicht verhindert was seine lippen forderten. Sela. Denn
du wirst in überschüttē mit gūten segē/Du wirst ein gulden krone auff
sein heubt setzē. Er hat dich gebetē vmb das lebē/ vnd du hast im gebē
B langes lebē jmer vñ ewiglich. Er hat grosse ere an deinē heil/ Du wirst
lob vñ breys auff in legē. Denn du wirst in zum segē setzen ewiglich/ Du
wirst in erstrewē mit freudē deines antlitz. Denn der künig hoffet auff
den **HERRN**/ vñ wirt durch die gūte des hōhsten fest bleibē. Deine
hand wirt findē alle deine seynde/ Deine rechte wirt finden die dich haf-
E sen. Du wirst sie machen wie ein feroz ofen zur zeit deins andlitz/ **D**
HERR wirt sie verschlingen in seinem zorn/ das sie das feroz fressen
wirdt. Ire frucht wirstu vmb bringen im lande/ vnd iren samē vnder
den menschen kindern. Denn sie wolten dir übel thū/ vnd erdachten
anschlege die sie nicht mochten außfüren. Denn du wirst sie zur schul-
den machen/ Deine sehnen wirstu spannē gegen ihr andtlig. **HERR**
erhebe dich inn deiner krafft/ So wollen wir singen vñ loben deine
macht.

Zur schul-
den das sie
jmer trage
vñ vnglück
leide müsse

XXII

Ein Psalm Davids hoch zu singen von der byrs
hynden der morgenröde.

M **Ein Gott mein Gott/ warūb hastu mich verlassen? Die wort**
meins heüles seind fern vō meinem heyl. Mein Gott/ des tags
ruff ich/ so antwortest du nicht/ vñ des nachts hab ich keine rü-
ge. Aber du bist heylig/ vnd wonest vnder dem lob Israel. Unser ve-
ter hoffeten auff dich/ vnd da sie hoffetē/ halffest du in auß. Zu dir rief-
fen sie vnd seind errettet/ Sie hoffeten auff dich/ vñ seind nicht zuschan-
B den worden. Ich aber bin ein wurm vnd kein mensch/ ein spott der leu-
te vnd verachtung des volcks. Alle die mich sehen/ spottē mein/ Sper-
ren das maul auff vnd schütteln den kopff. Er klags dem **HERRN**
der helffe im auß/ vñ errette in/ hat er lust zu im. Denn du hast mich auß
meiner mütter leibe gezogen/ Du bist meine zūversicht da ich noch an mei-
E ner mäter brüsten war. Auff dich bin ich geworffen vō mäter leib an/
Du

Du bist mein Gott von meiner mütter leib an. Mach dich nicht ferne von mir/denn angst ist nahe/Denn es ist hie kein helffer. Grosse faren haben mich vmbgeben/fette oxsen haben mich vmbbringet. Irer rachen sperren sie auff widder mich/wie ein brüllender vnd reissender lewe. Ich bin aufgeschütt wie wasser/alle meine gepeyne haben sich zütrennet/mein hertz ist worden in meinem leibe/wie zürschmolzen wachs. Meine kressse seind vertrockent wie ein scherbe/vnd meine zunge klebt an meinem gaumen/vnd du legest mich inn des todes staub. Denn hunde haben mich vmbgeben/vnd der bösen rotte hat sich vmb mich gemacht/sie habē meine hende vnd füsse durchgrabē. Ich möcht alle meyne beine zelen/Sie aber schauwen vnd sehen mich an. Sie teylen meine kleider vnder sich/vnd werffen das los vmb mein gewäd. Aber du **HEXX** mach dich nicht ferne/Mein stercke eile mir zu helffe. Errette meine seele vom schwert/vō der hand der hunde meyne einsame. Hilff mir aus dem rachen des lewen/vnd erhöre mich vnder den hörnern der einhörnern. Ich will deinen namen erzelen meinen brüdern/ Ich will dich ynn der gemeyne rhümen. Rhümet den **HEXX** die jr in fürchtet/ Es ehre jr in aller same Jacob/vnd für jr in schewe sich aller same Israel. Denn er hat nicht veracht noch verschmecht das ellend des armen/vnd sein andlitz für jr in nicht verborgen/vnd da er zū jr in schrey/höret ers. Von dir soll meyn danck seyn inn der grossen gemeyne/ Ich will meine gelubde zalen für denen die jr in fürchten. Was essen die elenden das sye satt werden/vnd rhümen den **HEXX** die nach jr in fragen/Ewr hertze müsse leben ewiglich. Es werden gedacht aller welt ende/das sie sich zū dem **HEXX** bekeren/vnd für jr in anbetē alle geschlecht der heyde. Denn der **HEXX** hat ein reich/vnd er ist ein herze vnder den heyden. Was essen vnd anbetten alle fetten auff erden/Was knye beügen für jr in alle die inn dem staub ligen/vnd der seine seele nicht leben leßt. a (Fetten) das seind die reichen vnd grossen/Sie im staub ligē/seind die armen vnd geringen/Sie jr selemicht leben lassen/seind/die sterben oder zūm tod bereyt seind/Alle sollen sie Christum anbeten.

Ein same wirt jr in dienen/vom **HEXX** wirt man verkündigē zū kinks kind. Sie werden kommen vnd seine gerechtigkeit predigē/dem volck das geborn ist/das ers thüt.

XXIII

Ein Psalm Davids.

Der **HEXX** ist mein hyrte/mir wirt nichts mangeln. Er leßt mich weyden da viel gras steht/vnd füret mich zūm wasser das mich erkület. Er erquickt meine sele/er füret mich auff rechter strasse vmb seins namens willen. Und ob ich schon wandert/im finstern tal/fürcht ich kein vnglück/Denn du bist bey mir. Dein stecken vnd stab trösten mich. Du bereytest für mir einen tisch/ gegen meine feinde/Du machst mein heubt fett mit öle vñ schenckest mir volleyne. f. Güts

Der Psalter.

Güts vnd barmherzigkeit werden mir nachlauffen mein leben lang/
vnd werde bleyben im hause des **HERRN** ymmerdar.

XXIIII

Ein Psalm Davids.

Die erde ist des **HERRN** vnd was drynnē ist / Der erdboden
vnd was drinnē wonet. Denn er hat in an die meere gegrün-
det / vnd an den wassern bereyttet. Wer wirt auff des **HERRN**
BERG gehen: vnd wer wirt stehen an seiner heyligen stette: Der
vnschuldige hende hat vnd reines hertzen ist / der nicht seyne seel verge-
blich erhebt / vnd schweret nicht felschlich. Der wird den segen vom
HERRN empfangē / vnd gerechtikeit von dem Gott seines heyles.
Das ist das geschlecht / das nach ym fragt / Das do sucht deyn andlyz
Jacob. Sela. Ir thore hebt auff ewre heubter / vnd erhebt euch ir thü-
re der welt / das er eyngehe der künig der eren. Wer ist der selbe künig
der erē: Es ist der **HERR** / starck vnd mechtig / Der **HERR** mecht-
tig im streyt. Ir thore hebt auff ewer heubter / vnd erhebt euch ir thü-
re der welt / das ereyngehe der künig der eheren. Wer ist der selbe kün-
ig der eren: Es ist der **HERR** Zebaoth / Es ist der künig der ehren.
Sela.

XXV

Ein Psalm Davids.

Zu dir **HERR** erhebe ich meine seele. Mein Gott ich hoffe
auff dich / mich las nicht zu schanden werdē / das sich meine feind
de nicht frewen über mich. Denn keiner wirt zu schandē der
dein erharret / Es müssen aber zu schanden werden die on vrsach ver-
schmehē. **HERR** zeyge mir deine wege / vnd lere mich deine steyge.
Leyte mich in deiner warheit vnd lere mich / Den du bist der Gott mei-
nes heyls / teglich harre ich dein. Gedenc **HERR** an deine barmher-
zigkeit vnd an deine güte / die von der wellt her gewesen ist. Gedenc
nicht der sünde meiner jugent vnd meiner libertrettung / gedenc aber
mein nach deiner barmherzigkeit vñ deiner güte willē. Der **HERR**
ist güt vnd recht / darumb wirt er die sündler vnderweisen auff dē we-
ge. Er leytet die elenden recht / vnd leret die elenden seinen weg. Al-
le steyge des **HERRN** sind güte vnd trewe denen die seinen bundt
vnd zeugnis behüten. Umb deines namens willen **HERR** sey gne-
dig meiner missethat / die da groß ist. Wer ist der der den **HERRN**
fürcht: Er wirt in vnderweisen den weg den er erwelet. Seine seele
wirt wonen im gütē / vnd sein same wirt das land besizen. Das ge-
heymnis des **HERRN** ist vnder denē die in fürchtē / vnd seinen bundt
wirt er sie wissen lassen. Meine augen sehē stets zu dem **HERRN** /
Denn er wirt meinen süß auf dem netze ziehen. Wende dich zu mir vñ
sey mir gnedig / Denn ich bin einsam vnd elend. Die angst meins hertzen
ist groß / süre mich auf meinen nōtē. Sibe an mein jamer vnd elēd /
vnd nym weg alle meine sünde. Sibe / das meiner feinde so viel ist / vñ
mit

mit frenelem hasß hassen sie mich. Beware meine seele vñ errette mich
 Las mich nicht züschandē werden/Deñ ich trawe auff dich. Schlecht
 vnd recht behüte mich/Denn ich harre dein. Gott erlöse Israer/aus al
 le seiner not.

XXVI

Ein Psalm Davids.

HERR richte mich/deñ ich gehe eynher on wandel. Ich hof
 fe auff den **HERRN**/drumb werde ich nicht gleytten.
 Prüffe mich **HERR** vnd versuche mich/leuttere meine nye
 ren vnd mein hertz. Deñ deine güte ist für meinen augē/ Vnd ich wan
 del in deiner warheit. Ich sitze nicht bey den eytteln leütten/vnd habe
 nicht gemeinschaft mit den tückischen. Ich hasse die versamlung der
 boshaftigen/vnd will nicht sitzen bey den gottlosen. Ich will meine
 hende waschen mit vnschuld/vnd will **HERR** vñ deinen altar sein.
 Das ich höre die stym des danckens/Das erzelet werdē alle deine wun
 der. Ich hasse die versamlung der boshaftigen/vnd will nicht sitzen
 bey den gottlosen. **HERR** ich habe lieb die stett deines hauses/vnd
 den ort/da deine ehre wonet. Bass nicht hin meine seele mit den sündē/
 noch mein leben mit den blüt durstigen. In welcher hand ist vntugēt/
 vnd jr rechte ist voll geschenccks. Ich aber will wandeln on wandel/
 Erlöse mich vnd sey mir gnedig. Mein füß stehet auff der ebenen/ Ich
 will dich loben **HERR** in den versamlungen.

XXVII

Ein Psalm David.

Secunda ff.

Der **HERR** ist mein liecht vnd mein heyl/ für wem sollt ich
 mich fürchten? Der **HERR** ist meins lebēs krafft/ für wem
 sollt mir grawen? Deñ da die bösen/meine widder sacher vñ
 feynde/erzü tratten/mein fleysch züfressen/lieffen sie an vnd sielen. Ob
 sich widder mich ein heer legt/ soll sich doch mein hertz nicht fürchtē/ob
 sich ein streyt widr mich erhöbe/wil ich mich darauff verlassen. Eins
 hab ich gebeten vom **HERRN**/das will ich fordern/das ich im hau
 se des **HERRN** bleibe mein lebēlang/zü schawē die lust des **HERRN**/
 vnd seinen tempel zü süchen. Denn er hat mich verdeckt in seiner hüt
 ten zur bösen zeit/Er verbirget mich heymlich inn seinem gezelt/vnd er
 höhet mich auff eim felsē. Und wirt nu erhöhe mein heübt über mei
 ne feynde die vmb mich seind/So will ich inn seiner hütten opffern opf
 fer des rhümes/ Ich will singen vñ lob sagen dem **HERRN**.
HERR höre meine stym wenn ich rüffe/ Sey mir gnedig vnd erhö
 re mich. Mein hertz hat von dir gesagt/suchet mein andtlich/**HERR**
 ich will dein andtlich suchen. Verbirge dein andtlich nicht für mir/vñ
 verstoffe nicht im zorn deinē knecht/Deñ du bist meine hülffe/Las mich
 nicht vnd thū nicht vō mir die hand ab/Gott meins heyls. Deñ mein
 vater vnd mein müter habē mich verlassen/aber der **HERR** hat mich
 auffgenommē. **HERR** weise mir deinen weg/vñ leyte mich auff
 s ij ebener

Der psalter.

ebener ban/vmb meiner feinde willē. Gib mich nicht in den willē mei-
ner feinde/Den es sind falsche zeugen widder mich auffgestanden /vnd
reden freuel on schew. Ich glaube ia das ich sehen werde/das güt des
HERRN im land der lebendigen. Harre des HERRN/sey ge-
tröst vnd las dein hertz feste halten/vnd harre des HERRN.

XXVIII

Ein psalm Davids.

Wenn ich ruffe zu dir mein hort/so schweige mir nicht/auf das
nicht/wo du schwigest/ich gleich werde denē/die in die gru-
bē farē. Höre die stim meus flehēns/wen ich zu dir schreye/
wen ich meine hende auffhebe/zu deinem heiligen chor. Haf-
se mich nicht vnder den gottlosen vnd vnder den übelthetern/die freunt-
lich reden mit irem nehistē/vnd habē böses im hertzē. Gib in nach irer
that vnd nach irem bösen wesen/Gib in nach den wercken irer hende/
vergilt in was sie verdienet habē. Den sie merckē nicht auff das thūn
des HERRN/noch auff die werck seiner hende/drumb werdē sie zu-
brochen vnd nicht erbauwet werden. Gelobt sei der HERR/Den
er hatt erhöret die stim meines flehēns. Der HERR ist meine sterck
vñ mein schild/auff in hoffet mein hertz/vnd mir ist geholffen/vñ meyn
hertz ist frölich/vñnd ich will in dancken mit meinem lied. Der HERR
ist ire stercke/Er ist die stercke die seinē gefalbeten hilft. Hilff dei-
nē volck vnd segene dein erbe/vnd weyde sie vnd erhöhe sie in ewigkeit.

XXIX

Ein psalm Davids.

Schafft her dem HERRN ir starcken/Schafft her dem HERRN
ere vnd stercke. Schafft her dem HERRN ere seines namens
Betet an den HERRN in heilige schmuck. Die stym des HERRN
gehēt auff den wassern/der Gott der erendonnet/Der
HERR auff grossen wassern. Die stim des HERRN gehēt mit
macht/Die stym des HERRN gehēt mit schmuck. Die stym des
HERRN zübricht die cedern/Der HERR zübricht die cedern im
Libanon. Und macht sie lecken wie ein kalb/Libanon vñ Sirion wie
ein jungs einhorn. Die stym des HERRN zühewet die flammen
des sewrs. Die stym des HERRN erreget die wüsten/Die stym
des HERRN erreget die wüste Kades. Die stym des HERRN
erreget die hinden vnd entblößt die welde/vnd inn seinem tempel wirt
im yederman ere sagen. Der HERR sitzt ein sundflut anzürichten/
vnd der HERR bleibt ein künig in ewigkeit. Der HERR wirdt
seinem volck krafft geben/Der HERR wirdt sein volck segenen mit

XXX

Ein psalm lied von der eynweyhung
des hauses David.

Ich will dich erheben HERR/Denn du hast mich auffgeha-
ben/

(friden) das
ist/dzes jm
wol gehen
wurd.

friden.

ben/vnnd lesest meine feynde sich nicht über mich frewen. **HERR** mein Gott da ich schrey zu dir/machtestu mich heil. **HERR** du hast meine seele auß der hellegesürt/du hast mich lebend behalten da die inn die gräben faren. Ir heyligen lobsinget dem **HERRN**/vnnd dancket züm gedechtnis seinner heyligkeit. Denn sein zorn weret ein augenblick/vnd er hat lust züm leben/Den abent lang weret das weynen/aber des morgens der thüm. Ich aber sprach/damirs wol gieng/Ich werde ewiglich bleibē. **Deñ** **HERR** durch dein wolgefallen hastu meinen berg starck gemacht/aber da du dein andtlytz verbargest/erschrack ich. Ich will **HERR** ruffen zu dir/dem **HERRN** wil ich flehen. Was ist nutz an meinem blut/weñ ich inns verderbē fare:wird dir auch der staub dancken/vnd deine trewe verkündigen? **HERR** höre vñ sey mir gnedig/**HERR** sey mein helffer. Du hast mir mein Klage aewandelt in einen reygen/du hast meinen sack außgezogen vnd mich mit freuden gürtet. **Auff** das dir lobesinge meine ere vnd nicht gestillet werde/**HERR** mein Gott ich will dir dancken inn ewigkeit.

XXXI

Ein Psalm Davids hoch zu singen.

HERR auff dich traw ich / las mich nymermehr zu schanden werden/hilff mir dauon mit deiner gerechtigkeit. **Dege** deine oren zu mir/eyléd errette mich/Sey mir ein starcker fels/vñ ein hauf zur burg das du mir helffest. **Deñ** du bist mein fels vnd meine burg/vnd vmb deines namens willen woltest du mich leyte vñ sürē. Du woltest mich auß dem netze ziehen/das sie mir gestellet haben/deñ du bist meine stercke. In deine hende befehl ich meinen geyst/Du hast mich erlöset **HERR** du trewer Gott. Ich hasse die da halften auff eyttelkeit/ich aber hoffe auff den **HERRN**. Ich frew mich vñ bin frölich über deiner güte/das du mein elend hast angesehen/vnd hast erkant meine seele inn der angst. Und hast mich nicht übergeben in die hende des feyndes/Du hast meine füsse lassen treten auff weittē raum. **HERR** sey mir gnedig/deñ mir ist angst/mein angesicht ist verschmachtet für ^bzorn/dazü meine seele vñ mein bauch. Denn mein lebē ist all worden für trübnis/vnd meine jar für seufftzen/Meine krafft ist versalē für meiner missethat/vnd meine beyne sind verschmacht. Ich bin eine grosse schmach wordē allen meinen feynden/vnd meinen nachbarn vnd ein schew meinen verwandten. Mein ist vergessen im hertzē (wie eins todten) Ich bin worden wie ein verderbt gezeüg. Denn ich höre ein böse geschrey von vielen/surcht ist vmb vnd vñ/da sie heymlich rat miteinander über mich halten/dencken sie mir die seele zu nemen. Ich aber **HERR** hoffe auff dich vnd spreche/du bist mein Gott. Meine zeyt stehet inn deinen henden/Errette mich von der hant meiner feynde vnnd von denen die mich verfolgen. **Las** leuchten dein andtlytz über deinen knecht/hilff mir durch deine güte. **HERR** las mich nicht zu schanden

b (ere) meine zung/vñ seyren spiel/da ich dich mitere. Psal. xvi.

b (zorn) das ist für dē vñ glück dz ich leide als gottes zorn.

S iij schanden

Der Psalter.

schandē werde/ Den ich ruffe dich an/ Die gottlosen müssen zu schanden
s werde vñ gestillet werde in d helle. Verstumē müssen falsche lippē/ die
daredē wiß den gerechtē/ hoffertiglich vñ verechtlich. Wie gros ist dein
güt das du verborgen hast denē die dich fürchten / vnd hast verschafft
für den menschen kindern / denē die auff dich trawē. Du wirst sie ver-
bergen heimlich bey dir für ydermans hohmüt / du wirst sie verdecken
6 in der hütten für den zenckischen zungē. Gelobt sey der **HEXX**/ das
er hat eine sonderliche güte an mir than / in einer festen statt. Ich aber
sprach in meinem zagen/ ich bin von deinen augen verstoffen / Darumb
hast du meines flehens stym gehört/ da ich zu dir schrey. Liebet den
HEXX alle seine heiligen / Die gleübigē behüt der **HEXX**/ vnd
vergilt reichlich / dem der hohmüt übet. Seyt getröst vnd laßt ewer
hertz fest sein/ alle die jr des **HEXX** wartet.

XXXII

Ein vnderweysung Dauids.

2 **W**ol dem/ dem die übertretung vergebē sind / des sünde bedē-
ckrist. Wol dem menschen/ dem der **HEXX** die missetat
nicht zu rechnet/ in des geyst kein falscheit ist. Denn da ichs
wolt^a verschweygē/ verschmachtē mine gebeine/ durch mein
teglich heülen. ^a (Verschweygen) das ist / da ich wolt nicht bekennen das eytel sünd mit
mir were/ hatt mein gewisse keineruge/ bis ichs müß bekennē vnd allein auff Gottes guete trawē.
Den deine hand war tag vnd nacht schwer auff mir / meine safft ver-
trockete wie im somer. Sela. Darumb thū ich kund meine sünde vnd
verhele meyne missethat nicht / Ich sprach / Ich will dem **HEXX**
3 meine übertretung bekennē widder mich / Da vergabest du mir die misse-
that meiner sünde. Sela. Dafür werden alle heilige bittē für dir zur
rechten zeyt/ darumb wenn grosse wasser flüt komē / werden sie nicht
an die selbigē gelangē. Du bist mein schirm du woltest mich für angst
e behütē / vnd mit rhüm eines errettē mich vñgeben. Sela. Ich wil dir
verstand geben vnd dir den weg weysen den du wandeln solt / Ich will
dir mit meinen augen winckē. Seit nicht wie ros vnd meüler die nicht
verstendig sind / welche man zaum vnd gebis mus ins maul legen/ weñ
8 sie nicht zu dir wöllē. Der gottlose müs vil leiden / wer aber auff Got
hoffet den wird die güte vñsahen. Er wet eüch des **HEXX** jr
gerechtē vnd seit stölich / vnd rhümet alle die auffrichtig sind vñ hertzē.

XXXIII

2 **E**rewet eüch im **HEXX** jr gerechten / den auffrichtigen stet
das rhümē wol an. Danckt dem **HEXX** mit harffe / vnd
lobsinget im auff dem psalter mit zehen seyten. Singet im eyn
newes lied/ machts güt auff seyte spielē mit schall. Den des **HEXX**
wort ist recht / vnd alle seine werck trew. Er liebt gerechtikeit vnd ge-
richt/ Die erde ist voll der güte des **HEXX**. Der himel ist durchs
wort

wort des **HERN** gemacht / vnd all sein heer durch seins geistes mund
 Er samlet das wasser im meer wie inn ein schlauch / vnd legt die tieffen **B**
 inns verborgē. Alle welt fürchte sich für de **HERN** / vnd für im
 schewen sich alle die auff dem erdboden wonen. Denn so er spricht so
 geschichts / So er gepeüt so stehets da. Der **HERN** macht zū nicht
 den radt der heyden / vnd byndert die gedanckē der vöcker. Aber der
 radt des **HERN** bleibt ewiglich / Seins hertzen gedancken für vn̄
 für. Woldem volck / des der **HERN** ein Gott ist / Das volck / das er
 zū erbe erwelet hat. Der **HERN** schawet vom hymel / vn̄ sibet al **C**
 le menschen kinder an. Von seinem bereyten sitz sibet er auff alle die
 auff erden wonen. Er ^bricht an jr hertz allersampt / Er merckt auff al **b** (Richt an)
 le ire werck. Ein künige hilfft nicht sein grosse macht / Ein starcker **das ist. was**
 man wirdt nicht errettet durch seine grosse krafft. Ein ros feylet am **sie denken.**
 helfen / vnd wirdt nicht errettet durch seine grosse stercke. Sibe des **das gibt vn̄**
HERN auge sibet auff die so in fürchten / die auff seine gute harrē. **leckter wie**
 Das er jr seele errette vom tod / vnd ernere sie in der theurung. Unser **er will. D**
 seele harret auff den **HERN** / Er ist vnser hülff vnd schild. Den
 vnser hertz frewet sich sein / vnd wir hoffen auff seinen heiligen namen.
 Deine gute **HERN** sey über vns / wie wir auff dich hoffen.

XXXIII

Ein Psalm Davids / Da er sein geberde ver-
 stellet für Abimelech / der in von
 sich treyb vn̄ er weg gieng.

Ich will den **HERN** loben alle zeyt / Sein lob soll ymerdar **A**
 in meinem munde sein. Mein seele soll sich rüme des **HERN**
Das die elenden hören vnd sich strewen. Preysset mit mir den
HERN / vnd laßt vns mit einander seinen namen erhöhen. Da
 ich den **HERN** such / antwortet er mir / vnd errettet mich aus al-
 ler meiner forcht. Welche auff in sehen / werden erleucht / vnd jr ange-
 sicht wirt nicht zū schanden. Da diser ellende rieff / höret der **HERN** **B**
 vnd halff im aus allen seinen notē. Der engel des **HERN** lägert
 sich vmb die her so in fürchten / vnd hilfft in aus. Schmeckt vnd sehet
 wie freündtlich der **HERN** ist / woldem mann / der auff in trawet.
 Fürchtet in seine heyligen / Denn die in fürchten / habē keinen mangel.
 Die reichen müssen darben vnd hungern / Aber die den **HERN** su-
 chen haben keinen mangel an yrgēt einem güt. Her zū kinder / höret mir
 zū / Ich will euch die fürcht des **HERN** leren. Wer ist der lust hat
 zū leben / vn̄ wünsch gute tage zū sehē. Behüt deine zunge für übel / vn̄ **C**
 deine lippē dz sie nicht betrug redē. Was vom bösen vn̄ thū gūts / Such
 fride vn̄ jage im nach. Die augē des **HERN** sehē auff die gerech-
 ten / vnd seine oren auff jr schreyen. Das antliz aber des **HERN**
 S iij stehet

Der Psalter.

stehet über die so böses thün/Das er jr gedechtnis aus rotte vom läde.
Wenn die gerechten schreyen/so höret der **HERR**/vnnnd errettet sie
aus all irer not. Der **HERR** ist nahe bey den die zubrochens hertzen
seind/vnd hilfft denen die zurschlagen gemüt haben. Der gerecht
müß viel leiden/aber der **HERR** hilfft jm auß dem allen. Er bewa
ret jm alle seine gebeyne/das der nicht eins zubrochen wirt. Den gott
losen wirt das vnglück tödten/vnnnd die den gerechten hassen / werden
schuld haben. Der **HERR** erlöset die seele seiner knechte / vnnnd alle
die auff in trawen/werden keine schuld haben.

XXXV

Ein Psalm Davids.

HERR hadder mit meinen hadderern/streite widder meine be
streitter. Argreiff den schild vnd schirm/vnd mach dich auff
mir zühelffen. Züch erfür den spieß vnd schutze mich wider
meine verfolger/Sprich zü meiner seelen/Ich bin dein heyl. Es müs
sen sich schemen vnd gehönet werden die nach meiner seelen stehen/ Es
müssen züruck keren vnd züschanden werden die mir übel wöllē. Sie
müssen werden wie sprew für dem winde/vñ der Engel des **HERRN**
treibe sie. Ir wege müsse finster vnd schlipfferig werden/vnd der eng
el des **HERRN** verfolge sie. Denn sie habē mir on vrsach gestellet
jr netz zü verderben/vnd haben on vrsach meiner selen grübē zügericht.
Es komme über in ein getummel vnuersehens/vnd sein netze das er ge
stellet hat/müsse in fahen/vnd falle inn das selb getummel. Aber mei
ne seele müsse sich frewē des **HERRN**/vñ frölich sein auff sein heyl.
Alle meine gebeyne müssen sagē/**HERR** wer ist dein gleiche? der du
den elenden errettest von dem der jm züstarck ist / vnd den elenden vnd
armen von seinen reübern. Es tretten freuel zeugen auff / die fragen
mich dauon ich nichts weys. Sie vergelten mir böses für güt / meine
seele trostlos zü machen. Ich aber wenn sie krank waren/zoch einen
sack an/demütiget meine seele mit fasten/vnnnd mein gebett keret sich inn
meinen schos. Ich gieng/als were es mein freünd vnd brüder/Ich bu
cket mich trawrig wie ein klagende mütter. Sie aber frewen sich über
meinem schaden/vnd kommen zühauff / Es kommen die hinctende zü
hauff über mich vnuersehens/ Sie reißen vnd hören nicht auff. Mit
den fressigen vnd spöttischen heüchlern/beissen sie ire zeene züsamē über
mich. **HERR** wie lange wiltu züsehen? bringe doch meine seele wid
der aus irem getumel/vnd mein einsame von den jungē lewē. Ich wil
dir danckē in der grossen gemeyne/vñ vñd viel volcks wil ich von dir rü
men. Was sich nicht über mich frewē die mir on vrsach seind sind/noch
mit dē auge winckē die mich on vrsach hassen. Den sie reden nicht züm
fridē/vñ erdenckē falsche wort über die verstoffene im lande. Und sie
thün jren müd weyt auffwid mich vñ sprechē Da da/vnser augē sehes.

HERR

HERR du siehest/ schweige nicht/ **H**ERR mach dich nicht ferne vō mir. Erwecke dich vnd wache auff zu meinem recht vnd zu meiner sache/ mein Gott vnd **H**ERR. **H**ERR mein Gott richte mich nach deiner gerechtigkeit/ das sie sich über mich nicht frewen. Was sie nicht sagen inn irem hertzen/ da da/ das wollten wir/ las sie nicht sage/ wir haben in verschlungen. Sie müssen sich schemē vnd zu schanden werdē/ alle die sich meins übels frewen/ Sie müssen mit schand vnd scham gekleydet werden die sich widder mich hoch loben. Rūmen vnd frewen müssen sich die do lust haben an meiner gerechtigkeit vnd ymer sagen/ Der **H**ERR müsse hoch gelobt sein/ der lust hat zum fridē seines knechtes. Vnd meine zunge soll reden von deiner gerechtigkeit/ vnd täglich von deinem rhūm.

XXXVI

Ein Psalm Davids des **H**ERRN
knechts hoch zu singen.

Sist gesagt in meinē hertzen von der übertrettung des gottlosen/ Das kein Gottes forcht für seinen augē ist. Sondern er heüchlet im selbs für seinen augen/ bis seine missethat des hasses werd funden werdē. Die wort seines mundes seind vnrecht vnd falsch/ Er acht nicht das er klüg wurde gūts zu thūn. Er erdenckt eytel vnrecht auff seinem läger/ vnd tritt auff kein gūte ban/ vñ schewet kein arges. **H**ERR deine gūte ist im hymel/ vñ deine trewe bis an die wolcken. Deine gerechtigkeit ist wie Gottes berge/ dein gericht wie ein grosse tieffe/ **H**ERR du hilffest beyde mensche vñ viehe. Wie werd ist deine gūte Gott/ Das menschen kinder vnder dem schatten deiner flügel trauwen. Sie werden voll werdē von der fettigkeyt deines hauses/ vnd du wirst sie trencken mit dem bach deiner wollust. Denn bey dir ist der born des lebens/ In deinem liecht werden wir das liecht sehen. Breyte auß deine gūte denen die dich kennen/ vnd deine gerechtigkeit den so von hertzen auffrichtig seind. Was mir nicht kōmen den süs der hoffart/ vñ die hand der gottlosen stürze mich nicht. Das selbs fallen die übelheter/ Sie seind außgestossen vnd kundē nicht bleiben.

XXXVII

Ein Psalm Davids.

ERzürne dich nicht über dem bösen/ Sey nicht neydisch über den übelheter. Den wie das gras werden sie bald abgehawē werden/ vnd wie das grüne kraut werden sie verwelckē. Hoffe auff den **H**ERRN vnd thū gūts/ bleybe im lande vnd neere dich im glauben. Hab deine lust am **H**ERRN/ Der wirt dir gebē was dein hertze wünscht. Befelh dem **H**ERRN deine wege/ vnd hoffe auff in/ er wirts wol machen. Vnd wirt deine gerechtigkeit er für bringen wie das liecht/ vñ dein recht wie den mittag. Halt dem **H**ERRN still vnd las

Der Psalter.

las in mit dir machen / Erzürne dich nicht über dem man dem es wol
gehet / vñnd thüt nach seinem mütwillen. Stehe ab vom zorn vñnd
las den grymm / Erzürne dich nicht / das du auch übel thuest. Denn
die bösen werden außgerottet / Die aber des **HERN** harren
werden das land erben. Es ist noch vmb ein kleins / so ist der gottlose
nymmer / so wirstu auff seine stett achten / vñnd er wirdt nicht da sein.
Aber die elenden werden das land erben / vñnd lust haben in grossen fri-
de. Der gottlose drewet dem gerechten / vñnd beisset seine zene zusamen
über in. Aber der **HERN** lachet sein / Denn er sihet / das sein tag kö-
met. Die gottlosen ziehen das schwerd auß / vñnd spannē iren bogē / dz
sie sellen den elenden vñnd armen / vñnd schlachtē die so auffrichtig gehen
e im wege. Aber ir schwerdt wirt in ir hertze gehen / vñnd ir bogen wirt
zübrechen. Es ist besser das wenige des gerechten / denn das groß güt
vieler gottlosen. Denn der arm der gottlosen wirt zübrechē / aber der
HERN enthellt die gerechten. Der **HERN** kēnet die tage der frū-
men / vñnd ir erbe wirt ewiglich bleiben. Sie werden nicht züschandē
inn der bösen zeyt / vñnd inn der theurung werden sie gnug habē. Denn
die gottlosen werden vmbkommen / vñnd die feynde des **HERN**
wenn sie gleich seind wie ein köstliche awe / werden sie doch alle werdē /
s wie der rauch alle wirt. Der gottlose borget vñnd zalet nicht / Der ge-
recht aber ist barmhertzig vñnd milde. Denn seine gesegneten erben das
land / aber seine verflüchten werden außgerottet. Von Gott werden
des manns genge gefordert / vñnd hat lust an seinem wege. Hellet er / so
wirt er nicht weg geworffen / Denn der **HERN** erhellt in bey seiner
hand. Ich bin jung gewesen vñnd allt worden / vñnd hab noch nye gese-
hen den gerechten verlassen / oder seinen samen nach brot gehen. Teg-
lich ist er barmhertzig vñnd leyhet / vñnd sein same wirt gesegnet sein.
e Was vom bösen vñnd thū gūts / vñnd bleibe ymerdar. Denn der **HERN**
hat das recht lieb vñnd verlest seine heyligen nicht / ewiglich werden sie
bewaret / aber der gottlosen samen wirt außgerottet. Die gerechtē er-
ben das land / vñnd bleyben ewiglich dūnnen. Der mund des gerechtē
gehet mit weysheit vmb / vñnd seine zunge redet vom gericht. Das ge-
setz seines Gottes ist inn seinem hertzen / Seine tritt gleyttē nicht. Der
s Gottlose sihet auff den gerechten / vñnd gedenckt in zü tödtē. Aber der
HERN leyt in nicht inn seinen henden / vñnd verdampt in nicht / wenn
er verurteylet wirt. Harre auff den **HERN** / vñnd beware seinen
weg / so wirdt er dich erhöhen das du das landt erbest / wenn die Gott-
losen außgerottet werden / wirstu sehē. Ich sahe einen gottlosen me-
chtig / vñnd eyngewurtzelt wie ein grünēder lorberbaum. Da man für
s über gieng / sihe da war er dahyn / Ich fragt nach im / da ward er nirgēt
fundē. Beware die frumkeit vñnd schaw was auffrichtig ist / Denn zü-
letst wirdt der selbe fride haben. Die übertretter aber werden vertil-
get mit eynander / vñnd die Gottlosen werden zületst außgerottet.
Das heyl

a (sehen) dz
ist / deie lust
sehen.

Das heyl aber der gerechtē ist von dem **HERREN** / Der ist ire sterck
in der zeyt der not. Und der **HERREN** wirt in bey stehen / vnd wirt sie
erretten / vnd wirt sie von den gottlosen erretten vnd in helffen / Den sie
trawen auff in.

XXXVIII

Ein Psalm Davids zu erinnern.

HERREN straff mich nicht in deinem zorn / vñ züchtige mich nicht
in deinem grym. Denn deine pfeyle sticken in mir / vñnd deine
hand drucket mich. Es ist nichts gesunds an meinem leibe für
deinem dreyen / vnd ist kein frid in meinen gebeynen für meiner sünde.
Denn meine missethat seind über mein heubt gangen / wie ein schwere
last seind sie mir züschwer worden. Meine wunden seind stinckend vñ
sawol worden / für meiner thorheit. Ich krumme vnd bucke mich fast
ser / den ganzē tag gehe ich traurig her. Den meine eyngeweyde ganz
verdorrē / vnd ist nichts gesunds an meinem leibe. Ich bin allzū seer zū
stossen vnd züschlagen / ich heüle für vnruhe meins hertzen. **HERREN**
für dir ist alle mein begirde / vnd mein seufftzen ist dir nicht verborgen.
Mein hertz bebet / meine krafft hat mich verlassen / vnd das^a liecht mein
er augen ist nicht bey mir. Meine lieben vnd freunde stehen gegen mey
ner plage / vnd meine nehisten tretten ferne. Und die mir nach der see
len stehen / stellen mir / vnd die mir übel wollen / redē vnd tichten teglich
falscheit. Ich aber müs sein wie ein tauber vñ höre nicht / vnd wie ein
stumm der seinen mund nicht auff thüt. Und müs sein wie einer der
nicht höret / vnd der keine widderrede in seinem munde hat. Denn ich
harre **HERREN** auff dich / Du **HERREN** mein Gott wirst antwort
ten. Denn ich dencke / das sie ja nicht sich über mich frewen / wen mein
fuß wancket / wurden sie sich hoch rhümen widder mich. Den ich bin
zū leiden gemacht / vnd schmerzen ist immer für mir. Denn ich zeyge
meine missethat an / vñnd bin sorgfeltig für meine sünde. Aber meine
seynde lebē vnd seind mechtig / vnd die mich on schuld hassen der ist vil.
Und die mirs güts mit bösem zalen seind mir widder / darumb das ich
dem güten nach jage. Verlas mich nicht **HERREN** / mein Gott ferne
dich nicht vō mir. Gyle mir bey zü stehen / **HERREN** meins heyles.

^a (Liecht
meiner aug
en) Das ist/
mein ange
sicht ist nit
liecht vñ frö
lich / sonder
siber sawr/
betrübt / vñ
finster. S

XXXIX

Ein Psalm Davids hoch zu singen
für Jeduthun.

Ich sprach / ich will meine wege bewaren / das ich nicht sündige
mit meiner zungen. Ich will meinen mund bewaren mit einē
biss / ob wol der gottlose gegē mir stehet. Ich bin verstummet vñ still
worden vnd schweige des güte / vnd mein leyd schmerzet mich. Mein
hertz ist erwarmet in meinē leibe / vñ feur ist angangē durch mein tichte.
Ich hab geredt durch meine zungē. **HERREN** las mich wissen mein ende /
vñ welchs sey dz zil meins lebēs / dz ich müge erkennen was mir feylet.

Sihe

Der Psalter.

Sihe/du hast meine tage wie mit hand breyt gemessen/vnd mein lebē lang ist wie nichts für dir/Wie ganz eytel seind alle menschen die da leben. Sela. Ja yederman wandelt wie ein bilde/vnd ist vergeblich vn rüdig/Er samlet vn weys nicht wer es einfüren wirt. **Q**u **S** **E** **R** **R** was ist meine hoffnüg/ich harre auff dich. **E**rette mich vō aller meiner übertrettung/vnd setze mich nicht zur schmach dem narre. Ich bin verstummet vnd thū meinen mund nicht auff/Deñ du hast es gemacht. **W**ende von mir deine plage/Denn ich bin verschmacht für forcht deiner handt. Du züchtigest yederman wen du die missethat straffest/vñ machst das seine schöne verzeret wirdt wie eine spynne/Wie eytel seind alle menschen. Sela. Höre mein gebett **S** **E** **R** **R** vñnd vernym mein schreyen/vnd schweige nicht über meine threnē/Deñ ich bin ein frembd ling bey dir vnd ein gast/wie alle meine vetter. Was ab vō mir das ich mich erquicke/ehe denn ich gehe vnd nicht meh: sey.

XL

Ein Psalm Davids hoch zū singen.

Ich harret des **S** **E** **R** **R** **A** vnd er neyget sich zū mir/vnd höret mein schreien. Und füret mich auß der grube des brausens/vñ aus dem schlam vnd todt/ Vnd hat meine süß auff den fels gestellet/vñ meinen gang gefordert. Und hat mir ein new lied in mundt geben/ein rhām vnserm Gott/Das werden viel sehen vnd fürchtē vnd auff den **S** **E** **R** **R** **A** hoffen. Wol dem der seine hoffnung setz auff den **S** **E** **R** **R** **A**/vnd sich nicht wendet zū den hoffertigē/vnd die mit lippen vmbgehen. **S** **E** **R** **R** mein Gott/du bast deiner wunder viel gethan/vnd deinen gedancē über vns ist nichts gleich/das will ich verkündigen vnd sagen/das sie zū groß seind zū erzelen. Du hast kein lust an opffer vnd speyßopffer/aber die ohrē hastu mir auffgethan/Du forderst weder brandopffer noch sündopffer. Da sprach ich/Sihe/ich komme/im büch ist von mir geschriben. Zū thūn deinen willen mein Gott hab ich lust/vñnd dein gesetz ist inn meinem innwendigem. Ich will predigen die gerechtigkeit inn der grossen gemeyne/Sihe/ich will meinen lippē nicht weeren/**S** **E** **R** **R** du weyßtest. Deine gerechtigkeit hab ich nicht verborzen inn meym hertzen/von deinem glaubē vnd heyl rede ich/Ich verhele deine gūte vnd trewe nicht inn der grossen gemeyne. Du aber **S** **E** **R** **R** **E**/woltest deine barmhertzigkeit vō mir nicht wenden/Las deine gūte vnd trewe allweg mich behüten. Denn es hat mich vmbgebē vnglück des keine zal ist/**E**s habē mich meine missethat ergriffen/das ich nicht sehen kan / yr ist mehr worden denn har auff meine heubt/vñ mein hertz hat mich verlassen. Was dir gefallen **S** **E** **R** **R** dz du mich errettest/**E**yle mir zū helfen. Schemen müssen sich vn zūschanden werdē die mir nach meiner seelē stehen/dz sie die vn bringē/zuruck müssen sie fallē mit einand vnd zū schandē werdē/die mir übels gönne. Es müssen zūschandē werdē bald/die da sagē vō mir da da.

da. Es müssen sich frewē vnd frölich sein/alle die nach dir fragē/vnd müssen sagen allwege die dein heyl lieben/ Der **HERR** sey hoch gelobt. Den ich bin arm vnd elend/ Der **HERR** denckt für mich/ Du bist mein helffer vnd erretter/ mein Gott verzeuch nicht.

XLI

Ein Psalm Davids hoch zu singen.

Wel dem der sich annimpt des dürfftigē/ Den wirt der **HERR** erretten zur bösen zeyt. Der **HERR** wirt in beware vnd bey dem leben erhalten/ vnd im lassen wolgehen auff erdē/ vnd nicht geben in seiner feinde willen. Der **HERR** wirt in erquickē auff dem bett seines wehtags/ sein gantz lager wandelstu in seiner krankheit. Ich sprach/ **HERR** sey mir gnedig/ heyle meine seele/ Denn ich habe an dir gesündigt. Meine feynde reden widder mich/ Wenn wirt er sterben vnd sein name vmbkommen? Wenn er hereyn kam/ das er schawet/ so redet sein hertz vnnütz/ vnd samlet in nur vnrecht/ vnd gieng hynaus das ers nach saget. Alle die mich hasen/ raunen mit eynander widder mich/ vnd dencken böses über mich. Sie haben ein büben stuck über mich beschlossen/ Wenn er ligt/ soll er nicht widder auffstehen. Auch mein freünd auff den ich mich verlief der mit mir als/ tritt mich vnder die füsse. Du aber **HERR** sey mir gnedig vnd wecke mich auff/ So willich sie bezalē. Dabey merck ich das du lust zu mir hast/ Das mein feynd über mich nicht jauchzē wirt. Mich aber hastu durch meine frumbkeit enthaltē/ vnd hast mich gestellet für dein angesicht ewiglich. Gelobt sey der **HERR** der Gott Israael/ von nu an bis inn ewigkeit/ Amen.

XLII

Ein vnterweisung der kinder

Korah hoch zu singen.

Wie der hirs schreyet nach den wasser bechē/ So schreyet meine seele Gott zu dir. Meyne seele durstett nach Gott/ nach dem lebendigen gott/ wenn werd ich hineyn kōmen vnd schawen Gottes angesicht? Meyne threne sind meine speyse tag vnd nacht/ weyl man zu mir sagt teglich/ wo ist nu dein Gott? Wenn ich den daran gedencke/ so schutte ich meine seele aus widder mich/ Den ich wolt gerne hynuber faren mit dem hauffen/ vnd mit in gehen zu hause Gottes/ in dem don des rühmes vnd dancks vnder dem hauffen die da feyrē. Was betrübestu dich meine seele/ vnd bist so vnützig in mir? harre auff Gott/ Den ich werde in noch dancken vmb das heyl seines angesichts. Mein Gott betrübt ist meine seele in mir/ darumb gedencke ich an dich im land am Jordan/ vnd Hermonim an dem kleinē berge. Ein tieffe rufft der andern/ über dem brusen deiner flut/ alle deine wasser woge vnd wellen gehen über mich. Der **HERR** hat destages befolhē sein güte/ vnd des nachts sein gesang bey mir/ Das gebet zu Gott meyns

Der Psalter.

2 **S** meyns lebens. Ich will sagen zu Gott meinem fels / warumb hastu
mein vergessen: warumb mus ich so traurig gehen / weil mein feind mich
drenget? Es ist als ein mord in meinen beinen / das mich meine feyn-
de schmehen / wenn sie teglich zu mir sagen / wo ist nu dein Gott? Was
betrübstu dich meine seel / vnd bist so vnruigig in mir: harre auff Gott/
den ich werde im noch dancken vmb das heyl seines angesichts.

XLIII

2 **R**ichte mich **HERR** vnd füre mir meine sache / wider das vn-
heilige volck / vnd errete mich von den falschen vnd bösen leute
3 **D**enn du bist der Gott meiner stercke / warumb ledest du mich
so traurig gehen / wenn mich mein feynd drenget? Sende dein
liecht vnd deine warheit / das sie mich leyten / vnd bringen zu deinē heyl-
ligē berge vnd zu deiner wonunge. Das ich hinein gehe zum an. r Got-
tes / zu dem Gott meiner freuden vnd wonne / vnd dir Gott auff der har-
pfen dancke mein Gott. Was betrübestu dich meine seele vnd bist
vnruigig in mir: harre auff Gott / Den ich werde im noch dancken vmb
das heil seines angesichts.

XLIIII

Ein vnderweisung der kinder Korah hoch zu singen.

2 **G**ott wir haben mit vnsern ohren gehört / vnser vetter habens
vns erzelet / was du than hast zu iren zeytten vor allters. Du
hast mit deiner hand die heyden vertriben vnd sie eyngesetz /
du hast die völker verderbet vnd vertriben. Den sie haben
das land nicht eingenomen durch jr schwerd / vnd jr arm halff in nicht /
Sondern deine rechte / dein arm vnd das liecht deins angesichts / Denn
du hattest wolgefalle an jnen. Du bist mein künig Gott / der du gepen-
test Jacob zu helffen. Durch dich wölle wir vnser feinde vmb stossen /
in deinem namen wölle wir vnder treten die sich widder vns setzen.
3 **D**en ich will mich nicht verlassen auff meinen bogē / vnd mein schwerd
wirdt mir nicht helffen. Sondern du hillffest vns von vnsern feinde /
vnd machst zu schanden die vns hassen. Wir wölle teglich ehämē vō
Gott / vnd deinem namen dancken ewiglich. Sela. Warumb verstoff-
festu vns denn nu / vnd ledest vns zuschande werden / vnd zeuchst nicht
aus vnder vnserm heer? Du ledest vns fliehen für vnserm feind / das
e vns berauben die vns hassen. Du gibst vns dahin wie schlacht schaff /
vnd zustrewest vns vnder die heyden. Du verkeuffest dein volck
wolfeyl / vnd nimpst kein geld drum. Du machst vns zur schmach
vnsern nachbarn / zum spott vnd hon denē / die vñ vns her feind. Du
machst vns zum beyspiel vns den heyde / vnd das die völker das heupt
über vns schütteln. Teglich ist meine schmach für mir / vnd die schan-
de meyns andtligs bedecket mich. Für der stym des schenders vnd
lesterers / für dem feynd vnd rach gyrigen. Dis alles ist über vns kum-
men!

men vnd habē doch dein nicht vergesse / noch felschlich in deinem bund
gehandelt. Unser hertz ist nicht zu ruck keret / noch vnser gang gewichē
vō deinem wege. Das du vns so zurschlagē soltest am ort der schlangē (schlangen)
vnd hast vns bedeckt mit finsternis. Wenn wir vergessen des namens das ist / der
vnfers Gottes / vnd hūbē vnser hende auff zum fremdē Gott. Würde gifftigen tyr
das Gott nicht finden. Denn er kennet das heimliche im hertzen. Den annē / Vnd
wir werden vmb deinen willē teglich erwürget / vnd sind geachtet wie fynsternis
schlacht schaffe. Erwecke dich **S E R R E** warumb schleffestu? wach heißt vnglü
auff vnd verstoffe vns nicht gar. Warumb verbirgestu dein andlit / ck.
vergiffest vnfers elendes vnd drangs? Denn vnser seele ist gebeuget
zur erdē / vnser bauch klebt am erdbodē. Mach dich auff / hilff vns / vñ
erlöse vns vmb deiner gūte willen.

XLV

Ein lieblich lied vnd vnderweisung der kinder
Korah von den rosen hoch zū singen.

Meyn hertz tichtet etwas gūts / Ich rede was ich vō ein künige
gemacht habe / Mein zunge ist ein griffel eins geschickte schrift
gelernt. Du bist der schönest vnder menschen kindern / hold-
selig sind deine lippen / Darumb segenet dich Gott ewiglich. Gurtte
dein schwerd vmb deine lendē du mechtiger / mit preis vnd zierde. Es
müsse dir gelingen mit deiner zierde / far einher mit warheit / sanfftmut
vnd gerechtigkeit / so wirdt dich deine rechte handt wunderbarlich leren.
Scharff sind dine pfeyle / die vōlcker werdē sich dir vnderwerffe / mitte
vnder den feindē des künigs. Gott dein stül bleibt ymmer vnd ewig /
Das zepter deins reichs ist ein gerad zepter. Du liebest die gerechtikeit
vnd hassst gottlos wesen / Darumb hatt dich Gott dein Gott gesalbet
mit der freuden öle mer denn deine gesellē. Alle deine kleider sind wie
myrren / aloes vnd ^akezia / man freuwet sich dein über den elffenbeynen
tempelen. ^awas kezia sey / weis ich nicht / etlich nennens kasia fistula / Es müs eine wurtze sein
die wol reücht vnd kleider wol helt.

Inn deinem schmuck gehen küniges tochter / Die künigin steht zū deiner
rechten inn eytel kostlichem golde. Höre tochter / schaw drauff / vñ
neige deine ore / vergifs deins volcks vnd deins vatershaus. So wird
der künig lust an deiner schöne habē / Denn er ist dein **S E R R E** / vnd
solt in anbette. Die tochter ^bZor wird mit geschencck da sin / Die reichē
im volck werden für dir stehen. Des küniges tochter ist ganz herlich
drinnē / jr kleid ist gewirckt gold. Sie wird in gestickte kleidern zum kün
nigebracht werdē / vñ iungfrawē jr nach / die jr nehesten sind / werdē dir
zūbracht. Sie werden bracht mit freudē vnd wunne / vnd in den tem
pel des küniges gehen. An statt deiner vetter hastu kinder kriegē / Die
wirstu zū fürsten setzen inn allen landen. Ich will deynes namens ge
dencken von kind zū kinds kind / Darumb werdē dir dancken die vōlcker
ymmer vnd ewiglich.

XLVI

Ein lied der kinder Korah von der iugent hoch zū singen.

G u Gott

b (Zor) heist
die statt Ty
rus. es mag
auch eynen
felsheissen.
er nent aber
die statt Eis
rus. die zū S
rit die reich
ste vñ berü
meste statt
war als solt
er sage. auch
die reichsten
in der welt
werden die
chuffenbeyn
eren. 26.

Der Psalter.

Gott ist vnser züuersicht vnd stercke / Ein hülfse inn den grossen
 nöthen / die vns troffen habē. Darumb fürchte wir vns nicht
 wen gleich die erden einfiel / vnd die berge mitte ins meer fürē
 Wen gleich das meer tobete vnd auffeynen hauffen fürē / vnd die berge
 bebeten für des selben vngestüm. Sela. Der strom mit seinen bechen
 erfrauwet die stat Gottes / die heiligen wonungen des höhisten. Got
 ist bei jr drinnen / darumb wirt sie woll bleibē / Gott hilfft jr frū. Die
 heidē tobē vnd die künigreiche regē sich / Da er sich hörē lest zurschmilzt
 das erdrich. Der **S E R R** Zebaoth ist mit vns / Der Gott Jacob ist
 vnser schutz. Sela. Kompt her vnd schawet die werck des **S E R R**
 Der auff erden solch zurstören hatt angericht. Er hat die streyt auff
 gehabē bis an der welt ende / Er hatt bogen zübrochen / spies zü schlagē /
 vnd wagē mit sewer verbrant. Laßt ab / vnd erkēnet das ich Gott bin /
 Ich werd erhaben sein vnd den heiden / ich werd erhabe sein auff erde.
 Der **S E R R** Zebaoth ist mit vns / Der Gott Jacob ist vnser schutz.
 Sela.

XLVII

Ein Psalm hoch zü singen der kinder Korah.

Frolocket mit hendē alle vöcker / vnd jauchzet Gott mit fröliche
 schall. Den der **S E R R** der aller höhist ist erschrecklich / Ein
 grosser künig auff dem ganzen erdboden. Er wird die vöcker
 vnder vns schlahē / vnd leute vnder vnser füsse. Er welet vns zum
 ertheil / die herlichkeit Jacob die er liebet. Sela. Gott ist auff gefaren
 mit iauchzē / vnd der **S E R R** mit heller posamen. Lob singet / lob
 singet Gott / Lob singet / lob singet vnserm künige. Denn Gott ist künig
 auff dem ganzen erdboden / lob singet im mit verstand. Gott ist künig
 vber die heiden / Gott sitzt auff seinem heiligē stül. Die fürsten vnder
 den vöckern seind versamlet zü ein volck dem Gott Abraham / Denn
 Gott ist seer erhöhet bey den herrn auff erden.

XLVIII

Ein psalm lied der kinder Korah.

Gros ist der **S E R R** vnd hoch berümbt / in der stat vnser
 Gottes auff seinem heiligen berge. Der berg Zion ist wie eyn
 schon zweigelin / des sich strewet alle welt / an der seitē gegē mit
 ternacht ligt die statt des grossen künigs. Gott ist inn jren palasten be
 kandt das er der schutz sey. Denn sihe / die künige sind versamlet / vnd
 mit einander für überzogen. Sie haben sich verwundert da sie solchs
 sahē / sie haben sich entsetzt vnd sind verfürzt. Zittern ist sie da selbs
 ankomen / Angst wie eine gepererynn. Du wirst die schiff im meer zü
 brechen / durch den ostwind. Wie wir gehöht haben / so sehen wirs inn
 der stadt vnser Gottes / Gott bereitet die sellbige ewigklich / Sela.
 Gott wir wartē deiner güte / in deinem tempel. Gott wie dein name /
 so ist auch dein thüm bis an der welt ende / Deine rechte ist voll gerech
 tigkeit. Es freuwe sich der berg Zion vnd die töchter Juda sei frölich
 vmb

umb deiner gericht willen. Macht euch umb Zion vnd umbfahet sie/
zelet ire thürne. Legt fleis an ire maurē / vnd erhöhet ire pallast / Auff
das man dauon verkündige bey den nachkomen. Das diser Gott sey
vnsrer Gott immer vnd ewiglich / der vns füret wie die * jugent.

* (Jugent) das ist mit liebe vnd guete / wie vatter vnd mütter iunge kinder auffziehen / nicht wie
der hencker / oder stockmeister das ist / die gesetz treiber / die nicht gnade / sondern werck leren.

XLIX

Ein psalm der kinder Korah hoch zü singen.

Hört zü alle völkcr / merckt auff alle die in diser zeit lebē. Beid
gemein man vnd herrn / beide reich vnd arm mitteinander.

Mein mund wird von weisheit reden / vnd mein hertz vō ver-
stand sagen. Ich will mein ort zum spruch neigen / vnd auff der harffen
mein rezel für legen. Warumb solt ich mich fürchten in bösen tagen /
wenn mich die missehat meiner vndertrett er umbgibt? Die sich ver-
lassen auff jr güt / vnd trozen auff iren grossen reichthumb. Kan doch
ein brüder niemand erlösen / noch Gottiemand versünen. Den es ko-
stet zü viel ire seele zü erlösen / Das ers müs lassen anstehē ewiglich. Ob
er auch gleich lange lebet / vnd die gräbe nicht sibet. Denn man wirdt
sehen / das solche weisen doch sterben mitteinander / so wol als die thore
vnd narre vmbkommē / vnd müssen jr güt andern lassen. Was in irem
hause ist weret wol immerdar / ire wonung bleibē für vn für / vnd wirt
wol nach irem namē genēnet auff erden. Aber der mensch bleibt nicht
in solcher würde / Sondern wirt gleich dem viech / das geschwigen ist.

Dis jr thün ist ire thorbheit / Noch lobens ire nachkommē mit irem mun-
de. Sela. Sie ligen in der helle wie schaff / der tod wirt sie nagen / vnd
die auffrichtigen werdē über sie hirschen frū / vnd jr hord wirt veralten
die helle ist jr wonunge. Aber Gott wirt meine seele erlösen auß der
handt der hellen / wenn er mich annympt. Sela. Verwunder dich nit
ob einer reich wirt / wenn die herzigkeit seins Hauses groß wirt. Den
er wirt keins in seinem sterben mit nemen / vnd seine herzigkeit wirt im
nicht nach faren. Sondern er lobet seine seele vmb dis leben / vnd wen-
du dir gülich thüst / das preiset er an dir. Das du nachfolgest seiner ve-
ter geschlecht / Da man nymer mehr kein liecht sibet. Der mensch wen-
er in der * würde ist / vnd verstehet nicht / so ist er gleich dem viech das
geschwigen ist. * (würde) das ist / wann er güt vnd ere hat.

(Vn̄ dis les
bē) dz ist / er
helt da von
dz man hie
gnüg habe /
vnd prange
a (geschwig
en) dz ist die
dahyn seind
vnd nit mer
leben. 3

L

Ein psalm Assaph.

Der HERR der mechtige Gott hat geredt vnd gerüffen dem
land / von auffgang der sonnen bis zü nidergang. Auf Zion
erscheinet / die vollkommene schöne Gottes. Unser Gott wirt kommē
vnd nicht schweigen / fressend fiewr gehet für im her / vnd vn̄ in her ein
gros vngewitter. Er wirt rüffen dem hymel von oben / vnd der erdē
das er sein volck richte. Versamlet mir meine heyligen / die den bundt

G iij achten

Der Psalter.

achten mehr den opffer. Und die hymiel werde seine gerechtigkeit verkündigē/ Den Gott ist richter. Sela. Höre mein volck las mich vnder
 B dir zeigē/ Ich gott bin dein Gott. Deines opfers halbe straffe ich dich
 nit/ Seind doch deine brandopffer sonst jmer für mir. Ich will nicht
 vō deinē hause farrē nemen/ noch böcke auß deinē stellē. Den alle thier
 im walde seind mein/ vñ viech auff tausent bergē. Ich kēne alles geuē
 gel auff den bergē/ vñ allerley thier auff dē acker ist für mir. Wo mich
 hungerte/ wolt ich dir nit dauō sagē/ Den der erdbodē ist mein vnd alles
 was dzyne ist. Meinstu dz ich fleisch essen wölle vō den oxsen/ oßblüt
 C trinckē von den böcken? Opffere Gott danckopffer/ vñ zale dē höbestē
 deine gelübde. Und ruff mich an in der zeyt der not/ So will ich dich
 erretten so soltu mich preysen. Aber zum gottlosen spricht Gott/ was
 verkündigestu meyne rechte/ vñ nymst meyne bund yn deynem mund?
 S So du doch zucht hassst/ vnd wirffest meine wort hynder dich. Wen
 du einē dieb sahest/ so lieffest du mit im/ vnd dein teyl war mit den eebrech-
 * ern. Dein maull lieffest du böses redē/ vñ deine zunge richtet vntrew an.
 Du sassest widder deynen brüder vñnd redtest/ den son deynen mütter
 verleumbdestu? Das hastu gethan/ vnd ich schweyg/ da meynst du ich
 wurde seyn gleich wie du/ Aber ich will dich straffen vnd mich dyr vñ
 augen stellen. Merck doch das die jr Gottes vergesset/ Das ich nicht
 eyn mal hyn reysse/ vnd sey keyn retten mehr da. Wer danckopffert der
 preysset mich / vnd da ist der weg das ich im zeyge das heyl Gottes.

LI

Ein psalm Davids hoch zu singē / Da der prophet Nathan
 zu im kam/ als er war zu Bath Saba yngangen.

B GOTT sey myr gnedig nach deynen gütē/ vnd tilge meine übertret-
 tung nach deiner grossen barmhertzigkeit. Wasche mich wol
 von meynen missethat/ vnd reynige mich von meynen sünden.
 Denn ich erken mein übertretung/ vnd meine sünde ist jimmer für mir.
 An dir alleine hab ich gesündigt/ vnd übel für dir gethan. Darumb
 wirstu recht bleiben inn deinen worten/ vnd reyn erfunden wenn du ge-
 richtet wirst. Sibe ich bin in vntugēt gemacht/ vnd meine mütter hat
 mich in sünden empfangen. Sibe du hast lust zur^a warheit/ Du leffest
 mich wissen die weisheyt heymlich verborgen. ^a (warheit) das ist/ heuchley vnd
 B b schein achtestu nicht/ sondn grund vnd rechtschaffen wesen das heymlich vñ der welt verborge ist.
 b Antsündige mich mit Isopen das ich reyn werde / wasche mich das
 ich schneeweiß werde. Las mich hören freude vnd wonne/ das die ge-
 beyne frölich werden die du zuschlagē hast. Verbirge dein andtlicz vō
 meinen sünden/ vnd tilge alle meine missethat. Schaffe mir Gott ein
 reyn hertz/ vnd erneue inn mir einen willigē geyst. Verwirff mich nit
 von deinem angesicht/ vnd nym deinen heyligen geyst nicht von mir.
 Las mir widder kommē den trost deines heyls/ vnd der frey geyst ent-
 halte mich. Ich will die gottlosen deinē wege leren / Das sich die sün-
 der

b (entsündi-
 ge) dz ist/ ab-
 soluir mich/
 sprich mich
 los wie vor-
 zeiten im ge-
 setz durchs
 sprengē mit
 isopē bedeu-
 tet ward.

Der Psalter. XXXVIII

der zu dir bekeren. Errette mich von den blütschulden / Gott der du ^{* C}
meins heyls Gott bist / dz meine zunge rhüme deine gerechtigkeit. (Blüt
schulden) das ist / von der schuld damit ich den tod verdienet habe.

HERK thü meine lippen auff / Das mein mund verkündige deynen
rhüm. Den du hast nicht lust zum opffer / ich gebe es sonst / vnd brand
opffer gefallen dir nicht. Die opffer Gottes seind / ein zübrochen geyst
Ein zübrochen vnd züschlagē hertz wirstu Gott nicht verachtē. Thü ^S
wol an Zion nach deinem gütē willen / bawe die maurē zu Jerusalem. Siehe vom
opffer am
Sp. 26
So wirstu lust habē zu den opffern der gerechtigkeit / zu den brandopf-
fern vnd ganzen opffern / So wirt man farren auff deinen alltar legē.

LII

Ein vnderweisungē Davids hoch zu singē / Da Doeg der
Edomiter kam vnd saget Saul an / vñ sprach / Da-
uid ist inn Abimelechs haus kommen.



As rhümeſt du dich der boſheit du gewaltiger / Ist doch hie ^a
Gottes gütē teglich? Die zunge trachtet nach vnglück / vñ
treibſt wie ein ſcharſſſchermesser vntrew. Du liebst böſes
mehr deñ gütſ / falſch zu reden mehr deñ gerechtigkeit. Sela.
Du liebest nur was zu verderben dienet / vnd falſche zungē. So wirt
dich Gott auch ganz vnd gar abbrechen / vnd züſchlahen vñd auß der
hütten rotten / vnd deine wurzel auß dem land der lebendigen. Sela.
Und die gerechten werdens sehen vnd sich fürchten / vnd werden sein
lachen. Sihe / diſer hielt Gott nicht für ſeine ſtercke / Sondern verlies
ſich auß ſeinen groſſen reichthum / vnd war mechtig in ſeiner vntugēt.
Ich aber bin wie ein grüner ölebaum im haufe Gottes / verlaſſe mich ^B
auß ſeine gütē immer vnd ewiglich. Ich dancke dir ewiglich / deñ du
haſts gethan / vnd will harren auß deinen name / Denn er iſt güt für dei-
nen heyligen.

LIII

Ein vnderweyſungē Davids im Chor
vmb eynander hoch zu ſingen.

Die thoren ſprechē in iren hertzen / Es iſt kein Got / Sie ſeind ver ^a
derbt vnd grewlich worden in boſheit / Da iſt keiner der gütē
thü. Gott ſcharwet von hymmel auß der menschen kind / Das
er ſehe ob yemant verſtendig were der nach Gott fraget. Sie waren
aber alle abgewichen vnd mit einander vntüchtig / Da thet keiner gütſ
auch nicht einer. Wollen dann nicht erkennen die übelheter / die mein
volck freſſen / das nur ſie zu eſſen haben / Gott rüſſen ſie nicht an. Da ^B
fürchten ſie ſich da nicht zu fürchten iſt / Deñ Gott zur ſtrewet die gebey-
ne der treyber / Du machſt ſie zu ſchanden / Deñ Gott verſchmehet ſie.
Wer wirt Iſrael heyl geben? wen Gott ſein volck widder auß dem ge-
fengnis bringt / ſo wirdt ſich Jacob frewen vñ Iſrael frölich ſein.

LIIII

Ein vnderweyſungē Davids hoch zu ſingē auß ſeytenspielen / Da die
vö Siph kamē vñ ſprache zu Saul / Ist nit David bey vns verborgē?

(Treiber) dz
ſeind / die ſo
mit geſetzē
vnd gewalt
cleit wol
le frum ma-
chen in eygē
wercken.

G in Hilff

Der psalter.

21 **H**ilff mir Gott in deinem namen / vnd richte mich mit deiner gewalt. Gott erhöre mein gebet / vernim die rede meins munds. Denn frembde setzen sich widder mich vñ mechtige steen mir nach meiner seele / die Gott nicht für augen haben. Sela. Sibe / Gott stehet mir bey / Der **HEXXE** enthellt meine seele. Er wirt das böse meinen feynden bezalen / Verstöre sie inn deiner trewe. So will ich dir freywillig opffer thun / vnd deinem namen **HEXX** dancken / das er so gut ist. Denn du errettest mich von allen meine widderwerttigi / das mein auge an meinen feynden lust sibet.

LV

Ein vnderweisung Davids hoch zu singen auff seyten spielen.

21 **G**ott erhöre meine gebett / vnd entzeuch dich nicht von meinem flehen. Merck auff mich vñ erhöre mich / wie ich so jemerlich heule vnd klage. Das der feynd so schreyet vnd der gottlose dregget / Denn sie wollen ein übelthat an mir begeben / vnd seind mir hefftig gram. Mein hertz engstet sich in meinem leibe / vnd des todes fürcht ist auff mich gefallen. Furcht vnd zittern ist über mich komen / vnd grauwen hat mich überfallen. Ich sprach / O hette ich flügel wie taubē / das ich flüge vnd etwa bliebe. Sibe / so wolt ich mich ferne weg machē / vñ in der wüsten bleyben. Sela. Und wolt eyle das ich entrunne / für den vngestümen wind vnd wetter. **HEXXE** verschlinge vnd zürtrenne ire zungen / Denn ich sehe freuel vnd hadder in der statt. Das gehet tag vnd nacht vmb vnd vmb inn irer mauren / Es ist vnrecht vnd vntugent drinnen. Unglück ist drinnen / List vnd vntrew leyt nicht von irer gassen. Wenn mich doch mein feynd schendet / wolt ichs leiden / vñ wenn sich mein hasser über mich erhübe / wolt ich mich für im verbergē. Du aber bist mein gefelle / mein pfleger vñ mein freund. Die wir freündtlich mit einander waren inn geheym / wir wandelten im hause Gottes mit hauffen. Der tod über eyle sie vnd müssen lebendig in die helle faren / Denn es ist bosheit vnder in inn iren wonungē. Ich aber wil zu Gott ruffen / vnd der **HEXX** wirt mir helffen. Des abents / morgens vnd mittags will ich klage vnd heülen / So wirt er meine stym hören. Er erlöset meine seele im fride von denen die an mich wollen / Denn sie seind mit vielen wider mich. Gott wirt hören vnd sie demütigen der allweg bleibt. Sela. Denn sie ändern sich nicht / vnd fürchten Gott nicht. Denn sie legen ire hende an seine fridsamen / vnd entheyligen seinen bund. Ir mund ist gletter denn butter vnd habē doch krieg im sinn / Ir wort seind gelind den öle vnd seind doch blosser schwerter. 22 **W**irff dein anligē auff den **HEXXII** / der wirt dich versorgen / vnd wirt den gerechtē nicht im vnfride lassen. Aber Gott du wirfst sie hin vnder stoffen inn die grube des verderbens / Die blütgyrige vnd trieger werden ir leben nicht zur helffte bringē / Ich aber hoffe auff dich.

LVI

Ein

Ein gülden kleinod Davids von der stummen tauben
vnder den frembdē/ Da in die Philister griffen zu Gath.

Gott sey mir gnedig / denn menschen versencken mich / teglich
streytten sie vnd dengen mich. Meine feynde versenckē mich
teglich / Denn viel streytten widder mich stolzlich. Wen ich
mich fürchte / so hoffe ich auff dich. Ich wil Gottes wort rhümē / auff
Gott will ich hoffen / vnd nicht fürchten / was solt mir fleysch thū?
Teglich fechten sie meine wort an / All ire gedancken seind das sie mir
übel thū. Sie halten zūhauff vnd lauren vnd haben acht auff meine
fersen / wie sie meine seele erhasschen. Man hilfft in auß vmb übelthat
willē / Gott stosse solch leute zomiglich hynunder. Zele meine flucht /
fasse meine threnen in deinen schlauch / vnd zele sie. Denn werden sich
meine feinde müssen zū ruck keren / Wenn ich dich anruffe / so werd ich in
nen / das du mein Gott bist. Ich will rhümen Gottes wort / Ich will
rhümen des HERRN wort. Auff Gott hoff ich / vnd fürcht mich
nicht / was will mir ein mensch thū? Bey mir seind Gott gelübde dir
gethan / Das ich dich mit danck bezale. Denn du hast meine seel vom
tod errettet / meine füsse vom gleytten / Das ich wandeln mag für Gott
im liecht des lebens.

LVII

Ein gülden kleynod Davids / hoch zū singen (dauon das er
nicht verderbt wurde) da er für Saul flohe in die hōle.

Sey mir gnedig Gott / Sey mir gnedig / denn auff dich traw
et meine seele / vnd vnder dem schatten deiner flügel habe ich
zūflucht / bis das die schalckheit für über gehe. Ich ruffe zū
Gott dem allerhöhistē / zū Gott der mir widder auffhalff.

Er sandte vom hymmel vnd halff mir von der schmach meins versen-
ckers. Sela / Gott sandte seine güte vnd trew. Ich lige mit meiner selē
vnder den lewen / Die menschen kinder seind flammē / yhre zeene sind spi-
es vnd pfeyle / vnd yhre zungen scharffe schwerdter. Erhebe dich Got
über die hymel / vnd deine ere über alle lande. Sie habē meinem gange
netze gestellt / vnd meine seele nydergedruckt / Sie haben für mir eine grā-
ben graben vnd seind selbs dreingefallen. Sela. Mein hertz ist bereyt /
Gott mein hertz ist bereyt / Das ich singe vñ lobe. Wach auff mein ere /
wache auff psalter vnd harpffe / frū will ich auffwachen. HERR
ich will dir dancken vnder den vōlckern / Ich will dir lobe singen vnder
den leütten. Denn deine güte ist groß bis an den hymmel / vnd deine
trew bis an die wolcken. Erhebe dich Gott über die hymmel / vnd dei-
ne ere über alle lande.

LVIII

Ein gülden kleinod Davids hoch zū singen / dauon
das er nicht verderbet wurde.

Wilt ir denn nicht ein mal reden was recht ist / vnd richtē was
gleich ist / ir mensche kinder? Aber im hertzē gehet ir mit vn-
recht vmb / vnd ewer hende treibē freuel. Die gottlosen ent-
frembdē sich von mütter leib an / Die lugenreder irren von
mütter

Der Psalter.

a mütter leib an. a (Von mütter leib an) das ist/ art ist nicht güt vnd leßt von art nicht. **I** wüten ist gleich wie das wüten einer schlangē/wie die taube otter die jr orzü stopfft. Das sie nicht höre die stimme des zeüberers/des beschwerers/der wol beschweren kan. Gott zübrich ire zeene inn irem maul/zübrich **S** **E** **R** **R** die backen zeene der jungen lewen. Sie werden vergehen wie wasser das dahin fleüßet/Sie zielen mit iren pfeylē. Aber sie feylen. Sie vergehen wie eine schnecke verschmacht/wie eine vnzeytliche gepurt eins weibs/sehen sie die sonne nicht. **b** Ehe man ewre domen spüret am dorn strauch/wirt sie der zorn weg reissen wen sie noch frisch seind. Der gerecht wirt sich frewen/wen er solche rache sibet/vñ wirt seinē gang badē in des gottlosen blüt. c (Blüt) das ist/die rache wirt grösser werden denn yemand begert/das wo er ein tropffen blüts vnd rache begert/wirt sein so viel sein/das er mocht dnynnen baden. **D**as die leüt werden sagē/Der gerecht wirt sein ja gemessen / **E**s ist ja Gott noch richter auff erden.

b (ehe man) das ist/ ehe denn sie es halb dahyn bringe dahi sie wollen/wirt sie Gottes zorn züstören/vnd dem gerechtten helfen.

LIX

Ein güldē kleinod Dauids/(dauon dzer nicht würde verderbet) Da Saul hyn sandte vñ lief sein hausbewaren/das er in tödtet.

A Rrette mich mein Gott von meinen feynden/vñ schütze mich für denen/so sich widder mich setzē. Arrette mich von den übelthetern/vnd hilff mir von den blütdürstige. Den sibe/sie laurē auff meine seele/die starcken samlé sich widder mich/So ich doch **S** **E** **R** **R** keine misserhat noch sünde habe. Sie laussen on mein schuld vñ bereyten sich/Erwache mir zübegegen vnd sibe zü. Du Gott **S** **E** **R** **R** ze baoch/Gott Israel/wache auff/hey m zü süchen alle heyden/ **S**ey niemand gnedig der übel handelt. Sela. c (Sey niemandt gnedig) das ist/las dir jr böses fürnemen nicht gefallen vnd hilff nicht das ire hoffheit fort gebe. **D**es abents las sie zü ruckkeren/vnd murren wie hunde/vñ in der statt vmbher gehen. Sibe/sie redē mit irem munde/schwerter seind in iren lippen/**d** wer wirts hören? d (Wer wirts hören) das ist/sie thün als were kein Gott der es höret/vnd sagen noch dencken nicht das ein mal werde laut werden. **A**ber du **S** **E** **R** **R** wirfst jr lachen/vnd spotten aller heydē. Für seiner macht will ich auff dich acht haben / Denn Gott ist mein schutz. Gott überschütt mich mit seiner güte/Gott leßt mich meinen willen sehen an meinen feynde. Erwürge sie nicht/das es mein volck nicht vergesse/vertreibe sie aber mit deiner macht Herie mein schild / vnd stos sie hynndern. Sie leren nur sündigen/vñ hemmen sich inn irer hoffart/vnd sagen eyttel flüchen vnd widder sprechen. e (Hemmen) das ist/sie bleiben auff irem trotz vnd stolz. **M**ach sie alle/lieber mach sie alle im grym/das sie nichts seyen/vnd inne werden/das Gott **S** **E** **R** **R** sey in Jacob/inn aller welt/ Sela. **D**es abents las sie zü ruckkeren vnd murren wie hunde/vnd in der statt vñ her gehen. **L**as sie hyn vnd her laussen vmb speyse/wen sie aber nicht satt

satt werden/ werden sie murren. Ich aber will von deiner macht singen/ vnd des morgens rühmen deine gütē. Denn du bist mein schutz vnd zū flucht zūr zeyt meiner not. Ich will dir mein hort lobsingē/ Denn du Gott bist mein schutz vnd ein Gott meiner gütē.

LX

Ein gulden kleynod Davids hoch zū singen / von der rosen des zeugnis zū leren/ Da er streyt mit den Syrer zū Mesopotamia vnd mit den Syrer vō Zoba/ Da Joab umbkeret vnd schlug der Edomiter im salzthal zwelff tausent.

Gott der du vns erstossen vnd z verstreuet hast vnd zornig bist z kere dich wider zū vns. Der du die erde bewegt vnd zū rissen hast/ heyle ire brüch/ die so zū stossen ist. Denn du lieffest dein volck ein harttes sehen/ Du trencktest vns mit bitterm wein. Du hast ein zeychen geben denen die dich fürchtē/ das sie auffwürffen in der war heyt. Sela. Auff das deine freünde erledigt werdē/ So hilff mit dey ner rechten vnd erhöre mich. Gott redet in seinem heyligthüb/ Ich bin z fro vnd will teylen Sichern vnd abmessen das tal Suchoth. Gilead ist mein/ mein ist Manasse/ Ephraim ist die macht meines heupts/ Juda ist mein lerer. Moab ist mein wasschtöpfen/ meinen schüch will ich über Edom strecken/ zū mir wirt Philistia jauchzen. Wer will mich e führen inn die feste statt? wer geleytet mich bis inn Edom? Wirst du es nicht thun Gott der du vns verstoffest/ vnd zeuchst nicht auf Gott vnder vnserm heer? Schaff vns beystand inn der not/ Denn menschen hilff ist kein nütz. Mit Gott wollen wir thatē thun/ Er wirt vnser feinde vnder tretten.

LXI

Ein Psalm Davids inn der höhe zū singen auff ein seytenpiel.

Höre Gott meine klage/ vnd merck auff mein gebett. Von end z der erden will ich zū dir ruffen weñ mein hertz inn angst ist/ Du woltest mich führen auffm hohen felsen. Denn du bist meine zūversicht/ Ein starcker thurn für meinen feinden. Ich will wonen in deiner hütten ewiglich/ vnd trawē vnder deinen sittichē. Sela. Denn z du Gott hast erhört meine gelübde/ du hast erbe gebē denen die deinen namen fürchten. Du wirst dem künige langes lebē geben/ das seine jar werden immer für vnd für weren. Er wirt ewiglich sitzen für Gott/ gütē vnd trew bereyete dz sie in behütē. So will ich deinem namē lobē singen ewiglich/ das ich meine gelübde zale teglich.

LXII

Ein Psalm Davids für Jeduthun hoch zū singen.

Meine sele schweiget Gott/ Denn vō jm kompt mein heyl. Denn z er ist mein hort/ mein heyl/ mein schutz/ darumb werd ich wol bleyben. Wie lange stellet jr dem man nach/ das jr in alle er würget/ alls eine hangende wandt vnd zū stoffenen zaun?

Aber

Der psalter.

Aber sie dencken seine höhe zu verstoßen / lugen gefallen in / Sie loben mit dem munde / aber inwendig fluchen sie. Aber meine seel schweige
B Gott / Denn meine hoffnung ist zu im. Gott ist mein hort / mein heyl / vnd mein schutz / ich will wol bleibe. Bey Gott ist mein heyl / mein ere / der fels meiner stercke / meine züuersicht ist auff Gott. Hoffet auff in al zeyt / ir völker schüttet ewer hertz für im aus / Gott ist vnser züuersicht. Sela. Aber eyttel seind die menschen / falsch seind die leütte / Auff der e wagen seind sie leichter den eytelkeit. Verlaßt euch nicht auff vnrecht vnd gewalt / vnd werdet nicht eytel / fellet euch reichthumb zu / so hengt das hertz nicht dran. Gott hat ein mal geredt / zwey mal hab ich das gehört / Das bey Gott macht ist. Und bey dir S L X R güte / das du bezalest ein yglichen wie ers verdienet hat.

LXIII

Ein psalm Dauids / da er war in der wüsten Juda.

2 **G**ott du bist mein Gott / frue will ich dich süchē / Es dürstet meine seele nach dir / mein fleysch verlanget nach dir / in ein dürren vnd dürstigen lande / da kein wasser ist. So hab ich dich gesehen im heyligthumb / das ich schawete deine macht vñ ehre. Denn deine güte ist besser denn leben / meine lippen sollen dich preisen. So will ich loben bey meinem leben / vnd meine hende in deinem namen auff heben. Was meine seele voll werdē wie mit schmaltz vñ fettem / das mein
B mund mit frölichen lippen rhüme. Wenn ich dein gedacht auff meym läger / So war mein gesprech vō dir / inn der wache. Den du bist mein helffer / vnd vnder dem schatten deiner flügel will ich rhümen. Meine seele hanget dir an / deine rechte handt enthellt mich. Sie aber stehen nach meiner seele sie vmbzubringen / Sie werden vnder die erdē hynunder faren. Sie werden inns schwerdt fallen / vñ den süchsen züteyl werden. Aber der künig frewet sich inn Gott / Wer bey im schweret / wirt gerümbt werden / Denn der mund deren die das falsch redten / ist verstopfft.

LXIII

Ein psalm Dauids hoch zu singen.

2 **H**öre Gott meine stym in meiner klage / behüte mein lebē für der furcht des feyns. Verbirge mich für der samlūg der bösen / für dem hauffen der übeltheter. Welche ire zungen scherffen wie ein schwerdt / Die mit iren pfeyl ziele auffsbitterst. Das sie heimlich schieffen den frummen / plözlich schieffen sie auff in vnd fürchtē sich nicht. Sie greiffen ein böse stück an / vnd sagen wie sie strick legen wollen / vnd sprechen wer wirt sie sehen? Sie ertichten schalckheit vnd hal tens heymlich vnder sich selbs inn tieffem hertzen. Aber Gott wirt sie mit plözlichem pfeyl schieffen / Das sie wund werden. Ir eigen zunge hat sie gefellet / Das ir spottet wer sie sahe. Und alle menschen erschrecken / vnd verkündigeten Gottes that / vnd merckte das sein werck war.

Derge

Der gericht freuwet sich im S E R A vnd trauwet auff in vnd thū
men sich alle die auffrichtig sind von hertzen.

LXV

Ein psalm Davids zum lied hoch zu singen.

Gott man harret vñ lobt dich zu zion / vnd dir zalt man gelübde
Weil du gebett erhörest / kompt alles fleisch für dich. Unser
missethat ist zu gros wordē / vnser vbertretung woltestu ver-
geben. Wol dem / den du erwelest vnnd zu dir ledest / das er wone inn
deinen höfen / Der wirt gesettiget mit güt deins hauses deines heyligen
tempels. Du wirst vns wunderlich antworten mit gerechtikeit Gott
vnser heils / Der du bist zuuersicht aller welt ende / vnd des meeres in
der ferne. Der die berge zu richtet mit seiner krafft / vmbgürtet mit ge-
walt. Der du stillest das brausen im meer / das brausen yhrer wellen
vnd toben der vöcker. Das sich fürchten die an den enden wonen für
deinen zeichen / Du machst frölich die ausgehe beide frū vnd spat. Du
süchst das land heym vnnd wesserst es / vnnd machest es seer reich / der
strom Gottes ist voll wassers / damit bereitest du sein getreide / den also
bereitestu es. Du trenckest seine furchē / vnd überschüttest sein gepflüg-
tes / mit triessen machstu es weich / vnd segenest sein gewexse. Du krö-
nest das iar mit deinem güt / vnnd deine süßstapffen triessen von fett.
Die woung in den wüste triessen / vnd die hügel sind vmbher lustig.
Die anger sind voll schaffen / vnd die awen stehen dick mit getreide /
das sie auchtzen vnd singen.

LXVI

Ein psalm lied hoch zu singen.

Iuchzet Gott / Alle land Lob singet zu ere seinem namē / macht
seinen thūm herlich. Sprech zu Gott / wie wunderlich sind
deine werck / Es wird deinen feinden seilen für deiner grossen
macht. Alle land bette dich an vnd lobsinge dir / Lob singe deinem na-
mē. Sela. Kompt her vnd sehet an die werck Gottes / der so wunder-
lich ist mit sein thūn vnder den menschē kindern. Er verwandelt das
meer ins trocken / das man zu füßen vber das wasser gehet / des freuwē
wir vns in im. Er herschet mit seiner gewalt ewiglich / seine augē scha-
wen auff die vöcker / Die abtrinnigen werden sich nicht erhöhen künde
Sela. Lobet jr vöcker vnsern Gott / last laut werden die stim seyns
thūmes. Der vnser seelen im leben behellt / vnnd lest vnser füsse nicht
gleitē. Denn Gott du hast vns versücht vnd geleutert wie das silber
geleutert wirt. Du hast vns bracht in ein burg / Du hast auff vnser
lenden eine last gelegt. Du hast menschen lassen über vnser heubt fare
wir sind in feur vnd wasser komen / aber du hast vns ausgefürt in die
fülle. Darumb will ich mit brandopffer gehen in dein haus / vnd die
meine gelübde bezalē. Wie ich meine lippen hab auff gethan / vnd mein
mund geredt hatt in meiner nott. Ich wil dir feiste brandopffer thūn

S von

Der Psalter.

von gebranten widdern / Ich wil zü richten rinder mitt böcken. Sela.
Kompt her höret zü / alle die jr Gott fürchtet / ich will erzelen was er an
meiner seelen than hatt. Zü im rieffich mit meinem munde / vnd ist
erhöhet mit meiner zungē. Wo ich vnrechts ansehe in meinem hertze /
So wird der **HER** nicht hörē. Darumb erhöret mich Gott / vnd
merckt auff die stim meines flehens. Gelobet sei Gott / der mein gebet
nicht abgewendet hat / noch seine güte von mir.

LXVII

Ein psalm lied hoch zü singen auff seyten spielen.

Gott sei vns genedig vnd segene vns / Er las vns sein andlitz leu-
chten. Sela. Das wir auff erden erkennen seine weg / vnder
allen heyden sein heyl. Es dancken dir Gott die völker / Es
dancken dir alle völker. Die völker freuwen sich vnd jauchzen / das
du die leut recht richtest / vnd fürest die leut auff erden. Sela. Es dan-
cken dir Gott die völker / Es dancken dir alle völker. Das land gibt
sein gewechs / Es segene vns Gott / vnser Gott. Es segene vns Gott /
vnd aller welt ende fürchte in. LXVIII

Ein psalm lied Davids hoch zü singen.

A
difer psalm
redet ganz
von Christo
darüb müs
mā wol dar
auff mercke
den er füret
selzam rede
vñ wort na
ch dē büch-
staben. **B**

Es stehe Gott auff / das seine feinde zü streuwet werden / vnd die
in hassen für im fliehen. Wie der rauch vertrieben wirt / so ver-
treibe sie / wie das wachs zur schmelzt vom feür / So müssen vñ
kommen die gottlosen für Gott. Die gerechten aber müssen sich freuwē
vnd frölich sein für Gott / vnd in freuden wonne habē. Singet Gott
lob singet seinem namē / macht ban dem der da sanfft her feret / Er heyst
HER / vnd streuwet eüch für im. Der ein vatter ist der wäisen
vnd ein richter der widwynn / Er ist Gott inn seiner heiligen wonungē
Ein Gott der den eynsamen das haus voll kind gibt / der die gefangen
aus füret nach wunsch / Aber die abtrünnigē bleibē in der dürre. Gott
da du für deinem volck herzogest / Da du einher giengest in der wüsten.
Sela. Da bebet die erde vñ die himel troffen für solchem Got Sinai
für dem Gott der Israels Gott ist. Gott dein erbe ist dürre / Du wol-
test eynen gnedigen regen austeilē / vnd lassen geraten. Deine thier
werden drinnē wonen / Gott du wirst den elendē dein güte lassen geraten.
Der **HER** wird gebē das wort / mit grossen scharen Euangelistē.
Die **könige** der heerscharen werdē vnderinander freund sein / vnd die
hausziede wird den raub austeilē. Wenn jr ligt zwischē den grenzen
so werden die sittiche der taubē übersilbert sein / vnd ire flügel goltfarb
Wenn der allmechtige über sie **könige** aus setz / So wird sie schnee weis
sein auch im tuncfel. Der berg Gottes ist ein fett berge / Ein gebügelte
berg / ein fett berg. Warum bupffet jr gebügelte berg? Gott hat lust
auff diesem berge zü wonen / vnd der **HER** bleibt da immer dar.
Der wagē Gottes ist viel tausent mal tausent / Der **HER** ist vñ
in im heiligē Sinai. Du bist in die höhe gefarē vnd hast das gefengē
nis

a (Könige)
sind die
posteln die
eyntrechtig
lernen.
b (hauszier-
de) heist auf
Ebreysch ei-
hausfraw /
vñ redet hic
von der kir-
che vñ baut
Christi.

Der psalter. XLII

nis gefangen / Du hast gaben empfangē für die menschē / auff das Gott der **HERR** da wone. Gelobet sey der **HERR** teglich / Der Gott vnsers heyls wird vns wol beladen. Sela. Der Gott ist vns ein Gott des heils / vñ ein **HERR HERR** dem tod zū entlauffen. Doch wird Gott den kopff seiner feinde zūschmeissen mit irem harschedel Der da wandelt inn seiner schuld. ^(harschedel) das künigreich vnd priesterthumb d⁸ Juden / darnumb das sie bleyben im vnglauben.

Ephc. 4.
D
(wolbelas
den)
Matth. 1.
Mein ioch
ist süsse 2c.

Der **HERR** hatt gesagt / Ich will aus den fetten widder holen / Aus der tieffe des meers will ich widder holen. Das dein fuß in der feinde blüt geferbet werde / vnd es dein hunde lecken. Man hat gesehen Gott deine genge / Die genge meins Gottes vnd küniges im heyligthū. Die senger gehē vor / darnach die spiel leute / vnder den megdē die do pauckē. Lobet Gott den **HERREN** in den versamlungē / vñ den brunn Israel. Da hirschet jr 8 kleine Bē Jamin / Die fürstē Juda mit ire hauffen / Die fürstē Sebulo / Die fürstē Naphthali. Dein Gott hat dir stercke befohlen / Stercke Gott / dz du vns gethan hast. Um̄ deines tēpels willē zū Jerusale / werden dir die künige geschenckē zū führen. Schillt das thier im rhor / die rōtte der oxsen vnder den leutten die jr kelber seind / die da lust zū gelt haben / Er hatt zūstreuwet die vōlcker die zū krieg lust haben Die feysten werden kōmen aus egypten / Moren land wirt seine hende ausrecken zū Gott. Ir künigreich aufferden singet Gott / Lob singet dem **HERREN**. Sela. Dem der da feret im himmel allenthalbē von anbegin / Sihe / er wird seinem donner krafft geben. Gebt Gott die krafft / seine herlikeit ist über Israel vnd seyne krafft in den wolcken Gott ist wundersam an seynem heyligthumb / Er ist Gott Israel / Er wird seinem volck sterck vnd krafft geben / gelobet sei Gott.

(thier) falsch
lerer mit ire
hauffen.

LXIX

Ein psalm Davids von den rosen hoch zū singen.

Gott hilff mir / Deñ die wasser sind kōmē bis an die seele. Ich bin verfuncken in tieffem schlam / da kein boden ist / Ich bin inn tieff wasser kōmen / vñ die flūt hatt mich erseufft. Ich bin müde worden mit schreyen / mein hals ist heysch / meine augē seind alle worden / für harren auff meinē Gott / Die mich hassen on vrsach / der ist mer deñ ich har auff dem heübt habe. Die mir vnbillich seind sind vnd mich verderben / sind mechtig worden / ich müs bezalē das ich nicht geraubt habe. Gott du weist meine thorheit / vnd meine schulde sind dir nicht verborgen. Las nicht an mir zū schanden werden / die deyn harrē **HERRE HERRE** Zebaoth / Las nicht schamrodte werde die dich süchē Gott Israel. Deñ vmb deinen willē trage ich schmach / Schande deckt mein angesicht. Ich bin frembd worden meinen brüdern / vnd vnbekant meiner mütter kindern. Deñ der eyffer vmb dein haus frisset mich / vñ die schmach deren die dich schmehen seind auff mich gefallen. Vñ ich weynet da meine seele fastet / vnd das ist mir

5. ff. 2

H ij zum

Der psalter.

zum spott worden. Ich thet einen sack für ein kleyd an / vnnnd bin yhr
sprichwort worden. Es redten widder mich / die im thor sassen / vnd
war ein lied dē seuffern. Ich aber bett **HER** zu dir / zur angenehme
zeit / Gott in deiner grossen gūte / Erhöre mich nach deiner trüwe hülffe
Errette mich aus dem kot das ich nicht versincke / Das ich errettet wer-
de von meinē hessern vnd aus dem tieffen wasser. Das mich die was-
ser flüt nicht erseuffe / vnd die tieffe nicht verschlinge / vnd das loch der
grüben nicht über mir zu samē gehe. Erhöre mich **HER** / den dei-
ne gūte ist lieblich / wende dich zu mir nach deiner grossen barmherzig-
keit. Und verberge dein angesicht nicht für mir deinem knecht / Denn
mir ist angst / erhöre mich eilend. Mach dich zu meiner seele vnd erlöse
sie / Erlöse mich vmb meiner feinde willen. Du weist meine schmach /
schande vnd scham / meine widersacher sind alle für dir. Die schmach
brücht mir das hertz vnnnd bin betrübt / Ich warttet obs yemand iamert
aber da war niemand / vnd aufftröster / aber ich fand keine. Unnd sie
gaben mir gallen zur speise / vnd trenckte mich mit essig da mich dürstet.
Ihr tisch müsse für inen zum strick werdē / zur vergeltung vnd zur falle.
Ihre augen müssen finster werdē das sie nicht sehen / vnd yhre lenden
las ymmer wanckē. Geüs auff sie deine vngnade / vnd dein grünger
zorn ergreiffe sie. Ihr wouung müsse wüst werden / vnd sey niemand
der in ihren hütten wone. Denn sie verfolgē den du geschlagen hast /
vnnnd haben über deyne wunden des schmerzen noch mehr gemacht.
Was yhn eine missethat über die ander kōmen / Das sie nicht kōmmen
zu deiner gerechtikeit. Tilge sie aus dem büch der lebendigen / Das sie
mit den gerechten nicht angeschrieben werdē. Ich aber bin elend vnd
mir ist wehe / Dein heyl Gott las mich schützen. Ich will den namen
Gottes lobē mitt ein lied / vnd wil in hocheeren mit danck. Das wird
dem **HER** was gefallē den ein farr / der hōmer vnd klauwen hat /
Die elenden sehen vnd freuwe sich / vnd die Gott süchen den wirt das
hertz leben. Denn der **HER** höret die armen / vnd veracht seyne
gefangene nicht. Es lobe in hymel / erde vnd meer / vnd alles das sich
drinne reget. Den Gott wird zion helfen / vnd die stette Juda bawē
das man daselbs wone vnnnd sie besitze. Unnd der same seiner knechte
werden sie ererben / vnd die seinen namen lieben werden drinne bleybē.

LXX

Ein psalm Davids hoch zu singen zu erynnern.

21 **B**yle Gott mich zu erretten / **HER** mir zu helfen. Es müssen
zu schanden werden die nach meiner seelen stehen / Sie müssen zu
bruck feren vnd gehōnet werden die mir übel wünschē. Das sie
müssen eyns ganges zu schanden werden / die von myr sagen / Dada.
Hrenwe vnd frōlich müssen sein an dir / die nach dir fragen / vnd inier
sagē / hoch gelobt sey Gott / die dein heil liebē. Ich aber bin elend vnd
arm / Gott eile zu mir / Den du bist mein hülffe vnd erretter / **HER**
verzench nicht.

verzeucht nicht.

LXXI

Ein Psalm Davids.

HERR ich trawe auff dich / Las mich nymmer mehr zu schanden werden. Errette mich durch deine gerechtigkeit vnd hilff mir aus / Neyge deine oren zu mir vnd hilff mir. Sey mir ein starcker hort / dahyn ich immer fliehe / der du gepeüttest mir zu helffen / Denn du bist mein fels vnd meine burg. Mein Gott hilff mir auß der handt des gottlosen / auß der handt des vnrechten vnd grausamen. Denn du bist meine züuersicht / **HERR** meine hoffnung vö meiner jugēt an. Auff dich bin ich enthaltē von mäter leibe an / Du hast mich aus meiner mütter leib gezogen / mein rhüm ist immer vö dir. Ich bin für vielen wie ein wunder / Aber du bist meine starcke züuersicht. Las meinen mund deines rhümes voll sein / vñ deines preyses teglich. Verwirff mich nicht zur zeit meines allters / verlas mich nicht wenn meine krafft abnympt. Denn meine seynde sagen von mir / vnd die auff meine seele halten / beraten sich mit einander. Vnd sprechen / Gott hat in verlassen / Jaget nach vnd ergreyff in / Denn da ist kein erretter. Gott sey nicht ferne von mir / Mein Gott eyle mir zu helffen. Schemen müssen sich vnd all werden / die meiner seele widder seind / mit schmach vnd hon müssen sie überdeckt werden / die mein vnglück suchen. Ich aber will ymer harren / vnd wil ymmer deines rhümes mehr machē. Mein mund soll verkündigē deine gerechtigkeit / teglich dein heyl / die ich nicht alle zelē kan. Ich will hineyn gehen zu sage von der macht des **HERRN** / Ich will allein deiner gerechtigkeit dencken. Gott du hast mich von jugent auffgeleret / Vnd ich verkündige noch deyne wund. Auch verlas mich nicht Gott im allter wenn ich graw werde / bis ich deynen arm verkündige kindskindern / vnd deine macht allen die noch kommen sollen. Gott deine gerechtigkeit reychet hoch der du grosse ding thüst / Gott wer ist dir gleich? Der du mich lesest sehen vil vnd grosse angst vnd machst mich wider lebendig / vnd holest mich wider aus der tieffen der erden erauff. Du machst mich seer groß / vñ tröstest mich widder. So dancke auch ich dir mit psalter spiel deiner trewe mein Gott / Ich lobsinge dir auff der harffen du heyliger Israel. Meine lippē seind fro das ich dir lobsinge / vnd meine seele die du erlöset hast. Auch tichtet meine zunge teglich vö deiner gerechtigkeit / Das sich schemē vñ zuschanden werden / die mein vnglück suchē.

LXXII

Des Salomo.

Gott gib dein gericht dem künige / vñ deine gerechtigkeit des küniges sone. Was er dein volck richte mit gerechtigkeit / vñ deine elenden mit gericht. Was die berge den Friden erheben vnder dem volck / vnd die hügel die gerechtigkeit. Er wirt richtē das elende volck vnd helffen den armen / vnd zuschlahen den schender. Man

S iij wirt

wirt dich fürchtē/so lange die sonne vñ mond weret/von kind zu kind
 z kinden. Er wirt erab faren wie der regen auff das fell/wie die tropff-
 en die das land feuchten. Zu seinen zeytten wirt auffgehen der gerecht-
 te/vnd grösser fride/bis das der mond nymmer sey. Er wirt hirschen
 von eym meer bis ans ander/vnd von dem wasser an/bis zur welt ende.
 Für jm werde knyen die inn den wüsten/vnd seine seynde werde staub
 lecken. Die künige am meer vñnd inn den Insulen werden geschencke
 bunge/Die künige von reich Arabien vnd Seba werden gaben zu fürē.
 e Alle künige werden in anbeten/Alle heyden werden jm dienen. Denn
 er wirt den armen erretten vom geschrey/vnd den elendē der keinen helf-
 fer hat. Er wirt schonen der geringen vnd armen/vnd den seelen der
 armen wirt er helffen. Er wirt ire seele auß dem trug vnd freuel erlö-
 sen/vnd ir blüt wirt theur geacht werden für jm. Er wirt leben vnd
 man wirt jm geben vom gold auß reich Arabien/vnd man wirt für jm
 s betten jimmer dar/teglich wirt man in lobē. Es wirt aufferde ein nied-
 b lich getreyde sein oben auff den bergen/Seine frucht wirt^b beben wie
 Libanon/vnd wirt grünen in den stetten wie gras auff erden. ^b(beben) dz
 ist/der berg Libanon stehet dick von beumen vnd hebet wenn der wind wehet/so dick wirt auch dz
 Euangelion stehen vnd beben in den stetten/das ist/Es wirt das Euangelion vnd die Christen reich-
 lich wachsen vnd zunemen. Sein name wirt ewiglich bleiben/vnder der son-
 nen wirt sein name auff die nachkommen^c reychen/vnd werden durch
 den selben gesegnet werde/Alle heiden werde in selig preysen. ^c(reychen)
 das ist/man wirt seinen namen ymmer predigen für vnd für/ob gleich die allten sterben/so thuns
 die nachkommen. Gelobt sey Gott der HERR der Gott Israel/der al-
 leine wunder thut. Vnd gelobet sey der name seiner ehre/Vñ alle land
 müssen seiner ehre voll werden. Amen/Amen.

¶ Ein ende haben die gebett Davids des sons Isai.

LXXIII

¶ Ein Psalm Assaph.

z **G**ott ist so güt dem Israel/die da reynes hertzē seind. Ich aber
 hette schier gestrauchelt mit meinen füssen mein tritt hette viel
 nahe geglittē. Dennes verdros mich auff die tollē/da ich sa-
 he/das den gottlosen so wol gieng. Den sie seind mit dē tod nicht vñ
 fangen/vnd stehen fest wie ein pallast. Sie seind nicht in vnglück wie
 ander leut/vnd werden nicht mit andern menschen geplagt. Darum
 d mus jr hoffart ehrlich sein/vñ jr freuel mus in wol anstehē. ^dSie wol-
 len gesehen sein darum das sie so fett seind/Sie thun was sie nur geden-
 cken. ^d(Sie wollen) Difer vers laut auff Ebreisch/jr auge gehet er auß für fett/vñnd sie gehen
 über die gedanken des hertzen/das ist aber finster geredt/vnd will also sagen. Sie seind fett/das
 ist/reich/mechtig/inn ehren/darumb brustē sie sich/vnd wollen for vnd oben an sein/vnd für al-
 len gesehe sein. Was sie thun das mus recht vnd sein sein/was sie rede das ist kostlich/das jr pracht
 vnd hoffart gleich ein ehre vnd zierde gehalten wirdt/woas aber ander reden vñnd thun/das mus
 stincken vnd nichts sein/jr zunge regirt im hymmel vnd erden. Sie vernichten alles vñ
 reden übel dauon/vnd reden mit gewalt hoch her. Sie stellen iren
 mund inn hymmel/vnd ire zunge gehet im land vmb. Darumb keret
 sich

sich jr volck daselbshyn / Vnd finden wasser die fülle bey jnen. Und sprechen/wie weys es Gott: Ist auch erkentnis bey dem höhisten: Sihe/das seind die gottlosen/Die seind glücklich in der welt vnd besitzen den reichthumb. Soll ich denn vmb sunst mein hertz gereyniget / vnd meine hende mit vnschuld gewasschen haben: Und byn geplagt gewesen teglich/Vnd meine straffe war frü da. Gedacht ich das ich auch so sagen wolt/Sihe / so verwarff ich das geschlecht deiner kinder. Ich dacht im nach/dz ich solchs verneme/Aber es war mühe für mir. Bis das ich gieng inn die heyligthume Gottes/vnd mercket auff jr ende. Aber du setzest jr ding auff vngewis/Vnd fellest sie zu boden. Wie werden sie bald so wüste/Sie gehen vnder vnd nemē ein ende mit schrecken. Wie ein trawm weñ einer erwacht/So wirstu **HERK** jr bilde inn der statt veracht machen. Denn mein hertz ist durchbittert vnd meine nieren seind durchstochē. Ich aber bin ein narz der nichts weiß Ein thier binn ich bey dir. Und ich bin stets bey dir / Du fassst mich bey meiner rechten handt. Du leytest mich nach deinem radt / Vnd nymest mich hernach mit ehren an. Wen hab ich im himmel: Vnd auff erden gefellet mir nichts/wenn ich bey dir byn. Mein fleysch vnd mein hertz ist verschmacht / Gott ist meins hertzen hort vnd mein teyl ewiglich. Denn sihe/die sich von dir fernē/werden vmbkommen / Du verstörest alle die widder dich hören. Aber es ist mir güt das ich mich zu Gott halte/vnd meine zünersicht setze auff den **HERK HERK** Das ich verkündige alle deine werck.

(bilde) dz ist jr zytlich wesen/welchs nur ei scheint vnd bild ist.

LXXIII

Ein vnderweysung Affaph.

Gott warumb verstoffest du vns so gar / vnd deyn zorn raucht **A** widder die schaff deiner weyde: Gedencck an deine gemeyne die du erworben hast von alters her/Die du erlöset hast zur rüten deines erbes / an dem berg Zion da du auff wonest. Tritt auff sie mit füßen vnd stof sie gar zu boden / Der feynd hat alles verderbet im heyligthumb. Deine widderwertigen brüllen mitten vnder deinen festen/vnd setzen jr zeychen auff zu zeychen. Man sieht die egste oben herblicken/als die inn den wald haben. Vnd zu haben also seine tafelerck/mit beyl vnd bartten. Sie werffen dein heyligthumb ins feur / **B** Sie entweyhen die wonung deyns namens zu boden. Sie sprechen inn irem hertzen / laßt vns sie berauben miteynander / Sie verbrennen alle stette Gottes im lande. Unsere zeychen sehen wir nicht / vnd ist kein prophet mehr / vnd ist vnder vns keyn erkennen mehr. Wie lange soll Gott der widderwertige schmehen: vnd der feyndt deynen namen so gar verlestern: Warumb wendest du deyne handt ab / Vnd deyne rechten von deynem scho so gar: Aber Gott mein künig von **(scho)** alters her / thüt hülfte mitten im lande. Du zütrennest das meer durch deyn krafft/Vnd zübrichst die köpffe der drachē auff dem wasser.

(scho) dz ist von dem tēpel darynn du sitzt wie im scho.

H üij Du zer:

Der Psalter.

Du züschlechst die köpffe Leviathan / vnd gibst in zür speyse dem volck in der eynöde. Du teylest aus brunnen vnd beche / Du lessest versigen starcke strome. Tag vnd nacht ist dein / Du bereytest liecht vnd sonne. Du setzest allen landen grentze / Sommer vnnnd winter machest du. So gedencke doch des / das der seynd Gott schmehet / Vnd ein nerrisch volck leftert deinen namen. Du woltest nicht dem thier geben die seele deiner dordeltauben / Vnd das thier deiner elenden nicht gar vergessen. Schaw den bund an / Denn es steht voll freuel heüser an den finstern orten im lande. Was den geringe nicht mit hone weg gehen / Denn die armen vnd elenden rhümen deinen namen. Mach dich auff Gott vnd füre aus deine sache / Gedenck an deine tegliche schmach von den narre. Vergiss nicht die stym deiner widerwertigen / Das getümel deiner widerwertigen nympt immer zü.

LXXV

Ein Psalm vnd lied Assaph / das er nicht verderbet würde hoch zü singe.

W Ir dancken dir / Gott wir dancken dir / Vnd das dein name nahe ist / verkündet man deine wunder. Denn ich werde bestympte zeyt nemen / vnd recht richten. Das land ist weych worden vnd alle die drynnē wonen / Ich habe seine seülen bereydet. Sela. Ich sprach zü den tollē / seydt nicht so toll / vñ zü den gottlosen setzet nicht hörner auff den kopff. Hebt ewr horn nicht empor / redet nicht halffstarrig. Denn erhöhung kumpt wedder von auffgang noch von nidergang / noch von der wüste. Sondern Gott ist richter / Der nydriget vnd erhöhet. Denes ist ein kelch in der hand des **HER** **XXV** vnd starcker wein voll eyngeschenckt vnd ^bgeüffset auf den selben / Aber seine hesen werden saugen vnd trincken alle gottlosen im lande. Ich aber will verkündigen ewiglich / vnd lobe singe dem Gott Jacob. **Und wil alle hörner der gottlosen zübreche / Das die hörner der gerechtē erhöhet werden.**

LXXVI

Ein Psalm lied Assaph / auff seyten spiel hoch zü singe.

Gott ist in Juda bekant / Inn Israel ist sein name herlich. Zü Salem ist sein gezelt / vnd seine wonung zü Zion. Daselbs zübricht er die pfeyl des boges / schild / schwerdt vñ streit. Sela. Du bist herlicher vnd prechtiger / denn die raube berge. ^c (raube berge) dz sind die grossen künigreich vnd fürstenthumb / als Assyrien / Babylon / vnd Egypten / die die land vnder sich mit streyt brachten vnd also zü sich raubten. Die prechtige werden beraubt vnd schlaffen iren schlaff / Vnd alle starcke mēner vermügen nichts mit iren henden. Von deinem scheltē Gott Jacob / sinckt in schlaff bey deros vnd wagen. Du bist erschrecklich / wer kan für dir stehen / wenn du zürnest. Du hast das gericht lassen hören vom hymmel / Das er dich fürcht sich vnnnd ward stille. Da Gott auffstund züm gericht / Das er hülfte allen ellenden auff erden. Sela. Denn das du menschlich zürnest wirdt man dir dancken / Aber den übrigen zorn wirst du vmb

^b (geüffset)
Das ist / er teilet ein yglichen sein maß zü. das er leide. Abz er die grunt supe bleybt den gottlose.

^c (raube berge) dz sind die grossen künigreich vnd fürstenthumb / als Assyrien / Babylon / vnd Egypten / die die land vnder sich mit streyt brachten vnd also zü sich raubten.

du vmb dich ^{gürtten.} (Gürtten) Das ist / Zeithlich zorn vñnd straff gehet über ^a
die heyligen. Aber der ewige zorn hernach über die bösen / darumb gürtet den selben Gott vñ sich /
vñnd lefft nicht dauon. Gelobt jr / so haltet es dem **HERREN** ewrem Gott
alle die jr vmb in her seyt / bringet geschenck dem wunderlichen. Der
den fürsten den müt nympt / vñnd wunderlich ist vñder den künigē auff
erden. **Ein Psalm Assaph / für Jeduthun hoch zu singē**

Mit meiner stym zu Gott / Ja mit meiner stym zu Gott will ich ^a
schreyen / Vñnd er wirt mich hören. Am tage meiner not sucht
ich den **HERREN** / meine hant ist des nachts außgereeckt vñ
lefft nicht ab / Denn meine seele wolt sich nicht trösten lassen. Wenn ich
an Gott gedacht / so entsazt ich mich / Ich redte vñnd mein geyst ward
onmechtig. Sela. Meine augen heltestu das sie wachē / Ich bin zertret
ten das ich nicht rede. Ich habe gedacht derzeyt vor alters / Der vorig
en jare. Ich dencke des nachts an mein seyten spiel vñnd rede mit mei- ^b
nem hertzen / mein geyst müßt forschen. Wirt denn der **HERREN** ewig
lich verstoffen / vñnd keinen wolgefallen mehr haben? Ists denn ganz
vñnd gar auß mit seiner güte? Vñnd hat das wort ein ende für vñnd für?
Hat denn Gott der gnade vergessen / vñnd hat seine barmhertzigkeit im
zorn verschlossen? Sela. Aber ich sprach / dz ist meine schwachheit / Es
seind verenderung der rechten handt des höchsten. Darumb will ich ^c
gedencken an das thun des **HERREN** / Ja wenn ich gedencke deiner
wunder von allters her. Vñnd will reden von allen deinen werckē / Vñ
sagen von deinem thun. Gott dein weg ist in der heyligkeit / Wer ist so
gros vñnd starck als Gott? Du bist der Gott der wund thut / Du hast
deyne macht kundt werden lassen vñder den völkern. Du hast dein ^d
volck erlöset durch deinen arm / Die kinder Jacob vñnd Joseph. Sela.
Die wasser sahen dich Gott / die wasser sahen dich vñnd engsteten sich /
vñnd die tieffen tobeten. Die dicke wolcken gossen wasser / die wolcken
donnertē / vñnd deine pfeyle führen her. Der stym deines donners ist am ^{(pfeyle) die}
runden / deine blytze leuchten auff dem erdbodē / Das erdtrich reget sich ^{blitzen.}
vñnd bebet dauon. Dein weg ist im meer vñnd dein psad in grossen was ^(runden)
sern / vñnd man spüret doch deine füß nicht. Du fürtest dein volck wie ^{dz ist am hy}
ein herd schaff / durch Mosen vñnd Aharon. ^{mel.}

LXXVIII

Ein vñnderweysunge Assaph.

Höre mein volck mein geseze / Heyget ewre oren zu der rede meus ^a
mundes. Ich will meinen mund auff thun zu sprichē / vñnd al
te sache aus sprechē. Die wir gehört haben vñnd wissen / vñ vn
ser veter vns erzelet haben. Das nicht verholen ist iren kinden / die her
nach kommē seind / vñnd verkündigeten den rhüm des **HERREN** / vñnd
seine sterck vñnd wunder die er than hat. Er richtet ein zeügnis auff inn
Jacob / vñnd gab ein gesez in Israel / das er vnsern veteren gebot kundt zu
thun iren kinden. Auff das die nachkommen wissen solten / vñnd
die kinder die noch solten geborn werden. Wenn sie auff kemen / das
sie es auch iren kindern verkündigeten. Das

Der Psalter.

3 Das sie setzen auff Gott ire hoffnung/Vnd nicht vergessen der thaten
des **HERREN**/vnd seine gebott hielten. Vnd nicht würden wie ire
veter ein abtrünnig vnd vngheorsam geschlecht/welchs sein hertz nicht
richtet/Vnd des geyst nicht rechtschaffen war an Gott. ** Paralip. 8.* Wie die kind
Ephraim geharnscht den bogen fürten/Seind umbkeret zur zeyt des
streytts. Sie hielten den bund Gottes nicht/Vnd wolten nicht inn sei-
nem gesetz wandeln. Vnd vergassen seiner thaten/Vnd seiner wunder
die er sie hatte sehen lassen. Für iren veteren that er wunder/Inn Egy-
pten land im feld Zoan. Er züteylet das meer vñ lies sie durch hyn ge-
hen/Vnd stellet das wasser wie eine maur. Er leyet sie des tages durch
eine wolcken/Vnd des nachts durch ein helles fiewr. Er reyts die fels-
en in der wüsten/Vnd trencket sie mit grossen wassern. Vnd lies bäche
auf den fels-
en fließen/Das sie hynab flossen wie wasserstrom-
e. Noch
sündigeten sie weytter widder in/Vnd wurden vngheorsam dem höhi-
sten inn der wüsten. Vnd versüchten Gott inn irem hertzen/Das sie
speyße forderten für ire seelen. Vnd redten widder Gott vnd sprachē
Ja Gott solt wol können einen tisch bereyten inn der wüsten? Siche er
hat wol den fels-
en geschlagen/das wasser flossen/vnd beche sich ergos-
sen. Aber wenn kan er brodt geben/vnd fleysch bereyten seinem volck?
Danu das der **HERRE** höret/entbrandt er vnd fiewr gieng an inn Ja-
cob/Vnd zorn kam über Israel. Das sie nicht glaubten an Gott/Vnd
hoffeten nicht auff sein heyl. Vnd er gebot den wolcken droben/Vnd
that auff die thüren des hymels. Vnd lies auff sie regenē zu essen/vnd
gab in himmelkorn. Iderman ass engelbrodt/Er sandte in narung
die fülle. Er lies wehen den ostwind vnder dem hymel/Vnd bracht
durch seine stercke erzü den südwind. Vnd lies fleysch auff sie regenē
wie staub/Vnd sidderig geuögel/wie sand am meer. Vnd lies sie fal-
len vnder ir läger allenthalben/Da sie wonetē. Da assen sie vnd wur-
den allzu satt/Er lies sie ire lust büssen. Da sie nu ire lust gebüffet hat-
ten/Vnd sie noch dauon assen. Da kam der zorn Gottes über sie/vnd
erwürget die besten vnder in/Vnd demütiget die aufbündigē Israel.
Aber über das alles sündigeten sie noch mehr/Vnd glaubten nicht an
seine wunder. Darumb wurden ire tage alle mit eytelkeit/Vnd ire jar
bald dahyn. Wenn er sie erwürget/süchten sie in/Vnd kereten sich frü
zu Gott. Vnd gedachten das Gott ir hort ist/Vnd Gott der höhst ir
erlöser ist. Vnd heüchelten im mit irem munde vnd logen im mit irer
zungen/aber ir hertz war nicht recht bey im/Vnd warē nicht rechtschaf-
fen inn seinem bund. Er aber war barmhertzig vnd vergab die vntu-
gent gerne/vnd verderbet sie nicht/Vnd wendet oft seinen zorn ab/vnd
lies nicht seinen ganzē zorn gehen. Den er gedacht/das sie fleysch sind/
Ein wind 8 do hyn feret vñ kumpt nicht wid. Wie warē sie so lange
vngheorsam in 8 wüsten? Vnd machte in vnlustig in der eynöde? Sie
wandtē sich vñ vñ versüchtē Gott/Vnd reyztē den heyligē in Israel.
Sie dachten

Sie dachten nicht an seine hand / Des tages da er sie erlöset von d'hand
des feyndes. Wie er den seine zeychen inn Egypten gethan hatte / vnd
seine wunder im land Zoan. Da er jr wasser in blüt wandelt / Das sie
jre beche nicht trincken kunden. Da er böse würm vnd sie schicket die
sie frassen / Vnd frösche die sie verderbeten. Vnd gab jr gewechse den
rauppen / Vnd was sie geerbeit hattē den hewschrecken. Da er jre wein
stöck mit hagel zerschlug / Vnd jre mauiber bewome mit frost. Da er jr
viech übergab dem hagel / Vnd jr herdeden blizē. Da er vnder sie ließ
den grym seines zorns / vngnad vnd dreyen / Vnd angst vnd eynfallen
böser engel. Da er seinem zorn eynen weg machet / Vnd jrer seelen für
dem tod nicht verschonet / vñ übergab jre thier der pestilentz. Da er al
leerste gepurt inn Egypten schlug / Die erstlinge jrer krafft in den hütten
Ham. Vnd ließ sein volck auß ziehen wie schaffe / Vnd füret sie wie ein
herde in der wüsten. Vnd er leytet sie sicher / das sie sich nicht fürchten
Aber jre feynde bedeckt das meer. Vnd bracht sie in seine heylige gren
ze / Zü disem berge / den seine rechte erworbe hat. Vnd vertreyb für
her die völkler / Vnd lies in das erbe auf teylen / vnd lies inn ihener hüt
ten die stemme Israel wonen. Aber sie versuchten / vnd wurden unge
horsam Gott / Vnd hielten seine zeignis nicht. Vnd fielen zü rucke vñ
übertratten wie jre vetter / Vnd wandten sich / wie ein falscher bogen.
Vnd erzürneten in mit jren hohen / Vnd reyteten in mit jren gözen.
Vnd da das Gott höret / entbrant er / Vnd verachtet Israel seer. Das
er sein wonung zü Silo lies faren / Die hütten da er vnder mensche wo
net. Vnd gab jre sterck ins gefencknis / Vnd jre herligkeit in die handt
des feindes. Vnd übergab sein volck ins schwerd / Vnd entbrant über
sein erbe. Ir iunge manschafft frass das sewr / Vnd jre iungefrawen
wurden nicht verklagt. Ire priester fielen durchs schwerdt / Vnd jre
witwyn wurden nicht beweynet. Vnd der HERR erwacht wie
ein schlaffend / Wie ein starcker der vom wein jauchzet. Vnd schlug
seine feynde hynden / Vnd gab in ein ewige schande. Vnd veracht die
hütten Joseph / Vnd erwelet nicht den stam Ephraim. Sondern er
welet den stam Juda / den berg Zion / welche er liebet. Vnd bawet sein
heyligthumb hoch / Wie ein land das er ewiglich gegründet hat. Vnd
erwelet seinen knecht David / Vnd nam in von den schaffstellen. Von
den seügenden schaffen holet er in / Das er sein volck Jacob weyde solt /
vnd sein erbe Israel. Vnd er weydet sie auch von hertzen wol / Vnd
füret sie mit verstand seiner hende.

b (falscher
boge) dz ist/
wie ein bog
ge dreyet
vñ scheusst
nicht / Also
stelle sich die
henschler
frum vñ ist
nichts dabē
den vñ drus
cktrichs
nach.

Das ist klüg
lich.

LXXIX

Ein Psalm Assaph.

HERR es seind heyden in dein erbe gefallen / die haben deinen
heyligen tempel verunreyniget / Vnd auß Jerusalem stein auf
fen gemacht. Sie habē die leichnam deiner knechte den vogeln
vnder dem hymmel züfressen geben / Vnd das fleysch deiner heyligen
den

den thieren im lande. Sie haben blüt vergossen vmb Jerusalem her/
 wiewasser/ Vnd war niemandt der begrüb. Wir seind vnsern nach-
 barn eine schmach worden/ Ein spott vnd hön denen die vñ vns seind/
 HERR wie lang willst du so gar zürne: vnd deinen eyser wie feur brē-
 nen lassen? Schütt deinen grym auff die heyden die dich nicht kenne/
 Vnd auff die künigreiche die deinen namē nicht anruffen. Denn sie ha-
 bē Jacob auff fressen/ Vnd seine heuser verwüstet. Gedencke nicht an
 vnser vorige missethat/ Las bald deine barmhertzigkeit über vns grös-
 ser sein/ Denn wir seind fast dünne worden. Hilff vns Gott vnser
 heyls/ vmb deines namensehre willen/ Errette vns vnd vergib vns vn-
 ser sünde vmb deines namens willen. Warumb sollen die heyden sage
 wo ist nu jr Gott? Las vnder den heyden für vnsern augen kund werde
 die rache des blüts deiner knechte das vergossen ist. Was für dich kom-
 men das seufftzen der gefangenen/ Nach deinem grossen arm behalt
 übrig die kinder des todes. Vnd vergilt vnsern nachbarn syben-
 feltig in irem schos/ Ir schmach damit sie dich HERR geschmecht ha-
 ben. Wir aber dein volck vnd schaff deiner weyde danckē dir ewiglich
 Vnd verkündigen deinen rhüm für vnd für.

LXXX

Ein psalm vnd zeignis Assaph/ von den
 rosen hoch zu singen.

(Ephraim)
 das ist auff
 dem gnade
 stül/ hinter
 welche die
 stemme Is-
 raels lagen.
 Numc. ij.

Du Hirte Israel höre/ der du Joseph hüttest wie der schaff/ Er-
 scheine der du sitzest über Cherubim. Erwecke deine gewalt/
 der du für Ephraim/ Beniamin/ vñ Manasse bist/ Vnd kum
 vns zühilffe. Gott hole vns wider vnd las leuchten dein andltz/ So
 genesen wir. HERR Gott Zebaoth/ Wie lange wiltu zürnen über
 dem gebett deynes volcks? Du erzeß sie mit threnē brodt/ Vnd trenck-
 est sie mit grossen mas voll thienen. Du hast vns züm zancē gesetzt vn-
 sern nachbarn/ Vnd vnser feynde spotten vnser. Gott Zebaoth hole
 vns widder/ las leuchten dein andltz/ So genesen wir. Du hast ey-
 nen weinstock auß Egypten geholet/ Vnd hast vertriben die heyde/ vñ
 den selben gepflanzet. Du hast für jm die ban gemacht/ Vnd hast in
 lassen eynwurzelen/ das er das land erfüllet hat. Berge seind mit sein-
 em schatten bedeckt/ Vnd mit seinen reben die cedern Gottes. Er hat
 seine gewechs außgelassen bis ans meer/ Vnd seine zweige bis ans was-
 ser. Warumb hastu denn seinen zaun zubrochen/ Das in züreyßet alles
 das für über gehet? Es haben in züwület die wilde sewen/ Vnd das
 vieh auff dem felde hat in abgenaget. Gott Zebaoth wēde dich doch/
 schaw vom hymmel/ Vnd sihe an vñnd suche heym disen weinstock.
 Vnd richte in an den deine rechte gepflanzet hat/ Vñ über den son den
 du dir gesterckt hast. a (son) den weinstock heist er son auff Ebreische weise/ wie Isac. v.
 Der weinstock ist im horn des sons des öles (das ist) an ein ort der da fett ist/ vnd psalm. iij. filij vi-
 ri. Ir kinder des mans/ das ist/ ir mēner, also filij Belial/ filius Anni/ filius mortis/ vnd der glei-
 chen/ also hie auch/ filium quem formasti tibi. i. eam quam firmasti. s. vitam.

Was

Was verbrand ist mit feür/ vnd ausgerodt / Das müsse vmbkomē von dem schelten deins angesichts. Was deine hand sein über den man deiner rechten / Vnd über die menschen kind die du dir gesterckt hast. So wollen wir nicht von dir weichen / Las vns leben / so rüffen wir deiner namē an. **HERR** Gott Zebaoth hole vns widder / Las dein andlitz leuchten / so genesen wir.

LXXXI

¶ Ober der kelter hoch zu singen. Assaph.

Singt frölich Gott / der vnser sterck ist / Jauchzet dem Gott Jacob. Nemet die psalmē vnd gebt her die paucken / Süsse harffen mit psaltern. Blaset im newmonden die posannen In vnserm feste der lauberhütten. Den solchs ist ein sitte in Israel / Vnd ein recht des Gottes Jacob. Solchs hatt er zum zeugnis gesetzt vnder Joseph / da er auszog in Egyptē land / Ich müß lippe hören die ich nicht verstünd. Er wendet seine schulder von der last / Seine hand lies er vom kessel gehen. Da du mich in der not anrieffest halff ich dir aus / Vnd erhöret dich / da dich das wetter überfiel / Vnd versüchte dich am hadder wasser / Sela. Höre mein volck / ich wil dir zeüigē / Israel du sollt mich höre. Das vnder dir kein frembd Got sey / Vnd du keinen vn bekantē Gott anbettest. Ich bin der **HERR** dein Gott / der dich aus Egyptē land gefürt hatt / thū deinē mund weit auff Ich wil in füllen. Aber mein volck gehorchet nicht meiner stym / Vnd Israel will meyn nicht. So hab ich sie gelassen in irs hertzen dunckel / Das sie wandeln nach irem radt. Wolte mein volck mir gehorchen / Vnd Israel auff meinen wegē gehen. So wollt ich ire feinde bald demütigē / Vnd meine hand über ire widerwertige wendē. Und die den **HERR** Ahasen müsten an im seylen / Vnd ire zeit würde ewigklich weren. Und würde sie mitt dem besten weyzen speysen / Vnd mit honig aus dem felsē fettigen.

LXXXII

¶ Ein psalm Assaph.

Gott steht in der gemeyne Gottes / Vnd ist richter vnder dē gōt ten. Wie lange wolt ir vnrecht richtē / Vnd nemet an die person der gottlosen: Sela. Richtet den armē vñ dem wäysen Vnd helfft dem elēden vnd dürfftigē zum recht. Er rettet den geringē vnd armen / Vnd löset in aus der gottlosen hand. Aber sie wissens nit vñnd merckens nichts / sie wandern im finstern / Das die grundfest des lands vmbfallen werden. Ich sage / das ir gōtter seyt / Vnd allzumal kinder des aller höhisten. Doch werdet ir auch sterben wie menschen Vnd fallē wie einer vnder den fürstē. Gott mach dich auff vnd richte das land / Denn du erbest vnder allen heyden.

LXXXIII

¶ Ein psalm lied Assaph.

Gott

J

Der psalter.

21 **G**ott schweige dir nicht vnd sey nicht still / Gott halt nicht inne.
Denn sy he / deine feinde toben / Vnd die dich hassen heben den
kopff auff. Sie trachten listyglich widder deyn volck / Vnd
(verborge = rad schlagen widder deine verborgene. Sie sprechen kompt her / last
ne) das seint vns sie zu nicht machen das sie kein volck seien / Das des namens Israel
die im glau nicht mehr gedacht werde. Denn sie haben sich beratten in ihrem her-
ben & welle z gen / Vnd machen mitteinander einen bund widder dich. Die hütten
verborge le der Edomiter vnd Ismaeliter / Der Moabiter vnd Sagariter. Der
hē / dz man Gebaliter / Ammoniter vnd Amalekiter / Der Philister sampt denen zu
sie für ketzer Tyro. Assur hat sich auch zu in geschlagen / Vnd sind worden ein arm
helt. der kinder Lot. Sela. Thū in wie den Midianitern / Wie Siffera /
wie Jabin am bach Kison. Die vertilget wurde zu Endoz / Vnd wur-
den zu dreck auff dem lande. Mache ire fürsten wie Oreb vnd Seeb /
wie Seba vnd Zalmuna alle ire obersten / Die da sagen / wir wollen die
heüser Gottes einnehmen. Gott mache sie wie einen wirbel / Wie eyne
c stoppel für dem winde. Wie ein feür das den wald anzündet / vnd wie
ein flamme die die berge ansteckt / Also verfolge sie mit deinem wetter /
vnd erschrecke sie mit deinem vngewitter. Mache ihr angesicht voll
schande / Das sie nach deinem namen fragen. Schemen müssen sie sich
vnd erschrecken ymmer mehr vnd mehr / Vnd zu schanden werden vnd
vmbkommen. So werden sie erkennen das du es bist / vnd dein name
sey **HERR** / Das du alleine seist der aller höhst in allen landen.

LXXXIII

Ein Psalm der kinder Korah / vber der kelter hoch zu singen

21 **W**ie lieblich sind deine wonunge / **HERR** Zebaoth. Mei-
ne seele verlanget vnd ist all wordē nach den vorhöffen des
s **HERR** / Mein hertz vnd leib freuwen sich in dem lebē
digen Gott. Denn der vogel hat ein haus funden / vnd die
schwalbe jr nest / da sie ire iungen hin legt / nemlich deine altar **HERR**
b Zebaoth / Mein könig vnd mein Got. Wol denen die in deinem hause
wonen / Die loben dich immer dar. Sela. Wol den menschen / der ster-
cke in dir ist / Der bane in ihrem hertzen sind. Die durch das iamertall
gehen vnd machens zum brunne / Vnd teiche werden mit regen erfüllet
Sie gehē von einer stercke zur andern / Vnd erscheine bei Gott zu Zion.
c **HERR** Gott Zebaoth höre mein gebet / Vernims Got Jacob Sela.
Schaw Gott vnser schild / Sihe an das angesicht vnser gefallbetten
Denn ein tag in deinen vorhöffen ist besser den tausent / Ich will lieber
der thür hütten in meins gottes hause / denn lange wonē in den gotlosen
hütten. Denn Gott der **HERR** ist sonn vnd schild / der **HERR**
gibt gnad vnd ehre / Es wird kein güts mangeln / denen die on wandell
lebē. **HERR** Zebaoth / Wol dem mensche der sich auff dich verlesset.

LXXXV

Ein Psalm der kinder Korah hoch zu singen.

HERR

HERRE du hast wolgefallē an deinem lande/ Vnd bringst wid-
 der die gefangenen Jacob. Du nimmst weg die misserhat dei-
 nes volcks/ Vnd bedeckest all ihre sünde. Sela. Du hast alle
 deynen zorn auffgehabe/ Vnd hast dich gewedet von dem grym deines
 zorns. Erquickē vns Gott vnser sheyls/ Vnd las ab von deinem zorn
 über vns. Willtu ewiglich über vns zürnen? Vnd deynen zorn streckē
 immer für vnd für? Du müst vns ia erquickē vnd das lebē geben/ So
 wird sich dein volck in dir freüwen. **H**ERRE zeige vns deine güte/ **B**
 Vnd gib vns dein heyl. Ich will hören was Gott der herr redet/ Den
 er wird frider reden zū seinem volck vnd zū seinen heyligen/ Das sie sich
 nicht kerē zur totheit. So wird sein heyl nahe sein denen die in fürchte
 Das in vnserm lande ehre wone. Güte vnd treuw beegen einander/
 Gerechtheit vnd fride küssen sich. Treuw wechset aus dem lande/ Vnd
 gerechtheit schawet von himel. Auch wird der **H**ERRE güt geben
 Vnd vnser land wird sein gewechs geben. Gerechtheit wird für ihm
 wandeln/ Vnd seinen tritt auff den weg setzen.

LXXXVI

Ein gebet Davids.

HERRE neige deine oren vnd erhöre mich/ Denn ich bin elend **A**
 vnd arm. Beware meine seele den ich bin heilig/ Hilff du mein
 Gott deinem knecht der sich verlest auff dich. **H**ERRE sey
 mir genedig/ Den ich rüffe teglich zū dir. Tröste die seele deines knech-
 tes/ Denn **H**ERRE zū dir hebe ich meine seele. Den du **H**ERRE bist
 güt vnd genedig/ Von grosser güte/ allen die dich anrüssen. Vernim
HERRE mein gebet/ Vnd merck auff die stym meins flehens. Zū
 zeit der not rüffe ich dich an/ Den du erhörst mich. **H**ERRE es ist dir **B**
 keyn gleiche vnder den göttern/ Vnd ist niemand der thün kan wie du.
 Alle heyden die du gemacht hast werden kommen vnd für dir anbette
HERRE/ Vnd deinen namen ehren. Das du so gros bist vnd wund-
 erhäft/ Vnd allein Gott bist/ Berichte mich **H**ERRE deine weg/ das
 ich gehe in deiner warheit/ Vnd mein hertz sich freüwe zū fürchten dei-
 nen namen. Ich dancke dir **H**ERRE mein Gott von ganzem hertze
 Vnd lobe deinen namē ewiglich. Den deine güte ist gros über mich/ **C**
 Vnd hast meine seele errettet aus der vndersten helle. Gott/ es setzen
 sich die stolzen widder mich/ vnd die rotte der mechtigē stehet mir nach
 meiner seele/ Vnd setzen dich nicht für jr augen. Du aber **H**ERRE
 Gott bist barmhertzig vnd gnedig/ Langmütig vnd von grosser güte
 vnd treuw. Wende dich zū mir/ sey mir gnedig/ gib deinem knecht deine
 sterck/ Vnd hilff dem son deiner magd. Thū ein zeychē an mir zum be-
 sten/ das es sehen die mich hassen vnd sich schemen/ Das du mir beyste-
 best **H**ERRE/ vnd tröstest mich.

LXXXVII

Ein Psalmlied der kinder Korah.

Iij yr grundfeste

Der Psalter.

21 **Y** Grundfeste sind auff den heyligen bergen / Der **HEKX** liebet die thozion über alle wonunge Jacob. Herliche ding werden in dir gesagt / Du statt Gottes. Sela. Ich will gedencken Rahab vnd Babel das sie mich kenne sollen / Siehe die Philister vnd Tyrer sampt den Mozen werden daselbs geporen. Man wirt vñ Zion sagen / Das diser vnd ihener dinnen geborn sey / Vnd er der allerhöhest habe sie zugericht. Der **HEKX** wirt predigen lassen inn den sprachen der vöcker / Das ettliche daselbs geborn seyen. Sela. Und die senger wie am reyggen / Werden alle inn dir singen eins vmb's ander.

LXXXVIII

¶ Ein Psalmlied der kinder Korah hoch zu singen im Chor vmb einander. Ein vnderweisung Heman des Esrahiten.

21 **H** **HEKX** Gott meins heyls / Ich schrey tag vnd nacht für dir. Was mein gebett für dich kommen / Vleyge deine oren zu meiner klage. Denn meine seele ist voll betrubnis / Vnd mein leben ist nahe bey der helle. Ich bin geacht gleich denen die zur helle faren / Ich bin wie ein man on hülfte. Under den todten frey / wie die erschlagene die im grabe ligē / Der du nicht meer gedenckest / vnd sie von deiner hand abgesondert sind. Du hast mich inn die vnderste grube gelegt / Inn finsternis vnd inn die tieffe. Dein grym helt an über mich / Vnd dregest mich mit allen deinen fluten. Sela. Meine freunde hastu ferne von mir gethan / du hast mich jnen zum grewel gemacht / Ich lige gefangen vnd kan nicht aufkommen. Mein auge ist betrubt für elende **HEKX** ich ruffe dich an teglich / Ich breytte meine hende aus zu dir.

e **W**irstu denn vnder den todten wunder thun? Oder werden die verstorbene auffstehen vnd dir dancken? Sela. Wirt man in grebern erze len deine güte? Vnd deinen glauben im verderben? Mügen denn deine wunder in finsternis erkant werden? Oder deine gerechtigkeit im lande da man nichts gedenckt. Aber ich schrey zu dir **HEKX** / Vnd mein gebett kompt dir frū zu vor. Warumb verstoffest du **HEKX** meine seele? Vnd verbirgest dein antlitz für mir? Ich bin elend vnd ammechtig / das ich so verstofften bin / Ich leide erschrecken. Dein grym gehet über mich / Dein schrecken drücket mich. Sie vmbgeben mich teglich wie wasser / Vnd vmbbringen mich mit einander. Du hast meine freunde vnd liebhaber ferne von mir gethan / Vnd meine verwandten abgewendt.

LXXXIX

¶ Ein vnderweysunge Ethan des Esrahiten.

21 **I**ch will singen von der güte des **HEKX** ewiglich / Vnd seinen glauben verkündigen mit meiner munde für vnd für. Das ich sage / die güte wirt ewiglich erbawet / Vnd du wirst deinen glauben bereyten im hymmel. Ich habe einen bund gemacht mit meinem aufferweleten / Ich habe Dauid meinem knechte geschworen. Ich will deinen samen ewiglich bereyten / Vnd deinen stül bawen für vnd für.

für. Sela. Und die hymmel werden **HERR** deine wunder preysen / Vnd deinen glauben inn der gemeyne der heyligē. Denn wer mag dem **HERR** **A** gleich gellten inn den wolcken? Vnd gleich seyn v dem **HERR** **A** vnder den kindern der götter? Gott ist fast erschrecklich im rad der heiligen / Vnd wunderbarlich über alle die vmb in seind. **HERR** Gott Zebaoth wer ist wie du / ein mechtiger gott? Vnd dein glaube ist vmb dich her. Du herschest über die hoffart des meeres / Du stillest seine wellen wenn sie sich erheben. Du zurschlehest den hoffertigen wie einen erschlagenen / Du zerstreuest deyne seynde mit deinem starcken arm. Himmel vñ erden ist dein / Du hast gegründet den erdtboden vñnd was drinnen ist. Mitternacht vnd mittag hastu geschaffen / Thabor vnd Hermon werden iauchzen inn deinem namen. Du hast eynen gewaltigen arm / Starck ist deine hand / vnd hoch ist deyne rechte. Gerechtfeyt vñnd gericht ist die wohnung deines stüls / Güte vnd treuwe sind vor deinem angesicht. Wol dem volck das iauchzen kan / **HERR** sie werde im liecht deines anlitz wandern. Sie werden über deinen namen frölich sein / Vnd durch deine gerechtigkeit erhöhet werden. Denn du bist der rñm irer stercke / Vnd durch deine gonst wirstu erhöhen vnser horn. Denn der **HERR** ist vnser schild Vnd der heylige Israel vnser kñig. Da zñm all redestu im gesicht zñ deynen heyligen vnd sprachest / Ich habe hüllffe gestellet auff eynen gewaltigen / ich habe erhöhet einen auserwelten aus dem volck. Ich habe funden meinen knecht David / Ich habe in gesalbet mit meinem heyligen öle. Das meine hand in wird fordern / Vnd mein arm wirt inn kressstigen. Die feinde sollen in nicht auffsetzen / Vnd die vngerechten solle in nicht dempffen. Und ich wil seyne widderfacher schlagen für in her / Vnd die in hassen will ich plagen. Aber meine trew vnd güte sol bei in sein / Vnd sein horn sol in meinem namē erhaben werde. Ich will seine handt ins meer stellen / Vnd seine rechte inn die wasser. Er wirt mir ruffen / du bist mein vater / Mein Gott vñ hord meines heyls. Vnd ich will in zñm ersten son machen / Allerhöhist vnder den kñigē auff erden. Ich will in ewiglich halten meine güte / Vñnd mein bund soll in fest bleiben. Ich will seinen samen machen ymerdar / Vnd seinen stül wie die tage des hymmels. So seine kinder mein gesetze verlasen / Vnd in meinen rechten nicht wandeln. So sie meine sitten entheyligen / Vñnd mein gebott nicht halten. So will ich ir übertretung mit der ruten heymfuchen / Vnd mit plagen ire missethat. Aber meine güte will ich nicht von in thun / Vnd meinen glauben nicht lassen feylen. Ich will meinen bund nicht entheyligē / Vnd nicht endern was zñ meinen lippē ist außgange. Ich hab eynst geschworn durch meine heyligkeit / Ich will David nicht liegē. Sein same soll ewig sein / Vñ sein stül für mir wie die sonne. Wiedermond soll er ewiglich bereyt sein / Vnd ein gewis zeüge am hymel. Aber du verstoffest vnd verachtest /

Der psalter.

Vnd zürnest mit deynem gesalbeten. Du verstörst den bundt deines knechtes/Vnd entheyligest auff erdē seine krone. Du zürreißest alle seine mauren/Vnd lessdest seine festen zū brechen. Es rauben in alle die für über gehen/Er ist seinen nachparrn ein spott worden. Du erhöhst die rechte seiner widerwertigen/Vnnd erstrewest alle seine seynde. Auch die krafft seines schwerdts hastu weggenommen/Vnd machst in nicht bestendig im streit. Du züstörst seine reynigkeit/Vnd wirffest seinen Stül zū boden. Du verkürzest die zeyt seiner jugent/Vnd bedeckest in mit hohn. **HERR** wie lange willst du dich so gar verbergen/Vnd deinen grym wie fiewerbrennen lassen? Gedenc̄ wie kurz mein leben ist/Warumb wilt du alle menschen vmb sunst geschaffen habē? Wo ist ye mant der do lebt vnd nicht sehedē tod? Der seine seele errette auß der hellen hand? Sela. **HERR** wo ist deine vougē güte? Die du Dauid geschworen hast in deinem glauben. Gedenc̄ **HERR** an die schmach deiner knechte/Die ich trage in meinem schos von so vielen völkern allen. Damit dich **HERR** deine seynde schmehen/Damit sie schmehen die füßstapffen deines gesalbeten. Gelobt sey der **HERR** ewiglich/Amen/amen.

(reynigkeit)
das / ist alle
seine schmu
ck vn̄ zierde.

XC

Ein gebett Mose des mans Gottes.

N Er du bist vnser zūflucht wordē / für vnd für. Ehe den die berge geborn waren vnd das land vnnd der erdboden bereyt ward / Bist du Gott von ewigkeit inn ewigkeit. Der du die menschen kereest inns^a verderben/Vnd sprichst / kompt wider jr menschē kind. ^a (verderben) das ist / das menschlich geschlecht schaffest du also das ymer erlich sterbe vnd ander widder geborn werden / vnd das alles durch dein wort. Genesis. j. Denn tausent jar seind für dir wie der tag der gestern vergangē ist / Vñ wie eine nacht wache. Du reyssest sie dahyn vñ seind wie ein schlaff/Vnd es verwandelt sich frū wie hew. Das da frū blüet vñ verwandelt sich / Aber des abents wirt es abgehawen vnd verdorret. Denn wir vergehen in deinem^b zorn/Vnd erschrecken für deinem grym. ^b + vernunfft über den tod wol als den zorn Gottes / weyß aber nicht wie den alle menschen verdienet haben / vnd meyner es sey natürlich. Darumb ist die sünd heymlich / damit wir alle in Adam gestorbe seind. Ro. v. das sie Gott muß offenbaren durch sein wort. Du setzest vnser missethat für dich / Vnser heymliche sünde inns liecht für deinem angesicht. Denn alle vnser tage seind dahyn in deinem zorn / Wir habē vnser jare zūbracht wie ein geschwertz. ^c Die zeyt vnser jare ist sibentzig jar / wens hoch kompt / so seinds achtzig jar / darnach ist s m̄he vnd erbeyt / Denn es feret schnell dahyn vñ wir fliegen dauon. Wer kennet die macht deines zorns? Denn wie seer man sich für dir fürcht / so seer zürnest du. Was vns wissen die zal vnser tage / Das wir eyngehen mit weisem hertzen. **HERR** kere dich doch d^d male ins widder her / Vnd tröste deine knechte. Hülle vns frū mit deiner güte / So wöllen wir thūmen vnd frölich sein vnser lebēlang. Erstrewe vns nach der zeyt darinn du vns gedemütigt hast / Nach den jare darinn

Der Psalter.

L

darinn wir vnglück gesehen haben. Zeyge deinen knechte dein werck
Vnd deine zierde über ire kinder. Vnd der **HERR** vnser Gott sey
lieblich über vns/ Vnd fordere das werck vnser hende über vns/ vnd for-
dere das werck vnser hende.

XCI



Er vnder dem schirm des aller höchsten sitzt/ Vnd vnder dem
schattē des almechtigē bleybt. Der spricht zu dem **HERRN**
meine züuersicht vnd burg/ Mein Gott auff den ich hoffe.

Den er wird mich errettē vom strick des iegers/ Vnd von der schedlich
en pestilenz. Er wird dich mit seynen sittichen decken/ vnd dein züuer-
sicht wird sein vnder seynen flügeln/ Seyne treuw ist schild vnd schutz
Das du dich nicht fürchtest für dem grawē des nachts/ Für dem pseyl
des tages fleuget. Für der pestilenz die im finstern schleycht/ Für der
seuche die im mittag verderbet. Ob tausent fallē zu deiner seitē/ vnd ze-
hē tausent zu deiner rechtē/ So wird es doch nicht an dich langē. Aber
du wirfst mit deinē augē deine lust sehē/ Vñ du gottlosen vergeltüg schau-
wē. Den **HERR** du bist meine züuersicht/ Du hast deine züflucht auff
höchst gesetzt. Es wirt dir kein übel begegnē/ Vnd keine plage wirt zu
deiner hüttē sich nahē. Den er hat seinen engeln befolhē über dir/ Ds sie
dich behütē auff alle deinen wegē. Das sie dich auff den henden tragē/
Das du deinen fuß nicht an einen stein stoffest. Auff dem lewē vnd ot-
tern wirstu gehen/ Vnd tretten auff den jungen lewen vnd drachen.
Denn er hat mein begerdt/ ich will im auß helffen/ Ich will in beschütz-
en/ Denn er kennet meinen namen. Er ruffe mich an/ so will ich in erhö-
ren/ ich bin bey im in der not/ Ich will in er auß reissen vnd zu ehren ma-
chen. Ich will in settigē mit langē leben/ Vnd wil im zeygē mein heyl.

XCII

Ein Psalmlied auff den Sabbath tag.

Es ist güt dem **HERRN** zu dancken/ Vnd lobsingē deinem na-
men du allerhöchster. Zu verkündigē frū deine güte/ Vnd dei-
nen glauben des nachts. Auff den zehen seyten vnd psalter/ Mit
geticht auff der harffen. Denn **HERR** du machst mich frölich über
deinen werckē/ Vnd ich rühme vō dir geschefte deiner hende. **HERR**
wie seind deine werck so groß/ Deine gedancē seind so seer tieff. Ein
töchter man weys das nicht/ Vnd ein narz versteet solchs nicht. Die
gottlosen grūnē wie das gras/ vnd alle übeltheter blühē/ Das sie vertil-
get werde im ewiglich. Aber du **HERR**/ Bist hohe ewiglich.
Den sihe deine seynde/ **HERR** sihe deine seynde werde vnt omē/ Vñ
alle übeltheter werden züstreuet werden. Aber mein horn wirt erhö-
het werden wie eins eynhorns/ Vnd werde begossen mit frischem öle.
Vñ mein auge wirt seine lust sehē/ an meinen feindē/ Vñ mein ore wirt
seine lust hören an den bofhaftigē die sich wid mich setzē. Der gerechte
wirt grūnē wie ein palmbaum/ Er wirt zünemē wie ein ced auff libanō.

J iij Die

Der Psalter.

Die gepflantz seind in dem hause des HERRN/ Werden in den vorhöfen vnseres Gottes grünen. Und werden auch noch blühen im alter/ Vnd fett vnd frisch sein. Züuerkündigen das der HERR auffrichtig ist/ Mein hort/ vnd ist kein vnrecht an jm.

XCIII

Der HERR ist künig worden vnd hat macht angezoge/ Der HERR hat sich angezogen vnd mit stercke gegürtet/ Er hat den erdboden zugericht/ das er bleibt. Von dem an ist bereyt dein stül/ Du bist von ewig her. HERR die wasserstromer hebē sich die wasserstromer erheben ire brausen/ Die wasserstromer hebē empor die wellen. Die wasserflüt seind mechtig vō dem brausen grosser wasser/ Der HERR ist mechtig inn der höhe. Deine zeugnis seind seer gewis/ Die heyligkeit zieret dein haus.

XCIII

HERR Gott des die rache ist/ Gott des die rache ist/ erscheine. Erhebe dich du richter aufferde/ Vergelte den hofferligē nach irer that. HERR/ wie lang sollen die gotlosen/ Wie lange sollen die gottlosen sich frewen? Und hallsstarriglich erauf sagen/ Vnd reden alle übelheter. HERR sie haben dein volck zūschlagen/ Vnd dein erbe gedemütiget. Widwyn vnd frembdling erwürgten sie/ Vnd tödtē die wāysen. Und sagen/ der HERR sihet nicht/ Vnd der Gott Jacob merckts nicht. Merckt doch ir narren vnder dē volck/ Vnd ir thoren wenn wöllt ir klüg werdē? Der das ore gepflantz hat/ solt der nicht hören? Der das auge gemacht hat/ solt der nicht sehen? Der die heyden züchtiget/ solt der nicht straffen? Der die menschen leret was sie wissen. Aber der HERR weys die gedanken der menschen/ Das sie eyttel seind. Wol dem den du HERR züchtigest/ Vñ lereest in durch dein geseze. Das du im gedult gibst zür bösen zeyt/ Bis dē gottlosen die grübe bereytet werde. Denn der HERR wirt sein volck nicht verstoffen/ Noch sein erbe verlassen. Den das gericht wirt widder zū recht kommen/ Vnd dem werden folgen alle auffrichtigē vō hertzen. Wer will bey mir stehen gegen den boshaftigen? Wer wil zū mir trettē gegen den übelheter? Wo der HERR nicht mein helfer were/ So were meine seele schier inn der stille blieben. Wenn ich sprach/ mein süß hat gestrauchelt/ So stercket mich HERR deine gute. Wenn ich vil bekümmernisse hatte innwendig/ So ergeteten deine tröstunge meine seele. Wirt auch des vnglücks stül gemeynschaft mit dir haben? Der da mühe züricht in dem geseze. Sie rüsten sich wider die seelen des gerechten/ Vnd verdammnen vnschuldigh blüt. Aber der HERR ist mein schutz/ Mein Gott ist ein hort meiner züuersicht. Und er wirt in ir vnrecht vergelten/ vnd wirt sie inn irer bosheyt verstozen/ Der HERR vnser Gott wirt sie verstozen.

XCIV

Kompt

Kompt her laßt vns dem **HERRN** rhümen / Vnd jauchzen
 dēhort vnser heyls. Laßt vns mit danck für sein angesicht
 kommen / Vnd mit Psalmen im jauchzen. Denn der **HERR**
 ist ein grosser Gott / Vnd ein grosser künig über alle götter. Denn in
 seiner hand ist was vnden auff erden ist / Vnd die höhe der berge seind
 auch sein. Denn sein ist das meer / vnd er hats gemacht / Vnd seine hen
 de haben das trocken bereyt. Kompt / laßt vns anbetten vnd knyen /
 Vnd nider fallē für dem **HERRN** der vns gemacht hat. Denn er
 ist vnser Gott / vnd wir das volck seiner weyde / vnd schaff seiner hende /
 Heute / so jr seine stymme höret. Verherttet ewer herze nicht / wie zu
 Meribageschach / Wie zur zeyt zu massa inn der wüsten. Da mich ein
 wer vetter versuchten / Pruffeten vnd sahen auch mein werck. Da ich
 vierzig jar vnlustig war über dē geschlecht vnd sprach / Es ist ein volck
 des herze nicht recht stehet / Vnd die meine wege nicht wissē. Da ich
 schwür in meinem zorn / Sie solten nicht zu meiner rüge kommen.

XCVI

Singet dem **HERRN** ein newes lied / Singet dem **HERRN**
 alle land. Singet dem **HERRN** vnd lobet seinen namen / Pre
 diget ein tag am andern sein heyl. Erzelet vnder den heyden seine
 ehre / Vnder allen völkern seine wunder. Denn der **HERR** ist groß
 vnd hoch löblich / Wunderbarlich über alle götter. Denn alle götter
 der völker seind götzen / Aber der **HERR** hat den hymel gemacht.
 Ehre vnd geschmuck ist für im / Stercke vnd herligkeit ist inn seinem
 heyligthumb. Er geschlecht vns den völkern bringe her / Bringt her
 dem **HERRN** ehre vnd stercke. Bringt her dem **HERRN** ehre
 seines namens / Nemet geschenck vnd kumpt inn seine vorhöse. Bettet
 an den **HERRN** inn heyligem schmuck / Es entseze sich für im alles
 land. Sagt vnder den heiden / das der **HERR** künig sey worden.
 Der den erdbodē züricht das er bleibt / Vnd richtet die völker auffrich
 tig. Hymel frewen sich vnd erde sey frölich / Das meer brause vnd
 was drynnen ist. Das feldt sey frölich vnd alles was dar auff ist /
 Denn rhümē alle bewm im walde. Für dem **HERRN** her / das er
 kompt / das er kompt zu richten das erdtreich / Er wirt den erdbodē rich
 ten mit gerechtikeit / vnd die völker mit seinem glauben.

XCVII

Der **HERR** ist künig wordē / des strewē sich das erdtreich / vñ
 seyen frölich vil Insulen. Wolcken vnd dunckel ist vmb in her
 gerechtikeit vnd gericht ist seins stils wonüg. Er wirt gehet
 für im her / Vnd zündet an vmbher seine feynde. Seine blitzen leuchtē
 auff den erdbodē / Das erdtreich sibet vnd entsetzt sich. Berge züschmel
 zen wie wachs für dem **HERRN** her / Für dem hirscher des ganzen
 erdboden. Die hymmel verkündigen seine gerechtikeit / Vnd alle völk
 er sehen seine ehre. Schemen müssen sich alle die den bilden dienen /
 vnd

Der Psalter.

vnd rühmen sich der götzen / Betet in an alle götter. Zion hats gehort vnd ist froh / Vnd die tochter Juda seind frölich **HERR** vmb deiner gerechten willen. Denn du **HERR** bist der allerhöchste in allen landen / Du bist seer erhöht über alle götter. Die ir den **HERR** lieben / hasset das arge / Der **HERR** bewaret die selen seiner heiligen / von der gottlosen hand wirt er sie erretten. Dem gerechten ist ein liecht auffgangen / Vnd freude den aufrichtigen von hertzen. Ir gerechten frewet euch in dem **HERRN** / Vnd dancket zum gedechtnis seiner heyligkeit.

XCVIII

Ein Psalm.

S

Babatho
Inget dem **HERRN** ein newelied / das er wunder than hat / Sein heyl hat er mit seiner rechten vnd mit seinem heyligen arm gethan. Der **HERR** hat sein heyl kundt gemacht / Für den völkern hat er eröffnet seine gerechtigkeit. Er hat gedacht an seine gute vnd glauben / dem hause Israel / Aller wellt ende sehen das heyl vnser Gottes. Jauchzet dem **HERRN** alle land / Singet / rühmet / vnd lobet. Lobet den **HERRN** mit harffen / Mit harffen vnd hellen psalmen. Mit trommeten vnd hellen posaunen / Jauchzet für dem **HERRN** dem künige. Das meer brause vnd was drynne ist / Der erdboden vnd die dünnen wonen. Die wasser strome klappē mit henden / Vnd die berge seyen frölich miteynander. Für dem **HERRN** / das er kompt das erdrich zu richte / Er wirt den erdboden recht richten / vnd die völker aufrichtig.

XCIX

(sterck) das ist / sein künigreich vñ gewalt.

Der **HERR** ist künig worden des tobē die völker / Er ist auff Cherubin gefessen / des reget sich das land. Der **HERR** ist groß zu Zion / Vnd hoch über alle völker. Man dancke deinem grossen vnd wunderbarlichem namen / Der do heylig ist. Die stercke des küniges liebet das gericht / du bereytest was aufrichtig ist / Du schaffest gericht vnd gerechtigkeit in Jacob. Erhebt den **HERRN** vnsern Gott / Bettet an zu seinem süßbanc / denn er ist heylig. Mose vnd Aaron vnder seinen priestern / vnd Samuel vnder denen die seinen namen anruffen / Die rieffen an den **HERRN** / vnd er antwortet ihnen. Er redet mit ihnen durch eine wolckeseulen / Sie hieltē seine zeugnis vnd sitten die er in gab. **HERR** du bist vnser Gott / du erhörest sie / Du Gott vergabest ihnen vnd straffetest ire thün. Erhöhet den **HERRN** vnsern Gott / vnd bettet an zu seinem heyligen berge / Denn der **HERR** ist heylig. **C** Ein danckpsalm.

Jauchzet dem **HERRN** alle land / Dienet dem **HERRN** alle land / Dienet dem **HERRN** mit freude / Kompt für seinem angesicht frölich. Erkēnet das der **HERR** Gott ist / er hat vns gemacht / vnd nicht wir selbs / Zu sein volck vnd zu schaffen seiner weyde. Gehet zu seinen thoren eyn mit dancken / zu seynen vorhöfen mit loben / Danckt vnd lobet seinen namen. Denn der **HERR** ist gut /

ist güt/vnd seine güte weret ewig/Vnd sein glaube für vnd für.

CI

Ein Psalm Davids.

Von güte vnd gericht will ich singen/vnd dir **HEXX** lobsin-
gen. Ich thū weislich auff dem wege der on wandel ist/wen
komst du zu mir? Ich wandel mit einfeltigem hertzen in meine
hause. Ich neme mir keine böse sache für/Ich hasse das thūn des über-
treeters/vnd bleibt nicht bey mir. Ein verkeret hertz mus von mir wei-
chē/Den bösen leide ich mit. Der mir seinen nehistē heymlich verleüm-
det den vertilge ich/Ich mag nicht den von stolzein gesicht vnd hoffer-
tigem hertzen. Meine augen sehen nach den trewē im lande/das sie bey
mir wonen/Vnd der ein wesen on taddel füret/lies ich mir dienen.
Wer mit triegererey vmbgehet/mūs nicht in meinem hause bleiben/Wer
do leuget der bestehet nicht für mir. Erue vertilget ich alle gottlosen (frü) das ist
bald vñ flur
im lande/Das ich alle übeltheter aufrottet aus d̄ stat des **HEXX**.

CII

Ein gebett des elenden so er betrübt ist vnd seine
rede für dem **HEXX** aufschütt.

H **HEXX** höre mein gebett/Vnd las mein schreyen zu dir kom-
men. Verbirge dein antlitz nicht für mir/zür zeit der not ney-
ge dein ore zu mir/Wen ich dich anruffe/so erhöre mich balde.
Den meine tage seind vergangē wie ein rauch/Vnd mein gebeine seind
verbrant wie ein brand. Mein hertz ist nyder geschlagen wie gras vnd
verdoret/Denn ich habe vergessen mein brodt zu essen. Mein gebeyn
klebt an meine fleysche/für der stym meines seuffzens. Ich bin gleich
wie ein rhodomel inn der wüsten/Ich bin wie ein kützlin in den verstö-
reten stetten. Ich wache vnd bin/Wie ein eynsamer vogel auff dē da-
che. Teglich schmehen mich meine feynde/Vnd die mich spottē schwe-
ren bey mir. Den ich esse asschen wie brod/Vnd missche meinen tranck
mit weynen. Für deinem zorn vnd vngnaden/Das du mich hast ge-
nommen vnd hyngeworffen. Meine tage seind gewichē wie eine schat-
tē/Vnd ich werde düre wie ein gras. Du aber **HEXX** bleibst ewig-
lich/Vnd dein gedechnis für vnd für. Du woltest dich auffmachen
vnd über Zion erbarmen/Denn es ist zeyt das du jr gnedig seyst/vñ die
stund ist kommen. Denn ire steyne gefallen deinen knechte/Vnd seind
irem staub günstig. Und die heyden werden deinen namen fürchten/
Vnd alle künige auff erdē deine ehre. Das der **HEXX** Zion bawet/
Vnd erscheinet in seiner ehre. Er wendet sich zum gebett des verlassē-
nen/Vnd verschmecht jr gebett nicht. Das werde geschriben auff die
nachkommenen/Vnd das volck das geschaffen soll werden/wirt den
HEXX loben. Denn er schawet von seiner heyligen höhe/Vnd
der **HEXX** sihet vom hymel auff erdē. Das er das seuffzen des ge-
fangē höre/Vnd löse die kind̄ des todes. **Auff** das sie zu Zion predigen
seinen

seinen namen / Vnd sein lob zu Jerusalem. Wenn die völker zusamen
kommen / Vnd die künigreiche dem **HERREN** zu dienen. Er demü-
tiget auff dem wege meine krafft / Er verkürzet meine tage. Ich sage /
mein Gott / nym mich nicht weg in der helfft meiner tage / Deine jar we-
ren für vnd für. Du hast vorhyn die erde gegründet / Vnd die hymel
sind deynes hende werck. Sie werde vergehen / aber du bleybest / Sie
werden alle veralten wie eyn kleyd / vnd wenn du sie wie eyn gewand
wandelst / werden sie verwandelt werden. Du aber bist der selbe / vn-
deyne jar nemen kein ende. Die kinder deynes knechte werden bleyben
Vnd yhr same wird für dyr bestehen. CIII

Eyn Psalm Davids.

L Obden **HERREN** meine seele / Vnd alle mein inwendiges sei-
nen heiligen namen. Lobden **HERREN** meine seele / Vnd
vergis nicht was er mir wider güts than hat. Der aller deiner
missethat gnedig ist / Vnd heylet alle deine franckheit. Der dein leben
erlöset von der grüben / Der dich krönet mit güte vnd barmhertzigkeit.
Der deinen mund settiget mit gütem / Das deine jugent vernewet wirt
wie ein adeler. Der **HERREN** schafft gerechtigkeit vnd gericht / Allen
die vnrecht leide. Er hat seine wege Mose wissen lassen / Den kindern
Israel sein thun. Barmhertzig vnd gnedig ist der **HERREN** / Langmä-
tig vnd von grosser güte. Er wirt nicht jmer hadern / Noch ewiglich
zorn halten. Er hat nicht mit vns gehandelt nach vnser sündē / Vnd
hat vns nicht vergolten nach vnser missethat. Denn so hoch der hym-
mel über der erden ist / Left er seine güte walden über die so in fürchte.
So ferne der morgen ist vom abent / Left er vnser übertrettunge von
vns sein. Wie sich ein vatter über kinder erbarmet / So erbarmet sich
der **HERREN** über die so in fürchten. Denn er kennet was für eingee-
mecht wir seind / Er gedenckt daran das wir staub seind. Ein mensch
ist in seiner zeit wie hew / Er blüet wie eine blume auff dem felde. Wen
der windt darüber gehet / so ist sie nymmer da / Vnd ire stette kennet sie
nicht mehr. Die güte aber des **HERREN** weret vō ewigkeit zu ewig-
keit / über die so in fürchten / Vnd seine gerechtigkeit auff kinds kind.
Bey denen die seinen bund halten / Vnd gedencken an seine gebott das
sie darnach thun. Der **HERREN** hat seinen stül im hymel bereyt / Vn-
sein reich wirt über alles hirschen. Lobet den **HERREN** jr seine en-
gel / gewaltig von kressen die jr sein wort außrichtet / Das man höre die
stym seines worts. Lobet den **HERREN** alle seine heerscharē / Sei-
ne diener die jr sein wolgefallen thut. Lobet den **HERREN** alle sei-
ne werck / an allen orten seiner hirschaft / Lobet den **HERREN** meine

CIIII

(seele.

L Obden **HERREN** meine seele / **HERREN** mein Gott / du bist
seer heralich worden / Lob vnd schmuck hastu angezogen. Du
deckest dich mit liecht wie mit eim kleyd / Du breytest auf den hy-
mel wie

mel wie ein teppich. Du welbest sein vberstes mitt wasser / du machst die wolcken dir zum wagen / Vnd gehest auff den fittichen des winds. Der du machst deine engel zu winden / Vnd deine diener zu feur flamē. Der du das erdreich gründest auff seinen boden / Das es bleibt ymmer vnd ewiglich. Mit der tieffe deckestu es wie mit ein kleid / Das wasser vber den bergen stehen. Aber von dem deinem scheltē fliehen sie / Von der stym deines dōners faren sie dahin. Das die berge hoch erfür gehē vnd die breitten sich erunder setzen / Zum ort den du in gegründet hast. Du hast eine grenze gesetzt / darüber komē sie nicht / Vnd müssen nicht widderumb das erdrich bedecken. Du ledest brunnen quellen inn den gründe / Das die wasser zwischen den bergē hingehen. Das alle thier auff dem felde trincken / Vnd die walde sel iren durst lesschen. An den selben wonen dye vogel des hymels / Vnd singen vnder den zweygen. Du feuchtest die berge von oben her / Das land wirt vol fruchte deiner werck. Du leest wachsen hew für das vieh / vnd saet durch erbeyt der menschen / Das du brod aus der erden bringest. Vnd das der wein er freuwe des menschen hertz / vnd seyn gestalt gleyssse von öle / Vnd das brod des menschen hertze stercke. Das die bewme des **HERN** gnüg haben / Die cedern Libanon die er gepflanzt hat. Daselbs nisten die vogel / Vnd der reyger hat auff den tannen seine wonunge. Die hohen berge sind der gepsssen zūflucht / Aber die stein flusst der kaninchē. Du machst den monde das man die feste darnach rechnet / Die sonnen weis iren vndergang. Du machst finsternis das nacht werde / Da regen sich alle wilde thier. Die iunge lewen die do brüllē nach dem raub / Vnd ire speyse süchen von Gott. Wenn aber die sonne auffgehet hebē sie sich davon / Vnd legen sich in ihre wonunge. So gehet denn der mensch aus an seine arbeit / Vnd an sein ackerwerck / bis an den abent. **HERN** wie seind deine werck so mancherley / du hast sie alle weislich gemacht / Vnd die erde ist voll deiner habe. Das meer das so groß vñ weyt ist / da wimmelts des nicht zū zelē ist / Beyde grosse vnd kleine thier. Daselbs gehē die schiffe / Da ist der Lemathan den du gemacht hast das er drynnen spiele. Sie warten alle auff dich / Das du in speyse gebest zū seiner zeit. Du gibst inen / so samle sie / Du thust deine hand auff so werdē sie mit güt gesettiget. Verbirgestu dein angesicht / so erschrecken sie / Du nymst weg iren odem / so vergehen sie / vnd kommen widder inn iren staub. Du ledest aus deinen odem / so werden sie geschaffē / Vnd vernewest das ansehen der erden. Die ere des **HERN** sey ewig / Der **HERN** strewet sich seiner werck. Er schawet die erde an / so bebet sie / Er rüret die berge an / so rauchen sie. Ich will dem **HERN** singen bey meinem leben / Vnd meinem Gott lob singē / so lange ich bin. Mein rede müsse im wolgefallen / Ich strewē mich des **HERN**. Der sunder müsse ein ende werdē auff erde / vnd der got lösen bis sie nymer da seien / Lobe den **HERN** meine sele. Haleluia.

C
(bewme)
des **HERN**
heyst er die
im wald ste
hen / die nit
durch mens
chen gepflā
zet seind.

Der Psalter.

GV

D Ancket dē **HERREN** vnd rufft seinen namē an / Machtet kund
sein thūn vnder den völkern. Singet von im vnd lobet ihn /
Redet von allen seinen wundern. Ehümet seinen heyligen
namē / Es freuwe sich das hertz / dere die den **HERREN** süchē. Era
get nach dem **HERREN** vnd nach seyner stercke / Süchet seyn andlitz
allewege. Gedencft seiner wunderwerck die er than hat / Seiner wū
der vnd gerichtē seins mundes. Ir der samen abraham seines knechts
Ir kinder Jacob seines auserwēte. Er ist der **HERREN** vnser Gott /
Seyne gericht sind in allen landē. Er gedencft ewiglich an seinē bund
Des worts das er gepotten hatt auff tausent gelied. Den er gemacht
hatt mitt Abraham / Vnd deseydes mitt Isaac. Und stellet dassellbe
Jacob zū eym recht / Vnd Israel zum ewigen bund. Und sprach / dyr
B willich das land Canaan gebē / Die schnür ewers erbes. Da sie gering
pöbel waren an der zal / Vnd frembding drynnen. Und sie zogen von
volck zū volck / Von eym kōnigreich zum andern volck. Er lies keynen
menschen sie beleydigen / Vnd straffet kōnige vmb iren willen. Tasset
meine gefällbeten nicht an / Vnd handelt meyne propheten nicht übel.
Und er lies eine tewrunge ins land kōmen / Vnd entzoch allen vorradt
des brods. Er sand einē man für in hyn / Joseph ward zum knecht ver
kaufft. Sie zwungen seine füsse im stock / Eisen gieng durch seine seele.
Bis zū der zeyt / das sein wort kam / Vnd die rede des **HERREN** ihn
durchleutert. Da sand der kōnig hyn / vnd lies in los gebē / Der herre
über völkler hies in auslassen. Er sagt in zum herren über sein haus /
Zum hirtsher über alle seine habe. Das er seyne fürsten züchtiget nach
E seinem willen / Vnd seine elltisten weyse mechte. Und Israel zoch inn
Egyptē / Vnd Jacob ward ein frembding im lande Ham. Und er lies
sein volck seer fruchtbar sein / Vnd macht sie mechtiger denn ire feinde.
Er verwandelt ihener hertz das sie sein volck gram wordē / Vnd tück
isch handelten mit seinen knechten. Er sandte seinen knecht Mosē /
Aaron den er hatte erwelet. Die selben theten seine zeychē vnder inen /
Vnd seine wunder im lande Ham. Er lies finsternis kōmē vnd ma
chts finster / Vnd waren nicht vngehorsam seinen wortē. Er verwan
delt ire wasser inn blūt / Vnd tödtet ire fische. Ir land wymmeltē frö
sche er auß / Inn den kamern ireer künige. Er sprach / da kamē böse wūr
me / Leuse inn allen iren grenzen. Er gab in hagel zum regen / Feur flā
men in irem lande. Und schlug ire weinstöcke vnd seigē bewme / Vnd
zübrach die bewme inn iren grenzen. Er sprach / da kamen heuschreck
S en vnd kesser / Vnd der selbē on zal. Und die frassen alles gras in irem
lande / Vnd fras die frächte inn irem felde. Und schlug alle erste gep
urt in irem lande / Allerstlinge ires vermögens. Und füret sie auß
mit sylber vnd golde / Vnd war kein schwacher vnder iren stemmen.
Egypten ward fro das sie auszogē / Denn ire fürcht war auß sie gefal
len.

len. Er breittet eine wolcken aus zur decke/ Vnd feür des nachts zü leuchten. Sie baten/ daß amē wachteln/ Vnd er settiget sie mit hymelbrot. Er öffnēt den felsē/ daß flossen wasser aus/ Das der bach lief in der düren wüsten. Denn er gedacht an sein heiliges wort/ Abraham seinem knecht geredt. Also füret er seyn volck aus mit freuden/ Vnd mit wonne seyne auserweleten. Vnd gab in die lēder der heyden/ Das sie die erbeyt der völkē einnamē. Auff das sie halltē sollen seine sitten/ Vnd sein gesetz bewaren/ Haleluia. CVI

Haleluia.

Dancket dem **HERRN** den er ist freundlich/ Vnd seine güte weret ewiglich. Wer will die gewalt des **HERRN** ausreden/ Vnd laut machē alle sein lob? Woldenen die das gericht bewaren/ Vnd thūn gerechtickeit allezeit. **HERR** gedēcke meyn nach deynem güten willen/ den du zu deinem volck hast/ Besūche vns mit deinem heyl. Das wir schawen das güt deiner auserwelten/ vnd vns freuwen in der freude deins volcks/ Vnd mich rühme mit deynem erbteyl. Wir haben gesündigt mit vnsern vättern/ wir haben mißhandelt/ vnd seind gottlos gewesen. Unser vätter in Egypten vernamen deine wunder nicht/ sie gedachten nicht an deine grosse güte/ Vnd warē vngehorsam am meer/ nemlich am schilffmeer. Er halff in aber vmb seines namens willen/ Das er kund macht seine gewalt. Vnd er schalt das schilffmeer da wards trocken/ Vnd füret sie durch die tieffen/ wie inn der wüsten. Vnd halff in von der hand des der sie hasset/ Vnd er löset sie von der hand des feyndes. Vnd bedeckt ire widderfacher mit wasser/ Das nicht einer über bleyb. Da gleubten sie an seine wort/ Vn sungē sein lob. Aber sie vergassen bald seiner werck/ Sie wartē nicht seines radts. Vnd sie wurden lüftern inn der wüsten/ Vnd versüchtē Gott in der eynöde. Er aber gab in ire bitte/ Vnd sandte gnüg nach irem willen. Vnd sie reytzen Mose im läger/ Aaron den heyligen des **HERRN**. Die erde that sich auff vnd verschlang Dathan/ Vnd decket zu die rotte Abiram. Vnd feur ward vnder irer rotte anzündet Die flamme verbrandt die gottlosen. Sie machten ein kalb inn Horeb Vnd betten an das gegossen bilde. Vnd verwandelten ire ehre/ In ein gleichnis eins ochssen der gras isset. Sie vergassen Gottes ires heylands/ Der so grosse ding inn Egypten than hatte. Wunder im lande Ham/ Vnd schreckliche werck am schilffmeer. Vnd er sprach/ das er sie vertilget/ wo nicht Mose sein auserwelter gestandē were für im wider den ryß/ Das er seinen grym abwendet/ auff das er nicht verderbete. Vnd sie verachteten das edle land/ Sie gleubtē seinem wort nicht. Vnd murreten inn iren hütten/ Sie gehorchten der styme des **HERRN** nicht. Vnd er hāb auff seine hand widder sie/ Das er si nydder schlugē in der wüsten. Vnd wurffe iren samen vnder die heydē/ Vnd
K ij strewet

Der psalter.

strewet sie in die lender. Und sie hiengen sich an den Baal Peor/ Vnd
 assen von den opffern der todte. Und erzürnten in mit irem thün/ Da
 reis er auch die plage vnder sie. Da trat zu Pinehas vnd schlichtet die
 sache/ Da ward der plage geweret. Und ward im gerecht zur gerech
 tickeyt/ Für vnd für ewigklich. Und sie erzürnten in am hader wasser
 Vnd Mose gieng es übel vmb iren willē. Denn sie waren seinem geist
 vngheorsam/ Das er durch seine lippen sagte. Das sie nicht vertilgen
 sollten die völecker/ Davon in der **HERR** gesagt hatte. Und sie men
 geten sich vnder die heyden/ Vnd lernten ire werck. Und dienetē iren
 gözen/ Die gerieten in zum ergernis. Und sie opfferten ire söne/ Vnd
 ire töchter den feldtenffeln. Und vergossen vnschuldig blüt/ das blüt
 irer söne vnd irer töchter/ die sie opfferten den gözen Canaan/ Das das
 land mit blütschulden besleckt ward. Und verunreynigten sich mit ire
 wercken/ Vnd hūreten mitt irem thün. Da ergrymmet der zorn des
HERR/ Vnd gewan eynen greuwel an seinem erbteyl. Und gab
 sie in die hand der heyden/ Das übet sie hirschetten/ die in gram waren.
 Und ire feinde engsten sie/ Vnd wurden gedemütiget vnder ire hende.
 Er errettet sie offt mals/ Aber sie wurden vngheorsam mit irem furne
 men/ Vnd wurde geringe durch ire missethat. Und er sahe ire not an/
 Da er ir klage höret. Und gedacht für sie an seinen bundt / Vnd reu
 wet in nach seiner grossen gūte. Und lies sie zur barmherzickeyt komē
 Für allen die sie gefangen hatten. Hilff vns **HERR** vnser gott/ vnd
 bringe vns zusamen aus den heyden/ Das wir dancken deinem heyligen
 namen/ vnd rhūmen dein lob. Gelobt sey der **HERR** der Gott Is
 rael/ von ewigkheit in ewigkheit/ Vnd alles volck spreche/ Amē. Sa le luia.

CVII

Dancket dem **HERR** den er ist freundlich / Vnd seine gū
 te weret ewigklich. Saget die jr erlöset seydt durch den **HERR**
HERR/ Die er vō des feyndes hand erlöset hat. Und die er auß
 den lendern zusamen bracht hat/ Vom auffgang/ vom nydsgang / von
 mittag vnd vom meer. Die yre gehen in der wūsten im vngēbantem
 wege/ Vnd finden keine statt da sie wonen/ Hungerig vnd dürstig/ vnd
 ire seele wirt matt. Und sie schreien zum **HERR** in irer not/ Vnd
 er errettet sie auß iren engsten. Und füret sie einen richtigen weg/ Das
 sie gehen zur statt da sie wonen. Sie dancken dem **HERR** vñ sei
 ne gūte/ Vnd vmb seine wunder an den menschen kindern. Denn er set
 tiget die dürstige seele/ Vnd füllet die hungerige seele mit gūte. Die da
 sitzen im finsterniß vnd tuncfel/ Gefangen im elend vnd eisen. Darüb
 das sie der rede Gottes vngheorsam seind/ Vnd lestern den radt des al
 lerhöbisten. Und er demütiget jr hertz mit vnglück/ Das sie schwach
 werden vnd keine hülffe haben. Und sie schreien zum **HERR** in
 irer not/ Vnd er hilfft inen aus iren engsten. Und füret sie aus dem fin
 sternis vnd tuncfel/ Vnd zūreyffet ire bande. Sie danckē dē **HERR**
 vmb

vmb seine gütē / Vnd vmb seine wunder an den menschē kindern. Den
 erzübricht eherne thür / Vnd züschlehet eyserne rigel. Die narren wer
 den gedemütiget vmb des weges willen irer vbertrettunge / Vnd vmb
 irer missethat willen. Es eckelt irer seele für aller speyse / Vnd kömē
 hart an das thor des todes. Vnd sie schreien zum **HERREN** in irer
 not / Vnd er hilfft inen aus iren engstē. Er sendet sein wort vnd macht
 sie gesund / Vnd errettet sie von irem verderbenn. Sie dancken dem
HERREN vmb seine gütē / Vnd vmb seine wunder an den menschen
 kindern. Vnd opffern danck opffer / Vnd erzelē seine werck mit preys.
 Die mit schiffen auffss meer faren / Vnd treyben iren handel in grossen
 wassern. Die sehen des **HERREN** werck / Vnd seine wunder im tie
 ffen. Er spricht / so hebt sich der wind des vngewitters / Vnd erheben
 sich seine wellen. So faren sie gen hymell vnd faren in abgrund / yhre
 seele wird im vnfall verzagt. Sie daumeln vnd wanckē wie ein trunck
 kener / Vnd alle ihre weisheit ist verschlungen. Vnd sie schreien zum
HERREN in irer not / Vnd er füret sie aus iren engsten. Er macht
 das vngewitter stille / Das ire wellen sich legen. Da werdē sie fro / das
 stille wordē ist / Vn füret sie zür ansurt wie sie woltē. Sie dancken dem
HERREN vmb seine gütē / Vn vmb seine wund an den menschē kindern.
 Vnd erheben in vns der gemeyne des volcks / Vnd rümē in auff dem sitz
 der eltisten. Der die beche zur wüsten macht / Vnd die wasser quellen
 versigē lefft. Ein fruchtbar land in ein vnfruchtbar / Vmb der bosheit
 willen / dere die drinnen wonen. Er macht aus einer wüsten einē waf
 ser see / Vnd ein dürrē land zur wasser quellē. Vnd setzt dahin die hun
 gerigen / Das sie einē stad zürichtē zū wonē. Vnd acker seen vnd wein
 berge pflanzen / Vnd frucht des einkommens machen. Vnd segent sye
 vnd mehret sie fast / Vnd lefft ihrs viehs nicht wenig seyn. Ihr wird
 aber weniger / vnd werden nider gedruckt / Von dem zwang des bösen
 vnd vom vnfall. Er schüttet verachtung auff die fürsten / Vnd macht
 sie irre auff dem vnwege da keine ban ist. Vnd schützt den armen für
 elende / Vnd macht in wie ein herd schaff in viel geschlecht. Die auff
 richtigen werdē ire lust sehē vnd sich freuwen / Vnd alles vnrecht wird
 seinen mund müssen zūhallten. Wer ist weyse / vnd behellt dis: So
 werden sie verstehen die gütē des **HERREN**.

dieser psalm
 ist ei gemein
 danck / wie
 Gott aller
 ley mensche
 auß allerley
 e
 not hillfft /
 wie Paulus
 sagt. i. Tim.
 ij. Er ist ein
 heyland als
 ler mensche.

(sit) das ist
 inn der ver
 samlunge als
 in d kirche.

CVIII

Ein Psalm lied Davids.

Gott mein hertz ist bereyt / Ich will singen vnd tichtē meyne ere
 auch. Woll auff psalter vnd harffen / Ich will auff sein mitt
 der morgen roed. Ich will dir dancken **HERREN** vnder den
 völkern / Ich will dir lobesingen vnder den leutten. Denn deine güt
 te ist gros bis an hymmel / Vnd deine treuwe bis an die wollcken. Er
 hebe dich Gott über die hymel / Vnd deyne ere über alle lande. Auff
 das deine lieben freunde erlöset werdē / Hilff mit deiner rechten vnd ant
 K ij worthe

Der psalter.

worte mir. Gott redet in seinem heiligthumb/ich bin fro vnd will Si
 chem aufsteylen/Vnd das tal Suchoth aufmessen. Gilead ist mein/
 Manasse ist auch mein/Vñ Ephraim ist die stercke meines heupts/Ju-
 da ist mein lerer. Moab ist mein waschtüpf/ich wil meinen schlauch
 über Edom werffen/Ober die Philister will ich jauchzen. Wer wirt
 mich führen inn die feste statt: Wer wirt mich leyten inn Edom: Hast
 du nicht Gott vns verstoffen: Vñ zeüchest nicht auß Gott mit vnserm
 heer: Schaff vns beystand in der not/Denn menschen hülfte ist vmb
 sonst. Durch Gott wollen wir stercke beweisen/Er wirt vnser feyn-
 de vnder tretten.

CIX

Ein Psalm Davids hoch zu singen.

21 **G**ott meins lobes/Schweige nicht. Denn die bösen meüler
 der gottlosen haben sich über mich auffgethan/Vnd reden wi-
 der mich mit falscher zungen. Und bereden mich mit heffigē
 worten allenthalben/Vnd streiten widder mich on vrsach. Das für dz
 ich sie liebe/seind sie widder mich/ Ich aber bete. Sie thün mir böses
 vmb güts/Vnd has vmb liebe. Setze gottlosen über in/Vnd ein wi-
 dersacher müsse stehen zu seiner rechten. Wenn er gericht wirdt/müsse
 er verdampt außgehen/Vnd sein gebett müsse sünde sein. Seyner ta-
 ge müssen wenig werden/Vnd sein ampt müsse ein ander empfangen.
 Seine kinder müssen wäysen werden/Vnd sein weyb eine wydwin.
 22 **A**nstete müssen seine kinder sein/vnd betteln/Vnd süchen weyl jr hau-
 sunge verstorret ist. Es müsse der wücherer auffsaugē alles was er hat/
 Vnd frembde müssen seine erbeyt rauben. Und müsse niemandt sein
 der im wolthat erzeyge/Vnd niemand erbarme sich seiner wäysen.
 Seine nachkommen müssen außgerottet werden/Sein name müsse in
 einem gelied vnder gehen. Seiner väter missthat müsse gedacht wer-
 den für dem **HERA**/Vnd seiner mütter sünde müsse nicht außge-
 lesscht werden. Sie müssen für dem **HERA** sein allwege/Vnd
 jr gedechtnis müsse außgerott werden auß erden. Darumb das er nit
 daran gedacht/das er wolthat beweiset/vnd verfolget den elenden/
 e vnd armen/Vnd den mit betrübtem hertzen/das er in tödtet. Und er
 flücht gerne/das wirt aber im kommen/Er wolt nicht segenen/so wirt
 er auch ferne genüg von im bleyben. Vnd zoch an den flüch wie sein
 hembd/vnd ist inn sein innwendigs gangen wie wasser/Vnd wie öle
 inn sein gebeyne. So werde er im wie ein kleyd das er an habe/Vnd
 ein gürtel das er sich alle wege mit gürtet. So geschehe denen vom
HERA die mir widder seind/Vnd reden böses wider meine sele.
 Aber du **HERA**/Herr thü mit mir/vmb deynes namen willen/
 Denn deine güte ist lieblich/errette mich. Denn ich bin arm vnd elend/
 23 **M**ein hertz engstet sich in mir. Ich gehe hyn wie ein schatte dahyn fe-
 ret/Vnd werde außgestossen wie die hewschrecken. Meine knye seind
 schwach von faste/Vnd mein fleisch ist mager das kein fett hat. Und
 ich

ich war jr spott/ Wenn sie mich sahen/ schütteltē sie iren köpff. Stehe mir bey **HERR** mein Gott/ Hilff mir nach deiner güte. Das sie innē werden das dis sey deine hand/ Das du solchs gethan habest. Elüche sie so segene du/ lehnen sie sich auff/ so müssen sie zūschandē werdē/ Aber dein knecht müsse sich frewē. Meine widersacher müssen mit schmach angezogen werden/ Vnd mit irer schand bekleidet werdē wie mit einem rock. **HERR** ich will dir fleysig dancken mit meinem munde/ Vnd dich thūmen vnder vielen. Denn er stehet dem armen zūr rechtē/ Das er helffe seine seelen von den richtern. CX

Cyn Psalm Davids.

Der **HERR** sprach zū meinem **HERRN**/ setze dich zū meiner rechtē/ Bis das ich deyne seinde dir zum schemel deiner füsse lege. Der **HERR** wird die rüte deyner stercke sendē aus Zion/ Hirsche vnder deinen seindē. Dein volck wird williglich da seyn am tage deyner macht inn heyligem schmuck/ Aus mütter leibe mit der morgenröde kompt dir der taw deiner geburt. Der **HERR** hat geschworen vnd wirt in nicht gereuwē/ Du bist ein priester ewiglich nach der weyse Malkizedek. Der **HERR** zū deyner rechten/ Wird zūschmeysen die könige am tage seines zorns. Er wird richten vnder den heyden/ er wirds voll todter leychnam machen/ Er wird zūschmeysen das heubt über viel lande. Er wirt trincken vom bach auff dem wege/ Darumb wirt er das heubt empor heben. (Oder also) Man wirt trinckē vom bach: c. das ist/ Er wirt fouiler schlagen das man blūt wie wasser trincken möcht.

CXI

Haleluia.

Der **HERR** ich will dir dancken von ganzem hertzen/ Im radt der auffrichtigen vnd in der gemeyne. Gros sind die werck des **HERRN**/ Ersucht allen die lust dazu haben. Danck vnd schmuck ist sein werck/ Vnd seine gerechtigkeit bleibt ewiglich. Er hat ein gedechtnis gemacht seiner wunder/ Der gnedige vnd barmhertzig **HERR**. Er hat speise geben denen so in fürchten/ Er denckt ewiglich an seinen bund. Er wirt die krafft seiner werck seinem volck anzeygen/ Das er in gebe das erbe der heyden. Die werck seiner hende seind warheit vnd gerichtē/ Alle seine gepott seind bestendig. Sie werden erhalten jmer vnd ewiglich/ Vnd gemacht warhafftig vnd richtig. Er hat eine erlösunge gesandt seinem volck/ seinen bund gepottē ewiglich/ Seylig vnd schrecklich ist sein name. Die furcht des **HERRN** ist der weysheit anfang/ seinen verstandt haben alle die darnach thūn/ Sein lob bleibt ewiglich. (Ersucht) das ist, wer lust dazu hat & fragt darnach.

CXII

Haleluia.

Wol dem der den **HERRN** fürcht/ Der grosse lust hat an seinen gepotten. Des same wirt gewaltig sein auff erdē/ Das geschlecht der auffrichtigen wirt gesegnet werden. Reichtumb vnd die fülle wirt in sein hause sein/ Vnd seine gerechtigkeit bleibt ewiglich. Den auffrichtigen gehet das liecht auff im finsternis/ Von dem gnedigen barmhertzigen vnd gerechten. Ein frum-

K iij er man

Der Psalter.

^c er man ist barmhertzig vñ leyhet gerne / Er teylet seine wort recht auß.
^e (teylet) das ist / er heuchlet den grossen nicht / vñ beisset die geringen nicht / sondern tröset / straf-
^B fet / redt wo vñ wenn es not ist vñ sibet niemand an. Denn er wirt ewiglich bleibē /
Sein wirt nymer mehr vergessen. Für bösem gerücht fürcht er sich
nicht / Sein hertz ist bereit auff den **HEKKA** zu hoffen. Sein hertz
ist getröst vñ fürcht sich nicht / Bis er seine lust an seinen feynden sibet.
Er strewet auß vñ gibt den armē / seine gerechtigkeit bleibt ewiglich /
Sein horn wirt erhöhet mit ehren. Der gottlose wirts sehē vñ wirt
in verdriessen / seine zeene wirt er zūsamē beyssen / vñ zürgehen / Denn
der gottlosen begirde wirt verloren werden. CXIII

Ha le lu ia.

² **L**obet ire knechte des **HEKKA** / Lobet den namē des **HEKKA**
Gelobt sey sein name / Von nu an bis inn ewigkeyr. Von auff-
gang der sonnen bis zū irem nyddergang / Sey gelobt der name
des **HEKKA**. Der **HEKKA** ist erhöhet über alle heyden / Seine
ehre ist über die hymel. Wer ist wieder **HEKKA** vnser Gott? Der so
^B hoch sitzt. Und her nydder sibet / Inn hymmel vñ erden. Der den
geringen auffrichtet auß dem staube / Vñ erhöhet den armen auß dem
dreck. Daser in wonen lasse bey den fürsten / Bey den fürsten seines
volcks. Der die vnfruchtbare im hause wonen macht / Das sie ein frö-
liche kinder mütter ist / Ha le lu ia.

CXIII

² **D**a Israel aus Egypten zoch / Das haus Jacob auß dem fremb-
den volck. Da ward Juda sein heyligthumb / Israel seine hir-
schafft. Das meer sahe vñ flohe / Der Jordan wand sich zū-
ruck. Die berge leckete wie die widder / Die hügel wie die jungē schaff.
^B Was war dir du meer / das du flohest? Vñ du Jordan / das du züruck
wandtest? Ir berge das ir leckete wie die widder? Ir hügel wie die
jungen schaff? Für dem **HEKKA** bebet die erde / Für de Gott Ja-
cob. Der den fels wandelt inn wasser see / Vñ die steyne inn wasser-
brunnen.

CXV

² **N**icht vns **HEKKA** / nicht vns / sondern deinem namē gib die
ehre / für deine güte vñ treuwe. Warumb sollen die heyden
sagen / Wo ist nu ir Gott? Aber vnser Gott ist im hymel / Er
macht was in gelust. Ihener gözen aber seind sylber vñ gold / Men-
schen hende werck. Sie haben meüler vñ reden nicht / Sie haben au-
^B gen vñ sehen nicht. Sie haben oren vñ hören nicht / Sie habē nasen
vñ riechen nicht. Sie habē hende vñ greiffen nicht / füsse habē sie vñ
gehen nicht / Vñ redē nicht durch iren halls. Die solche machen seind
auch also / Vñ alle die auff sie hoffen. Aber Israel hoffe auff den **HEKKA**
Der ist ir hülffe vñ schild. Das haus Aharon hoffe auff den
HEKKA / Der ist ir hülffe vñ schild. Die den **HEKKA** fürch-
ten / hoffen auch auff den **HEKKA** / Der ist ir hülffe vñ schild.

Der

Der **HERR** denckt an vns vnd wirt vns segenen/er wirt segene
 nen das haus Israel/Er wirt segenen das haus Aharon. Er
 wirt segenen die den **HERRN** fürchten/Sie seyen klein od
 groß. Der **HERR** wirts mehr thun über euch/Über euch vnd über
 ewre kinder. Ir seyt die gesegnete des **HERRN**/Der hymmel vñ
 erden gemacht hat. Der hymel aller hymel ist des **HERRN**/Aber
 die erde hat er den menschen kindern geben. Die todten werden dich
HERR nicht loben/Noch die hynunder farëinn die stille. Sonder
 wir loben den **HERRN**/Von nu an bis inn ewigkeit/Hale lusia.

CXVI

Ich hab lust/Das der **HERR** die stym meines flehens höret. vñ
 Das er sein ore zū mir neyget/Vnd ich will bey meym leben an
 ruffen. Stricke des todes hatten mich vmbfangē / vnd angst
 der hellen hatten mich troffen/Not vnd leyd fand ich. Vnd ich rieß
 an den namen des **HERRN**/O **HERR** errette meine seele. Du
 gnediger **HERR** vnd gerechter/Vnnd vnser barmherziger Gott.
 Der **HERR** bewaret die einfeltigen/Da ich geringert ward half er
 mir. Here dich widder meine seele zū deiner rüge/Denn der **HERR**
 hat dir widder auffgeholfen. Denn du hast meine seele auf dem tod
 gerissen/Mein auge von den threnen / meinen füß vom gleytten. Ich
 will wandeln für dem **HERRN**/Inn lenden der lebendigen.

Ich glewbe / duumb rede ich / Ich bin aber seer gedemütiget. Ich
 sprach in meinem zagen/Alle menschen seind lügener. Was soll ich de
HERRN vergelten/Für alle seine wolthat an mir? Ich will den
 kelch des heyls nemen/Vnd des **HERRN** namē anruffen. Ich wil
 meine gelübde bezalen/Für all seinem volck. Wie theur ist der tod sei
 ner heyligen/Für dem **HERRN**. O **HERR** ich bin dein knecht/
 ich bin dein knecht deiner magd son/Du hast meine bande auffgelöset.
 Dir will ich danck opffer opffern/Vnd des **HERRN** namen anruf
 fen. Ich will meine gelübde dem **HERRN** bezalen / Für all seinem
 volck. Inn den höfen am hause des **HERRN**/Inn dir Jerusalem/

CXVII

(Hale lusia.

Lobet den **HERRN** alle heyden / Preysset in alle völkter.
 Denn seine güte vñnd treuwe waltet über vns / Inn ewigkēyt/
 Hale lusia.

CXVIII

Danckt dem **HERRN** das er so freüntlich ist/Vnd seine güte
 ewiglich weret. Es sage nu Israel/Dz seine güte weret ewig
 lich. Es sage nu das haus Aharō/Das seine güte weret ewig
 lich. Es sagen nu die den **HERRN** fürchten/Das seine güte weret
 ewiglich. Inn der angst rieß ich den **HERRN** an/Vnd o **HERR**
 erhöret mich in weytem rawm. Der **HERR** ist mit mir/ich fürchte
 mich nicht/Was mir der mensch thut. Der **HERR** ist mit mir/mir
 zū helffen/Vnnd ich will meine lust sehen an meinen feynden. Es

ist besser auff den **S E R R A** vertrauen / Denn sich verlassen auff menschen. Es ist besser auff den **S E R R A** trauen / denn sich verlassen auff fürsten. Alle heyden haben mich vmbgeben / Aber im nammen des **S E R R A** / will ich sie zühawen. Sie haben mich vmb vnd vmb vmbgeben / Aber im namen des **S E R R A** wil ich sie zühawen. Sie haben mich vmbgeben wie die bienē / sie seind verlosschen wie ^dsewr inn domen / Aber im namen des **S E R R A** wil ich sie zühawen. d (sewr inn domen, das ist / wie das sewr inn domen vnd reys fast brasselt vnd feyndlich tobet / aber bald ein inde nympt / vnd ist nicht bestendig. Also tobet jr zorn fast / aber es ist bald auß damit vnd thüt nicht so viel so großes wol gern wollt. Man sties mich das ich
 fallē sollt / Aber der **S E R R A** halff mir. Der **S E R R A** ist meine stercke vnd mein psalm / Vnd ist mein heyl. Es ist ein stym vō freudē vnd heyl inn den hütten der gerechten / Die rechte des **S E R R A** beweiset stercke. Die rechte des **S E R R A** ist erhöht / Die rechte des **S E R R A** beweiset stercke. Ich werde nicht sterben / sonder leben / Vnd erzelen das werck des **S E R R A**. Der **S E R R A** züchtiget mich wol / Aber er gibt mich dem todte nicht. Thüt mir auff die thore der gerechtikeit / Das ich dahyn / eyn gehe vnd dem **S E R R A** dancke. Das ist das thor des **S E R R A** / Die gerechten werden dahyn eyn gehen. Ich dancke dir das du mich erhörest / Vnd bist mein heyl. Der steyn / den die bawleüt verwurffen / Ist züm eckstein wordē. Das ist vom **S E R R A** geschehen / Vnd ist ein wunder für vnsern augen. Dis ist der tag / den der **S E R R A** macht / Laßt vns strewē vnd frölich dzyne sein. O **S E R R A** hilf / O **S E R R A** las wol gelingen. Gelobet sey der do kompt im namen des **S E R R A** / Wir segene euch vom hause des **S E R R A**. Der **S E R R A** ist Gott vñ erleuchtet vns / Schmückt das fest mit meygen bis an die hörner des alltars. Du bist mein Gott vnd ich dancke dir / Mein Gott / ich will dich erhöhen. Dancket dem **S E R R A** das er freündlich ist / Vnd seine güte weret ewiglich.

119
XCIX

Wol denen die on wandel seind auff dem wege / Die im geseze des **S E R R A** wandeln. Wol denen / die seine zeügnis behütten / Die in von ganzem hertzen süchen. Den die übeltheter / wandeln nicht auff seinen wegen. Du hast gepotten fleißig zū halten / Was du befolhen hast. O das meine wege gerichtet wüden / Zū halten deine rechte. Denn würde ich nicht zū schanden / Wenn ich schawet auff deine gepott alle. Ich dancke dir mit auffrichtigē hertzen / Das du mich lereest die gerichte deiner gerechtigkeit. Deine rechte will ich hallten / Verlas mich nicht so gar.

Womit wirt ein jüngling seinen weg reynigē: Wenn er sich hellt nach deine wortē. Ich habe dich gesucht vō ganzē hertze / Laß mich nit feylē deiner gepott. Ich habe deine rede in meinē hertze verborgē / Auff dzich nicht widē dich sündige. Gelobt seistu **S E R R A** / Lere mich deine rechte. Ich wil mit meinen lippē erzelen alle gerichte deines mundes. Ich frewe mich inn dem wege deiner zeügnis / Als über allerley reich tumb

tumb. Ich rede was du befolhē hast / Vnd schawē auff deine pfade.
Ich habe lust an deinen rechten / Vnd vergesse deiner wort nicht.

Hilff deinem knecht wider zū rechte das ich lebe / Vnd deine wort halte.
Offene mir die augen das ich sehe / Die wunder an deinem gesetze.
Ich bin ein gast auff erden / Verbirge deine gebott nicht für mir. Meine seele ist zūmalmet für verlangen / Nach deinen gerichtē allezeit. Du schilttest die stolzen / Das verflucht seind die deiner gepotte seyle. Wende von mir schmach vnd verachtung / Denn ich behüte deine zeügnis.
Es sitzen auch die fürsten / vnd reden widder mich / Aber dein knecht redet von deinen rechten. Ich habe lust an deinen zeügnissen / Die seind meine radtsleute.

Meine seele klebt am staube / Nach mich lebend nach deinem wort.
Ich habe meine wege erzelt / vnd du antwortest mir / Lere mich deine rechte. Underweise mich den weg den du befolhen hast / So will ich reden vō deinen wundern. Meine seele tropffelt für gremē / Richte mich auff nach deinen worten. Nym von mir den falschen weg / vnd gönne mir dein gesetze. Ich habe ein gewissen weg erwelet / Deyne gerichtē hab ich fürgesetzt. Ich hänge an deinen zeügnissen / HERR las mich nicht zū schanden werden. Ich lauffe den weg deiner gepott / Wenn du mein hertz tröstest.

Neige mir HERR den weg deiner rechte / So will ich sie behüte bis ans ende. Underweise mich / so will ich behüten dein gesetze / Vnd wills hallten von ganzem hertzen. Höre mich auff dem steyge deynes gebott / Denn ich habe lust darzū. Neige mein hertz zū deinen zeügnissen / Vnd nicht zūm geytz. Wende ab meine augen das sie nicht sehen dz eytel / Nach mich lebend auff deinem wege. Mach bestendig deine rede deinem knechte / Das ich dich fürchte. Wende von mir die schmach die ich schewe / Denn deine gerichtē seind lieblich. Sihe ich begere was du befolhen hast / Nach mich lebend durch deine gerechtigkeit.

Las deine güte HERR mir zū kummē / Dein heyl nach deiner rede.
Das ich antworten möge meinem lesterer / Denn ich verlas mich auff dein wort. Und nym nicht von meinem munde das wort der warheit so gar / Denn ich harre auff deine gerichtē. Ich will dein gesetz hallten allwege / ymer vnd ewiglich. Und ich wandele inn weyttem raum / Denn ich süche was du befolhen hast. Ich rede von deinen zeügnissen für künigen / Vnd scheme mich nicht. Und habe lust an deinen gepotten / Die ich liebe. Und hebe meine hende auff zū deinen gepotten / die ich liebe / Vnd rede von deinen rechten.

Gedenck deinem knecht an dein wort / Auff welchs du mich leffest hofen.
Das ist mein trost in meym elēde / Denn deine rede machē mich lebendig. Die stolzē spottē mich allzū viel / Aber ich weiche nicht vō deinem gesetze. HERR ich dencke an deine gerichtē / die vō d welt her sind / Vn werde

Der Psalter.

werde getröstet. Mir grawet für den gotlose / Die dein gesetz verlassē.
Deine rechte waren meine psalme / Im hause meiner wonunge.
HERR ich dencke des nachts an deinen namen / Vnd hallte dein ge-
setze. Das ist mein / Denn ich behüte was du befolhen hast.

8 **I**ch hab gesagt / **HERR** mein teyl ist / Das ich deine wege halte.
Ich flehe deinem angesicht von ganzem hertzen / Mach mich lebendig
nach deiner rede. **I**ch betrachte meine wege / Vnd kere meine füsse zu
deinen zeugnissen. **I**ch eyle vnd verzihe nicht / Zu hallten deine gebott.
Der gottlosen bund beraubet mich / Aber ich vergesse deines gesetzes nit.
Zur mitternacht stehe ich auff dir zu dancken / Ober den gerichtten dei-
ner gerechtigkeit. **I**ch bin in der gemeynschafft aller die dich fürchtē /
Vnd halten was du befolhen hast. **HERR** die erde ist voll deiner
güte / Lere mich deine rechte.

9 **O**u thust güts deinem knecht / **HERR** nach deinen worten. **L**e-
re mich güte sitten vnd erkentnis / Den ich gleibe deinen gebottē. **E**he
ich gedemütiget ward / Irret ich / Nu aber hallte ich deine rede. **O**u bist
güt vnd freuntlich / Lere mich deine rechte. **D**ie stolzen ertichten lüge
über mich / **I**ch aber behüte von ganzem hertzen / was du befolhē hast.
Ir hertz ist dick wie schmer / **I**ch aber habe lust an deinem gesetzē. **E**s
ist mir lieb das du mich gedemütiget hast / Das ich deine rechte lerne.
Das gesetzē deines mundes ist mir lieber / Denn viel tausent stuck gold
vnd sylber.

10 **E**ine hant hat mich gemacht vnd bereyt / **V**nderweise mich das ich
deine gebott lerne. **D**ie dich fürchten / sehen mich vnd frewē sich / Den
ich harre auff deine wort. **HERR** ich erkenne das deine gericht recht
seind / Vnd hast mich mit trewen gedemütiget. **D**eine güte müsse
mich trösten / Nach deiner rede deinem knechte geschehē. **D**eine barm-
hertzigkeit komme zu mir das ich lebe / Denn ich habe lust an deinem ge-
setze. **D**ie stolzen müssen zuschanden werdē / das sie mich so felschlich
nydder drucken / **I**ch aber rede von dem das du befolhē hast. **E**s müs-
sen sich zu mir keren die dich fürchten / Vnd deine zeugnisse kennen.

11 **M**eine seele verlanget nach deinem heyl / **I**ch hoff auff deyn wort.
Meine augen sehnen sich nach deiner rede / Vnd sagen / wenn tröstest du
mich? **D**enn ich binn wie ein wein schlauch im ranch / **D**einer rechte
vergesse ich nicht. **W**ie vil seind der tage deines knechts? **W**enn wiltu
gericht halten über meine verfolger? **D**ie stolzen graben mir gräben /
Die nicht seind nach deinem gesetzē. **A**lle deyne gepott seynd gewiss /
Sie verfolgen mich felschlich / hilff mir. **S**ie haben mich schier alle ge-
macht auff erden / **I**ch aber verlasse nicht was du befolhen hast. **M**ach
mich lebendig durch deine güte / **D**z ich halte die zeugnis deines mundes.

12 **HERR** dein wort / bestehet ewiglich im hymmel. **D**eine trew we-
ret für vnd für / **D**u hast die erde bereyt vnd sie bleibt stehē. **E**s bleibet
noch

noch heuttigs tags nach deinem gerichte/Deñ es dienet dir alles. Wo ich nicht lust hette an deinem gesetze/So vergienge ich in meym elende. Ich will nymer mer vergessen was du befolhen hast/Denn du machst mich damitt lebendig. Ich bin deyn/hilff mir/Denn ich suche was du befolhen hast. Die gottlosen wartē auff mich das sie mich vmbbringē Ich aber merck auff deine zeügnis. Ich habe alles dinges ein ende gesehen/Aber dein gepott ist seer breyt.

Wie hab ich dein gesetz so lieb/Teglich rede ich dauō. Du hast mich mit deynem gepott weyser gemacht/denn meine seynde sind /Deñ es ist ewiglich mein. Ich bin klüger denn alle meine lerer /Denn deine zeügnis sind meine rede. Ich byn verstendiger denn die allten/Denn ich behüte was du befolhē hast. Ich were meinem süß alle böse wege /Das ich deyne wort hallte. Ich weyche nicht von deinen gerichtē /Denn du lereest mich. Wie süße sind deine rede meynen kelen/Mer deñ honig meinem munde. Ich werde verstendig von dem das du befolhē hast/Darumb hasse ich alle falsche wege.

Ein wort ist meins süßes leuchte/Vnd ein liecht auff meinem pfad. Ich schwere vnd hallt es/ Das ich die gericht deiner gerechtikeit bewahren wil. Ich bin seer gedemütiget/HERK mach mich lebendig nach deinen wortē. Was dir gefallē HERK die freywilligen opffer meins mundes /Vnd lere mich deyne gerichtē. Meyne seele ist allwege inn meynen henden/Vnd ich vergesse deynes gesetzes nicht. Die gotlosen legen myr stricke/Ich aber irthe nicht von dem das du befolhenn hast. Deyne zeügnis erbeich ewiglich/Deñ sie seind meins hertzen wonne.

Ich neyge meyn hertz/Zu thun nach deinen rechten ymmer vnd ewiglich. Ich hasse die kerzer/Vnd liebe dein gesetz. Du bist mein schyrm vnd schild/Ich hoffe auff dein wort. Weicht von mir ir boshafftige/Ich wil behüten die gepott meines Gottes. Enthalt mich durch deine rede das ich lebe /Vnd las mich nicht zūschanden werden über meiner hoffnung. Stercke mich das ich genese/So werd ich stetts meyne lust haben an deinem rechte. Du zütrittest alle die deiner rechte feylen/Denn ire triegererey ist falsch. Du machst zünicht alle gottlosen auff erden wie kerich/Darumb liebe ich deyne zeügnisse. Mein fleych steht die har zü berge/sür deiner furcht /Vnd fürchte mich sür deine gerichtē.

Ich übe gericht vnd gerechtigkeit/Obergib mich nicht denen die mir vnrecht thun. Gelobe sür deinen knecht zum besten/Das mir die stollen nicht vnrecht thun. Meine augen sehne sich nach deinem heil/Vnd nach der rede deiner gerechtikeit. Handel mit deine knechte nach deiner güte/Vnd ler mich deine rechte. Ich bin dein knecht/vatter vnd weise mich/das ich erkenne deine zeügnisse. Es ist zeyt das der HERK dazüthü/Sie lassen deine gesetze anstehen. Darumb liebe ich dein gepott/Ober gold vnd über seyn gold. Darumb hallte ich stracks/alles

2 was

(kerzer) die
heissen die
die vnbestē
dige geyst
er die ymer
erwas neu
wes finden
vnd sür ne
men.

Der Psalter.

was du ihebefolhen hast / Ich hasse allen falschen pfadt.

- ¹⁷ **O**eyne zeugnysse sind wunderlich / Drumb behüttet sie meyne seele.
¹⁸ **W**enn dein wort ausgehet / so erleuchtet es / Vnd gibt den einfeltigē verstand. Ich thū meynen mund auff / vñnd hole odem / Denn ich begere deiner gepott. Wende dich zū mir vñnd sey mir gnedig / Wie du pflegst denen die deinen namen lieben. Richte meine genge durch deine rede / Vñnd las kein vnrecht über mich hirschen. Erlöse mich von der menschen vnrecht / So will ich hallten was du befolhen hast. Erleuchte dein andlitz über deinē knecht / Vñnd lere mich deine rechte. Wasser flusse gehen von meinen augen / Das man dein geseze nicht hellt.
- ¹⁸ **H**ERR du bist gerecht / Vñnd dein gericht ist richtig. Du hast die zeugnis deiner gerechtikeit / Vñnd den glaubē hart gepotten. Mein eyffer hat mich schier vmbbracht / Das meine widderfacher deiner wort vergessen. Dein rede ist wol geleutert / Vñnd dein knecht liebet sie. Ich bin klein vñnd veracht / Ich vergesse nicht was du befolhen hast. Deine gerechtikeit ist ein ewige gerechtikeit / Vñnd dein geseze ist bestēdig. Angst vñnd not haben mich troffen / Ich habe aber lust an deinen gepotten. Die gerechtikeit deiner zeugnis ist ewig / Vñder weise mich so lebe ich.
- ¹⁹ **I**ch ruffe von ganzem hertzen / erhöre mich **HERR** / Ich wil deine rechte behüten. Ich ruffe dir / hilff mir / So will ich deine zeugnis hallten. Ich komme zū vor in der demmerunge vñnd schreie / Auff dein wort hoffe ich. Meine augen kōmen zū vor in der frū wache / Das ich handel vō deiner rede. Hōre meine stim nach deiner gūte / **HERR** mach mich lebendig nach deinen gerichtē. Meine verfolger nahe sich erzū mūtwilliglich / Vñnd sind ferne von deinem geseze. **HERR** du bist nahe / Vñnd alle deine gepott sind bestēdig. Ich weis zū vor von deinen zeugnissen / Das du sie ewigklich gegründet hast.
- ²⁰ **S**ihe mein elēd vñnd errette mich / hilff mir aus / Den ich vergesse deyns gesezts nicht. Hōre meine sache vñn erlöse mich / Mach mich lebēd nach deiner rede. Das heyl ist ferne von den gottlosen / Denn sie achte deine rechte nicht. **HERR** deine barmhertzeit ist gros / mach mich lebēdig wie du pflegst. Meiner verfolger vñnd widrsacher ist viel / Ich weiche aber nicht von deinē zeugnissen. Ich sahe die ver rechter / vñnd es verdros mich / Das sie deine rede nicht hiellten. Sihe / ich liebe was du befolhen hast / **HERR** mach mich lebendig nach deiner gūte. Von anfang sind deine wort bestēdig / Alle gericht deiner gerechtikeit werē ewigklich.
- ²¹ **O**Jesürsten verfolgē mich on vrsach / Vñnd mein hertz fürcht sich für deinen worten. Ich freuwe mich über deiner rede / Wie einer der grosen raub findet. Lügē bin ich gram vñnd habe gewel dran / Aber dein geseze liebe ich. Ich lobe dich des tages sieben mal / Vñnd der gerichtt willen deiner gerechtikeit. Grossen fride haben die dein geseze liebē / Vñnd

Vnd haben keinen anstos. **HERR** ich wartte deins heyls/ Vnd thū nach deinē gepottē. Meine seele helt deine zeugnis/ Vnd liebet sie fast. Ich hallte was du befolhen hast vnd deine zeugnisse/ Denn all meine wege sind für dir.

HERR las meine klage für dich kōmē/ Vnderweise mich nach dein²⁷ dem wort. Was mein flehē für dich kōmē/ Errette mich nach deiner²⁸ rede. Meine lippen sollē lob ausredē/ Wen du mich dein rechte lere²⁹st. Meine zunge soll jr gesprech haben von deinen reden/ Den alle deine gepott sind recht. Was mir deine hand beistehen/ Denn ich habe erwelet was du befolhē hast. **HERR** ich begere deins heyls/ Vnd habelust an deinem geseze. Was meine seie leben das sie dich loben/ Vnd deme gerichte mir helfen. Ich irre wie ein verlorn schaff/ suche deinē knecht/ Dennich vergesse deiner gepott nicht. **CXX**

Ein lied in der hōhe.

Ich ruffe dem **HERRN** in meiner nott/ Vnd er antwortet ^A mir. **HERR** errette meine seele vō dē bösen meulern/ Vnd von den falschen zungē. Was kan dir die falsche zungē thū? Vnd was kan sie ausrichtē? Sie ist wie scharffe pfeile eins gewaltigē/ ^B Mit wachholdern kolē. Wehe mir/ das ich ein frembdling bin vnder ^{(Eolen) das} Mesech/ Ich müs wonē vnder den hütte Kedar. Meine seie hat lange ^{ist/ sie seind} gewonet/ Bey denen die Friden hassen. Ich hielt fride/ Aber wenn ich ^{feurige pfei} le. redet/ so siengen sie Streit an. **CXXI**

Ein lied in der hōhe.

Ich hūb meine augē auff zū den bergē/ Von wānen wird mir hūlf ^A se kommen? Meine hūlfse kompt vom **HERRN**/ Der hymel vnder den gemacht hatt. Er wird deinē fūß nicht gleitten lassen Vnd der dich behütet/ schlesst nicht. Siehe/ der hūter Israel/ Schlesst ^B noch schlummet nicht. Der **HERR** behütet dich/ Der **HERR** ist dein schatten über deiner rechten hand. Das dich des tages die sonne nicht steche/ Noch der mond des nachts. Der **HERR** behütete dich für allem übel/ Er behütete deine seele. Der **HERR** behüte deinen ausgang vnd eingang/ Von nu an bis in ewigkeit. **CXXII**

Ein lied Dauids in der hōhe.

Ich freuwe mich des/ das mir geredt ist/ Das wir werden ins hause ^A Gottes gehen. Das vnserē fūße werden stehen/ inn deinen thore Jerusalem. Jerusalem die gebawet ist wie eine stad/ Die sich mit einander zūsamē hellt. Da die stemme auff steigen/ nemlich die stemme des **HERRN**/ zū zeugē dem Israel/ zū danckē dem namē des **HERRN** ^B Denn daselbs sitzen die stuele zum gericht/ Stūle des hauses Dauid. Grüsset Jerusalem freundlich/ Es müsse wollgehēdenē die dich lieben. Es müsse fride sein innwendig deinen maure/ Vnd die fülle in deynen pallastē. Umb meiner brüder vnd freunde willen/ Wil ich dein bestes sūchē. **CXXIII**

Ein lied in der hōhe.

L ij Ich

Der psalter.

Ich hebe meine augē auff zū dir. Der du im himel sitzest. Sibe/wie die augē der knechte auff die hende irer herren sehē. Wie die augen d
 magd/Auff die hende irer frawen. Also sehē vnser augē auff den
HERRN vnsern Gott/Bis er vns gnedig werde. Sey vns gnedig
HERR/sey vns gnedig/Den wir seind seer voll verachtung. Seer
 voll ist vnser seele/Der reichē spott/vnd der hoffertigē verachtung.

CXXIII. Ein lied David in der hōhe.

Woder **HERR** nicht bey vns were/Es sage Israel also.
 Wo d **HERR** nicht bey vns were/Wenn die menschen sich
 widder vns setzē. So verschlungen sie vns lebēdig/Wen jr
 zorn über vns ergrymet. So hett vns wasser erseußt/Stro
 me weren über vnser seele gangen. Es weren allzū hohe wasser/Vber
 vnser seele gangē. Gelobt sey der **HERR**/Das er vns nicht hat ge
 ben zūm raube in ire zeene. Unser seele ist entrunnē wie ein vogel dem
 strick des voglers/ Der strick ist zürissen/vnnd wir seind los. Unser
 hülffe stehet im namē des **HERRN**/Der himel vñ erdē gemacht hat.

CXXV Ein lied in der hōhe.

Die auff den **HERRN** hoffen/Die werden nicht vnfallē vnd
 ewig bleiben/wieder berg Zion. Umb Jerusaleher seind ber
 ge/vnd der **HERR** ist vmb sein volck her/Von nu an bis in
 ewigkeit. Den die rāte der gottlosen wirt nicht gelassen über das los
 der gerechten/Auff das die gerechtē ire hand nicht austrecken zūr vng
 rechtigkeit. **HERR** thū wol/Den gūten vnd aufrichtigen vō herzē.
 Die sich aber geben auff jr abtretten/wirt der **HERR** führen mit den
 übelthetern/Aber freid sey über Israel.

CXXVI

Wen der **HERR** die gefengnis Zion wendē wirt/So wer
 den wir wie die treumende.

a (beche) dz
 ist/wie die
 beche reyn
 außgetrock
 net werden
 vō d heissen
 sonnen ge
 gen mittag.
 b(erbe) dz ist
 vnsonst ist
 dz is mit en
 wer erbeyt
 wöllet auß
 richtē/sind
 doch die kin
 d selbst für
 die jr erbey
 tet/nit in ei
 wer gewalt
 sond er gibt
 sie als ein er
 be vnd lohn

Das wir sie kaum glauben vnd vns gleich ist als treumer es vns vnd wer nicht war.
 Denn wirt vnser mund voll lachens sein vnd vnser zung voll rühmes/
 Denn wirt man vnder den heyden sagen/Der **HERR** hat grosses an
 jnen gethan. Der **HERR** hat auch grosses an vns gethan/Des sind
 wir frōlich. **HERR** wende vnser gefengnis/Wie die^b beche im mit
 tage. Die mit threnen seen/Werden mit freudē erndtē. Sie gehē hyn
 vnd weynē/vnd tragē edlen samē/Vnd kommen mit freuden vñ bringē

CXXVII Ein lied Salomo in der hōhe. (ire garben.

Woder **HERR** nicht das hauf bawet/so erbeytē vmbsonst/
 Die dran bawē. Wo der **HERR** nicht die statt behütet/So
 wachet der wechter vmbsonst. Es ist vmbsonst das jr frue
 auffstehet/vnd verziehet dz sitzē vñ esset das hartselige brot/Den wem
 ers gōnet/dem gibt ers schlaffend. Sibe/die kind seind das^b erbe vom
HERRN/Vnd die frucht des leibs ist das lohn. Wie die pfeyle inn
 der hand des gewaltigen/Also seind die kinder der jugēt. Wol dē man
 der seinen köcher der selben voll hat. Die werdē nicht zūschanden/wenn
 sie

sie mit iren feynden reden im thor.

CXXVIII

Ein lied inn der höhe.

Wol dem der den **HERR** fürchtet / Vnd auff seinen wege²
gehet. Du wirst dich neeren deiner hende erbeyt / Wol dir /
du hast's güt. Dein weib wirt sein wie ein fruchtbar weins
stock an den wenden inn deinem hause / Deine kinder wie die
öle zweige vmb den tisch her. Sibe also wirt gesegenet der man / Der
den **HERR** fürchtet. Der **HERR** wirt dich segenen aus Zion /
das du sehest das glück Jerusalem / Dein lebēlang. Vnd sehest deiner
kinder kinder / Friede über Israel.

CXXIX

Ein lied inn der höhe.

Sie habē mich oft gedrenget von meiner jugēt auff / Es sage so Is²
rael. Sie haben mich oft gedrenget von meiner jugēt auff / Aber
sie habē mich nicht übermocht. Die pflüger habē auff meinem ru-
cken gepflüget / Vnd ire furche lange gezogen. Der **HERR** der ge-
recht ist / Hat der gottlosen seyle abgehawen. Es müssen zūschandē
werden vnd zū ruck keren / Alle die Zion gram sind. Sie müssen sein²
wie das hew auff den dechern / Welchs verdorret / ehe mans aufreufft.
Von welchem der schnitter seine hand nicht füllet / Noch seinen schos
der garben binder. Vnd die fürüber giengen nicht sprachen / Der segē
des **HERR** sey über euch / wir segene euch im namē des **HERR**n.

CXXX

Ein lied inn der höhe.

Aus der tieffen / Ruffe ich **HERR** zū dir. **HERR** höre mei²
ne stym / Las deine oren mercken auff die stym meines flehens.
So du wilt acht haben auff missethat / **HERR** wer wirt be-
stehen. Den bey dir ist vergebung / Das man dich fürchte. Ich har²
re des **HERR**n / meine seele harret / Vnd ich warte auff sein wort.
Meine seele wartet auff den **HERR**n / Von einer morgen wache bis
zū andern. Israel warte auff den **HERR**n / Den güte ist bey dem
HERRn / vnd viel erlösunge bey jm. Vnd er wirt Israel erlösen
Auf aller seiner missethat.

CXXXI

Ein lied David.

H**ER**R mein hertz ist nicht stolz / vñ meine augē sind nicht hoch²
Vnd wandele nicht in grossēdingē / die mir zū wunderlich sind.
Wenn ich meine seele nicht setzet vnd stillt / So ward meine se²
le in mir / wie einer der vō seiner mäter entwonet ist. Israel warte auff
den **HERR**n / Von nu an bis inn ewikeit.

CXXXII

Ein lied inn der höhe.

Gedenck **HERR** an David / Vnd an alle seine elend. Das er²
schwur dem **HERR**n / Vnd gelobt dem mechtigen Jacob.
Ich will nicht in die hütten meines hauses gehen / Noch mich
auff's läger meines bettes legen. Ich will meine augen nicht schlaffen
lassen / Noch meine augenliede schlummē. Bis ich eine stette finde für
den **HERR**n / Zū wonungen dem mechtigen Jacob. Sibe / wir ha-

L iij ben

Der Psalter.

IXI

* von jr/ds
ist die stette
der wonig

ben * von jr gehört in Ephrata / Wir haben sie fundē auff dem feld des waldes. Wir wollen inn seine wonunge gehen / Vnd anbeten für seine füßschemel. **HERR** mach dich auff zu deiner rüge / Du vñ die lade deiner stercke. Deine püester las sich kleydē mit gerechtigkeit / Vnd deine heyligen sich frewen. Wende nicht ab das angesicht deines gesalbetē / Umb deines knechts Davids willen. Der **HERR** hat David trewlich geschworen / dauon wirdt er sich nicht wendē / Ich will dir auff deinen stül setzē die frucht deines leibes. Werde deine kinder meinen bund halten / vnd mein zeügnis das ich sie leren werde / So sollen auch ire kinder auff deinem stül sitzen ewiglich. Denn der **HERR** hat Zion erwelet / Vnd hat lust daselbs zu wonen. Dis ist meine rüge ewiglich / Hie will ich wonen / denn es gelustet mich. Ich will jr speise segenen / Vnd iren armen brodts gnüg geben. Ire püester will ich mit heyl kleyden / Vnd ire heyligen sollen frölich sein. Daselbs soll auffgehen das horn David / Ich hab meinem gesalbeten eine leuchte zügericht. Seine feynde will ich mit schanden kleydē / Aber über jm sol blüen seine krone.

CXXXIII

Ein lied David.

S He / wie fein vnd wie lieblich ifts / Das brüder miteynander wonen. * (Das ist von gemeynschafft brüderlicher liebe geredt / als wean der taw auff den grossen bergen Hermon keine auff die kleinen berge Zion / vnd die salbe auff dem heubt sich aufsteylete auch auff die kleyder / das ist / wenn die reichen / heyligen / starcken / weisen / sich der armen schwachen sündler / thoren / annemem. Ro. xij. Habt euch zu den nydrigen. 2c.)
* Als wenn die güte salbe zum heubt / erab flosse vñ dem bart in den bart Aaron / die erab flosse auff das loch seiner kleyder. * Als wenn der taw erab flosse auff die berge Zion / (denn daselbs gepeüt der **HERR** segē vñ leben ymer vnd ewiglich.

CXXXIII

Ein lied.

S He / lobet den **HERRN** alle knechte des **HERRN** / Die jr stehet des nachts im hause des **HERRN**. Hebt euwer hende auff / im heyligthumb / Vnd lobet den **HERRN**. Der **HERR** seggen dich auß Zion / Der hymmel vnd erden gemacht hat.

CXXXV

Haleluia.

L Obet den namē des **HERRN** / Lobet jr knechte des **HERRN**. Die jr stehet im hause des **HERRN** / Inn den höfen des hauses vnseres Gottes. Lobet den **HERRN** / denn der **HERR** ist freüntlich / Lob singet seinem namen / denn er ist lieblich. Denn der **HERR** hat jm Jacob erwelet / Israel zu seinem eygenthumb. Den ich weys / das der **HERR** gros ist / Vnd vnser **HERR** für allen göttern. Alles was er will das thüt er / Im hymel / auff erdē / im meer vñ in allen tieffen. Der die wolcken leßt auffgehen vom ende der erden / der die blitzzen zü regen macht / Der die winde auß seinem heimliche kommen

men leßt. Der die ersten geburt schlug in Egypten/ Beyde der mensch
 en vnd des viehs. Und ließ seine zeychen vnd wunder kommen vnder
 dich Egypten land/ Ober Pharao vñ alle seine knechte. Der viel völ-
 cker schlug/ Vnd tödtet mechtige künige. Sihon der Amoriter künig/
 vnd Og den künig zu Basan/ Vnd alle künigreiche inn Canaan. Und
 gab jr land zum erbe/ Zum erbe seinem volck Israel. **HERR** dein na-
 me weret ewiglich/ Dein gedechtnis **HERR** weret für vñ für. Den
 der **HERR** wirt sein volck richten/ Vnd sich über seine knechte verfüh-
 ren lassen. Der heyden gözen seind sylber vñ gold/ Der menschen
 hende werck. Sie haben meüel vnd reden nicht/ Sie haben augē vnd
 sehen nicht. Sie habē oren vnd hören nicht/ Auch ist kein odem in irem
 munde. Die solche machē/ seind den selbē auch gleich/ Alle die auff sol-
 che hoffen. Das haus Israel lobet den **HERRN**/ Lobet den **HERRN**
 Ir vom haus Aharon. Ir vom haus Levi lobet den **HERRN**/
 Die jr den **HERRN** fürchtet/ lobet den **HERRN**. Gelobet sey der
HERR auf Zion/ Der zu Jerusalem wonet.

CXXXVI

Dancket dem **HERRN** denn er ist freündtlich/ Denn seine gü-
 te weret ewiglich. Dancket dem Gott aller götter/ Denn sei-
 ne güte weret ewiglich. Dancket dem **HERRN** aller herren/
 Den seine güte weret ewiglich. Der grosse wunder thüt alleyne/ Den
 seine güte weret ewiglich. Der die hymel weyßlich gemacht hat/ Den
 seine güte weret ewiglich. Der die erde auff wasser außgebreytet hat/
 Den seine güte weret ewiglich. Die sonne dem tage fürzustehen/ Den
 seine güte weret ewiglich. Den mond vñ sterne der nacht fürzuste-
 hen/ Denn seine güte weret ewiglich. Der die Egypter schlug an iren
 ersten gepurtē/ Denn seine güte weret ewiglich. Und füret Israel auß
 inen/ Denn seine güte weret ewiglich. Durch mechtige hand vnd auß-
 gerechten arm/ Den seine güte weret ewiglich. Der das schilffmeher
 teylet inn zwey teyl/ Denn seine güte weret ewiglich. Und lies Israel
 durch hyn gehen/ Denn seine güte weret ewiglich. Der Pharao vnd
 seine macht inns schilffmeher stieß/ Denn seine güte weret ewiglich.
 Der sein volck füret durch die wüsten/ Denn seine güte weret ewiglich.
 Der grosse künige schlug/ Den seine güte weret ewiglich. Und erwür-
 get mechtige künige/ Denn seine güte weret ewiglich. Sihon der Amo-
 riter künig/ Denn seine güte weret ewiglich. Vñ Og den künig zu
 Basan/ Denn seine güte weret ewiglich. Und gab jr land zu erbe/ Den
 seine güte weret ewiglich. Zum erbe seinem knecht Israel/ Denn seine
 güte weret ewiglich. Denn er dacht an vns da wir vnderdrückt war-
 en/ Den seine güte weret ewiglich. Der vns erlöset von vnsern feyndē
 Denn seine güte weret ewiglich. Der allem fleysch speyse gibt/ Denn
 seine güte weret ewiglich. Dancket Gott von hymel/ Denn seine gü-
 te weret ewiglich.

CXXXVII

L iij An

Der Psalter.

A Den wassern zu Babel sassen wir / vnd weinete auch / Da wir
an Zion gedachte. Unsere harffen hiengen wir an die weyden /
Die drinnen seind. Denn daselbst fodderten von vns ein lied
die vns gefangen hieltē / vnd in vnserm heulen ein frölich gesang / Lieber
singer vns etwa ein lied von Zion. Wie sollte wir des **HERR** lied
singen / inn frembdem land? **U**ergesse ich dein Jerusalem / So werde
meiner rechten vergessen. Meine zunge müsse an meinem gummē klebē
wo ich dein nicht gedencke / Wo ich nicht Jerusalem erhebe über dz heubt
meiner freude. **HERR** gedencke der kinder Edom am tage Jerusa-
lem / Die da sagē / rein abe / rein abe / Bis auff iren bodē. Du verstorete
tochter Babel / wol dem der dir vergelte / mit der vergeltung die du vns
gethan hast. Wol dem der deine iungē kinder fasset / Vnd zu schmetert
sie an den stein.

(heubt) das
ist / ich freu
mich nicht /
denn alleyn
über Jeru-
salem / das ist
dz heubt vñ
mein hōhe-
ste freude.

CXXXVIII

Ein Psalm Davids.

I Ch dancke dir von ganzem hertze / Für den göttern wil ich dir
lobesingen. Ich will anbetten zu deinem heiligē tempel / vnd
deinem namen danken vmb deine gūte vnd trew / Den du hast
deinen namen über alles herlich gemacht durch deine rede. Wenn ich
dich anruffe so antwortte mir / Vnd breite aus stercke in meynen seele.
Es danckē dir alle kōnige auff erdē / Das sie hōrē die rede deines müdes.
Vnd ingē auff dē wegē des **HERR** / Das die ehre des **HERR**
gross sei. Den der **HERR** ist hoch vnd schauwet das nidrige / Vnd
kennet den stolzen von ferne. Wen ich schon mitten in der angst wan-
dele / wirstu mich doch lebendig behallten / Vnd über den zorn meiner
feinde deine hand strecken / vnd deine rechte wird mir hellffen. Der
HERR wirds für mich ausrichten / **HERR** deine gūte ist ewig /
Das werck deiner hende wolltestu nicht lassen.

CXXXIX

Ein Psalm David hoch zu singen.

H **HERR** du erforschest mich / Vnd kennest mich. Du kennest
mein sitzen vnd auff stehen / Du verstehest meyne gedancke von
ferne / Du bist vñ meinē pfad vnd vmb mein ^blāger her / Vnd
alle meine wege spehestu aus. <sup>b. läger) das ist, wo ich gehe oder stehe ihu etwas od lige
stille so bist du da.</sup> Denn sihe / es ist kein wort auff meiner zungen / Das du
c **HERR** nicht alles wissest. Hindē vñ forne machstu mich / Vnd hel-
test deine hand über mir. <sup>(hinden) das ist / was ich für vnd nach bin vnd werde oder ihu
das ist alles dein werck.</sup>
Solcher kēt̄nis ist mir zu wunderlich vnd zu hoch / Ich kans nicht erlan-
gen. Wo sol ich hin gehen für deinem geist? Vnd wo sol ich hin fliehen
für deinem angesichte? Hure ich gen himel / so bistu da / Bettet ich mir
in d helle / sihe so bistu auch da. Neme ich flügel der morgerōdte / Vnd
bliebe am eusserstē meer. So würde mich doch deine hand daselbs fū-
rē / Vñ deine rechte mich haltē. Spreche ich / finsternis mügē mich deckē
So ist die nacht auch liecht vñ mich. Den auch finsternis nit finster ist
bey

bey dir/ vnd die nacht leucht wie der tag/ Finsternis ist wie das liecht.
 Denn du hast meine nyeren inn deiner gewalt / Du war est über mir in
 mütter leibe. Ich dancke dir darüber/dz ich wunderlich gemacht bin/
 wunderlich seind deine werck/ Vnd das erkennet meine seele fast wol.
 Es war dir mein gebeyn nicht verholē da ich heymlich gemacht ward
 Da ich gebildet ward vnden in der erden. Deine augen sahen mich da ^{(vnden) dz}
 ich noch vnbereytet war/vnd waren alle tage auff dein büch geschriebē/
 Diē noch werden solten/vnd der selben keiner da war. ^{ist / tieff inn}
 Aber wie köstlich seind für mir Gott deine gedancken/Wie gros ist ire summa. ^{mütter leibe}
 Gleich sie/so ist ir mehr denn sand am meer/Wenn ich auffwache/bin ich
 noch bey dir. Ah Gott das du tödtest die gottlosen/Vnd die blütgyr-
 igen von mir weichen. Denn sie reden von dir nicht recht/Vnd deine
 besser erheben sich on vrsach. Ich hasse ja HERR die dich hassen/
 Vnd verdreust mich auff die die sich widder dich setzen. Ich hasse sie
 mit vollē hafs/Drumb seind sie meine feynde wordē. Erforsche mich
 HERR vnd erfare mein hertz/Versuche mich vñ erfare meine gedan-
 cken. Vnd sihe/ob ein müheseliger weg an mir ist/Vnd leyte mich auff
 ewigem wege.

CXL

Ein Psalm David hoch zū singen.

Erlöse mich HERR von dem bösen mensche/ Behüte mich für
 den freueln mennern. Die böses gedenccken in irem hertzen/Vnd
 teglich streyt an richtē. Sie scherffen ire zunge wie eine schlange
 Ottern grym ist vnder iren lippē/Sela. Beware mich HERR
 für der handt der gottlosen/Behüte mich für den freueln mēnern/ Die
 meine tritte gedenccken aus zū stossen. Die hoffertigen legen mir einen
 strick/vnd breyten mir seyle aus zūm netz/Vnd stellen mir fallen an den
 weg/Sela. Ich aber sage zūm HERRN/du bist mein gott/HERR
 vernym die stym meins flehens. HERR HERR du krafft meins
 heyls/Du bedecktest mein heubt zur zeit des harnischs. HERR las
 dem gottlosen sein begirde nicht/Stercke seinen mütwillen nicht/Sie
 möchtē sichs erheben/Sela. Das vnglück irer lippen wirt sie überfal-
 len/Das heupt dēredie mich vmbgeben/Sela. Holen wirt er über sie
 schütten/er wirt sie inns sewr werffen/Inn grüben das sie nicht stehen
 bleiben. Ein wesscher wirt nicht gefordert auff erden/Ein freuel vnd
 böser man wirt in jagen. Ich weys/das der HERR wirdt des elen-
 den sache richten/Vnd der armen gericht aufführen. Auch werdē die
 gerechten deinem namen dancken/Vnd die auffrichtigen werdē für dei-
 nem angesicht bleiben.

CXLI

Ein Psalm David.

HERR ich ruffe dir/eyle zū mir/Vernym meine stym/wenn ich
 dich anruffe. Mein gebett müsse zū dir gefordert werden wie
 ein gereuche/Mein auffheben der hende sey ein abent opffer.
 HERR setze meinem munde eine hüt/Vnd an die thür meiner lippen
 eine

Der Psalter.

eine bewarung. Neyge mein hertz nicht auff etwas böses / ein gottlos wesen zū führen mit den übelthetern / Das ich nicht esse vō dem das in geliebt. Der gerechte schlahe mich freündtlich vñ straffe mich / das wirt mir sein das beste öle / welchs meines heubts nicht feylet / Denn mein gebett gehet noch widder jr böses. **I**re richter straucheln bey dem fels / Sie hören meine rede / das sie lieblich seind. Unser gebeyne seynd zū strewet bis zur helle / Wie einer das land zū reißt vñ zū wület. Denn auff dich **HERR** **HERR** **HERR** sehen meine augē / Ich traw auff dich / schütte nicht auß meine seele. Beware mich für dem stricke den sie mir gelegt haben / Vñ für der falle der übeltheter. Die gottlosen müssen inn die selben netze fallen miteynander / Bis ich für über gehe.

CXLII

Ein vnderweisung David zū betten / da er inn der hule war.

Ich schrey zū **HERR** mit meynen stymm / Ich flehe dem **HERR** mit meiner stym. Ich schütte meine rede für im aus / Vñ zeyge an für im meine not. Wenn mein geyst in engsten ist / so kennestu mich / Sie habē mir einen strick gelegt auff den weg da ich auff gehe. Schaw zur rechten vñnd sihe / da kenne mich keiner / Denn mein fliehen ist verloh / Niemand fragt nach meiner seelen.

HERR zū dir schrey ich vñd sage / du bist meine zūuersicht / Mein teil im land der lebendigen. Mercke auff meine klage / den ich bin seer gerin geworden / Errette mich von meinen verfolgern / den sie seind mir über legen. Höre meine seele aus dem kercker das ich dancke deinem namē / Die gerechten werden mich vmbbringen / weñ du mir widder auff hilffest.

CXLIII

Ein Psalm David.

HERR erhöre mein gebet / Vernym mein flehē vñn deines glaubens willen / Antworte mir vmb deiner gerechtigkeit willen. **U**nd gehe nicht ins gericht mit deinem knechte / Denn für dir wirt kein lebendiger rechtfertig sein. Den der seind verfolget meine seele / vñnd zūschlegt mein leben zū boden / Er legt mich inns finster wie die todten auff der welt. **U**nd mein geyst ist in mir geengstet / Mein hertz ist mir inn meym leibe verstorret. Ich gedencke an die vorigen zeytten / Ich trachte von deinen wercken / vñd rede von den geschestē deiner hende. Ich breyte meine hēde zū dir auß / Meine seele dürstet nach dir auff erden / Sela. **HERR** erhöre mich balde / mein geyst vergehet / Verbirge dein antlitz nicht von mir / das ich nicht werde gleich denen die inn die grüben faren. **U**as mich frü hören deine güte / denn ich hoffe auff dich / thū mir kund den weg dar auff ich gehen soll / Denn ich hebe meine seele auff zū dir. **HERR** errette mich vō meinen seynde / Zū dir hab ich zūflucht. **H**ere mich thū nach deinē wolgefallen / den du bist mein **G**ott / Dein güter geyst führe mich auff ebenem lande. **HERR** mach mich lebendig vmb deines namens willen / Führe meine seele auß der not vmb

vñ deiner gerechtigkeit willē. Un verstōre meine feynde vñ deiner gūte willē/vñ bringe vñ alle die meine seele engstē/Deñ ich bin dein knecht.

CXLIII

Ein Psalm David.

Gelobt sey der **HERR** mein holt/ Der meine hende leret streiten/ vñd meine finger kriegen. Meine gūte vñd meine burg/ mein schutz vñd mein erretter/ mein schild auff den ich trauwe/ Der mein volck vñd mich zwinget. **HERR** was ist der mensch/ dz du in so kēest. Vñd der menschē kind das du in so achtest? Der mensch ist der eytelkeit gleich. Seine zeyt gehet dahyn wie ein schattē. **HERR** neyge deine hymmel vñd far erab/ Taste die berge an das sie rauchen. Was blitzen vñd zūstrewē sie aus/ Scheus deine pfeyle vñd schrecke sie. B Sende deine hand von der hōhe vñd erlöse mich/ Vñd errette mich vō grossen wassern/ von der hand der frembden kinder. Welcher mund redet vñnütze/ Vñd ire rechte ist ein falsche rechte. Gott ich wil dir ein neuwe lied singen/ Ich will dir auff der harpffen von zehen seyten spielen. Der du den künigen sig gibst/ Vñd erlösest deinen knecht David vom schwerd des bösen. Erlöse mich auch vñd errette mich von der handt der frembden kinder/ Welcher mund redet vñnütze/ vñd ire rechte ist ein falsche rechte. Das vnser sōne auffwachssen wie die pflantzē inn irer jugent/ Vñd vnser tōchter wie die auf gehawen ercker/ gleich wie die pallast. Und vnser winckel voll seien/ die erauß geben vorrat bis widder zū vorradt/ Das vnser schaff tragen tausent vñd hundert/ tausent draussen. Unser oxsen starck zū tragen/ das kein rysz/ kein außgang/ Noch geschrey auff vnsern gassen seyen. Wol dem volck/ dem es also gehet/ Aber wol dem volck/ des der **HERR** ein Gott ist.

CXLV

Ein lob David.

Ich will dich erhōhen mein Gott du künig/ Vñd deinen namen loben ymmer vñd ewiglich. Ich will dich teglich loben/ Vñd deinen namen rhūmen ymer vñd ewiglich. Der **HERR** ist groß vñd seer loblich/ Vñd seine grösse ist nicht auß zū forschē. Kinds kind werden deine werck preysen/ Vñd von deiner gewalt sagen. Ich will reden von dem ehlichen schmuck deines lobs/ Vñd vō deinen wunden. Das man sol reden von der stercke deiner wunder/ Vñd das ich erzele deine herligkeit. Das man aussage das gedechtnis deiner grossen freündtlicheit/ Vñd deine gerechtigkeit rhūme. Gnedig vñd barmherzig ist der **HERR**/ Langmütig vñd vō grosser gūte. Der **HERR** ist yderman freündtlich/ Vñd seine barmherzigkeit über allē seinen wercken. Es dancken dir **HERR** alle deyne werck/ Vñd es loben dich deine heyligen. Man sage vō der ehre deines künigreichs/ Vñd rede vō deiner gewalt. Das den menschen kindern deine gewalt kund werde/ Vñd der ehliche schmuck deines künigreichs. Dein reich ist ein reich zū allen

(das ist / sie
leren nichts
denn zeitli-
chē nutz vñ
pracht.

allezeytē/ Vñ deine hirschaft weret für vñ für alle wege. Der **SEK** erhellt alle die da fallē/ Vñ richtet auff alle die midder geschlagen seind. **A**ller augen warten auff dich/ Vnd du gibst in ire speyse zu seiner zeyt. **D**u thust deine hand auff/ Vnd erfüllest alles was lebt mit wolgefalten. Der **SEK** ist gerecht inn allen seinen wegen/ Vnd heylig inn allen seinen wercken. Der **SEK** ist nahe allen die in anruffen/ Allen die in treulich anruffen. **E**r thut das wolgefallen dere die in fürchten/ Vnd höret ir schreyen/ vñnd hilfft inen. Der **SEK** behütet alle die in lieben/ Vnd wirt vertilgen alle gottlosen. **M**ein mund soll des **SEK** lob sagen/ Vnd alles fleysch lobt seinen heyligen name ymmer vnd ewiglich. CXLVI Haleluia.

L Obeden **SEK** A meine seele/ Ich will den **SEK** A lobben inn meinem leben/ Vnd meinem Gott lobsingē weil ich hie bin. **V**erlasset euch nicht auff fürsten/ Auff menschen kind/ er kan doch nicht helffen. **D**enn sein geyst mus auß faren vnd widder zu seiner erden kommen/ Als denn seind verlorē alle seine anschlege. **W**ol dem des hülffe der Gott Jacob ist/ Des hoffnungē stehet auff dem **SEK** A seinem Gott. **D**er hymmel/ erden/ meer/ vnd alles was dunnen ist/ gemacht hat/ **D**er glaubē hellt ewiglich. **D**er recht schafft dem der vnrecht leidet/ **D**er den hungerigē brodt gibt. **D**er **SEK** löset die gefangenen/ **D**er **SEK** macht die blinden sehend/ **D**er **SEK** richt auff die nider geschlagen seind/ **d**er **SEK** liebet die gerechten. **D**er **SEK** beward frembdlinge vñ waisen/ vnd hebt auff die wydwin/ Vnd keret vmb den weg der gottlosen. **D**er **SEK** ist künig ewiglich/ **D**ein Gott Zion für vnd für/ **H**aleluia.

CXLVII

L Obet den **SEK** A denn der lobsang vnserm Gott ist fein/ **D**as lob ist lieblich vnd schön. **D**er **SEK** wirt Jerusalem **L** bawen/ Vnd zusamen bringē die verstorren inn Israel. **E**r heylet die zübrochens hertzen seind/ Vnd verbindet ire schmerzen. **E**r zehlet der sternezal/ Vñnd nennet sie alle mit namen. **U**nser herz ist groß **v**nd vō grosser krafft/ **S**eines verstands ist keine zal. **D**er **SEK** richtet auff die elenden/ Vñnd demütiget die gottlosen bis zur erden. **S**inget vmbeynander dem **SEK** A mit danck/ Vnd lobet vnsern Gott mit harpffen. **D**er den hymmel mit wolcken verdeckt/ vñnd bereydet regen auff erden/ **D**er hew auff bergen wachssen lefft. **D**er dem vieh sein füter gibt/ **D**en iungē raben die in anruffen. **E**r hat nicht lust an d stercke des rosses/ **N**och gefallē an yemants beinen. **D**er **SEK** hat gefallen an denen die in fürchten/ **D**ie auff seine güte warten. **D**reyse Jerusalem den **SEK** A/ **L**obe Zion deinen Gott. **D**er macht feste die rigel deiner thor/ Vnd segenet deine kinder dünne. **E**r schafft deinen grenzen fryde/ Vnd settiget dich mit dē besten weyzen. **E**r sendet seine rede auff erden/ **S**ein wort leufft schnell. **E**r gibt schnee

gibt schnee wie wolle / Er streuwet reissen wie asschen. Er wirfft seine schlossen wie bissen / wer kan bleyben für seynem frost. Er sendet seyn wort vnd zü schmelzet sie / Er leßt seinen wind kommen / so fließen was ser. Er zeigt Jacob sein wort / Israel seine sittē vnd rechte. So thüt er keinen heyden / Noch leßt sie wissen seine rechte / Hale l u i a.

CXLVIII

Hale l u i a

Lobt jr hymel den **HEKKA** / Lobet in in der höhe. Lobt in ² alle seine engel / Lobt in all sein heer. Lobt in sonni vnd mond / Lobt in alle sterne vnd liecht. Lobt in jr himel aller himel / Vñ die wasser die oben über den himmeln sind. Die loben den namen des **HEKKA** / Denn er gepeut / so wirds geschaffen. Er leßt sie bleiben inmer vnd ewiglich / Er gibt einē saz der wird nicht übergangē. Lobet den **HEKKA** auff erden / yhr wallfisch vnd alle tieffen. Heüt / ha: ^B gel / schnee vnd dampff / Wind des vngewitters / der sein wort austricht. Berge vnd alle hügel / Fruchtbar bewme vnd alle cedern. Thier vnd alles vieh / Gewürm vnd gefögel mit sittichen. Ir könige auff erden vnd alle leyttē / Fürsten vnd alle richter auff erden. Tünglinge vnd iungfranwē / Allten mitt den iungē. Loben den namē des **HEKKA** / Denn sein name alleine ist hoch / sein lob ist über himel vnd erdē. Vnd er erhöhet das horn seins volcks / Lob haben alle seine heiligē / die kinder Israel / das volck das zü im nahet / Hale l u i a.

CXLIX

Hale l u i a.

Singet dem **HEKKA** ein neuwes lied / Sein lob ist in der ² gemeine der heiligen. Israel frewe sich des der in gemacht hat / Die kinder Zio seiē frölich über irem könige. Sie loben seinen namen in reigē / Mit paucken vnd harpffen spielen sie im. Denn der **HEKKA** hat wolgefalle an seinem volck / Er zieret die elenden mit heyl. Die heiligen seiē frölich in eren / Vnd rhümen auff iren lägern. Ir hals erhöhet Gott / Vnd zweischneitig schwerd ist in iren henden. Das sie rache üben vnder dē heydē / Straffe vnder den ^B völkern. Ir könige zü binden mit fetten / Vnd ire edlen mit eyssern fesseln. Das sie an in thün das gericht dauō geschrieben ist / Solchen schmuck haben alle seine heiligen / Hale l u i a.

CL

Hale l u i a.

Lobet den **HEKKA** in seinem heiligthum / Lobet in in der feste ² seiner stercke. Lobet in in seiner gewalt / Lobet in nach der men ge seyner herlichkeit. Lobet in mit posaunen hall / Lobet in mit psalter vnd harpffen. Lobet in mit paucken vnd reigen / Lobet in mit ^B seiten vnd pfeffen. Lobt in mit hellē zimbeln / Lobt in mit zimbeln im tauchzen. Alles was odem hat / Lobeden **HEKKA**.

Hale l u i a.

M Vorred

Ende des Psalters.

Worred auff die sprüch Salomo.

Weil dis büch inn sonderheit vil mit narren vnd weisen züschaffen hat / vnd allenthalbē die weisheit rümet / vnd die dorheit schilt / Ist vō nōtē / das man die sprache vnd wort verneme / was er durch narre vnd weisen verstandē habē wil / Darum̄ dz dis nützliche büch destē leichter werde / Wil ich etlich wort hie kürzlich auff s aller deütlichstich mag / außstreichen. ¶ Das ist des künigs Davids im Psalter / vnd sonderlich des künigs Salomo weise / vnd ist vülleicht zū der zeit 8 sprach art gewesen / Das sie narre o8 doren heissen / nicht die / so man vor der welt narre heist / o8 die geporne narren seind / sond allerley losen / leichtfertige / vnachtsame leüte / allermeyst die on Gottes wort faren / thün / reden / auf eygener vernunfft vnd surnemē / wie gemeiniglich seind die aller grössisten / klügste / mechtigsten / reichste vnd heyligste vor der welt / Wie auch Paulus die Galater vñ Christus die Phariseer vñ seine jünger narren heist im Euāgelio. Auff dz du wissest / wie Salomo nicht vō schlechte noch geringē leüte redet / weñ er vō narre redet. Sondern ebē vnd die beste in der welt. ¶ Den Salomo heisset weisheit hie nicht anders den Gottes weisheit / die in Gottes Worten vnd werckē geleret wirt / Darumb er auch jmer Gottes gebott vñ werck anzeucht. Dazū ist aller sprüch wort kein ander vsprung / den Gottes wort vñ werck. Weil aller mensche anschlege eytel vñ falsch seind / Vnd nit anders ausgehet / den wie Gott will vñ thüt / gleich als weñ man auff deutsch spricht / Es ist dir bedacht / aber nit bescheret / Itē wer dz glück hat / fürt die braut heym / vnd 8 gleichē kōmen nirgēt her / den das man hat sehen vnd greiffen müssen / wie mensche anschlege vñ hoffnung jmer fālen / vnd anders gerett den man denckt / vnd zūletst müsse merckē / dz ein ander sei der das redlin treibt / Das habē dan etliche Gott / etliche glück genēnet. Derhalbē seind die sprüch wort in allerley zungē vnd sprachē war vnd gewis als die auff Gottes werck gegrundet vñ auf Gottes werck kommen / ob Gottes wort schon nicht da ist. Widerumb dorheit heist er alles dz on Gottes wort vñ werck geet. Vnd einen weisen / 8 sich nach Gottes wort vñ werck richtet. Einen narre / der sich vermessen nach seinē synn vñ tuncckel richtet. ¶ Darans sehē wir / wie eitrefflicher weiser vñ seiner man künig Salomo ist / Der es im hat so hart lassen anligē / das er vns so vil küniglichen geschestē sichs eins lerers ampt vnderwundē hat / vnd sonderlich des allernōttigste / nemlich die jugēt zū lerē vñ zū hē / wie sie sol vor Gott seliglich nach dē geist vñ vor 8 welt weislich mit leib vnd güt handeln. Den da ligt die grōste macht an / dz man leüte auff erden habe / wie diser künig Salomo wol gesehen hat / welche man nicht habē kan / man zibe sie den in der jugēt. Darum̄ solt billich inn aller welt dis büchlin der jugent bey zeyt eyngelildet / vnd in teglichē gebrauch vñ übungē bracht werden. Umb welcher sachē willē on allen zweyfel vō künig Salomo solchs gemacht vnd geschubē ist / allen künigē vnd herin zum exēpel / das sie sich auch der jugēt sollē annemē / da gebe Gott seine gnade zū / Amen.

Das erst

Die sprüche Salomo

Das erst Capitel.



Dies sind die sprüche Salomo des
 küniges Israel Davids sun / zū lernē weisheit vñ zucht /
 verstand / klügheit / gerechtigkeit / gericht vñ redligkeit.
 Das die albern witzig / vñnd die iünglinge kündig vñd
 bedechtig werden.

Wer weise ist / der höret zū vñnd bessert sich. Vñd wer verstendig ist /
 der wirt geschickt werden / das er verneme die sprüche vñd ire deütunge
 die wort der weisen / vñd ir meere. Die forcht aber des **HERRN** ist
 anfang des erkentnis. Die doren verachten weisheit vñd zucht.

Mein kindt gehorche der zucht deins vatters / vñd las nicht das gesetz
 deiner müter. Denn solchs ist der beste schmuck deinem heubt / vñnd ein
 rinck an deinem halse. Mein kindt / Wen dich die sündler locken / so folge
 nicht. Wen sie sagen / gehe mit vns / wir wöllen auff blüt lauren / vñd dē
 vnschuldigen on vrsache nachstellen / wir wöllen sie lebendig verschlin-
 gen wie die helle / vñd die frummen / als die hinundern in die grüben faren /
 wir wöllen gros güt finden / wir wöllen vnser heuser mit raube füllen /
 Woge es mit vns / Es sol vnser aller ein beuttel sein. Mein kindt / wan-
 del den weg nicht mit inen. Were deinem süß für irem psad / Den ire süß
 se lauffen zum bösen / vñd eilen blüt zū ergießen. Denn es ist vergeblich
 das netze aus werffen vor den augen der fogell. Auch lauren sie selbs
 vñd ndernander auff jr blüt / vñnd stellet einer dem andern nach der seele.
 Also sind gethan die wege aller geitzigen / das einer dem andern die seele
 nimpt.

Das netze auswerffen das ist ein spruchwort vñd wil sagen / Es gehet in wie man sagt
 Es ist vñb sonst das netze etc. das ist / ir fürnemen wirt feylen / Sie werden selbs vñbkommen.

Die weisheyt klagt draussen / vñd leßt sich hören auff den gassen. Sie
 rüfft in der thür am thor somē vñder dē volck / Sie redet ire wort in der
 statt / Wie lange wölt jr albern alber sein ? vñd die spotter lust zū spot-
 terey haben / vñd die doren das erkentnis hassen ? Keret euch zū meiner
 straffe / Sibe / ich will euch erauff sagen meinen geyst / vñnd euch meine
 wort kundt thün.

Weyl ich denn rüffe vñd jr wegert euch / Ich recke mein handt auf /
 and niemandt achtet drauff / Vñd laßt faren alle meine radt / vñd wöl-
 let meine straffe nicht. So will ich auch lachen inn ewrem vnfall / vñnd
 eüwer spotten wenn da kompt das jr förchet / Wenn über euch kompt
 wie ein sturm das jr förcht / vñd eüwer vnfall als ein wetter / wen über
 eüch angst vñd not kompt. Denn werden sie mir rüffen / aber ich wer-
 de nicht antworten. Sie werden mich frue süchen vñnd nicht finden.
 Darumb das sie hassen das erkentnis / vñd erweleten des **HERRN**
 forcht nicht / wolten meins radts nicht / vñnd leßfertē alle meine straffe.

Die bücher

So sollen sie essen von den fruchten ihres weges / vnd vñ ihrem radt satt werden. Das die albern gelüftet / tödtet sie / vnd der narren glück binget sie vmb. Wer aber mir gehorchet / wirt sicher bleiben / vnd genüg haben on forcht des übels.

Das. II. Capitel.

- A** Ein kindt wilt du meine rede annemen / vnd meine gebott bey dir behalten / das dein ore auff weisheit acht habe / so müst du dein hertz neygen züm verstandt. Denn so du dem verstandt ruffest / vnd schreyest dar nach. So du sie suchest wie sylber / vnd forschest sie wie die schätze / als denn wirst du die forcht des **HERREN** vernemen / vnd Gottes erkentnis finden.
- B** Denn der **HERRE** gibt weisheit / vñnd auß seinem munde kompt erkentnis vnd verstandt. Er leset den auffrichtigen gelingen / vñnd beschirmet die frommen / vnd behüt die steyge des gerichtts / vnd bewaret den weg seiner heyligen. Denn wirstu verstehen / gerechtigkeit / vnd gericht / vnd auffrichtigkeit vnd allen güten weg.
- C** Wo die weisheit dir zü hertzen gehet / vnd deine seele lust hat züm erkentnis / so wirt dich bedechtigkeit bewarē / vnd verstandt wirt dich behüten / das du errettet werdest vom bösen wege von denen die verkeret ding reden / Die da verlassen die rechte ban vñnd gehen finstere wege. Die sich frewen böses zü thün / vnd seind frölich über verkereter bosheit Welche seind verkeret auß ihrem wege / vnd auß ihrem steyge abtrünnig.
- D** Das du errettet werdest von der frembden vnd die nicht dein ist / die glatte wort gibt / vnd verlest den meyster irer iugent / vnd vergisset den bund ihres Gottes / Denn ir hauf neyget sich züm todt / vnd ire genge zü den verlornen. Alle die zü ir eyngehen / kommen nicht widder / vnd er greyssen den weg des lebens nicht.
- Auff das du wandelst auß gütem wege vnd bewarest die steyge der gerechten / Denn die auffrichtigen werden im lande wonen / vnd die frommen werden drynnen bleiben. Aber die gott losen werden auß dem lande gerottet / vnd die verechter werden draus genommen.

Das. III. Capitel.

- A** Ein kindt vergifs meins gesetzes nicht / vñnd dein hertz behüte meine gepott / Denn sie werden dir langes leben / vnd güte jar vnd fride bringen / güte vnd trew werde dich nicht lassen. Henge sie an deinen hals / vnd schreybe sie inn die taffel deines hertze / so wirst du gunst vnd klügheit finden die Gott vñnd menschen gefellet. Verlass dich auß den **HERREN** von ganzem hertzen / vnd verlass dich nicht auß

auff deinen verstandt. Sondern erkenne in inn allen deinen wegen / so wirt er deine steige fertigē. Dücke dich nicht weise sein / Sondern fürchte dich **der HERR** vn̄ weiche vom bösen / Das wirt deinem nabel gesunt sein / vnd deine gebeine erquickē.

Ehre den **HERRN** von deinem güt / vnd von den erstlinge all deines einkommens / So werden deyne scheitren voll werden / vnd deine Felter mit most über gehen.

Mein kind verwirff die zucht des **HERRN** nicht / vnd sei nicht vn gedultig über seine straffe. Denn welchen der **HERR** strafft / den hat er lieb / vnd hat wol gefallen an im / wie ein vater am sun.

Wol dem menschen der weisheit findet / vnd dem menschen dem verstand züflüst / Denn es ist besser die selben kauffen denn silber / vnd ir einkomen besser den golt. Sie ist edler denn perlen / vnd alles was du wünschē magst / ist ir nicht zügleychen. Langes leben ist zü ir recht in handt / zü ir lincken ist reichthum vnd ehre. Ire wege sind liebliche wege / vnd alle ihre steige sind fride. Sie ist ein baum des lebens allen die sie ergreyffen vnd selig sind die sie halte / Den **der HERR** hat die erden durch weisheit gegründet / vnd durch verstand die himel bereit. Durch seine erkentnis sind die tieffen zurteilet / vnd die wolckē mit taw triessend gemacht.

Mein kind las sie nicht von deinen augen weichen / beware glückseligkeit vnd bedechtigkeit / die werde deiner seelen leben sein / vn̄ dein mund wirt holdselig sein. Den wirstu sicher wandeln auff deynem wege / das dein fuß sich nicht stossen wirt / Legest du dich / so wirst du dich nicht fürchten / sondern süsse schlaffen / das du dich nicht fürchten darffest vor plötzlichem schrecken / noch vor dem sturm der gottlosen wenn er kompt / Den **der HERR** ist dein trotz / der behüt deinen fuß das er nicht gefangen werde.

Verfage niemandt güts zü thun / so deine handt von Gott hat solches zü thun. Sprich nicht zü deinem freunde / gehe hyn vnd komm wider / morgen will ich dir geben / so du es hast. Trachte nicht böses wider deinen freunt / der aufftraw bey dir wonet. Hadder nicht mit yemant on ursache / so er dir kein leyd than hat. Lyffer nicht einem freueln nach vnd erwele seiner wege keinen. Denn der **HERR** hat grewel an dem abtrünnigen / vnd sein geheymnis ist bey den auffrichtigē. Im hause des gottlosen ist der fluch des **HERRN** / aber das haus des gerechten wirt gesegnet. Er wirt die spotter spottē / aber den elenden wirt er gnade geben. Die weisen werden ehre erben / Aber der narren erhöhungē ist schande.

Das III. Capitel.

III ij Höret

Die sprüche

2 **H**öret meine kinder die zucht eüwers vatters/merckent auff das ir den verstandt erkennet/Denn ich gibe euch ein gute lere/verlasset mein geseze nicht. Denn ich war meins vatters sün/ein zarter vnd ein einiger vor meiner mütter/vnd er leret mich vnd sprach/Las dein hertz meine wort auffnemē/halt mein gepott/so wirstu leben.

B **O**bertumm die weißheytt/übertum den verstandt/vergiff nicht/vnnd weiche nicht von der rede meines munds. Verlas sie nicht/so wirt sie dich behalten/liebe sie/so wirt sie dich behüten. **O**bertumm die weißheit für die erstlinge der weißheit/vnd kriege den verstandt für alle deine habe. Erhöhe sie so wirt sie dich erhöhen/vnd wirt dich zu ehren machen/wo du sie annympt. Sie wirt dein heupt schon schmucken/vnd wirt dich zieren mit einer hüpschen krone.

So höre mein kindt/vnd nym an meine rede/so werden deiner güten jar vil werden. Ich will dich den weg der weißheytt fürē. Ich will dich auff rechter ban leyten/Das/wenn du gehest/dein gang dir nicht sawr werde/vnd wen du leuffest dz du dich nicht anstossesst. Fasse die zucht/las nicht danon/beware sie/denn sie ist dein leben.

Marhu 24
die 11. der 12. vnter dem dreyßig und einig capitel
Kom nicht auff der gottlosen pfad/vnnd tritt nicht auff den weg der bösen/Lasse in faren vnd gehe nicht dzyneen. Weiche von im vnd gehe für über/Denn sie schlaffen nicht/sie haben denn übel gethan/vnnd sie rüwen nicht/sie haben den schaden than/Denn sie neeren sich von gottlosem brot/vnd trincken vom wein des freuels. Aber der gerechtē pfad glentzt wie ein liecht/das da fort gehet vnnd leucht bis auff den vollen tag. Der gottlosen weg aber ist wie tuncfel/vnd wissen nicht wo sie fallen werden.

S **M**ein sün/mercke auff meine wort/vnnd neyge dein ore zu meiner rede/las sie nicht von deinen augen faren/behalte sie inn deinem hertzen. Denn sie seind das leben denen die sie finden/vnd gesundt irem gantzen leibe. Behüt dein hertz mit allem fleiß/Denn darauf gehet das leben/Thü von dir den verkereten mund vnd las die lester lippē ferne von dir sein. Las deine augen stracks für sich sehen/vnd deine augen lyd richtig für dir hyn sehen. Las deinen süß gleich für sich gehen/so werdē alle deine wege gefürdert/Wancke weder zur rechten noch zur linckē. Wende deinen süß vom bösen.

Das. V. Capitel.

2 **M**ein kindt merck auff meine weißheytt/neyge dein ore zu meinem verstandt/das du behaltest bedechtigkeit/vnd deine leffzen die erkentnis bewaren/Denn die lippen der hüren seynd ein honig seym/vnnd ir kele ist glatter dann öle/Aber hernach bitter wie wermüt/vnd scharff wie

wie ein zwey schneydig schwerdt / Ire füsse lauffen zum todt hynunder ^B
 ire genge erlangen die hell. Sie gehet nicht stracks auff dem wege des
 lebens / vnstete seind ire tritt / das sie nichts weys / wo sie gehet.

So gehorchet mir nun meine kinder / vnd weichet nicht von der rede
 meus mundes. Las deine wege ferre von jr sein / vn̄ nahe nicht zur thür
 ires hauses / Das du nicht andern gebst deine ehre / vnnd deine jar dem
 grausamen / Das sich nicht frembde von deinem vermügen settigē / vnd
 deine erbeyt nicht sey inn eins andern hauf / Vnd müssest hernach süffz ^e
 en / wenn du dein leib vnd güt verzeret hast / vnd sprechen / Ach wie hab
 ich die zucht gehasset: vnd mein hertz die straffe verschmecht: vnd hab
 nicht gehorchet der stymm meiner lerer / vnnd mein ore nicht geneygt zu
 denen die mich lereten: Ich bin schier in all vnglück kommen vnder der
 gemeyne vnd versamlung.

Trincke wasser auß deiner grüben / vnnd flüsse auß deinem brunnen.
 Las deine brunnen erauff fließen / vnnd die wasser beche auff die gassen / ^S
 Habe du aber sie alleine vnd kein frembder mit dir. Dein brunn sey gese- ^a
 gnet / vnd frewe dich des weibs deiner jugent / Lieblich ist die hinde vn̄
 holdselig das rebe / las dich ire liebe alle zeyt settigen vnd ergetze dich all
 wege inn irer liebe. Mein kindt warumb wilt du dich an der frembden
 ergetze / vnd hertzest dich mit einer andern: Den yedermans wege seind
 stracks vordem **HERRN** / vnnd er misset alle ire grenze. Die misse-
 that des gottlosen wirt in fahen / vnd wirt mit dem strick seiner sünd ge
 halten werden. Er wirt sterben on zucht / vnd vmb seiner grossen thör-
 heyt willen irren.

^a (Sie hinde) das ist / außsprichworts weyse geredt / also vil / bleib bey dem weybe vnd kind / vnd
 halt dein güt / das du es nicht vmb bringest mit hüren / sondern andern damit helffest. Weib vnnd
 kindt ist das lieblichst / da halt dich hyn.

Das. VI. Capitel.

Mein kindt wirst du bürge für deinen nechsten / so hast du dei- ^A
 ne handt bey ein frembdē verhefftet / Du bist verknüpffst mit
 der rede deines mundes / vnd gefangen mit den reden deines
 mundes. So thü doch / mein kindt also / vnd errette dich / Denn du bist
 deinem nechsten inn die hende komen / lauff / eyle / vnd treibe deinen nech-
 sten / Las deine augen nicht schlaffen / noch deine augen lydt naphzen /
 Errette dich wie ein rebe von der hand / vnd wie ein vogel auß der hant
 des vogelers.

Gehe hyn zur sammeyssen du sawler / sihe ire wege an / vnnd werde
 weise / Ob sie wol keinen fürsten noch heuptman / noch herin hatt / be- ^B
 reyrt sie doch jr brodt im sommer / vnd samlet ire speyse inn der erndte /
 Wie lange ligest du sawler: wenn wiltu auffstehen vō deinem schlaff:
 Ja schlaff noch ein wenig / naphze ein wenig / schlahe die hende inn-
M iij eynander

Die sprüch

einander ein wenig das du schlaffest / so wirt dir das armüt kommē wie ein wanderer / vnd der mangel wie ein gewapneter man.

Ein vnnützer mensch / ein loser man / gehet mit verkeretem mund / wincket mit augen / deuttet mit füßen / leret mit fingern / trachtet alle zeit böses vnd verkerets inn sein hertze / vnd richt hader an / Darumb wird im plözlich sein vnfall kommen / vnd wirt schnell zerbrochen werden / das kein hülfte da sein wirt.

Siehe / sechs stück hasset der **S** **E** **R** **R** / vnnnd am sybenden hat er ein grewel / Hohe augen / Falsche zungen / Hende die vnschuldige blüt vergiessen / Herte das mit bösen tücken vmbgehet / Füße die behende seind schaden zū thun / Falscher zeüge der frech lügen redet / Vnd der hadder zwischen brüderen anricht.

Mein kindt / beware die gebott deines vatters / vnd las nicht fare das gesetz deiner mütter. Binde sie zusamē auff dein hertz allwege / vñ hencck sie an deinen hals / Wenn du gehest / das sie dich geleytten / wenn du dich legest / das sie dich bewaren / wenn du auffwachst / das sie dein gesprache seyen / Denn das gebott ist ein leuchter / vnnnd das gesetz ein liecht / vnnnd die straff der zucht ist ein weg des lebens / auff das du bewaret werdest vor dem bösen weybe / vor der glatten zungen der frembden.

Las dich ire schöne nicht gelusten in deinem hertze / vnd verfabhe dich nicht an iren augē lyden / Denn eine hüre nympt ein stück brots / aber ein eeweyb fahet das edele leben. Kan auch yemandt ein feur im büßen behalten / das seine kleyder nit brennen: Wie solt yemant auff kolen gehen das seine füße nicht verbrandt wurden: Also gehets / wer zū seines nehisten weib gehet / Es bleibt keiner vnschuldige der sie berüret.

Einen dieb verschmächet man nicht / ob er stylet seine seele zū settigen / weil in hungert. Vnnnd ob er sunden wirt / gibt ers sybenfeltig widder / vnd legt dar alles güt inn seinem hause. Aber der mit eym weybe die ee bricht / der ist ein narz / der bringt sein leben ins verderben / Dazu trifft in plage vnd schande / vnd seine schande wirt nicht außgetilget / Denn der grym des manns eyffert vnd schonet nicht zür zeyt der rache / vnd sibet kein person an die da versüne / vnnnd will auch nicht / ob du vil schencken woltest.

Das VII. Capitel.

Mein kindt / behalt meine rede vnd verbirge mein gebott bey dir / behalt mein gepott / so wirst du lebē / vnd mein gesetz wie dein augapffel. Binde sie an deine finger / schreibe sie auff die tafel deines hertzen. Sprich zür weisheit / du bist meine Schwester / vnd nenne die klügheyte deine freündin / das du behüt werdest / vor dem frembden weybe / vor einer ander die glatte wort gibt.

Denn am fenster meins hauses / gucket ich durchs gegitter / vnd sahe vnder die

der die thore/vnd ward gewar vnder den kindern eins hebräischen jünglings der gieng auff der gassen an einer ecken/vnd trat her auff dem wege an irem hause/in der dämmerung am abent des tags/da es nacht ward vnd tuncfel war. Vnd sihe/da begegnet jm ein weib im hütē geschmuck/hiftig/wild vnd vnbendig/das ire füsse inn irem hause mit bleibē künnē/ yetzt ist sie hauffen/ yetzt auff der gassen vnd lauret an allen ecken. Vnd erwischt in vnd küffet in vnuerschampt vnd sprach zu jm/ Ich habe töd e opffer für mich heütte bezalet für meine gelübde/ Darumb bin ich erauff gangē/ dir zu begegen/ dein angesicht früz zu süchen/vnd habe dich fundē Ich habe mein bette gezierdt mit geschmuck/bundten teppichē aus Egypten/ Ich habe mein läger mit meymen/myrren/aloes/vnd cynamomē geschmuckt/Kum/las vns der brüste satt werden bis an den morgē/vn^d laß vns der liebe pflegen/Denn der man ist nit dabeyme/er ist einen ferneren weg zogen/Er hat den gelt sack mit jm genommē/Wer weyßt weiß er heym kumpt: Sie überredet in mit vil Worten/vnd gewan in hineyn mit iren glatten lefftzen/Er folget ir bald nach/wie ein ochse zur fleischbanck gefürt wirt/vnd wie zum fessel da man die narre züchtiget/bis sie jm mit dem pfeyl die lebern spaltet/wie ein vogel zum strick eylet/vnnd weyßt nicht das jm das leben gilt.

So gehorchet mir nu meine kinder/vnnd mercket auff die rede meins mundes. Las dein hertz nit faren auff iren weg/vnd laß dich nicht verführen auff irer ban/Den sie hat vil verwundt vnd gefellet/vnd seind allerley mechtigen von ir erwürget/ Ir haus seind helle wege/da man hynunder feret inn des todes kammer.

Das. VIII. Capitel.

Ruffet nicht die weisheit/vnd der verstandt laßt sich hören: Of² fentlich am wege vnd an der strassen stehet sie/an thore bey der statt/da man zur thür eyngehet/schreyet sie/ O ir mennen/ich schrey zu eüch/vnd rüffe den menschen kindern. Mercket ir thoren die witzze/vnd ir narren nemet es zu hertzen. Höret/denn ich will redē/vnd meine lefftzen sollen etwas sonderlichs offenbaren/Denn mein hals soll die warheit reden/vnd meine lefftzen sollen hassen das gottlos ist. Alle rede meines mundes seind gerecht. Es ist nichts verkerets noch falsches drinnen. Sie seind alle gerade denen die sie vernemen/vnd richtig denē so erkentnis finden.

Nemet an meine zucht vnd nicht sylber/vnd erkentnis mer denn kostlich gold/Denn weysheit ist besser den perle/Vnd alles was man wünschē mag/kan ir nicht gleichē. Ich weisheyt wone bey der witzze/vn^d ich finde bedechtigkeit. Die forcht des HERRN hasset das arge/die hofart/den hohmüt/vnd bösen weg/vnd bin seind dem verkereten munde. Ich kan radten vnd außfüren. Ich habe verstand/ Ich habe gewalt/
Durch

Die bücher

Durch mich regirn die künige/vnd die radtshern seze das recht. Durch mich handeln die fürsten richtig/vnd hersche alle richter auff erde. Ich liebe die mich lieben/Vnd die mich frue süche/finden mich. Reychtumb vnd ere ist bey mir/werhafftig gut vnd gerechtigkeit. Meine frucht ist besser denn gold vnd feyn gold/Vnd mein eyntommen besser den auser lesen silber. Ich wandel auff dem rechten wege/Auff der strassen des gericht. Das ich wol beradte die mich lieben/vnd ire scherze voll mache.

Der **HER** hat mich gehabt im anfang seiner wege / vor seinem werck dazumal war ich. Ich bin eyngesetz von ewigkeit / von anfang vor der erden. Da die tieffen noch nit warē/da war ich schon fertig. Da die brunnen noch nit mit wasser quollen. Ehe den die berge eyngesenct waren/vor den bühlē war ich fertig. Er hatte die erde noch nit gemacht vñ was dran ist / noch die berge des erdbodē. Da er die hymel bereydet/war ich daselbs. Da er die tieffe mit seim ziel verfasst. Da er die wolckē droben hefftet. Da er festiget die brunne der tieffen. Da er dem meer das ziel sezet/vnd den wasserē das sie nit übergehē seinen beselh. Da er den grundt der erden legt/ Da war ich bey im vnd fertigets/Vnd hatte meine lust täglich/vnd spielet vor im alle zeyt / Vnd spielet auff seinem erdbodem/vnd meine lust war bey den menschen kindern.

So gehorcht mir nu meine kinder. Wol denen die meine wege behalten. Höret die zucht vñ werdet weise/vnd lassēt sie nicht farē. Wol dem menschen der mir gehorchet / das er wache an meiner thür täglich / das er wartte an den pfosten meiner thür. Wer mich findet/der findet das leben/vnd wirdt schöpfen wolgefalle vom **HER**. Wer aber an mir sundiget/der verlezet seine seele. Alle die mich hassen/liebē den todt.

Das IX. Capitel.

D Je weisheyt bawete jr hauf vnd hieb syben seule/vnd schenckt iren wein/schlachtet vnd bereydet iren tisch. Vnd sandte ire diener aus / zū laden oben auff die palast der statt. Wer thorecht ist/der mache sich hie her/Vnd zūm narren sprach sie/Kompt/zeret von meinem brot/vnd trinckt des weins/den ich schencke. Verlast das thorelich wesen/so werdet jr leben/vnd gehet auff dem wege des verstandts. Wer den spotter züchtiget / der müß schande auff sich nemen / Vnd wer den gottlosen strafft/der müß verschmocht werden. Straffe den spotter nicht/er hassēt dich. Straff den weisen / der wirt dich lieben. Gib dem weisen so wirt er noch weiser werden. Thū es kundt dem gerechten/so wirt er zū nemen.

Der weysheyt anfang ist des **HER** forcht/vnd der verstandt ist erkentnis heyliger dinge/Denn durch mich wirt deiner tage vil werden/vnd werden dir der jar des lebens mer werden. Bistu weise/so bist du dir weise. Bistu ein spotter/so wirstu es alleine tragen.

Es ist

B
a (Spotter)
heyst Salo
mo alle ver
echter vñnd
widerspen
stige d war
heit.

Es ist aber ein torecht/vnrüwig weib/voll schwezens/vhnd weyft
 nichts/die sitzt in der thür ires hauses auffem stül / Oben in der statt zu
 laden alle die vorüber gehen/vnd richtig auff irem wege wandelē. Wer
 ist thorecht: der mache sich hie her/vnd zum narren spricht sie / Die ver-
 stolen wasser seind süsse/vnd das verborgē brot ist niedlich. Er weyft
 nicht das daselbs todten seind/vnd ire gestein in der tieffen hellen.

Das. X. Capitel.

Dis seind die sprüch Salomo.

In weiser sün macht den vatter frölich / Aber ein torechter
 sün ist seiner mütter greinen. Der gottlosen schätze seind
 kein nütze / Aber gerechtigkeit errett vom tode. Der **H**ER
 last die seele des gerechte mit hunger leyde / Er verstoß aber
 der gottlosen schalckheit. Lässige hand macht arm / Aber der fleissig
 en hant macht reich. Wer im summer samlet der ist klüg / Wer aber in
 der erndte schlafft wirt^a zūschanden.

^a Schande vnd ere/heißt Salomo offt armüt vnd reichthumb / darumb das wer reich ist / ere hat.
 Den seggen hat das haupt des gerechten / Aber den mund der gottlosen
 wirt ir freuel überfallen. Das gedechtnis der gerechten bleibt im segē /
 Aber der gottlosen name wirt verwesen. Der weise von hertzen ist /
 nympt die gebott an / Der aber ein narren maul hat / wirt geschlagen.
 Wer on nachred wandelt / & wandelt sicher / Wer aber verkeret ist auff
 seinen wegen / wirt offenbar werde. Wer mit augē winckt wirt mühe
 anrichten / Vnd der ein narren maul hat wirt geschlagen. Der mund ^c

des gerechten ist ein lebēdiger bunn / Aber der mund der gottlosen wirt
 ir freuel überfallen. Hass erregt haddē / Aber liebe deckt zū alle über-
 tretunge. In den leffzen des verstendige / findet man weisheit / Aber
 auff den rucken des narren gehōrt eine rāten. Die weisen bewarē das

erkenntnis / Aber der narren mund ist nahe dem ^bschreckē. Das güt des
 reichen ist seine feste statt / Aber die armē macht die armüt blöde. Der
 gerechte arbeyt arbeytet zūm leben / Aber der gott lose braucht seins eyn
 kōmens zūr sünde. Die hüt der zucht ist & weg zūm lebē / Wer aber die
 straffe verlast / & bleibt irrig. Falsche meüler deckē iren hass / Vñ wer
 verleumbdet der ist ein narz. Wo vil wort seind / do gehets on sünd mit
 ab / Wer aber seine leffzē helt / ist klüg. Die zunge des gerechten ist kost
 lich silber / Aber das hertz & gottlosen ist nichts. Die leffzē des gerechte
 weydē vile / Aber die narzē werden irer torheit sterben. Der seggen des

HER macht reiche one mühe. Ein narz treibt mütwillē vñ hats
 noch dazū seinen spott / Aber der man ist weise der drauff merckt. Was
 der gottlose fürchtet / das wirt jm begegne / Vnd den gerechte wirt gebe
 was sie begeren. Der gottlos ist wie ein wetter das überhin gehet vnd
 nit mer ist / Der gerechte aber bestehet ewiglich. Wie der essig den zenē /
 vnd der rauch den augē thüt / so thüt der faule denen die in sendē. Die
 forcht

^{i. Corin. xij.}
 Liebe last
 sich nicht er
 zürnen.

^{b (schreckē)}
 dz ist & fahr
 vñ dem vn-
 glück.
 Güt macht
 müt / armüt
 weberhüt.
^{c (zum lebē)}
 dz er sich ne
 re.
 Gott besche
 ret. Gott be
 ret. ^d

Die sprich

forcht des **HERREN** meret die tage / Aber die jare der gottlosen werde verkürzt. Das wartē der gerechtē wirt freude werden / Aber der gottlosen hoffnung wirt verlorē sein. Der weg des **HERREN** ist des frommen troz / Aber die übelthäter seind blöde. Der gerecht wirt nimmer mer vnigestossen / Aber die gottlosen werden nit im lande bleibē. Der mund des gerechten bringet weysheit / Aber das maul der verkeretē wirt aufgerott. Die leffzen der gerechten wissen was wolgefelle / Aber d gottlosen mund ist verkeret.

Das. XI. Capitel.

Alsche wage ist dem **HERREN** ein greinwel / Aber ein völlig gewicht ist sein wolgefalle. Wo stolz ist / da ist auch schmach / Aber weysheit ist bey den demütigen. Die frumbkeit wirt die auffrichtigen leyten / Aber das austretten der verächter wirt sie verstorē. Güt hilfft nit am tage des zorns / Aber die gerechtigkeit errettet vom tode. Die gerechtigkeit des frommen fertigt seinen weg / Aber der gottlose wirt fallē durch sein gottlos wesen. Die gerechtigkeit der auffrichtigen wirt sie erretten / Aber die verächter werden gefangē in irer schalckheit. Wenn der gottlose mensch stirbt ist hoffnung verlorē / vnd das **B**harren der vnrechten wirt vmbkōmme. Der gerecht wirt auß der not erlöset / vnd der gottlose kumpt an seine statt. Durch den mund des heuchlers wirt sein nehister verderbet / Aber durch erkentnis werde die gerechten erlöset. Eine statt fremdet sich wens den gerechtē wol gehet / Vnd wenn die gottlosen vmbkōmmen wirt man fro sein. Durch den seggen der auffrichtigen wirt eine statt erhabē / Aber durch den mund der gottlosen wirt sie zerbrochen. Wer seinen nehisten veracht / ist vnweise / Aber ein verstendiger man stillt. Ein verleumbder verret was er heymlich weyst / Aber wer eins getrewē hertzen ist verbirget das selbe. Wo nit radt ist / da gehet das volck vnder / Wo aber vil radtgeber seind da gehet es wol zu. Wer für einen fremdbēbürge wirt / der wirt **E**vnfall haben / Wer aber sich für geloben hütet / ist sicher. Das ist ein holdselig weib dz die ere erhellt / Aber das seind die starckē die den reichthumb erhalten. Ein gütiger man entwenet auch seine sele / Aber ein vnfreundlicher betrübt auch seine freünd. Der gottlose thüt ein vnbestendig werck / Aber wer gerechtigkeit seet / der wirt bestendigen lon haben. Denn gerechtigkeit fordert züm leben / Aber dem übel nach iagen fordert züm todt. Der **HERREN** hat grewel an ein verkereten hertzen / Vnd wolgefalle an denē die on wandel seind. Den bösen hilfft nichts wenn sie auch alle hende züsamen theten / Aber der gerechten same wirt errettet werde. Ein schon weib on zucht / ist wie ein saw mit einer gülden spangē auff der nasen. Das begirde der gerechtē gefelle wol / Aber die hoffnung der gottlosen ist zorn. Einer teylet aus vnd hat ymermer / Ein ander helt an sich wenn er gnüg hat vnd wirt doch ermer.

Die

Die seele die da reichlich gesegnet / wirt fett / Vnd wer^a truncken macht^(truncken) /
 der wirt auch truncken werde. ^{das ist. wer} Wer kom in hellt / dem fluchen die leute /
 Aber segē kompt über den so es verkaufft. ^{reichlich gi-} Wer do güts sücht dem wyd^{bt / dē wirt}
 der feret güts / wer aber nach vnglück ringet / dē wirts begege. ^{reichlich wi-} Wer sich^{der geben.}
 auff sein reichthum verlast der wirt vndergehen / Aber die gerechtē werde
 grünē wie ein blat. Wer sein eigē haus betrübt der wirt wind zū ertheil
 habē / Vñ ein nar: müs ein knecht des weisen sein. Die frucht des gerechtē
 ist ein baum des lebēs / Vñ ein weiser gewinnet ein das hertz an. So
 dem gerechtē auff dē vergoltē wirt / wo wil bleibē d gotlos vn sūnder?

Das XII. Capitel.

Wer zucht liebet der will verstendig werden / Wer aber straffe²
 hasset / der bleibt ein nar. Wer frum ist schöpft wolgefalle
 am **S** **E** **R** **R** **A** / Aber ein mütwilliger wirt verdampt wer-
 den. Ein gottlos wesen fordert den menschen nit / Aber die
 wurzel der gerechten wirt bleiben. Ein redlich weib ist ein krone ires
 mannes / Aber ein schendliche ist ein eiter in seinem gebeine. Die gedā
 cken der gerechten seind gerechtē / Aber die anschlege der gottlosen seind
 falsch. Die wort der gottlosen laurē auff s blüt / Aber der auffrichtigē
 mund errettet sie. Die gottlosen werde vmbkeret vn nit mer sein / Aber
 das haus der gerechten bleibt stehē. Ein man wirt gerümet vn seiner
 klügheit willē / Wer aber vnrecht ist / wirt veracht. Wer geringe ist vn
 wartet des seinē / Der ist besser den ein gros geachter der des brots man
 gelt. Der gerechtē kēnet die seele seins viehes. Aber das hertz der got
 losen ist grenwelich. Wer ein acker bauet / der wirt brots die fülle habē
 Wer aber müßig gehet / d ist vnweise. Die begirde des gottlosen jaget
 nach vnglück / Aber die wurzel d gerechtē wirt frucht bringē. Der bö
 se wirt verstrickt durch ein sündlich maul / Aber der gerecht entgeet der
 angst. Wil güts kompt einem durch die frucht des mundes / Vnd dem
 menschen wirt vergoltē / nach dem seine hende verdienet habē. Dem
 narē gefell seine weise wol / Aber wer rat gehorcht der ist weise. Ein
 nar: zeygt seinen zorn balde / Aber wer die schmach verbirget / ist witzig.
 Wer warhafftig ist / der saget was recht ist / Aber ein falscher zeuge be
 treugt. Wer schnepisch ist sticht wie ein schwert / Aber die zunge d wei
 sen ist heilsam. Warhafftige leffzen bestehē ewiglich / Aber die falsche
 zunge verendert sich plözlich. Die übel dencken im hertzen / werden
 betrogen / Aber die zum fryde redten haben freude. Es wirt dem ge
 rechten kein leyd geschehe / Aber die gottlosen werde voll vnglücks sein.
 Falsche meüler seind dem **S** **E** **R** **R** **A** ein greüwel / Die aber trewlich
 handeln / das ist sein wolgefallen. Ein witziger man verbirget das er
 kēntnis / Aber dz hertz der narē preysset narheit. Die endeliche hand
 wirt herschen / Die aber lass ist / wirt müssen zinsen. Sorge im hertzen
 krenckt / Aber ein freündtlich wort erfrewet. Der gerechtē hats besser
 dein sein nehister / Aber der gottlosen weg versüret sie. Ein vnendeli
 chen

Die sprüch

chen geradt sein handel nicht / Aber ein endlicher mensch wirt reich.
Auff dem wege der gerechtigkeit ist leben / Vnd auff dem gebandten
psad ist kein todt.

Das. XIII. Capitel.

(erschreckt)
das ist / fahr
vnd straffe
fülen.

Eyn weiser sun last sich dē vater züchtigē / Aber ein spotter gehorcht
der straffe mit. Ein mā isset güts vō der frucht des munds / Aber
die seele der verächter ist fräuel. Wer seinen mund bewaret / der
bewart seine seele / Wer aber mit seinem maul eraus feret / der wirt er-
schreckt. Der faule begert vnd seine seele hat doch nichts / Aber die seele
der endlichen wirt set werdē. Der gerechte hasset falsche wort / Aber
der gottlose schendet vnd schmecht. Die gerechtigkeit behüt dē fromē
Aber das gottlos wesen binget einē zū der sünde. Da man meinet es sei
reichtum / da ist nichts / Vñ da man meinet es sei armüt / ist volle gnüge.
Mit dē reichthūb erzetet einer seine seele / Aber ein armer gehorcht dē straf-
fen nit. Das liecht dē gerechtē macht frölich / Aber der leüchter dē gottlo-
sen wirt ausgeleschē. Under den stolzē ist inier haß / Die aber mit rat
farē seind weise. Reichthūb wirt wenig wo mans vergeudet / was man
aber zūsamē helt / das wirt gros. Die hoffnung die sich verzeucht eng-
stet das hertz / Aber eyn begirde das do kompt / ist ein baum des lebens.
Wer das wort verachtet der verderbet sich selbs / Wer aber das gepott
fürchtet / der wirt fride haben. Das geseze des weysen ist ein lebendig
quelle / Zū meyde die stricke des todes. Ein angenē klügheyt gibt gunst
Aber dē verächter weg ist hart. Ein witziger thūt alles myt bescheyde-
heyt / Eyn narr aber breitet nartheit aus. Eyn gottloser botte bringt
vnglück / Aber ein trewer werber ist heylsam. Wer zucht last farē / der
hat armüt vnd schande / Wer aber die straffe bewaret / wirt zū eeren kö-
men. Wenn ein begirde kompt / das thūt der seelen sanfft / Aber der das
böse meydet / ist den thoren ein gewel. Wer mit den weysen vmbgehet
der wirt weise / Wer aber der narren geselle ist / der wirt vnglück habē.
Unglück verfolget die sündler / Aber den gerechten wirt gütes vergoltē
Der güte wirt erben auff kinds kind / Aber des sünders güte wirt dem ge-
rechten fürgespart. Es ist vil speyse in den fürchen der armē / Aber et-
lich samlen on gericht. Wer seiner räte schonet / der hasset seinen sün /
Wer in aber lieb hat / der züchtiget in flux. Der gerecht isset das seine se-
le satt wirt / Der gottlosen bauch aber mangelt ymmer.

Das. XIII. Capitel.

Durch weise weiber wirt das haus erbauwet / Ein nerrin aber
zerbruchs mit irem thūn. Wer den **SERRA** fürcht der ge-
het auff rechter ban / Wer in aber veracht / der weicht auf seinē
wege. Im maul der narren ist das scepter der hoffart / Aber die leffzē
der weysen bewarē sie. Wo nicht oxsen seind / da ist die kripffen reyn /
Aber wo der ochse geschestig ist / da ist vil eynkommēs. Ein trewer
zeuge

zeuge leügt nit / Aber ein falscher zeuge redet künlich lügē. Der spotter
 sücht weißheit vnd findet sie nit / Aber dem verstendigē ist die erkentnis
 leicht. Komestu an einē narrē / so findestu nit leßzen der bescheidēheit.
 Das ist des witzigē weißheit / das er auff seinē weg merckt / Aber das ist
 der narrē thorheit / das es eytel trug mit inen ist. Die narren treibē das
 gespött mit der schuld / Aber dz wolgefällē ist vns dē auffrichtigē. Ein ^B
 hertz das seiner seele betrübnis weißt / vns des selbē freude kan sich keyn
 frembē mengē. Das haus der gottlosen wird vertilget / Aber die hüt-
 te der auffrichtigē wirt zünemē. Es gefellet einem ein weg wol / Aber
 sein letstes reicht zum tod. Das hertz hat auch im lachē schmerzē / Vñ dz
 ende der freude ist weinē. Der vnnützigē wirt vō seinē wegē satt werdē /
 Aber ein güter man wirt über in sein. Ein thor glaubt alles / Aber eyn
 witziger merckt auff seinē gang. Ein weiser fürcht sich vñ meidet das
 arge / Ein narz aber feret hindurch thürstülich. Ein vngedultiger thüt ^c
 nerisch / Aber ein bedechtiger hasset es. Die narrē besitzē torheit / Aber
 die witzigē werdē mit bescheidenheit gekrōnet. Die bösen müssen sich
 bucken vor dē gütē / Vñ die gottlosen vorden thore des gerechtē. Eyn
 armē hassen auch seine nehistē / Aber die den reichē liebē / der ist vil. Der
 sündler veracht seinē nehistē / Aber wol dem der sich der elendē erbarmet
 Die arges denckē werdē fälen / Die aber gütes denckē / den wirt trew vñ
 güte widder faren. Wo man arbeitert da ist gnüg / Wo man aber mitt
 wortē vñgeet da ist mangel. Den weisen ist jr reichtüb ein kron / Aber
 die torheit der narrē ist doch torheit. Ein trewer zeuge errettet die selē / ^D
 Aber der lügen künlich redett / fälet. In der forcht des **HERRN** ist
 sicher stercke / Vnd seine kinder werdē auch trost habē. Die forcht des
HERRN ist ein quele des lebēs / Dz man meide die stricke des tods
 Wo vil volcks ist das zierdt dē künig / So aber des volcks nicht vil ist /
 dz stehet dem herze übel an. Wer gedultig ist / der hat grosen verstand /
 Wer aber vngedultig ist / der zeigt torheit an. Ein gesund hertz ist des ^{Güter mit}
 leibs lebē / Aber neid ist eytter ^{halber leib.} ^{Das ist / Er}
 schendet desselben schöpffer / Aber wer sich seyn erbarmet / der eeret in. ^{kan nichts}
 Der gottlose besteet nit in seym vnglück / Aber ^{leiden.} ^{er} gerecht ist auch in seim
 tod getröst. Im hertze des verstendigē rühwet weißheit / vñ wirt gerü-
 met vns dē narrē. Gerechtikeit erhöhet ein volck / Aber die sünd ist der
 leutte verderbē. Ein klüger knecht ist des künigs wolgefällē / Aber ein
 schendlicher ist sein zorn.

Das XV. Capitel.

In linde antwort stilltet den zorn / Aber eyn hart wort richtet ^a
 grim an. Die zunge der weisen schmuckt dz erkentnis / Der
 narrē mund scheumet jmer narheit. Die augē des **HERRN** in
 schauwē an allē orten / beide die bösen vñ fromen. Ein heil-
 same zunge ist ein baum des lebēs / Aber ein falsche betrübt das gemütte.
 Der narz lestert die zucht seynes vatters / Wer aber straffe behellt / der

N ij wirt

Die sprüche

wirt witzig werdē. Des gerechtē haus hat das gros güt / Aber in dem
B einkommen des gottlosen ist vnd ordnūge. Die lefftzē der weisen streuwē
aus erkentnis / Aber der narre hertz ist nicht also. Des gottlosen opffer
ist dem **S E R R E N** ein grewel / Aber dz gebett d̄ auffrichtigē ist sein
wol gefallen. Des gottlosen weg ist dem **S E R R E N** ein greuwel /
Wer aber der gerechtigkeit nach jagt / der wirt geliebet. Es ist ein böse
zucht dere die den steig verlassen / Vñ wer die straffe hasset / wirt sterbē.
Helle vnd verderbnis ist vor dem **S E R R E N** / Wie vil mer der mē-
schē hertze. Der spotter liebet nit d̄ in straffet / Vñ gehet nit zū dem wei-
sen. Ein frölich hertz macht ein frölich angesicht / Aber in der bekümm-
nis des hertze wirt der geist zerschlagen. Ein verstendig hertz sücht er-
kentnis / Das angesicht der narre gehet mit narheit vñ. Alle tage des
elende seind böse / Aber ein^a güter müt ist ein teglich wollebē. Es ist bes-
ser ein wenig mit der forcht des **S E R R E N** / Den grosser schatz dar-
in vñ rñweist. Es ist besser ein gericht kraut mit liebe / Den ein gemester
e ochse mit hass. Ein zornig man richt has an / Ein gedultiger aber stil-
let den zancf. Der weg des faulen ist do nicht / Aber der weg des auff-
richtigen ist wol gebanet. Ein weiser sun erfreuwet den vater / Vñ ein
nerischer mensch schendet seine müter. Dem thoren ist die torheit ein
freude / Aber ein verstendiger man richtet seynen gang. Die anschlege
werdē zū nicht wo nit radt ist / Wo aber vil radtgeber seind / bestehē sie.
Es ist einem ein freude wo man jm bald antwortet / Vñ ein wort zū sei-
nerzeit ist seer lieblich. Der weg des lebens gehet über werts klüg zū
D mache / Auff das man meide die helle vñ der werts. Der **S E R R** wirt
das haus der hoffertigen zerbrechen / Vñ bestetigen die grentze der wit-
win. Die anschlege des argen seind dem **S E R R E N** ein greuwel /
Aber lauter rede seind lieblich. Der geizige verwirret sein eigen haus /
Wer aber geschencf hasset / der wirt leben. Das hertz des gerechtē tich-
tet was zū antworten ist / Aber der mund der gottlosen scheumet böses.
Der **S E R R** ist ferne vō den gottlosen / Aber der gerechtē gebet erhö-
ret er. Freundtlich sehē erfrewet dz hertz / Ein güt gerücht macht feist
das gebeine. Das ore dz do höret die straffe des lebens / wirt vñ den
weisen wonē. Wer zucht fare last / der verwirfft seine eigen seele / Wer
aber straffe höret / der wirt klüg. Die forcht des **S E R R E N** ist zucht
der weisheit / Vñ ellende gehet vor der eere her.

a (güter müt
das ist / güter
gewissen

Das XVI. Capitel.

21 **D**er mensch setzt jm wol für im hertzen / Aber vom **S E R R E N**
kompt das antworten der zungē. Ein yeglichen duncken seine
weze reyn sein / Aber der **S E R R** treibt den müt. Befilhdē
S E R R E N dein werck / so werden deine anschlege fort gehen. Der
S E R R macht alles vmb sein selbs willen / Auch den gottlosen zum bö-
sen tage. Ein stolz hertz ist dem **S E R R E N** ein grewel / Vñ wirt nit
vñschuldig sein / wenn man gleich alle hende zūsamē thet. Durch güte
vñ

vnd treüwe wirt missethat versünet / Vnd durch die forcht des HERN
meydet man das böse. Wenn yemants wege dem HERN wolge
fallen / So macht er auch seine feind mit im zu friden. Es ist besser we
nig mit gerechtigkeit / Den vil eynkommens on gericht. Des menschen
hertz schlecht seinen weg an / Aber der HERN fordert seinen gang.
Wenn weissagung ist inn den leffzen des künigs / So wirt sein mund ^B
im gericht mit sälen. Wage vnd gewicht des gerichtts ist vom HERN
Vnd alle pfunde im sacke seind seine werck. Es ist der künige grewel
wo sie gottlos handelen / Denn durch gerechtigkeit wirt der thron gefe
r tigt. Es ist der künige wolgefallen gerechte leffze / Vnd wer auffrich
tig redet / wirt geliebet. Der grym des künigs ist ein tödtlicher botte /
Aber ein weiser mā wirt in versünē. Wen des künigs angesicht freunt
lich ist / das ist leben / Vnd sein wolgefallen ist wie ein abent wolcken.
Erwird weißheit denn sie ist besser denn gold / Vnd verstandt erwer
ben ist edler denn sylber. Der auffrichtige weg meydet das arge / Vnd
wer seinen weg bewaret der behellt seine seele. Hoffart geht vor dem e
verderben her / Vnd stolzer müt vor de fall. Es ist besser nidriges ge
müts sein mit den ellenden / Denn raub aufteylen mit den hoffertigen.
Wer eine sache klüglich füret / der findet glück / Vnd wol de der sich auff
den HERN verlast. Ein verstendiger rufft an den weisen / Vnd
süsse leffzen bessern die lere. Klügheit ist ein lebendiger brun dem der
sie hat / Aber die zucht der narre ist nartheit. Ein weise hertz macht sei
nen mund klüg / Vn bessert die lere in seinē leffzen. Liebliche rede sind
honig sein / Süffigkeit der sele vn heil der gebeine. Es gefelt ein ein
weg wol / Aber sein letstes reicht zum tod. Ein vn selige seele ist ir selbs ^D
schwer / Den dazu hat sie jr mund bracht. Ein Belial man grabet nach
bösem / Vnd inn seinen leffzen ist es wie ein brennend feür. Ein verke
ter mensch richtet hadder an. Vnd ein verleümbter macht fürste vneins
Ein fräueler locket seinem nehisten / Vnd füret in auff kein güten weg.
Wer mit den augē wincket / denckt nicht güts / Vnd wer mit den leffze
deuttet vollbringt das böse. Graw har seind eine kron der eeren / die
auff dem wege der gerechtigkeit funden werde. Ein gedultiger ist bes
ser denn ein starcker / Vnd der seins müts herr ist / denn der stette gewin
net. Los wirt in den schos geworffe / Aber vom HERN kompt
alle sein gericht.

Das. XVII. Capitel.

Es ist ein trocken bitten daran man sich genügen laßt besser / Den ^A
ein hauf voll geschlachts mit hadder. Ein klüger knecht wirdt
herrschen über schendliche kinder / Vnd wirt vnder den brüder
das erbe aufteylen. Wie das feür silber vnd der ofen gold / Also prüfet
der HERN die hertzen. Ein böser achtet auff böse meüler / Vnd ein
falscher gehorchet der falschē zungen. Wer des dürfftigen spottet / der
schendet desselben schepffer / Vnd wer sich seins vn fals frewet / wirt mit
vn schuldig sein. Der alten krone seind kunds kinder / Vnd der kind ere
N iij seind

Die sprüch

seind ire vätter. Es stehe dem narren nit wol an köstliche leffzen/ Vil
B weniger ein fürsten ein lügenmaul. Das geschenck ist ein edler steyn
dem ders hat/Wo er sich hyn wendet/feret er klüglich. Wer die sünde
zü deckt/der sücht liebe/Wer aber die sache aber vnd aber mal meldet/
der macht fürsten vneyens. Schelten schreckt mer an dem verstendigē/
den hundert schlege an dem narre. Der widerspenstige sucht vnglück/
Aber es wirt ein grausamer botte über in gesandt. Es ist besser ein be
ren begegē dem die jungen beraubet seind/Den ein narre inn seiner narz
C heyt. Wer güts mit bösem vergilt/Vō des hause wirt böses nit lassen.
Anfang des hadders ist wie ein wasser aufreyft/Vnnd durch gezencck
breyt er sich weyt auß. Wer den gottlosen recht spricht/vnd den gerecht
ten verdampft/Die seind beyde dem HERRN ein greüwel. Was sol
dem narren gelt in der hand weyßheit zü kauffen/so er doch ein narz ist:
Ein freündt liebet alle zeit/Vnd ein brüder wirt in der not erfunden.
Es ist ein narz der an die hand gelobt/Vnd bürge wirt für seinen nehi
sten. Wer zancck liebt der liebt sünde/Vnd wer seine thür hoch macht/
D sücht das brechen. Ein verkert hertz findet nichts güts/Vnd der ver
kereter zungē ist/wirt inn vnglück fallē. Ein narz macht im selbs traw
ren/Vnd eins narren vatter hat keine freüde. Ein frölich hertz macht
das leben lustig/Aber ein betrübter müit vertrocket das gebeyne. Der
gottlose nympt geschencke auß dē schos/Zü beugē den weg des gericht.
a Weisheit ist vor den verstendigen/Aber des narre augen sehē auff die
ende der erden. Ein narichter sun ist seins vatters trauren/Vnnd be
trübniß seiner mütter die in geborn hat. Es ist nit güt schaden thün dē
gerechten/Den fürsten zü schlahen der recht handelt. Wer bescheyden
heit weyßt/der messiget seine rede/Vnd ein verstendiger man hellt sein
en geyst thewr. Ein narz weñ er schwige/würde auch weise gerechnet
Vnd verstendig/wenner das maul stopffet.

a (die ende)
Das ist/er
hat wild ge
berde.

Das XVIII. Capitel.

2 **W**er lust hat vneynigkeit an zü richtē/Der sücht zancck wo es ge
ratē will. Ein narz hat nit lust am verstand/Sonder was
in seym hertzē vmbgehet. Wo der gottlose kompt/da kompt
auch verachtunge/Vnd schmach mit schand. Die wort inn
eins mund seind wie tieffe wasser/Vñ die quelle der weisheit ist ein vol
ler strom. Es ist nit güt die person des gottlosen achtē/Zü biegen den
gerechten im gericht. Die leffzen des narre kommē inn zancck/Vnd sein
B mund ringet nach schlegen. Der mund des narre schendet in selbs/Vñ
seine leffzen fahen seine eygen seele. Die wort des verleümbders seind
schlege/Vnd faren in die kamer des bauchs. Wer lass ist inn seiner ar
beyt/Der ist ein brüder des der verderbet. Der name des HERRN
ist ist ein festes schloß/Der gerecht laufft dahyn vnd wirt beschirmet.
Das güt des reichen ist im eine feste statt/Vnd wie eine hohe maure vñ
in her. Des menschen hertz erhebt sich ehe es brochen wirt/Vnd ellēd
kompt

Kompt vor der ere. Wer antwortet ehe er höret / Der hat narheit vnd schande. Des mensche^b geyst endet seine franckheit / Aber wer kan tragen einen betrübtē geyst. Ein verstendig hertz hat bescheydēheit / Vñ der weisen ore sucht bescheydēheit. Das geschenck des menschemacht im raum / Vnd wirt für die fürstē gebracht. Der gerecht schuldigt sich am ersten / Kompt sein nehister so findet er in. Das los stillt den hader / Vnd scheydet zwischē den mechtigē. Ein brüder der bey stehet ist wie ein feste stat / Vñ die aneinand haltē wie rigel am schloß. Ein man wirt sein bauch vol vō der frucht seines munds / Er wirt gesettigt vom eyntommē seiner leffzē. Todt vnd lebē stehet in der hand der zungen / Wer sie liebt / der wirt von irer frucht essen. Wer ein weib findet / d̄ findet etwas güts / vnd schößt ein wolgefallen vom HERRN. Ein armer redet mit flehen / Ein reicher antwort stolz. Ein freündlicher man zū freüntschafft / Hat lieber vnd hengt mer an den ein brüder.

b (geyst)
dz ist güter
mit leicht-
ter alles e
übel.
Gelt bringt
für die here.

d (findet) dz
ist / er darff
in nit suchē
zū straffen.

frembde
thün mehr
güts den ey
gene fründ.

Das XIX. Capitel.

EIn armer der in seiner frumbkeit wandelt / Ist besser denn ein ver-
kereter mit seinen leffzē / vnd doch ein nar ist. Auch wo nicht be-
scheydenheit ist / Da hats ein seele nicht güte / Vnd laufft an wer schnell
ist mit füßen. Die thorbeyt eins menschen verleytet seinen weg / Das
sein hertz wider den HERRN tobet. Güte macht vil freünde / Aber
der arme wirt von seinen freünden abgesündert. Ein falscher zeüge
bleibt nit vngestraft / Vnd wer lügē frey redet / wirt nit entrinnē. Wil
warten auff die person des fürsten / Vnd seind alle freünde des der ge-
schencke gibt. Den armē hassen alle seine brüder / Ja auch seine freünde
fernen sich von im / Vnd wer sich auff wort verlasset / dem wirt nichts.
Wer klüg ist liebt seine sele / Vnd d̄ verstedige findt güts. Ein falscher
zeüge bleibt nit vngestraft / Vnd wer frey lügen redet wirt vmbkomen.
Dem narē zymmē nit wollust / Vil weniger ein knecht zū herschē über
fürstē. Wer gedultig ist / der ist ein klüger mensch / Vnd ist im erlich dz
er vntugēt überhöre kan. Die vngnade des künigs ist wie dz bröllē eins
jungelōwē / Aber seine gnade ist wie taw auff dē grase. Ein nerischer
sün ist seins vatters hertzē leyd / Vñ ein zencfisch weib ein stätigs trieffē.
Haus vnd güter erbē die eltern / Aber ein vernünfftig weib kompt vom
HERRN. Faulheit bringt schlaffen / Vnd ein müßsige sele wirt hunger
leidē. Wer das gebott bewaret / der bewaret seine sele / Wer aber seinen
weg veracht / wirt sterbē. Wer sich des armē erbarmet / der leyhet dem
HERRN / Der wirt im wiß vergeltē seinen lohn. Züchtige deinen sun
weil hoffnung da ist / Aber las deine sele nicht bewegt werdē in zū tödtē.
Den grosser grym bringt schaden / Darumb las in los / so kanstu in nit
züchtige. Gehorche dē radt vñ nyman die zucht / Das du hernach wei-
se seist. Es seind vil anschlege in eins mans hertzē / Aber der radt des
HERRN bleibt stehē. Ein menschēziert seine wolthat / Vñ ein armer ist
besser denn ein lügener. Die forcht des HERRN geret zū leben /

A

a (nicht güte)
denn eyner
müß den an-
dern dulde.

B

C

D

N iij Vnd

Die sprüche

Vnd wirt satt bleiben/das kein übel sie heymfuchen wirt. Der faule steckt seine hand in den büsen/Vnd kan sie nicht wider züm munde bringen. Schlehet man den spotter/so wirt der thor witzig/Strafft man einen verstendigen/so wirt er bescheyde. Wer vatter verstöret vñ mütter veriagt/Der ist ein schendlich vñ vnuerschampt kindt. Was ab mein sün zü hören die zucht/Die da absüret von der rede der bescheydenheit. Ein Belial zeüge spottet des gerichtts/Vnd der gottlosen mundt verschlinget dz vnrecht. Den spottern seind vñteyl bereydet/Vnd schlege auff der narren rucken.

Das XX. Capitel.

A Erwein macht spotter/vñ starck getrencke macht wilde/Wer dazü lust hat/wirt nymmer weise. Das schrecken des künigs ist wie das brüllen eins jungen lewen/Wer in erzürnet/der sündigt wider seine seel. Es ist dem man ein ere vom hader bleiben/Aber die gern haddern/seind all zümal narren. Umb der kelte willen wills faule nicht pflügen/So mus er im sommer beteln vnd nichts überkumen. Der radt im hertzen eines manns ist wie tieff wasser/Vñ ein verstendiger man bringt in erauf. Vil menschen werden gerümt von wolthat/Aber wer will finden einen trewē man? Ein gerechter der in seiner frumbkneyt wandelt/Des kindern wirdts wol gehen nach im. Ein künig der auff dem stül sitzt zü richtē/Zerstrewet alles arge mit seinen augen. Wer kan sagen/Ich bin reyn in meinem hertzen? Vnd lauter vō meinen sündē? Mancherley gewicht vnd maß Ist beydes greüwel dem **HERRN**. Auch kennet man einen knaben an seinem thün/ob sein werck reyn vnd auffrichtig sey. Ein hörend ohr vnd sehend auge/Die macht beydes der **HERRN**. Liebe den schlaff nit das du nicht arm werdest/Las deine augen wacker sein/so wirstu brods gnüg habē.

B Böse/böse/spricht man/wenn mans hat/Aber wens weg ist/so rümet man es den. a (Böse) das ist/was man hat des wirt man überdrüssig vñ will habē dz mit da ist. Es ist gold vnd vil perlen/Aber bescheydene leffzen seind ein köstlich ding. Nym dem sein kleyd der für einen andern bürge wirt/Vnd pfen de in vmb des vnbekanten willen. Das falsche brot schmeckt yedermā wol/Aber hernach wirt im der mund voll kiselung werden. Anschleze werden mit radt gefordert/Vnd krieg soll man mit vernunfft führen.

S Sey mit dem vnuerworrē der heymlichkeit offenbart/Vnd ist ein nachreder vnd treügt mit seinen leffzen. Wer seinem vatter vnd seiner mütter flücht/Des leuchte wirt verleschen mitten im finsternis. Das erbe das am ersten flur zünympt/Wirt zü lest nicht gesegenet sein. Sprich nit/ich will böses vergelte/Hatze des **HERRN** der wirt dir helfen. Mancherley gewicht ist ein grewel dem **HERRN**/Vñ ein falsche wage ist nit güt. Idermans genge komē vom **HERRN**/Welcher mēsch versteet seinen weg? Es ist dem menschē ein strick das heylige lestern. Vnd darnach mit gelübben vñgeen. Ein weiser künig zerstreuet die gottlosen/Vnd bringt das rad über sie. Die leuchte des **HERRN** ist des

Jung ge-
wör/allt ge-
thon.

Göttlich
glück thut
sanfft.

ist des mensche othem / Die geet durch den ganzen leib. Güte vñ trew behütē den künig / Vnd sein stül wirt mit güte gefestigt. Der jüngling preys ist ire krafft / Vnd graw har ist der alten schmuck. Wunden ver-
treiben das böse / Vnd schlege des ganzen leibs.

Leiden ist /
so mirs alls
essen vñ trin-
cken.

Das XXI. Capitel.

DEs künigs hertz ist in der hand des HERRN wie wasser be-
che / Vnd er neygets wo hyn er wil. Aymyglichen gefellt sein
weg am besten / Aber der HERR treibt die hertzen. Thün
gerechtigkeit vnd gericht / Ist dem HERRN lieber den opffer. Hof-
fertige augen vnd stolzer müß / Vnd der leuchter der gottlosen ist sün-
de. Die anschlege eins endelichē bringē überflus / Wer aber allzū gach
ist / hat mangel. Wer scherz samlet mit böser zungen / Der wirt fälē vnd
fallen vnder die den todt süchen. Der gottlosen rauben wirt sie schre-
cken / Denn sie wolten nicht thün was recht war. Eins frembden weg
ist verkeret / Wer aber reyn ist / des werck ist recht. Es ist besser wonen
im winckel vnder dem dach / Denn bey ein zencische weibe im weytten
hause. Die sele des gottlosen wünscht arges / Vnd ist dem nehsten mit
hold. Wenn der spotter gestrafft wirt so werdē die albern weise / Vnd
weñ man einen weisen vnderricht / so nimpt er bescheydēheit an. Der
gerechte vnderweist das haus des gottlosen / Aber die gottlosen haltē
sich zūm ergesten. Wer seine oren verstopfft für dem schreien des armē
Der wirt auch rüffen vnd nicht erhört werdē. Ein heymliche gabe stil-
let den zorn / Vnd ein geschencck im schos den hefftigē grym. Es ist dem
gerechten ein freude zū thün was recht ist / Aber ein forcht den übelthet-
tern. Ein mensch der vom wege der klügheit irret / Der wirt bleibē in
der todtrē gemeyne. Wer gern frölich ist / wirt mangelē / Vnd wer wein
vnd öle liebt / wirt nicht reich. Der gottlose müß für den gerechten ge-
ben werden / Vnd der verechter für die auffrichtigen. Es ist besser wo-
nen in wüsten lande / Denn bey ein zencischen vnd zornigen weibe.
Im hause des weisen ist ein edler schatz vnd öle / Aber ein narz verzeret
es. Wer der gerechtigkeit vnd güte nach jagt / Der findet das leben / ge-
rechtigkeit vnd ere. Ein weiser gewinnet ein statt der mechtigen / Vnd
ire macht gehet vnder für sicherheit. Wer seinen mund vnd zungen be-
waret / Der bewart seine sele vor angst. Der stolz vnd vermessen ist /
heißt ein spotter / Der im zorn stolz beweiset. Das wünschen des sau-
len tödtet in / Denn seine hende wolten nichts thün. Er wünscht wol
teglich / Aber der gerecht gibt vnd verhelet nichts. Der gottlosen opf-
fer ist ein greüwel / Denn sie werden inn sünden geopffert. Ein lügen-
haftiger zeüge wirt vmbkommē / Aber wer im sage laßt / der mag auch
allweg reden. Der gottlose feret mit dem kopff hyndurch / Aber wer
auffrichtig ist des weg wirt gefürdert. Es hilfft kein weisheit / kein ver-
standt / kein kunst wider den HERRN. Ross werdē wol zūm streit
tage bereyt / Aber Gott müß den sig geben.

Eyle brach
den hals.

Die sprüch

Das. XXII. Capitel.

Das gericht ist kostlicher den groß reichthumb/ Vnd ein gunst besser den sylber vnd gold. Reiche vnd arme seind vnder einander/ Der **HERR** hat sie alle gemacht. Der witzig sibet das vnglück vnd verbirget sich/ Die narzen gehen durch hyn vnd werde beschedigt. Wod es **HERR** forcht ist inn elend/ Da ist reichthumb/ ehre vnd leben. Spieß vnd strick seind auff dem wege des verkereten/ Wer aber sich dauon ferret/ bewaret seine sele. Under weiset man den knabē seine wege/ So last er nicht dauon weñ er alt wirt. Der reiche **B** herrschet über die armē/ Vnd wer borget ist des leheners knecht. Wer vnrecht saet der wirt mühe erndten/ Vnd wirt durch die rüte seiner plage alle werden. Ein^a güt auge wirt gesegnet/ Das er seines brods dem armē gibt. Treibe den spotter auf/ so gehet der zanck hinweg/ So horet auff hadder vnd schmach. Wer gern reyns hertzen ist vnd holdseliger leffzen/ Des freünd ist der künig. Die augen des **HERR** behüte das erkentnis/ Aber die wort des verächters verkeret er. Der faul spricht/ Es ist ein lewe draussen/ Ich möcht er würget werden auff der gassen. Der hüren mund ist ein tieffe grüben/ Wem der **HERR** vngnedig ist/ der felleet dreyn. Thorheyt steckt dem knabē im hertze/ Aber die rüte der zucht wirt sie ferre von im treiben. Wer dem armen vnrecht thüt/ das seins güts vil werde/ Der wirt auch eym reichen gebē vñ mangeln. Mein kind neyge deine ore vnd höre die wort der weisen/ vñ nym zū hertzen meine kunst. Denn es wirt dir sanffte thun/ wo du sie wirfst bey dir behaltē/ vnd werde miteinand dir wol abgehen auff dein en leffze. Das deine hoffnung sey auff den **HERR**/ Ich muß dich solchs teglich erinnern. Hab ich dir nit manchfeltiglich für geschubē/ Durch radt vnd erkentnis. Das ich dir zeyget ein gewissen grund der warheit/ Das du antworten kündest mit warheit denen die dich sendē. **S** Beraube den armē nicht ob er wol arm ist/ Vnd vnderdrucke den dürftigen nicht im thor. Denn der **HERR** wirt ire sache handeln/ Vnd wirt weg reissen die die selen weg reissen. Geselle dich nicht zū einem man/ Vnd halt dich nicht zū einem grymmigē man. Du möchst seinen weg lernen/ Vnd deiner seelen ergernis empfabē. Sey nicht bey denen die jr hand verhefften/ Vnd für schuldt burge werden. Denn wo du es nicht hast zū bezalen/ So wirt man dir dein bette vnder dir weg nemen. Treibe nicht zū ruck die vorigen grenzen/ Die deine vätter gemacht haben. Sibeste einen man behend in seinem geschafft/ der wirt vor den künigen stehen/ Vnd wirt nicht für den vnedlen stehen.

Das. XXIII. Capitel.

Wenn du sitzest vñ issest mit einem herin/ So mercke drauff was vor dir stehet. **U**nd^b stosse ein messer inn deine kele/ Wilt du die seele behalten. Wündsche dir nicht seiner speyse/ Denn es ist falsch brot. Bemühe dich nit reich zū werde/ Vnd las ab vō deinē verstandt.

Das

a: Güte auge
gen) das ist
ein milder
mensch.

b (stosse) dz
ist sprichwo
rt weis ge
redt/ Als es
ist bös mit
herin kirsch
en essen. zc.

Was deine augen nit fliegē dahyn / das du nit haben kanst / Den dasselb
 macht im flügel wie ein adeler vñ fleucht gen hymel. **I**hs nit brot bey
 ein neydischen / Vnd wünschē dir seiner speyse nicht. **D**en wie ein vn
 gehewer inn seiner sele / so spricht er / iss vnd trinck / Vñ sein hertz ist doch
 nicht an dir. **D**esne bitten die du gessen hattest / müst du außspeye / Vñ
 müst deine liebliche wort verloren haben. **B**ede nicht vor des narre ore
Denn er veracht die klügheit deiner rede. **T**reib nicht zu ruck die vñ
 gen grenzē / Vnd gehe nicht auff der wäysen acker. **D**enn jr erlöser ist
 mechtig / Der wirt ire sach wiß dich außführen. **G**ib dein hertz zur zucht
 Vnd dein ore zu der rede der bescheydenheit. **W**as nicht ab den knabē
 zū züchtigen / Denn ob du in mit der rüten hawest / stirbt er nicht dauon.
Du hawest in mit der rüten / Aber du errettest seine seele von der hellē.
Mein sün so du weise bist / So frewet sich auch mein hertz. **U**nd mei- **C**
 ne nyeren seind fro / Wenn deine leßzen redē was recht ist. **D**ein hertz
 beyffere nicht über die sünd / **S**ond sey teglich in der forcht des **H**ern. **b**
(Eyffer nicht) das ist / dencke nicht in nach zu folgen inn irem gütē leben.
Denn es ist noch nicht am ende / Vnd dein wartē wirt nicht felen. **H**ö
 re mein sün vnd sey weise / So wirt dein hertzen wol sein auff dem we
 ge. **S**ey nit vnder den säuffern / Vnd schlemmern. **D**enn die sauffer
 vnd schlemmer verarmē / Vnd ein schläffer müß zerrissen kleyder tragē.
Gehorche deinem vatter der dich gezeügt hat / Vnd verachte deine müt
 ter nicht wenn sie allt wirt. **B**ekom warheyte vnd verkauffe sie nicht /
Weyßheit zucht vnd verstandt. **E**in vatter des gerechten frewet sich
 billich / Vnd wer einen weisen geborn hat / ist frölich drüber. **W**as sich
 deinen vatter vnd deine mütter freüwen / Vnd frölich sein die dich gebo
 ren hat. **G**ib mir / mein sün / dein hertz / Vnd las deinen augē meine we
 ge wol gefallen. **D**enn ein hüre ist ein tieffer graben / Vnd die frembde **S**
 ist ein enge grüb. **A**uch lauret sie wie ein rauber / Vnd die vnachtsamē
 vnder den menschē samlet sie zū sich. **W**o ist weh? wo ist leyd? wo ist
 zanc? **W**o seind grüben? wo seind wunden on vrsach? **W**o seind röd
 te augen? **N**emlich wo man beym wein sitzet / Vnd kompt auß zū auf
 fen was eyngeschenckt ist. **S**ihe den wein nicht an das er rödtlecht ist /
 vnd gibt im glase seine gestalt / **E**r gehet glatt eyn. **A**ber zū letst beißt
 er wie ein schlang / Vnd breytet sich auß wie ein otter. **S**o werdē deine
 augen nach andern weybern sehen / Vnd dein hertz wirt verkerete ding
 reden. **U**nd wirst sein wie einer der mitte im meher schläfft / Vnd wie
 einer schlafft obē auff dem mast barom. **S**ie schlahē mich / aber es thät
 mir nicht weh / **S**ie pöchen mich / aber ich füle es nicht. **W**enn will ich
 auffwachen / das ichs mer süche.

Das. XXIII. Capitel.

Eiffer nicht über den bösen leütē / Vnd wünschē nicht bey in zū sein
Den jr hertz trachtet nach schadē / Vñ ire leßze redē vñ vnglück.
Durch weisheit wirt ein haus gebawet / Vnd durch verstant bereyt.
Durch bescheydeheit werden die kamer voll / **A**ller köstlicher lieblicher
 reichthum.

(Eyffer) by
 ist / las dich
 dein arm bß
 ses lebē nit
 verquessen /
 das du den
 bösen in ire
 gütē leben
 wöllest folg
 gen.

Die sprüche

reichthum. Ein weiser man ist starck / Vñ ein bescheydē mā ist besser dem
der starck ist vñ krefftē. Den mit rat muß man krieg färe / Vnd wo vil
ratgebē seind / da ist der sig. Die weißheit ist dē narre zū hoch / Er thut
seinen mund im thor nicht auffthun. Wer böses fürnimpt / den heist
man billich einen bäben. Des narre tichten ist sünde / Vnd der spotter
ist ein grewel vor den leütē. Wenn du zur zeit der not weich wirst / So
ist deine krafft gering. Errette die so in todts notē seind / Vnd enzeuch
B dich nicht von denen die man würgen will. Sprichst du sihe / wir wü-
stens nicht / Meynst du nicht der die hertze bereyt / merckets? vñ der auff
die seelen acht hat / kēnets? vnd vergilt dē menschē nach seinem werck.
Ich / mein sun / honig / den es ist güt / Vnd honig seim ist süß in deinē hals
se. Also ist dis erkentnis der weißheit deiner seelē / Wenn du sie findest.
Vnd ist güt hoffēnüg da / Vñ deine hoffnung wirt nicht vn̄sunst sein.
Laurē nicht als ein gottloser auff das haus des gerechtē / Verstöre sei-
ner rüwe nicht. Denn ein gerechter sellt syben mal vnd steht auff / Aber
die gottlosen fallē inn vnglück. Ereue dich des falles deines feindes
nicht / Vnd dein hertz sey nicht fro über seinem vnglück. Es möcht der
HERR sehen vnd im übel gefallen / Vnd seinen zorn von im wendē.
e Erzürne dich nicht über den bösen / Vnd eyser nicht über die gottlosen.
Den der böse hat nichts zū hoffen / Vnd die leuchte der gottlosen wirt
verlessen. Mein kindt fürcht den HERRN vnd den künig / Vnd
menge dich nicht vnder die auffrührschē. Den jr vnfall wirt plözlich
entstehen / Vnd wer weyst wenn beyder vnglück kompt? Dis kompt
auch von den weisen / Das ansehen der person im gericht nicht güt ist.
Wer zūm gottlosen spricht / du bist frum / dem flüchen die leüt / Vnd haf-
set das volck. Welche aber straffen / die gefallen wol / Vnd kompt ein
reicher seggen auff sie. Er küßet mit leßzen / Wer richtig antwortet.
Bichte draussen dein geschestt auß vñ arbeyte deinen acker / Darnach
bawedein haus. Sey nicht zeitige on vn̄sach wider deinen nehistē / Vñ
D betreug nicht mit deinen leßzen. Sprich nicht / wie man mir thut / so
will ich wider thun / Vnd ein yegliche sein werck vergeltē. Ich gieng
vordem acker des faulen / Vnd für dem weinberg des narren. Vnd si-
he / da waren eytelnessel drauff / Vnd stund voll disteln / vnd die mau-
war eyngesfallen. Da ich das sahe / nam ichs zū hertzen / Vnd schawet
vnd nam zucht daraus. Du willst ein wenig schlaffen vñ ein wenig
schlummern / vnd ein wenig die hende zūsamē thun / das du rüwest / Ab-
er es wirt dir dein armüt kommen wie ein wanderer / vnd dein mangel
wie ein gewapneter man.

Das. XXV. Capitel.

21 **D**is seind auch sprüche Salomo / welche zūsamē bracht haben
die menner Hiskia des künigs Juda. Es ist Gottes ehre / ein
ding verbergen / Aber der künige ereifts ein ding erforschen.
Der hymmel ist hoch vnd die erden tieff / Aber der künige hertz ist vn̄er-
forschlich

forschlich. Man thû den schawm vom silber/ So wirt ein rein geschiz
 draus. Man thû gottlos wesen vom künige/ So wirt seyn thron mit
 gerechtigkeit gefordert. Prangenicht vor dem künig/ Vnd tritt nit an
 das ort der grossen. Den es ist dir besser dz man zû dir sage/ tritt hieher
 auff/ Den das du vor dem fürsten genidigt wirst das deyne augē sehen
 müssen. Harenicht bald eraus zû zancē/ Den was wiltu hernach ma-
 chen weñ du deinen nehisten geschendet hast. Handel deyne sache mit
 deinem nechsten/ vñ offenbar nicht eins andern geheymnis/ Auff das du
 nicht geschendet werdest/ so mans höret vñ deyn böse gerücht nicht ab-
 lasse. Ein wort gerett zû seiner zeit/ Ist wie güldē öpffel in silbern schüs-
 seln. Wer einen weisen strafft der im gehorchet/ Das ist wie ein gülden
 orring vñ güldē halsband. Wie die kelte des schnees zur zeit der erndte
 So ist ein getrüwer botte dem der in gesandt hat/ vnd er quickt seines
 herrn seele. Wer rhümet vnd gibt nicht/ Der ist wie wolcken vñ wind
 on regē. Durch gedult wirt ein fürst versünet/ Vñ ein linde zugebricht
 die hertigkeit. Hindestu honig/ so iss seyn gnüg/ Das du nicht zû satt
 werdest vñ speyest es aus. Anzeuch deinē füs vom hause deines nehi-
 sten/ Er möcht dein überdrüssig vñ dir gram werdē. Wer wider seinē
 nechsten falsch zeugnis redt/ Der ist ein spies/ schwert vñ scharpffe pfeyl.
 Die hoffnung des vnachtsamē zur zeit der not/ Ist wie ein fauler zan vñ
 gleittender füs. Wer ein bösen hertze lieder singet/ dz ist/ wie ein zerris-
 sen kleid weñs kalt ist/ vnd essig auff der kreidē. Hungert deinen feind/
 so speyse in mit brodt/ Dürstet in so trencke in mit wasser. Denn du
 wirst kolen auff sein haupt heüffen/ vnd der HERR wirt dir vergelt-
 tē. Der Sudwind vertreibt den regē/ Vñ ein sawr angesicht die heim-
 liche zunge. Es ist besser im winckel auff dem dach sitzen/ Den bey ein
 zenckische weibe in einem hause. Ein güte gerücht auß ferrem land/ Ist
 wie kalt wasser einer dürstigen sele. Ein gerechter der für ein gottlo-
 sen fellt/ Ist wie ein betrubter brun vnd verderbte quell. Wer zūmil ho-
 nig isst/ das ist nicht güte/ Vnd wer schwer ding forschet dem wirts zū
 schwer. Ein man der seinen geyst nit haltē kan/ Ist wie ein offene statt
 on mauren.

Das. XXVI. Capitel.

Weder der schnee im summer/ vnd regen inn der erndte/ Also rey-
 met sich dem narre ehre nicht. Wie ein vogel dahin feret vnd
 ein schwalbe fleuget/ Also ein vnuerdient fluch triffet nicht.
 Dem roß ein geysel/ vnd dem esel einen zaum/ Vnd dem nar-
 ren ein rüten auff den rucken. Antworte dem narren nicht nach seiner
 narheyt/ Das du in nicht auch gleich werdest. Antworte aber den nar-
 ren nach seiner narheit/ Das er sich nicht weise lasse dunckē. Wer seine
 sache durch einen törichten bottē aufricht/ Der ist wie ein lamer an füs-
 sen vnd schadē nympt. Wie der krüppel seine beyn kan aufrichtē/ So
 ist ein spruch in des narre mund. Wer ein narre ehre anlegt/ Das ist als
 weñ einer einen edlen stein auff den rabesteyn würffe. Ein spruch inn
 eins

Ere ist güte
 reychtüb vñ
 alles da mā
 ere von hat.

eins narre mund / Ist wie ein dorn der in eins trunckē hand sticht. Eyn erfarnier richt allerley wol aus / Aber wer einē narre dingt der dingt vnachtsame. Wie ein hundt sein gespeiets wider frisst / Also ist der narre seine nartheit wider treibt. Wenn du einen siehest der sich weise dunckt / Da ist an ein narre mer hoffnung den an im. Der faule spricht / Es ist ein junger lewe auff dem wege / Vñ ein lewe auff dē gassen. Ein fauler wendet sich im bette / Wie die thür in der angel. Der faule steckt seyne hand in den büsen / Vñ wirt im saur das er sie zum munde wider thū. Ein fauler dunckt sich weiser / Den sibē die do sittē lerē. Wer fürgehet vñ sich menget in frembdē has / Der ist wie einer den hund bey dē oren zwacket. Wie der schedlich ist / der mit schoss vnd pfeilen scheusst vnd tödtet / Also thūt ein falscher mensch mit seim nebstē vñ spricht darnach ich hab geschertzet. Wenn nimmer holtz da ist / so verlesscht das feur / Vñ wenn der verleumbder weg ist hōret der hader auff. Wie die kolen eyn glūt vnd holtz ein feur / Also richt ein zencklischer man hader an. Die wort des verleumbders seind wie schlege / Vnd sie gehen ins innerst des bauchs. Giffrige lefftzen vñ böses hertz / Ist wie ein hasen mit silber schaum überzogen. Der feynd wirt erkent bei seiner rede / Vnd wenn er sich herzu thūt / geht er mit falscheit vmb. Wenn er seyne stym hold selig macht so glaube im nicht / Den es sind sibē grewel in seinem hertze. Wer den has verbirget das er schadē thū / Des bofheit wirt für der gemeine offenbar werden. Wer ein grübē macht der wirt drein fallen / Vñ wer einē stein walzet auff den wirt er kōmen. Ein falsche zunge hasset der in demütiget / Vnd ein heuchel maul richt verderben an.

Das. XXVII. Capitel.

R Vme dich nicht des morgenden tags / Den du weissest nitt was heut sich begeben mag. Was dich einen andern loben vnd nit deinen mundt / Einen frembden vnd nit deine eygen lefftzen. Steyn ist schwer / vnd sandt ist last / Aber des narren zorn ist schwerer denn die beyde. Zorn ist ein wüdtig ding / vñ grymm ist vngestüm / Vnd wer kan vor dem neid bestehen? Offentliche straffe ist besser / Den heimliche liebe. Die wundē des liebhabers sind treuw / Aber das küssen des hassers betrieglich. Eyn volle seel tritt wol auff honig seym / Aber einer hungerigen seel ist alles bitter süsse. Wie ein vogel ist der aus seinem nebst weicht / Also ist der von seiner stette weicht. Das hertz frewet sich der salben vñ reüchwerck / Aber eins freünd ist lieblich / vmb radts willen der seelen. Deinen freünd vñ deines vatters freünd verlas nicht. Vñ gehe nicht ins haus deins brüders wenn dir's übel geht / Den ein nachbar ist besser in der nehe / den ein brüder inn der ferre. Sei weise mein sun / so freüwet sich mein hertz / So wil ich antwortten dem der mich schmecht. Ein witziger siehet das vnglück vnd verbirget sich / Aber die thoren gehen durch vnd leidē schadē. Nim dem sein kleyd der für ein andern bürge wirt / Vnd pfende in vmb des frembden willē

Alte freünd die besten. Den frembde thün mer güts den eygen freünde

Wer

Wer seinen nehisten mit lauter stym segenet vñ frū auffstehet / Das wirt ^a
 im für ein fluch gerechnet. ^c Das ist / wer seer schilt / der lobt / vnd wer seer lobt / der schilt
 denn man glaubet in nicht / weyl sie es zu gros machen. Ein zenckisch weyb vnd stet-
 tigs triessen wenns seer regent / Werden wol mit eynander vergleicht.
 Wer sie auffhelt der hellt den wind / Vnd will das ole mit der hand fass-
 fen. Ein messer wezt das ander / Vnd ein man den andern. Wer sei-
 nen seygenbaum bewaret der ist fruchte dauon / Vnd wer seinen hern ^d ^{zist / traw}
 bewaret / wirt geeret. Wie die antliz im wasser gegenand antliz seind ^{niemāt / den}
 so ist des mensche hertz gegē einem andern mensche. Hell vnd verderb- ^{traw reit dz}
 nis werdē nimer voll / Vnd der mensche augē seind auch vnsettig. Ein ^{pferd weg.}
 man durch den mund des lobs bewert wirt / wie das sylber im tiegel /
 vnd das gold im ofen. Wenn du den narre im möser wie grütze zersties-
 sest mit dem stempfel / So liesse doch seine nartheyt nicht vō jm. Auff
 deine schaffe hab acht / Vnd nim dich deiner herde an. Dein güt weret
 nicht ewiglich / Vnd die ^bkrone weret nit für vnd für. ^{b(krone) das ist / die herz}
 schafft im hausc / als solt er sagen, las dir gnügen an dem das vorhanden ist / hie ist nicht bleibens.
 Das hew ist auffgangen vnd ist da das gras / Vnd wirt kraut auff den
 bergen gesamlet. Die lemmer kleyden dich / Vnd die böck gebē dir das
 acker gelt. Du hast ziegen milch gnüg zur speyse deines hauses / Vnd
 zur narung deiner dirnen.

Das XXVIII. Capitel.

Der gottlos fleucht vnd niemant jagt in / Der gerecht aber ist ge-
 tröst wie ein junger lew. Umb des lands sünde willen / muß
 es vil fürsten haben / Aber vmb der leüt willē die verstendig vñ
 bescheydē seind bleibt er lang lebē. Ein armer man der die geringen be-
 leydigt / Ist wie ein melthaw ^d die frucht verderbt. Die das gesetz ver-
 lassen / leben den gottlosen / Die es aber bewarē / seind vnwillig auff sie.
 Böse leüt mercken nicht auffs gericht / Die aber nach dē ^{HERREN} fra-
 gen mercken auff alles. Es ist besser ein armer der in seyner frumkēyt
 geht / denn ein reicher der inn verkereten wegen gehet. Wer das gesetz
 bewart / ist ein verstendig kynd / Wer aber schlemmer neeret / schēdet sei-
 nen vatter. Wer sein güt meret mit wücher vnd übersatz / Der samlet ^b
 es zu nutz der armen. Wer sein ore abwendet zu hōre das gesetz / Des ge-
 bett ist ein grewel. Wer die auffrichtigen verfürer auff bösem wege / ^d
 wirt in seine grüben fallen / Aber die frumē werdē güts erbē. Ein reich
 erdunckt sich weise sein / Aber ein armer verstendiger forschet in. Inn
 der freude der gerechtē ist vil rhūms / Wenn aber gottlosen auffkommen
 wendet sichs mit den leütē. Wer seine missethat leügnēt / dem wirt nit
 gelingē / Wer sie aber bekēnet vnd laßt / der wirt barmherzigkeit erlangē
 Wol dem der sich allwege söcht / Wer aber hartmütig ist wirt inn vn-
 glück fallē. Ein gottlos der über ein arm volck regiert / Das ist ein brül-
 leder lew vnd gynger beer. Wenn ein fürst on verstandt ist / so geschicht
 vil vnrechts / Wer aber den geytz hasset ^d wirt lange lebē. Ein mensch
 der am blüt einer selē vnrecht thüt / Der wirt nicht erhaltē ob er auch inn
 O ij die

Die sprüch

die hell süre. Wer frum einher geht/wirt genesen/Wer aber verkerets
wegs ist/wirt auff ein mal zerfallen. Wer seynen acker bauwet/wirdt
brodts gnüg habē/Wer aber müßiggang nach geht wirt armüts gnüg
haben. Eyn treuwer man wirt vil gesegnet/Wer aber eylet reych zu
werden/wirt nicht vnschuldig bleyben. Person ansehen ist nicht güt/
Den er thet übel auch wol vmb eyn stück brodts. Wer eylet zum reych
thumb vnd ist neydisch/Der weißt nicht das jm vnfall begegengen wirt.
Wer einen mensche strafft/wirt hernach gunst finden/Mer den der da
heüchelt. Wer seinem vatter oder mütter nimpt/vnd spricht/es sey nit
sünde/Der ist des verderbers geselle. Ein stolzer erweckt zancf/Wer
aber auff den **S E R R U** sich verlast/wirt feyst. Wer sich auff seyn
hertz verlast/ist ein narz/Wer aber mit weißheit gehet/wirt entrinnen.
Wer dem armen gibt/dem wirt nicht mangeln/Wer aber seine augen
abwendet/der wirdt seer abnemen. Wenn die gottlosen auffkommen
so verbergē sich die leüt/Wen sie aber vmbkōmen/wirt der gerechtē vil.

Das. XXIX. Capitel.

Wer wider die straffe halstarrig ist/Der wirt plötzlich ver-
derben on alle hilffe. Wen der gerechten vil ist/freüwet sich
das volck/Wen aber der gottlose herrschet/seuffzet dz volck.
Wer weißheyt liebt/er freüwet seynen vatter/Wer aber mit hüren sich
neret/kompt vñ sein güt. Ein künig richt dz land auff durchs gericht/
Ein geitziger aber verderbet es. Wer mit seinem nehste heüchelt/Der
breit ein netz zu seinen füßstapffen. Wen ein böser sündigt/verstrickt er
sich selbs/Aber ein gerechter freüwet sich vnd hat wonne. Der gerecht
erkennt die sache der armē/Der gottlos achtet kein bescheydeheit. Die
spotter handeln frech mit der statt/Aber die weisen stille dē zorn. Wen
ein weiser mit ein narren zu gericht kompt/Er zürne oder lache/so hatt
er nicht rüwe. Die blütgirigē hassen den frummen/Aber die auffrich-
tigen süchen seine seele. Eyn narz schütt seynen geist gar aus/Aber eyn
weiser helt an sich. Eyn herr der zu lügen lust hat/Des diener sind alle
gottlos. Ein armer vñ wücherer begegengen einander/Aller beid augē
erleucht der **S E R R U**. Ein künig der die armē treuwlich richtet/Des
thron wirt ewiglich bestehen. Büthe vñ straff gibt weißheit/Aber ein
knebe jm selbs gelassen schendet seyn mütter. Wo vil gotlosen sind/da
seind vil sünde/aber die gerechtē werdē iren fall erlebē. Züchtige dei-
nen sun/so wirt er dich ergezē/Vnd wirt deiner selē sanfft thün. Wen
die weissagung auß ist/feret das volck dahin/Wol aber dem der das ge-
setz hanthabet. Ein knecht last sich mit wortē nit züchtige/Den ob ers
gleich versteet/nympt er sichs doch nicht an. Sihestu einen schnell zu
reden/Da ist am narren mer hoffnung den an jm. Wen ein knecht von
jugent auffzertlich gehalten wirt/So will er darnach ein juncker sein.
Ein zornig man richtet hadder an/Vnd ein grimmiger thüt vil sünde.
Die hoffart des mensche wirt in nidigē/Aber den nidigē müt wirt er
empfaben.

empfaben. Wer mit diebeteyl hat/hasset seine seel/Er höret lestern vñ sagets nicht an. Für mensche sich scheuhē bringt zufall/Wer sich aber auff den **HERN** verlast/wirt beschützt. Wil süchen das angesicht eins fürstē/Aber eins yeglichen gericht kompt vom **HERN**. Ein vnrechter man ist den gerechtē ein grewel/Vnd wer rechts wegs ist/der ist des gottlosen grewel. **Das. XXX. Capitel.**

DIs seind die wort Agar des suns Jacke/lerē vnd rede des manns Leithiel/Leithiel Vchal. Denn ich bin der aller nerzisch/vnd mensche verstandt ist nicht bey mir. Ich hab weißheit nicht gelernt vñ der heyligē erkentnis weys ich nicht. Wer fert hinauff gen hymel vnd erab? Wer fasset den windt in seine hende? Wer bindet die wasser in ein kleyd? Wer hat alle ende der welt gestellet? Wie heyst er? vnd wie heyst sein sun? weystu das? Alle wort Gottes seind durchleütert vnd seind ein schildt denen die auff in trauwē. Thū nichts zū seinē worten/daser dich nicht straffe/vnd werdest lügēhafftiger fundē. Zwey erley bitte ich von dir/die woltest du mir nicht wegern/ehe den ich sterbe. Eytelkeyt vñ lügē las ferre von mir sein. Armüt vnd reichtum gib mir nicht. Las mich aber mein bescheyden teyl speyse dahin nemen. Ich möcht sunst/wo ich zū satt würde/verleugnē vnd sage/wer ist d^r **HERN**? oder wo ich zū arm würde/möcht ich stelen vnd mich an dē namē meins Gottes vergreyssen. Terrate den knecht nicht gegē seinem herren/Er möcht dir flüchen vnd du dich verschuldigē. Es ist ein art die irem vater flücht/vñ ire mütter nicht segenet. Ein art/die sich reyn dunckt vñ ist doch von irem dreck nicht gewasschē. Ein art die jr augē hoch tregt/vñ jr augēlid empor hellt. Eine art die schwerter für zen hat/Die mit iren backen zen frisset vnd verzeret die elenden im lande vnd die armen vnder den leütten. Die äegel hat zwo töchter/Bring her/Bring her. Drey ding seind nicht zū settigē/vñ das vierde spricht nicht/es ist gnüg. Die hell/Der frauwē bauch/Die erde wirt nicht wassers satt/Vnd dz fewr spricht nicht/Es ist gnüg. Ein auge dz den vatter verspottet vñ veracht der mütter zū horchē/das müssen die raben am bach aufhawen vnd die jungen adeler fressen. Drey seind mir zū wunderlich/vnd das vierde weys ich nicht. Des adelers weg im hymel/Der schlangen weg auffeym felsen/Des schiffes weg mittē im meer/vnd eins mans weg an einer magd. Also ist auch der weg der eebrecherinn die verschlingt vnd wiffcht jr maul vnd spricht/Ich hab kein übel gethan. Ein land wirt durch dreyerley vnruwig/vñ dz vierde mag es nicht ertragē. Ein knecht wen er künig wirt. Ein narz wen er brots zū satt ist. Ein seintselige wen sie geehlicht wirt/Vnd ein magd wen sie irer frawen erbe wirt. Vier seind klein auff erdē vnd klüger den die weisen. Die emmeyssen ein ommechtig volck/Aber im sommer bereytē sie ire speyse/Külle ein schwach volck/Aber es legt sein hauf inn den felsen. Hewschrecken haben keinen künig/Es zethicht aber auf ganz mit hauffen. Die spinne hefftet sich mit

21
Dies siber
als ei zusatz
eins weisen
mans, vnd
die spruch
Salomo.

3
4

Die sprüche

iren henden vñ ist in der künige palasten. Dreierlei haben einen feinen gang/vñ das vierde gehet wol. Der lew mechtig vnder dē thiere/Vñ feret nicht vmb für yemandt. Ein wind vō gūten lende/Vñ ein wider/Vñ der künig/wider den sich niemant thar legen.

Darrestu vñ erhebest dich vñ nimpst böses für /so leg dye hand auff s Maul. Den weñ man milch stoffet so macht man butter drans. Un wer die nasen druckt/zwingt blüt eraus. Un wer dē zorn reytzet/zwingt hadder eraus.

Das XXXI. Capitel.

21
Dz ist aber ein zusatz eines künigs zu den sprüchen Salomo.

DIs sind die wort des künigs Lamuel/Dielere die in seine müter leret. Ach meyn auferweleter: Ach du sun meyns leybs: Ach mein gewündschter sun: Was nicht den weibern dein vermit gen/noch deine weg zu vertilgē die künige. O nicht dē künigen/Lamuel gibt den künigen nicht wein zu trinckē/noch den fürsten starck getrencke. Sie mochten trincken vñ der recht vergessen/vnd verendern die sachē irgent der ellenden kinder. Gebt starck getrencke denen die vmbkömen sollē/vñ den wein den betrubten selen /das sie trincken vnd irs armüts vergessen/vnd irs vnglücks nicht mer gedenckē. Thū deinē mund auff für die stummē/vnd für die sache aller kinder die verlassen seind. Thū deinen mund auff vñ richte recht/vnd reche den elenden vñ armen.

Wer wil ein redlich weib finden: Sie ist edler den perlen. Irs mans hertz thar sich auff sie verlassen /vñ narung wirt ym nit imangeln/Sie thüt jm gūts vñ kein böses/sein lebelang. Sie geht mit wolle vñ flachs vñ/vnd arbeitet gern mit irē hēdē.

Sie ist wie ein kaufmāns schiff /Dz seine narung vō ferre bringet. Sie steht des nachts auff vnd gibt säter irem hauf /Vnd essen iren dirnen.

Sie denckt nach ein acker vnd kauft in /Vñ pflantz eine weinberg vō den fruchten irer hende. Sy gürtet ire lende fest/Vnd streckt ire arme.

Sy fület das jr handel gūt ist /Ihr leuchte verlescht des nachts nicht. Sy streckt jr hand nach dem rockē/Vñ ir finger fassen die spindel. Sy breytet ire hende aus zu dem armē /Vñ reichet ire hand dem dürfftigen.

Sy fürcht irs hauses nicht vor dem schnee/Denn jr ganzes haus hatt zweierley kleider. Sy macht jr ein geschmuck/Weisse seidē vñ purpur ist ir kleid. Ir man ist berümbt in den thoren/Wen er sitzt bey dē eltistē

Des lands. Sy macht ein rock vñ verkauft in /Eine gürtel gibt sy dem kremer. Sterck vñ gschmuck ist jr kleid/Vñ wirt hernach lachē. Sie thüt iren mund auff mit weisheyt/Vnd auff irer zungē ist dz gesetz der gūte. Sy schawet auff die genge irs hauses/Vñ isset jr brot nicht mit faulheit. Ire sūne kommen auff vñ preysen sie selig /Ir man lobet sie.

Uil töchter bringen reichumb zusamen /Du aber übertriffest sie alle. Gunst ist falsch vñnd schöne ist eyttel /Ein weib das den **S E R R A** fürcht/sol man loben. Gebt jr von den fruchten irer hende /Das sy ire werck loben in den thoren.

Ende des büchs der sprüch Salomo.

Do red

Dies buch heisst auff Ebreisch Koheloth / das ist einer der offentlich in einer gemeine redet / Denn Kahal heisst eyn gemeyne ver samlet bey einand / die man auff krieichisch Ecclesia / nennet. Es ist aber das buch freilich nicht durch den künig Salomo selbst mit eigener hand geschriben oder gestellet / sondern aus seinem mund durch andere gehört / vñ von den gelerten also zusamen gefast / wie sie den selbst am ende bekennē / da sie sagē / Dise wort der weisen sind spyen vñ negel / gestellet durch die meister der gemeine / vñ von einē hirten dargebē / das ist / Es sind zū der zeyt von künigen vñ volck etlich auserwelte verordēt geweest / dis vñ ander bücher vō Salomo dem einigē hirtē dargereicht / also zū stellen vñ ordnen / dz nicht ein ieglicher hat müssen bücher machē wie in gelustet / wie daselbst sie auch klage / das bücher machens kein end ist / vñ verbietē andere anzunemen.

Solche leüt nennen sich hie meister der gemeine / das die bücher habē müssen durch ir hand vñ ampt angenommen vñ bestettigt werdē / Den dz Jüdisch volck hatte ein euserlich regiment vō Gott eingesetzt / Darumb solchs wol gewis vñ recht geschehē künd. Also ist auch dz buch 8 sprüch Salomo zusamē gestückt durch andere / vñ hinten dran etlicher weiser menner lere vñ sprüch hyn zū gesetzt. Item das hohe lied Salomo sibet auch als ein gestückt buch vō andern aus Salomo mund genomē / Daher auch keine ordnung in disen büchern gehalten ist / Sondern eins ins ander gemengt / wie sie es nicht alles zū einer zeit / noch auff ein mal von im gehört haben / wie solcher bücher art sein müs.

Nun dis buch solt billich den titel haben / das es wider den freyē willē geschriben were / Den es alles dahin zeucht / das aller mensche / radt / anschlege / vñ fürnemen vñ sonst vñ vergeblich sind / vñ ymer anders hin aus gehet / den wir wöllen vñ denckē / auff das er vns lerne gelassen stehē vñ Gott lassen alleine alle ding / über / wider / vñ on vnsern wissen vñ radt thün. Darumb müstu nicht dis buch also verstehē / als schelte es die creaturn Gottes / wen es spricht / Es sei alles eitel vñ jamer zc. Den Gottes creaturn sind alle güt Gene. j. Vñ. ij. Thimo. iiij. Auch leret es selbst / das einer sol gütē müt habē mit seim weybe / vñ des lebens brauchē. zc. Sondern das die anschlege vñ fürnemen der mēschen mit dē creaturen zūfarē / all zūmal felen vñ vergeblich sind / wen man sich nicht lest benötgen an dem das vorhanden gegenwertig ist / sondern wil auff's künfftig sie meistern vñ regirn. So geets alwege den krebs gang / das man nicht mer den verlorne sorge vñ mühe gehabt hatt / vñnd geschicht doch was Gott wil vñ denckē / Nicht was wir wöllen vñ dencken. Summa / da Christus spricht Matt. vj. Sorget nicht für den morgend tag / Den der morgend tag wirt sein selbst sorge haben / Es ist gnüg dz ein yeglich tag sein übel hat. Diser spruch ist die glose vñ inhalt dises buchs. Sorgē für vns gehört Gott zū / Vnser sorgē felt doch / vñ gibt eittel verlorne mühe.

Der Prediger Salomo.

Das Erst Capitel.

Dies sind die wort des predigers / des
suns Davids des küniges zu Jerusalem / Es ist alles ganz ey
tel / Sprach der Prediger / Es ist alles ganz eyttel. Was hat
der mensch mer v̄o aller seiner erbeyt da mit er vmbgehet vnder der son
nen: Ein geschlecht vergehet / das and̄ kompt / die erde bleibt aber ewig
lich / Die sonne gehet auff vnd gehet widder nider / v̄nnd gehet an jr ort /
das sie wiß daselbst auffgehe. Der windt gehet gen mittag / vnd kompt
herumb zur mitternacht / vnd widder herumb an das ort da er anfieng.
Alle wasser lauffen inns meer / noch wirt das meer nicht v̄oller. An das
ort da sie her fließen / fließen sie widder hyn.

Es ist alle ding schwer / Niemand kan es aufreden. Das auge sibet
sich nymer satt. Vnd das ohr höret sich nymer satt. Was ist das gewe
sen ist: Eben das noch werden soll. Was ist das gemacht ist: Eben dz
man noch mache soll. Vnd ist nichts newes vnder der sonne. Ist auch
etwas / dauon man sagen möcht / sihe / das ist new: Den es ist schon ge
wesen in vorigen zeitten / die vor vns gewesen sind. Man gedenckt des
vorigen nymer / Also auch des das hernach kompt wirt man nicht ge
dencken / bey denen die hernach sein werden.

Ich Prediger war künig über Israel / Vnd begab mein hertz zu sūchē
vnd zu forschen weißlich / alles was man vnder dem hymel thūt. Sol
che vn selige mühe hat Gott den menschen kindern gebē / das sie sich dunt
nen müssen mühe. Ich sahe an alles thūn / das vnder der sonne geschicht
vnd sihe / es war alles eyttel vnd jamer. Künig kan nicht schlecht werdē /
noch der feyl gezelet werden.

Ich sprach in meym hertzen / Sihe / ich bin herlich worden / vnd habe
mer weißheyt denn all die vor mir gewesen sind zu Jerusalem / V̄nnd
mein hertz hat vil weißheyt vnd erkentnis gesehen. Vnd gab auch mein
hertz drauff / das ich erkennet weißheyt vnd torheyt vnd flügheyt. Ich
ward aber gewar / das solchs auch mühe ist / Den wo vil weißheyt ist /
da ist vil vn̄müts. Vnd wer vil erfert / der müß vil leiden.

Das II. Capitel.

Ich sprach inn meym hertzen / Wolan / ich will wol leben vnd gūt ta
ge haben / Aber sihe / das war auch eyttel. Ich sprach zum lachen / du
bist toll / vnd zur freude / was machstu?

Da dacht ich inn meym hertzen / Mein fleysch vom weyn zu zihē / vnd
mein hertz weißlich zu fürē / zu begreifen die flügheit / bis ich den mensch
en zeygen möchte / was in gūt were / das sie thūn solten / so lange sie v̄nd
dem hymmel leben. Ich thet grosse ding / Ich bauwet heuser / pflanzet
weynberge / Ich macht mir gartē / vnd lustgarten / vnd pflanzet allerley
fruchtbar

fruchtbar bewome dreyen / Ich macht mir teyche / darauf zu wessern den walt der grünenden beüme / Ich hatte knechte vnd megde vnd gesinde / Ich hatte ein grösser habe an rindern vnd schafften / den alle die vor mir zu Jerusalem gewesen waren / Ich samlete mir auch sylber vñ gold / vñ von den künigen vnd lendern einen schatz / Ich schafft mir senger vñ sengerinn vnd wollust der mensche / tentzer vnd tentzerin . Vnd nam zu über alle die vor mir zu Jerusalem gewest waren. Auch bleyb weisheit bey mir / Vnd alles was meine augen wünschen / das ließ ich in / vnd weret meinem hertzen kein freude / das es frölich war von aller meiner erbeyt / Vnd das hielt ich für mein teyl vñ aller meiner erbeyt. Da ich aber ansah alle meine werck / die meine hand gethan hatte vnd erbeyt die ich gethan hatte / Sibe / da war es alles eytel vñ jamer / vnd nichts mer vnder der sonnen.

Da wand ich mich zu sehen die weisheit / tollheit / vnd thorheit / Den wer ist ein mensch der es dem künige kan nach thun / der in gemacht hat? Da sahe ich / das die weisheit die thorheit übertraff / wie dz liecht die finsternis. Das eins weisen augē in seym heubt stehen / Aber ein narz im finsternis gehe / Vnd merckt auch / das eym gehet wie dem andern.

Da dacht ich in meym hertzen / Weyl es dem narzen gehet wie mir / warumb habe ich den nach weisheit gestanden? Da dacht ich in meym hertzen / das solchs auch eytel sey. Denn man gedencet des weisen nicht ewiglich / eben wie des narzen / vnd die künfftigen tage vergessen alles / Vnd wie der weise stirbt / also auch der narze. Darum verdros mich zu leben / Denn es gefiel mir übel was vnder der sonnen geschicht / das es so gar eytel vnd mühe ist.

Vnd mich verdros alle meine erbeyt die ich vnder der sonnēhett / das ich die selben einem menschen lassen müst / der nach mir sein sollt / Denn wer weys ob er weise oder toll sein wirt? Vnd soll doch herschen in aller meiner erbeyt / die ich weislich gethan habe vnder der sonnen. Das ist auch eytel. Darumb wand ich mich / das mein hertz abliesse von aller erbeyt die ich thet vnder der sonnen.

Denn es müs ein mensch der seine erbeyt thut / mit weisheit / bescheydenheit vñ geschickligkeit / eym andern zum erbteyl lassen / der nicht dran erbeytet / Das ist auch eytel vnd ein gros vnglück / Denn was er kriegt der mensch von aller seiner erbeyt vnd mühe seins hertzen / die er hat vñ der sonnen? Denn alle seine lebtage schmerzen mit leyd vnd vnmüt / Das auch sein hertz des nachts nicht rüwet / Das ist auch eytel.

Ist nun nicht besser dem menschen / essen vnd trincken vnd seine seele guter dinge sein in seiner erbeyt? Aber solchs sahe ich auch / dz von Gottes hand kompt / Denn wer hat mer gessen vnd thettiger draussen gewesen denn ich? Denn dem mensche der im gefellt / gibt er weisheit / erkentnis vñ freude / Aber dem sündler gibt er vnglück / das er samle vnd heüffe / vnd doch dem geben werde / der Gott gefellt / Darumb ist das auch eytel jamer.

Der Prediger.

Das. III. Capitel.

In yeglichſ hat ſeine zeyt/vñ alles fürnemē vnder dem hym-
mel hat ſeine ſtunde. Geborn werden hat ſeine zeyt. Sterbē
hat ſeine zeyt. Pflanzten hat ſeine zeyt. Aufrauffen das ge-
pflantz iſt/hat ſeine zeyt. Würgē hat ſeine zeyt. Heylen hat
ſeine zeit. Brechen hat ſeine zeyt. Bawen hat ſeine zeyt.

Weynen

Lachen

Klagen

Tanzen

Steyn verwerffen } hat ſeine

Steyn ſamlen } zeyt.

Herzen

Ferren von herzen

Süchen

Verlieren

Behalten

Wegwerffen

Zerreiffen

Zū neen

Schweigen

Keden

Lieben

Haſſen

Streyt

Frid

} hat ſeine
zeyt.

Was kan man mer thū man erbeyt wie man will:

B Daher ſabe ich die mühe die Gott den menſchē gebē hat/das ſie dzy-
nen geplagt werden/nemlich/das alles was er thūt das iſt ſein zū ſeiner
zeyt vnd hat die welt inn ſr hertz geben. Doch kan der menſch nicht tref-
fen das werck das Gott thūt/weder anfang noch ende. Darum merck
ich/das nichts beſſers dzyinnen iſt/den frölich ſein/vnd im gülich thūn
in ſeim leben/Denn ein yeglicher menſch der do iſt vnd trinckt/vñ hat
güten müt inn all ſeiner erbeyt/das iſt ein gabe Gottes.

C Ich mercke/dz alles was Gott thūt/das beſteet ymer/man kan nichts
dazū thūn noch abthūn. Vnd ſolchs thūt Gott/das man ſich vor im für-
chten ſoll. Was geweſen iſt/das iſt noch/Vnd was werdē ſoll iſt ſchon
geweſen/Denn Gott tracht vnd jagt im nach.

Weytter ſabe ich vnder der ſonnen ſtett des gerichtſ/da war ein gott
loſ weſen/vñ ein ſtatt der gerechtigkeit/da war ein gottloſer. Da dacht
ich in meinem hertzen/Gott müs richten den gerechten vnd gottloſen/
Denn es hat alles fürnemen ſeine zeyt/vnd alle werck.

D Ich ſprach in meym hertzen von dem weſen der menſchē/wie ſie Gott
welet/vnd leſts anſehen/als weren ſie viech vndereinander/Den es ge-
het dem menſchen wie dem viech/Wie diſ ſtirbt/ſo ſtirbt das auch/vñ
habē alle einerley othem/Vnd der menſch hat nichts mer den das viech
Den es iſt alles eyttel. Es feret alles an einen ort. Es iſt alles von ſtaub
gemacht/vnd wirt wider ſtaub. Wer weys/ob der othem der menſch
en auffwerts fare/vnd der othem des viechs vnderwerdts vnder die er-
den faren: Darumb ſage ich/das nichts beſſers iſt/denn das ein menſch
frölich ſey inn ſeiner erbeyt/Denn das iſt ſein teyl. Denn wer will in da
hyn bringen/das er ſebe/was nach im geſchehen wirt: ^a Das iſt/ſorge nicht
für morgen/denn du weyſt nicht was werden wirt/laß dir benügen heüte/Morgen kompt auch
tag vnd radt.

Das. III. Capitel.

Ich wandte mich vnd sahe an alle die vnrecht leidē vnder der sonnen. Vnd sihe/ da waren threnen dere so vnrecht leidē/ vñ hattē keinen tröster/ vnd die in vnrecht thettē/ waren zū mechtig/ das sie keinen tröster haben kundten/ Da lobet ich die todten die schon gestorben waren/ mer den die lebendigē/ die noch das leben hetten/ Vnd dennoch besser denn alle beyde/ der noch nicht ist/ vñnd die bösen werck nicht sihet/ die vnder der sonnen geschehen.

Ich sahe an erbeyt vnd geschickligkēyt in allen sachen. Da neidet einer den andern/ Das ist ye auch eytel vnd mühe/ Den ein narz schlegt die finger in einander/ vnd frisset sein fleysch. Es ist besser eine handt voll mit rüwe/ den beyde feuste voll mit mühe vnd jamer.

Ich wandte mich vnd sahe die eytelkēyt vnder der sonnen. Es ist ein eyngeler vnd nicht selbender/ vnd hat weder kind noch brüder/ noch ist seines erbeytens kein ende/ vnd seine augen werdē reichthums nicht satt. Wem erbeyte ich doch/ vnd breche meiner seele ab? Das ist ye auch eytel vnd ein böse mühe. So ist ye besser/ zwey denn eins. Denn sie genießten doch irer erbeyt wol. Fellet jr einer/ so hilfft im sein gesell auff. Wee der der alleyne ist/ wenn er fellt/ so ist kein ander da der im auff helffe. Auch weñ zwey bey einander ligē/ wermē sie sich/ Wie kan ein eyngeler warm werdē? Einer mag überweltiget werdē/ Aber zween mügē wider steen/ Denn ein dreyfelltige schnür reyßt nicht leicht enzwey.

Kan yemāt etwas so ist mā im feint vnd dseynd ist doch selb ein narz der e nichts kan/ denn das er für haß sich selbst martert/ d'umb ist ye elend wesen auff erden. S

Ein arm kindt das weise ist/ ist besser den ein alter künig der ein narz ist/ vnd weyß nicht sch für zū sehen.

Es kompt einer aus dem gefengnis zum künigreyche/ Vnd einer der in seym künigreiche geporn ist/ verarmet. Vnd ich sahe das alle lebendige vnder der sonnen wandeln bey ein andern kinde/ der an ihenes statt solauff kommen. Vnd des volcks das vor im gieng/ war kein ende/ vnd des das im nach gieng/ vnd würdē sein doch nicht fro. Das ist ye auch eytel vnd ein jamer.

^b (Lebendige) heißt Salomo/ die herzlich leben auff erden/ als were das leben vnd die welt jr eygen.

Das. V. Capitel.

Bewar deinen fuß wenn du zūm hause Gottes gehest/ vnd kom das du hörest/ das ist besser den der narren opffer/ Denn sie wissen nicht was sie böses thün.

Sey nicht schnell mit deinem munde/ vnd las dein hertz nicht eylen et was zū reden vor Gott/ Denn Gott ist im hymmel vnd du auff erden/ Darumb las deiner wort wenig sein. Den wo vil sorgen ist/ do komen trewme/ Vnd wo vil wort seind/ do höret man den narren.

Wenn du Gott ein gelübde thüst/ so verzeuchs nicht zū haltē/ Den er hat kein gefallē an den narre. Was du gelobest/ dz halte. Es ist besser du gelobest nichts/ denn das du nicht heltest was du gelobest.

Verhenge

Der Prediger.

B Verhenge deinem munde nicht / das du dein fleysch sündigen lasset /
Vnd sprich vor dem engel nicht / Er ist vnwissend / Gott möcht erzürnē
über deine stym / vnd verderben alle werck deiner hende.

Wo vil trewm seind / da ist eytelkeit vñ vil wort / Aber fürchte du gott.

Sihest du dem armen vnrecht thün / vñ gericht vnd gerechtigkeit im
lande weg reissen / wunder dich des fürnemens nicht / Denn es ist noch
ein höher hüter über den hohen / vñd seind noch höher über die beyde.

a Ober das ist der künig im ganzen lande / das ^afeld zu bawen. ^afeld zu bau
wen. Das ist / er herschet über alles vnd handthaber das land das nicht zurfalle vnd verwüste / das
denn eins künigs ampt vnd namen ist.

e Wer gellt liebet / wirt gelts nymmer satt. Vnd wer reychtumb liebt /
wirt keinen nutz dauon haben. Das ist auch eyttel / Den wo vil güts ist /
da sein vil die es essen. Vnd was geneußt sein der es hat / on das ers mit
augen ansihet.

Wer arbeyt / dem ist der schlaff süsse / er habe wenig oder vil gessen.
Aber die fülle der reichen lest in nicht schlaffen.

Es ist ein böse plage / die ich sahe vnder der sonnen / reychtumb behal-
ten zum schaden dēder in hat / Denn der reychtumb kompt vmb mit gros-
sem jamer. Vnd so er einen sün zeüget hat / dem bleibt nichts in der hant.
Wie er nackt ist von seiner mütter leibe kommē / so feret er widder hyn /
wie er kommen ist / vnd nympt nichts mit im von seiner erbeyt inn seiner
handt wen er hyn feret. Das ist ein böse plage / das er hyn fert / wie er ko-
men ist / Was hilffts in denn / das er in den wind geerbeyt hat. Sein le-
ben lang hat er im finstern gessen / vnd inn grossen vnmüt vnd franck-
heyt vnd trawrigkeit.

So seheich nun das für güt an / dz feyn sey / Wen man isset vñ trinckt
vnd güts müdts ist inn aller erbeyt die einer thüt vnder der sonnen sein
leben lang / das im Gott gibt / Denn das ist sein teyl / Denn welchem men-
schen Gott reychtūb vnd güter vnd gewalt gibt / das er dauon isset vnd
trinckt für sein teyl / vnd frölich ist in seiner arbeit / das ist eine Gottes ga-
be / Den er denckt nicht vil / wie lange er lebē sol / Weil Gott sein hertz mit
freüden erfüllet.

Das. VI. Capitel.

21 **E**s ist ein vnglück das ich sahe vnder der sonnen / vnd ist gemeyn
bey den menschen. Einer dem Gott reychtumb / güter vñd eere
geben hat / vnd mangelt im keins / das sein hertz begert / vnd Gott
doch im nicht macht gibt desselben zu genieffen / Sondern ein ander ver-
zeret es / Das ist eytel vnd ein böse plage / Wen er gleich hundert kinder
nerete vnd het so langs leben das er vil jar überlebete / vnd seine seele set-
tiget sich des güts nicht / vnd blybe on grab / vñ dem spreche ich / das ein
vnzeitige geburt besser sey den er. Den in eytelkeyt kompt er / vnd im fin-
sternis feret er dahyn / vñ sein name bleibt im finsternis bedeckt / Sihet
22 auch die sonne nicht / vnd weys kein rüwe weder hie noch da / ober auch
zwey tausent jar lebete / so hat er nymmer keinen gütemüt / Komets nicht
alles an einen ort.

Alle erbeyt des mensche seind nach seiner masse / Aber die seel wirt nit
satt / Denn was hat ein weiser mehr den ein narr: Was hilffts den arme
das er wisse zu wandeln vor den lebendige: Die gestalt der augē ist bes-
ser den das die seele so hynferet / Das ist auch eyttelkeyt vnd jamer.

b (lebendige)
die wollebē
vnd zeren.

Was ist das da ist: Ist schon genēnet vnd erkēnet das ein mensch ist/
so mager nicht hadern mit dem das im zu mechtig ist / Den es seind eytel
wort zūvil / Was hat ein mensch mehr dauon?

Das. VII. Capitel.

Denn wer weys was dem menschen nütz ist im leben / so lang er
lebet in seiner eyttelkeyt / welchs ist wie ein schatten: Oder wer
will dem menschen sagen / was nach im kommen wirt vnder
der sonnen:

Ein gut gerücht ist besser denn gute salbe / vnd der tag des tods / denn
der tag seiner geburt. Es ist besser inn das klage haus gehen / den in das
trineckhaus. In ihenem ist das ende aller menschen / vnd der lebendige
nympts zu hertzen. Es ist trawren besser denn lachen. Den durch traw-
ren wirt das hertz gebessert. Das hertz der weisen ist im klage haus. Vñ
das hertz der narren im hause der freuden. Es ist besser hören das schelt-
ten des weisen / denn hören das gesang der narre / Den das lache des nar-
ren ist wie das krache der dome vns den töpffen / Vñ das ist auch eyttel.

Denn der vnrecht thut / macht einen weisen toll / vnd verderbt ein mil-
te hertz. Das letzte eins dings ist besser denn sein anfang / Ein gedultig-
er geyst ist besser / denn ein hoher geyst. Sey nicht schnelles gemütes zu
zürnen / Denn zorn rüwet im schos eines narre. Sprich nicht / Was ist /
das die vorigen tage besser waren denn dise: Denn du forderst sollchs
nicht weislich. Die weisheit mit eym erbe ist besser vnd übertrifft die
die sonnen sehen / Den wie weisheit beschirmet so beschirmet gelt auch
Aber die erkenntnis & weisheit gibt dz leben dē der sie hat.

Sihe an die werck Gottes / Den wer kan das schlecht machen / das er
krümmer: Am guten tage / sey guter dinge / vnd schaw doch auff den bö-
sen tage / Den disen schafft Gott neben inen / Darüb / auff dz der mensch
nicht finde etwas anders.

Allerley hab ich gesehen die zeyt über meiner eyttelkeyt / Da ist ein ge-
rechter / vnd kumpt vmb inn seiner gerechtigkeit / Vnd ist ein gottloser /
der langelebt inn seiner bosheit. Sey nicht zūvil gerecht vñ nicht zūvil
weise / das du dich nicht verstörest. Sey nicht zūvil gottlos vnd narre
nicht / das du nicht sterbest zur vnzeyt. Es ist gut das du fassst / vnd ye-
nes auch nicht auß deiner handt / lassst / denn wer Gott fürcht / der ent-
gehet dem allen.

a (anders)
nichts anders
den was im
gott zūfügt.

Die weysheit sterckt den weisen mer dan zehen gewaltige / die in der
statt seind / Denn es ist kein mensch auff erden der güts thue / vnd nicht
sündige. Nym auch nicht zu hertzen alles was man sagt / Das du nicht
hören müssest deinen knecht dir flüchen. Denn dein hertz weys / das du

p andern

Der Prediger.

B Verhenge deinem munde nicht / das du dein fleisch sündigen lasset /
Vnd sprich vor dem engel nicht / Er ist vnwissend / Gott möcht erzürne
über deine stym / vnd verderben alle werck deiner hende.

Wo vil trewm seind / da ist eytelkeit vn vil wort / Aber fürchte du gott.

Sihest du dem armen vnrecht thün / vn gericht vnd gerechtigkeit im
lande weg reissen / wunder dich des fürnemens nicht / Denn es ist noch
ein höher hütter über den hohen / vnd seind noch höher über die beyde.

C Ober das ist der künig im ganzen lande / das ^afeld zü bawen. ^a(feld zü bau
wen. Das ist / er herschet über alles vnd handthaber das land das nicht zurfalle vnd verwüste / das
denn eins künigs ampt vnd namen ist.

C Wer geltt liebet / wirt gelts nimmer satt. Vnd wer reychtumb liebt /
wirt keinen nutz dauon haben. Das ist auch eytel / Den wo vil güts ist /
da sein vil die es essen. Vnd was geneußt sein der es hat / on das ers mit
augen ansihet?

Wer arbeyt / dem ist der schlaff süsse / er habe wenig oder vil gessen.
Aber die fülle der reichen lest in nicht schlaffen.

Es ist ein böse plage / die ich sahe vnder der sonnen / reychtumb behal-
ten zum schaden de der in hat / Denn der reychtumb kompt vmb mit gros-
sem jamer. Vnd so er einen sün zeüget hat / dem bleibt nichts in der hant.
Wie er nackt ist von seiner mütter leibe kommē / so feret er widder hyn /
wie er kommen ist / vnd nympt nichts mit im von seiner erbeyt inn seiner
S handt weñ er hyn feret. Das ist ein böse plage / das er hyn fert / wie er ko-
men ist / Was hilffts in denn / das er in den wind geerbeyt hat? Sein le-
ben lang hat er im finstern gessen / vnd inn grossen vnmüt vnd franck-
heyt vnd trawigkeit.

So seheich nun das für güte an / dz feyn sey / Weñ man isset vn trinckt
vnd güts müdts ist inn aller erbeyt die einer thüt vnder der sonnen sein
leben lang / das im Gott gibt / Denn das ist sein teyl / Denn welchem men-
schen Gott reychtumb vnd güter vnd gewalt gibt / das er dauon isset vnd
trinckt für sein teyl / vnd frölich ist in seiner arbeit / das ist eine Gottes ga-
be / Den er denckt nicht vil / wie lange er lebē sol / Weil Gott sein hertz mit
freüden erfüllet.

Das. VI. Capitel.

A S ist ein vnglück das ich sahe vnder der sonnen / vnd ist gemeyn
bey den menschen. Einer dem Gott reychtumb / güter vnd eere
geben hat / vnd mangelt im keins / das sein hertz begert / vnd Gott
doch im nicht macht gibt desselben zü genießen / Sondern ein ander ver-
zeret es / Das ist eytel vnd ein böse plage / Weñ er gleich hundert kinder
nerete vnd het so langs leben das er vil jar überlebete / vnd seine seele set-
tiget sich des güts nicht / vnd blybe on grab / vō dem spreche ich / das ein
vnzeitige geburt besser sey den er. Den in eytelkeit kompt er / vnd im fin-
sternis feret er dahyn / vn sein name bleibt im finsternis bedeckt / Sihet
B auch die sonne nicht / vnd weys kein rüwe weder hie noch da / ob er auch
zwey tausent jar lebete / so hat er nymer keinen gütemüt / Komets nicht
alles an einen ort?

Alle erbeyt des mensche seind nach seiner masse / Aber die seel wirt nit
satt / Denn was hat ein weiser mehr den ein narr: Was hilffts den arme
das er wisse zu wandeln vor den lebendige: Die gestalt der augē ist bes-
ser den das die seele so hynferet / Das ist auch eyttelkeyt vnd jamer.

b (lebendige)
die wollebē
vnd zeren.

Was ist das da ist: Ists schon genēnet vnd erkēnet das ein mensch ist /
so mager nicht hadern mit dem das im zu mechtig ist / Den es seind eytel
wort zuwil / Was hat ein mensch mehr dauon?

Das VII. Capitel.

Denn wer weys was dem menschen nütz ist im leben / so lang er
lebet in seiner eyttelkeyt / welchs ist wie ein schatten: Oder wer
will dem menschen sagen / was nach im kommen wirt vnder
der sonnen?

Ein gut gerücht ist besser denn gute salbe / vnd der tag des tods / denn
der tag seiner geburt. Es ist besser inn das klage haus gehen / den in das
trinckhaus. In ihenem ist das ende aller menschen / vnd der lebendige
nympts zu hertzen. Es ist trawren besser denn lachen. Den durch traw-
ren wirt das hertz gebessert. Das hertz der weisen ist im klage haus. Vñ
das hertz der narren im hause der freuden. Es ist besser hören das schelt-
ten des weisen / denn hören das gesang der narre / Den das lache des nar-
ren ist wie das krache der domē vñ den töpffen / Vñ das ist auch eytel.

Denn der vnrecht thut / macht einen weisen toll / vnd verderbt ein mil-
te hertz. Das letzte eins dings ist besser denn sein anfang / Ein gedultig-
er geyst ist besser / denn ein hoher geyst. Sey nicht schnelles gemütes zu
zürnen / Denn zorn rüwet im schos eines narre. Sprich nicht / Was ist /
das die vorigen tage besser waren denn dise? Denn du forderst sollchs
nicht weißlich. Die weißheyte mit eyme erbe ist besser vñ übertrifft die
die sonnen sehen / Den wie weißheyte beschirmet so beschirmet gelt auch
Aber die erkentnis & weisheyte gibt dz leben dē der sie hat.

Sihe an die werck Gottes / Den wer kan das schlecht machen / das er
krümmet: Am guten tage / sey guter dinge / vnd schaw doch auff den bö-
sen tage / Den disen schafft Gott neben inen / Darüb / auff dz der mensch
nicht finde etwas anders.

Allerley hab ich gesehen die zeyt über meiner eyttelkeyte / Da ist ein ge-
rechter / vnd kumpt vmb inn seiner gerechtigkeit / Vnd ist ein gottloser /
der lange lebt inn seiner bosheyte. Sey nicht zuwil gerecht vñ nicht zuwil
weise / das du dich nicht verstörest. Sey nicht zuwil gottlos vñ narre
nicht / das du nicht sterbest zur vnzeyt. Es ist gut das du fassst / vnd ye-
nes auch nicht auß deiner handt / lassst / denn wer Gott fürcht / der ent-
gehet dem allen.

a (anders)
nichts anders
den was im
gott zfügt.

Die weysheyte sterckt den weisen mer dan zehen gewaltigē / die in der
statt seind / Denn es ist kein mensch auff erden der güts thue / vñ nicht
sündige. Nym auch nicht zu hertzen alles was man sagt / Das du nicht
hören müssest deinen knecht dir flüchen. Denn dein hertz weys / das du

p andern

Der Prediger

andern auch offtmals geflücht hast.

Solchs alles habe ich versücht weißlich / Ich gedacht / Ich wil weise sein / sie kam aber ferner von mir. Es ist ferne was wirts sein: Vnd tieff ist die tieffe / Wer wils finden?

Ich keret mein hertz zü erfahren vnd erforschen vñ zü süchen weißheyt vnd kunst / zü erfahren der gottlosen dorheyt / vnd yrthumb der tollé / Vñ fand das ein solch weyb bitterer sey den der todt / welches hertz netz / vñ strick ist / vñ ire hende bande sint. Wer Gott gefelt / der wirt ir entrinné / Aber der sündler wirt durch sie gefangen.

Schau das habe ich funden / spricht der prediger / eins nach dem andern / das ich kunst erfunde. Vnd meine seele sücht noch / vñ hats nit funden / vnder tausent hab ich einen menschen funden / Aber kein weyb hab ich vnder den allen funden. Alleine schaw das / Ich habe funden / das Gott den menschen hat auffrichtig gemacht / Aber sie süchten vil künste / Wer ist so weise: vnd wer kan das aus legen?

Das VIII. Capitel.

^a (erleucht)
Das ist / sie
macht in an
genem vnd
glückselig.

Die weisheit des menschen^a erleuchtet sein angesicht / Wer aber frech ist / der ist feindselig. Ich warte auff den mund des küniges / vnd auff den eid Gottes. Eile nicht zü gehen von sein angesicht / vnd bleibe nicht inn eym bösen dinge / Den er thüt was in gelust. In des küniges wort ist gewalt / vñ wer mag zü im sagé / was machstu? Wer das gepott hellt / der wirt nichts böses erfahren / Aber eyns weysen hertz weißt zeit vnd weise. Den ein ieglich sürnemen hat seine zeyt vnd weise / Den des vnglücks des menschen ist vil bei im / Den er weißt nicht was gewesen ist / Vnd wer wil im sagen / was werden sol? Ein mensch hat nicht macht über den geist / dem geist zü weren / vnd hat nicht macht zur zeit des sterbēs / Vnd wirt nicht los gelassen im streit / Vnd das gottlos wesen errettet den gottlosen nicht.

Das hab ich alles gesehen / vnd hab mein hertz auff alle werck die vñs der sonnen geschehen. Ein mensche herrschet zü zeiten über den andern zü seym vnglück. Vnd da sahe ich gottlose die begrabē waren / Die gangen waren vnd wandelt hatten inn heyliger stett / vnd waren vergessen in der statt / das sie so gethan hatten / Das ist auch eyttel.

^c Weyl nit bald geschicht ein vrt Eyl über die bösen werck / da durch wirt das hertz der mensche vol böses züthün. Ob ein sündler hundert mal böses thüt / vñ doch lange lebt / So weyß ich doch / dz es wol gehen wirt / denē die Gott förchtē / die sein angesicht schewē / Den es wirt dē Gottlosen nit wol geen / vñ wie eine schatte / mit lange lebē / die sich vor Gott nit
^d Es ist ein eytelkeyt die auff erden geschicht / Es seind gerecht / (föchtē den gehet es / als hettē sie werck der gottlosen / vnd seind gottlosen / den gehet es als hettē sie werck der gerechten. Ich sprach / das ist auch eytel. Dumm lobt ich die freude / das der mēsch nicht bessers hat vñs der sonnē / den essen vnd trincken vnd frölich sein / vñ solchs werde im von
der

der arbeyt sein leben lang/das im Gott gibt vnder der sonnen.

Ich gab mein hertz zū wissen die weisheyt/vnd zū schawen die mühe die auff erden geschicht/das auch einer weder tag noch nacht den schlaf sibet mit seinen augen/Vnd ich sahe alle werck Gottes/Deñ ein mensch kan das werck nicht finden/das vnder der sonnē geschicht/Vnd ye mer der mensch arbeytet zū sūchē/ye weniger er finbet/wen er gleich spricht/ich bin weise zū erkēnen/so kan ers doch nicht finden.

Das. IX. Capitel.

Denn ich hab solchs alles zū hertze genomme/zū forschē dz alles. **2**
Das gerechte vñ weisen seind/vnd ire knechte in Gottes hand
Doch kennet kein mensch weder die liebe noch den hass irgent eines den er für sich hat.

Es begegnet einem wie dē andern/dē gerechte wie dem gottlosen/dē gūten vñ reynen wie dē vnreynen/dē opfferendē wie dem der nit opffert
Wie es dē gūte geht/so gehts auch dem sūnd/Wie es dem meynedygē gehet/so gehts auch dē der den eyd fürchtet/Das ist ein böse ding vñs allent das vnder der sonnē geschicht/das eynem gehet wie dē andern. Daher auch das hertz der menschen voll arges wirt vnd rohheit in irem hertze bleibt jr leben lang/bis das sie sterben.

Deñ weyl man bey dē lebē ist/ist man sicher (Deñ ein lebendiger hund **3**
ist besser den ein todter löwe) Deñ die lebendige wissen/dz sie sterbē wer dē/Die todte aber wissen nichts/Sie verdienen auch nichts mer/Deñ je gedechtnis ist vergesse/dz man sie nit mer liebet noch hasset noch neydet vñ habē kein teil mer auff der welt/in allē dz vñs der sonnen geschicht.

So gehe hyn vnd yss dein brot mit freudē/trinck deinen wein mit gūtem müt/Deñ dein werck gefellt Gott. Las deine kleyd inier weys sein/vnd las deinem hauptē salben nicht mangeln. Brauch des lebēs mit deinē weybe/das du lieb hast/so lange du das eyttel lebē hast/das dir gott vnder der sonnē gebē hat/so lang dein eyttel lebē weret/Deñ das ist dein teyl im lebē vnd in deiner arbeyt die dir Gott vnder der sonnē gebē hat. Alles was dir vorhandē kumpt zū thū/das thū frisch/Deñ in der helle da du hynferest/ist weder werck/kunst/erkentnis noch weisheyt.

Ich wandt mich vñ sahe/wie es vñs der sonnē zū gehet/Das zū lauffen nit hilfft schnell sein. Zūm streyt hilfft nit starck sein/Zur narüg hilfft nit geschickt sein. Zūm reichumb hilfft nicht klüg sein. Das einer angem sey/hilfft nicht dz er ein ding wol kōnde/Sondern alles ligt es an der zeyt vnd glück/Auch weyßt der mensch seine zeyt nit/Sond wie die fisch gefangen werden mit ein bösen hamē/Vnd wie die vogel mit ein stricke gefangen werden/so werden auch die menschē beruckt zur bösen zeyt/wenn sie plōzlich über sie fellt.

Ich hab auch dise weisheit gesehē vñs der sonnē die mich groß daucht **8**
Das ein kleine statt war vnd wenig leute drinnē/Vnd kam ein grosser kü nig vnd belegt sie vnd bawet grosse bollwerck drinnē/Vnd ward darin
P ij nen

nen fundē ein armer weiser man der die selbe statt durch seine weysheit
 künd errettē/ Vnd kein mensch gedacht des selbē armē mans. Da sprach
 ich/ Weisheit ist ja besser dan stercke/ Noch ward des armen weisheit
 veracht vnd seiner worten nicht gehorcht/ das macht/ Der weisen wort
 gelten mehr bey den stillē/ den der herren schreyen bey den narren. Denn
 weisheit ist besser dann harnisch. Aber ein einiger ^a bube verderbet vil
 güts. Also verderbē die schädlichen fliegē gute salben. Dum ist zuweilē
 besser torheit den weisheit vnd eere/ Den des weisen hertz ist zu seyner
 rechten/ Aber des narren hertz ist zu seiner lincken. Auch ob der narz selbs
 nerisch ist in seym thün/ noch helt er yederman für narren. Darum wen
 eins gewaltigen trotz wider deinen willen fort gehet/ so las dich nit ent-
 rüsten/ Denn nachlassen ^b stillt gross vnglück. ^b (stillt) erhören vnd lassen geen
 das sich selbst stillt/ ist grosse kunst vnd tugent.

a (bube) Ein
 bube verder
 bet zuweilē
 ein gāz lant
 mit seym bö
 sen radt/ vñ
 güt mer den
 die wasser.

Das X. Capitel.

A S ist ein vnglück das ich sahe vnder der sonnen/ nemlich/ vnuer-
 standt der vnder den gewaltigen gemeyn ist. Das ein narz sitzt in
 grosser wurde/ vnd die reiche hie nyden sitzē. Ich sahe knechte auff rossen
 vnd fürsten zu fuß gehen wie knechte. Aber wer eyne grübē macht/ der
 wirt selbs drein fallē. Vnd wer den zaun zerreysset/ den wirt eine schlan-
 ge stechē. Wer steyne weg waltzet/ der wirt mühe damit habē/ Vñ wer
 holz spaltet/ der wirdt dauon verletzt werden. Wenn ein eisen stumpff
 wirt/ vñ an den schneydē vngeschliffen bleibt/ müs mans mit macht wi-
 der scherpffen/ Also folget auch weisheit dem fleis.

Ein schweizer ist nit besser den eine schlange die vnbeschwozen sticht.
 Die wort aus dem mund eins weisen seind holdselig/ Aber des narre lefzē
 verschlingē den selbē. Der anfang seiner wort ist narzheit. Vnd das end
 e ist schädliche torheit. Ein narz macht vil wort/ Den der mensch weyßt
 nit was gewesen ist/ Vnd wer will im sage was nach im werdē wirdt.
 Die arbeyt d narre wirt in saur/ Weil man nit weis in die statt zu geen.

Wehe dir land/ des künig ein kind ist/ vñ des fürste frü essen. Wol dir
 land/ des künig edel ist/ vñnd des fürsten zu rechter zeyt essen/ zur stercke
 d vnd nicht zur lust. (Den durch faulheyt sincken die balckē/ vñ durch hyn-
 lässige hende/ wirt das haus triessend) das macht sie machē brot zum la-
 c chen/ vnd der wein müs die lebendigē erfrewē/ Vnd das gelt müs in al-
 les zuwege bringen. ^c (lebendigen) das seind die im saße leben vñ mit freuden zeren.

Flüche dem künig nicht in deym hertzen/ vnd flüche dem reychē nicht
 in deiner schlaffkamer/ Denn die vogel des hymels füren die stym/ vnd
 die fettig haben/ sagens nach.

Das XI. Capitel.

L As dein brot über das wasser ^a faren/ so wirstu es findē auff lan-
 ge zeyt. Teyl auß vnder sybē vnd vns achte/ Den du weyßest nit
 was für vnglück auff erdē kommen wirt. Wen die wolckē voll seind/ so
 gebē sie regē auff die erdē. Vnd wen der baum felt/ er fall gegē mittag os
 mitter-

a (faren) das
 ist/ gib frey
 weg yedmā
 was du ver
 magst/ den
 es möcht die
 zyt komē du
 terefts gern
 vnd wirstu
 nit können.

mitternacht/auff welchen ort er felt/da wirt er ligē. Wer auff den wind achtet/der säet nicht/vnd wer auff die wolckē sibet/der erndtet nicht.

Gleich wie du nit weyßt den weg des winds/vnd wie die gebeyneinn v mütter leybe voll werden/also kanstu auch Gottes werck nicht wissen/ das er thüt überal.

Frü sãe deinen samen/vnd las deine hand des abents nicht ab/Denn du weyßest nicht/ob dis oder das geraten wirdt/vnd obs beyde geriete so were es deste besser.

Es ist das liecht süsse/vnd den augen lieblich die sonne zū sehen.

Wenn ein mensch lange zeyt lebet/vnd ist frölich iun allen dingē/so gedencet er doch nur der bösen tage/das jr so vil ist/Denn alles das jm be- gegenet ist/ist eytel.

Das. XII. Capitel.

So frew dich jüngeling in deiner jugēt/vnd las dein hertz güter dir v gesein in deiner jugent. Thū was dein hertz lustet/vnd deinen augē gefellt/vnd wisse das dich Gott vñ dis alles wirt für gericht fürē. Las den vnmüt aus deinem hertzen/vnd thū das übel vō deinem leibe/Denn kindtheyt vnd jugēt ist eytel. Gedencet an deinen schöpffer in deiner jugent/ehe den böse tage kommen/vnd die erzū tretten/da du wirst sagen/sie gefallen mir nit/Ehe den die sonne vnd das liecht/mond vnd v sterne finster werden/vnd wolcken wider kōmen nach dem regen. Zur a Mit disen zerbrochenē wortē beschreybet er dz alter eis mēschē/wenn die hende zyttern/vñ bey ne sich krüme die augen trunckē werde/die zenenit wol malen/die har grave bliche/vnd die scholdin sich buckē/S die ore hangē vñ taub werden ic.

Zur zeyt wen die hūter im hause zittern/vnd sich krümmen die starcken/vñ müßig stehen die müller das jr so wenig worden ist/vnd finster werde die gesicht durch die fenster/Vñ die thür auff der gassen geschlossen werden/das die stim der müllerin leyse wirt/vnd erwacht wenn der vogel singet/vnd sich bucken alle tōchter des gesanges/das ich auch die hohē fōrchten vnd schewen auff dem wege/wenn der mandelbaum blüet/vñ die hewschrecke beladen wirt/vñ ablaßt alle wollust/(Den der mensch feret hyn da er ewig bleibt/vnd die kläger gehen vñher auff der gassen) Ehe denn der silbern strick weg komme/vñ die gulden quelle verlauffe/vnd der eymer zerleche an dem brun/vnd das rad zerbreche am brunne. Denn der staub müs wider zū der erden kommen wie er gewesen ist/vñ der geyst wider zū Gott der in geben hat.

Es ist alles gantz eyttel sprach d prediger/gantz eyttel/ Der selb prediger war nit allein weise/sond leret auch das volck erkentnis/vñ mercktt vnd forschet vñnd stellet vil sprüche. Er sücht das er sünde angenehme wort/vñ schreib recht die wort der warheit. Dise wort der weisen seind speyse vnd nāgel/geschriben durch die meyster der gemeyne/vnd von einem hirtten geben. Hüť dich mein sün/vor andern meh/Den vil bücher machens ist kein ende/Vnd vil predigen macht den leib müde.

Las vns das ende alles dings hörē/fōrchte Gott vñ halt seine gepott/Den das gehōret allen menschen zū/Denn Gott wirt alle werck für gericht bringen/das verborgen ist/es sey güt oder böse.

¶ Ende des predigers Salomo.

P iij Das erste

VXXXI Das hohe Lied Salomo.

I Das Erst Capitel.

Küsse mich mit de kusse seyns
mundes / Den deine brüst seind lieblicher den wein
das man deine güte salberieche / Dein name ist ein
aufgeschüttele salbe / Darumb liebē dich die megde.
Zeuch mich dir nach / so lauffen wir / Der künig
füret mich in seine kamer / wir frewē vns / vñ seind
frölich über dir / wir gedenckē an deine brüste mer
denn an den wein. Die aufrichtigen lieben dich.

B Ich bin schwarz / aber gar lieblich / jr töchter Jerusalem / wie die hüt-
ten Kedar / wie die teppiche Salomo. Secht mich nicht an das ich so
schwarz bin / denn die sonne hat mich so verbrant. Meiner mütter kin-
der zürnen mit mir. Man hat mich zur hütterin der weinberge gesetzt /
Aber meinen weinberg den ich hatte / hab ich nicht behütet.

Sage mir an du / den meine sele liebet / wo du weidest / wo du rüwest
im mittage / dz ich nit hyn vñ her geen müsse bey den herdē deiner gefellē.

E Kenstu dich nicht du schöneste vnder den weybē / so gehe hynaus auff
die süßstapfen der schaffe / Vñ weyde deine böcke bey den byrtē heusern.

Ich gleiche dich / mein freündin / meynem reysigen zeuge an den wage
Pharao. Deine backen stehen lieblich in den spangen / vnd dein hals in
den fettē / Wir wöllē dir güldene spangen machen mit silbern pöcklin.

S Da der künig sich her wandte / gab mein nardē seynen geruch. Mein
freündt ist mir ein plüsschel myrien / das zwischē meinen brüsten hanget.
Mein freündt ist mir ein draubē copher in den weingartē zu Engeddi.

Sihe / meine freündin / du bist schönē / schönē bistu / Dein augen seind
wie tauben augen. Sihe mein freündin / du bist schönē vnd lieblich / Vñ
ser bette grünet / Vñser heuser balcken seind cedern / Vñser latten seind
cypressen.

Das II. Capitel.

Ich bin eine blüme zu Saron / vnd ein rose im tal. Wie ein rose
vnder den dornen / so ist meine freündin vnder den töchtern /
Wie ein apffelbaum vnd den wildē bewimē / so ist mein freünde
vnder den sünen. Ich sitze vnder dem schatten des ich begere / vnd seine
frucht ist meiner kälē süße.

Er fürt mich in den weinkeller / vñ die liebe ist sein panier über mir. Er
quickt mich mit blümē / vñ labet mich mit öpfelē / den ich bin krank vor
liebe. Seine lincke ligt vnd meinem hauptē / vñ seine rechte hertzet mich.

Ich beschwere euch töchter Jerusalem / bey den rehen od bey den hindē
auff dem felde / das jr meine freündin nit auffweckt noch regt / bis das jr
selbst gefellt.

E Das ist die stym̄ meins freünds. Sihe / er kompt vnd hupfft auff den
bergen / vnd springet auff den bübelē. Mein freünd ist ein rebe oder jun-
gen hirs. Sihe / er stehet hinder vnser wandt / vnd sihet durchs fenster /
vnd

vnd guckt durchs getter.

Mein freündt antwortet vñ spricht zu mir / Stehe auff meine freündin / meine schöne / vnd kom her / Den sihe / der winter ist vergangē / Der regē ist weg vñ dahyn / Die blümē seind er für kōmen im lande. Der gleyz ist erbey kōmen / vñ die turteltaube laßt sich hōrē in vñserē lande. Der seygenbaum hat knotten gewonnē / Die weinstöck haben augē gewonnē / vnd geben iren geruch. Stehe auff meine freündin vnd kom / mein schöne kom her / Meine taube inn des fels löchern / inn den steinritzen. Zeyge mir deine gestalt. Las mich hōren deine stym / Denn deine stym ist süsse / vnd deine gestalt lieblich.

Sahet vns die fūchse / die kleinen fūchse / die die weinberge verderben / Den vñsere weinberge habē augē gewonnē. Mein freündt ist mein vñ ich bin sein / der vnder den rosen weydet / bis der tag küle werde / vnd der schatten weiche. Kere vmb / werde wie ein rebe mein freünd / oß wie ein junger hirs auff den scheyde bergen.

Das. III. Capitel.

Ich sücht des nachts in meinē bette / den meine seie liebet / Ich sücht / Aber ich fand in nicht. Ich will auffsteeen vnd inn der statt vmbgeen auff den gassen vnd strassen / vnd süchen / den meine seie liebet. Ich sücht aber ich fand in nicht. Es funden mich die wechter die in der statt vmbgeen / habt jr nit gesehē den meine seie liebet. Da ich ei wenig für in überkam do fand ich / den meine seele liebet. Ich halt in vñnd will in nicht lassen / bis ich in bunge in meiner mütter haus / in meiner mütter kamer.

Ich beschwere eüch jr tōchter Jerusalem bey den rehen oder hynden auff dem selde / das jr meine freündin nicht auffweckt / noch regt / bis dz es jr selbst gefellet.

Wer ist die / die auffser gehet aus der wüstē wie ein gerader rauch / wie ein gereüch von myrhen / weyrauch vñ allerley puluer eins apotecers. **C**

Sihe / vñ das bette Salomo her steen sechzig starcken auß den starcken inn Israel / Sie halten alle schwerdter / vñ seind geschickt zu streyten / Ein yeglicher hat sein schwerdt an seiner hestten / vñ der forcht wilen inn der nacht.

Der künig Salomo lies im eine sensste machen von holtz aus Libanon / der selben seülen waren sylbern / die decke gülden / der sitz purpern / dar bodē mitten inn war lieblich gepflastert / vmb der willē zu Jerusale.

Gehet erauff vnd schawet an / jr tōchter Zion / den künig Salomo / in der kronen / damit in seine mütter gekrōnet hat / am tage seiner hochzeyt vnd am tage der freuden seines hertzen.

Das. III. Capitel.

Sie meine freündin / du bist schön / sihe / schön bistu / deine augen seind wie taaben augen / on was deine zōpffe seind. Deyn har ist wie die zigen herde die beschoren seind auff dem berge Gilead. Deine zeene seind wie die herde mit beschnittē wolle / **P** üñ die

die aus der schwēme kōmen/die all zūmal zwilling tragen/vnd ist keyne vnder in vnfruchtbar. Deyne leffzen seind wie eyne rosinfarbe schnür/vnd deine rede lieblich/Deine wange seind wie die ritz am granatapffel/
 von was deine zōpffe seind. Dein hals ist wie der thurn Dauid mit brustwer gebauwet/daran tausent schilt hangen/vñ allerley waffen der starcken. Deine zwo brüste seind wie zwei iunge rehezwillinge die vnd den rosen weiden bis der tag küle werde/vnd der schatten weiche. Ich wyll zum myrrhen berge gehen vnd zum weirauch buhel.

Du bist aller ding schöne/meyne freündin/vnd ist keyn flecken an dir. Kom meine braut vom Libanon/kom vom Libanon/geheerein/tritt her vonn der höhe Amara/vonn der höhe Senyr vnd Hermon/von den wonungen der löwen/von den bergen der Leoparden. Du hast mir dz hertz genōmen meine schwester liebe braut/mit deiner augen eynem vñ mit deiner hals ketten eyne.

Wie hüpsch seind deine brüste meine schwester liebe braut. Deine brüste seind lieblicher den wein/vñ d geruch deiner salbe übertrifft alle wurzge. Deine leffze/mein braut/seynd wie trieffend honigseym/honig vnd milch ist vnd deiner zungē/vnd deiner kleyd geruch ist wie d weyrauchs

Meine schwester/liebe braut/du bist ein verschlossen gartē. (geruch. Ein verschlossen quell/ein versigeleter brunn/Dein gewechs ist wie ein lust gartte vō granatōpfeln/mit edle frūchtē/cypern mit nardē/Nardē mit saffran/kalmus vñ cynamē mit allerley böumē Libanon/Myrrhen vñ Aloes mit allen beste wurzge/Wie ein gartēbrun/wie ein brun lebēdiger wasser die vō Libano fließen/Stehe auff nordwind vnd kom Sud wind vnd wehe durch meinen garten/das seine wurzge triessen.

Das. V. Capitel.

Mein freünd komme in seinen gartē vnd esse seiner edlen frūchtē/kom meine schwester liebe braut in meinen gartē. Ich hab meine myrrhē sampt meinen wurzge abbrochen/ich hab meins seyms sampt meine honige gessē/ich hab meins weins sampt meiner milch getrunckē/Esset meine lieben vnd trinckt meine freünde vnd werdet truncken.

Ich schlaff/aber mein hertz wacht/Da ist die stin/meins freunds der anklopffet/Thū mir auff liebe freündin meine schwester/meine taube/
 meine fromme/Denn mein haupt ist voll tawes/vnd meine locken voll nachts tropffen/Ich habe meinen rock aufzogen/wie sol ich in wid anziehen? Ich habe meine füsse gewasschen/wie sol ich sie wider besudeln?

Aber mein freünd steckt seine hand durchs loch/vnd mein leib erzyttert dafür/Da stund ich auff/das ich meinem freünde auffsthet/Meine hende troffen mit myrrhen/vnd myrrhen lieffen über meine finger an den henden am schloss/Vnd do ich meym freünd auffgetan hatte/war er weg vnd hyngangen.

Da gieng meine sele eraus nach seim wort/ich sücht in/aber ich fand in nicht

in nicht/ich räfft/aber er antwortet mir nicht. Es funde mich die hütter die inn der statt vmbgehen / Die schlägen mich wundt / Die hütter auff der mauren namen mir meinen schleyer. Ich beschwere euch jr tochter Jerusalem / findet ir meine freund / so sagt im / dz sich vor liebe krank lige.

Was ist dein freündt für anderen freünde / O du schönst vnder den weibē. Was ist dein freünd für andern freünde / dz du vns so beschwore hast: Mein freünd ist weis vñ rodt / auserkoren vns vil tausent / Seyn haupt ist das seynest gold. Sein löckē seind kraus / schwarz wie dein raube / Seine augē sint wie taubē augē an den wasser bechē / mit milch gewaschen vñ stehen in der fülle. Seine backen sind wie die wachsende wurtz gertlin der apoteker. Seyne leffzen seind wie rosen die mitt fließender myrrhen triessen / Seyne hende seind wie guldene ringe voll turckissen. Sein leib ist wie rein helffenbein mit Saphirē überzogen. Seine beine sind wie marmelseulē gegründet auff gulde füssen. Seine gestalt ist wie Libanō / auserwelt wie cedern. Seine kele ist süsse vñ ganz lieblich. Ein solcher ist mein fründ / mein fründ ist ein solcher / jr tochter Jerusalem.

Das. VI. Capitel.

Wo ist dein dem freündt hingangē / O du schönst vns den weibē. Wo hat sich dein freünd hin gewant / so wöllē wir mit dir in süchen: Meyn freündt ist hinab gangē in seinen garten / zū den wurtzgertlin / das er sich werde vnder den gartē vñ rosen breche. Mein freünd ist mein / vñ ich bin sein / d vns dē rosen sich weidet.

Du bist hübsch / meyne freundin / wie Thirza / lieblich wie Jerusalem / schrecklich wie heer spizen / (Wende deine augen von mir / Deñ sy mache mich stolz.) Deine har seind wie ein herd zicken / die auff dem berge Gilead geschoren seynd. Deine zeene seynd wie eyn herd schaff / die auß der schwemme kommē die allzumal zwilling tragen / vnd ist keine vnfruchtbar vns jnen. Deine wangen seind wie ein ritz am granatapffel / on was in deinen zöpffen ist.

Sechzig ist der küniginnen / vnd achzig der kebsweiber / vñ der megē de ist kein zal. Aber eine ist meine taube / meyn frōme / Eyne ist irer müter die liebste / vnd die auserwelete irer müter / Da sy die tochter sahen / preisten sie die selbigē selig / Die küniginnen vnd kebsweiber lobeten sy. Wer ist die erfür bricht / wie die morgen rōte / schon wie der mond / auserwelet wie die sonne / schrecklich wie die heer spizen.

Ich bin hynab inn nus gartten gangen zū schawen die strenchlin am bach / zū schawen ob der weinstock blüet / ob die granat öpffel grünētē. Meyne seele wusts nicht / das er mich zum wagen Ammynadab gesetzt hatte.

Kere wider / kere wider O Sulamith / kere wider / kere wid / das wir dich schawen / Was sehet jr an Sulamith / den reygen zū Mahanaim.

Das. VII. Capitel.

Wie

Hobelied

21 **W**ie hüpsch ist dein gang in den schühen du Fürsten tochter/
Deine lenden stehen gleich aneinander wie zwo spangē die
eins meysters hand gemacht hat. Dein nabel ist wie ein run-
23 der becher/dē nymer getrenck mangelt / Dein bauch ist wie
ein weytzē hauffe vmbsteckt mit rosen. Deine zwo brüste seind wie zwey
junge rebezwillinge / Dein hals ist wie ein elffenbeynen thurn. Deine au-
gen seind wie die teyche zu Hesbon am thor Bathrabbim. Deine nase ist
e het auff dir wie Carmelus. Das hat auff deinem haubt / ist wie die pur-
pur des künigs inn falten gebunden.

Wie hüpsch vnd wie lieplich bistu / du liebe zu wollusten. Deine lenge
ist gleich einem palm baum / vñ deine brüste den weindraubē. Ich sprach
ich müs auff den palm baum steigē / vnd seine zweyge ergreifen. Las dei-
ne brüste seind wie drauben am weinstock / vñnd deiner nasen geruch wie
öpfel / vñ deine käle wie güter wein / der meinem freunde glatt eyngehe /
S vnd rede von fernigē. Mein freünd ist mein / vñ er hellt sich auch zu mir.

Kom mein freünd / las vns auffs feld hynaus gehen / vñ auff den dorf-
fen herbergen / das wir frū auffstehen zu den weinbergen / das wir sehē /
ob der weinstock blüet vnd augen gewonnen habe / ob die granatöpfel-
baum aufgeschlagen seind / Da will ich dir meine brüste geben. Die all-
runen geben den rauch / vñnd für vnser thür seind allerley edle fruchte.
Mein freündt / ich hab dir beyde heurige vnd fernige behalten.

Das VIII. Capitel.

21 **Q**wer gibt dich mein brüder / der du meiner mütter brüste sau-
gest / dzich dich draussen finde / vñ dich küssen müste / das dich
auch nyemandt mir raubete. Ich wolt dich süren vnd in mei-
23 ner mütter hausbringen / da du mich lerē soltest / Da wolt ich
dich trenckē mit gemachtē wein / vnd mit dē most meiner granatöpfel.
Seine lincke ligt vnder meinem haubt / vnd seine rechte hertzet mich.

Ich beschwere euch töchter Jerusale / das jr meine liebe nit auffweckt
noch reget / bis das jr selbst gefellet. Wer ist die / die erauffferet von der
wüsten / vñ lehnet sich auff jren freündt? Vnder dem apffelbaum weckt
ich dich / da deine mütter dich geporen hat / damit dir gelegē ist / die dich
geboren hat.

Setze mich wie ein sigel auff dein hertz / vnd wie ein sigel auff deynen
arm / Den liebe ist starck wie der todt / vnd eyffer ist fest wie die helle / jr
e glüt ist feurig / vnd ein flamme des HERREN / Das auch vil wasser
nit mügen die liebe aufleschen / noch die strome sie ersauffen. Wen einer
alles güt in seinē hause vmb die liebe gebē wolt / so gülte es alles nichts.

Vnser schwester ist kleyn vnd hat keine brüste / Was sollen wir vnser
schwester thün / wen man sie nun sol anredē? Ist sie eine maure / so wölle
wir sylbern bollwerck drauff bauwē. Ist sie ein thür / so wöllen wir sie
festigen mit cedern tafeln. Ich bin eine maur / vñ meine brüste seind wie
thürne

thürne/dabin ich worden vor seinen augen/als die friden findet.

Salomo hatt einē weinberg zū Baalhamon. Er gab den weinberg den hüttern/ das ein yeglicher für seine fruchte brechte tausent sylberlinge. Mein weinberg ist vor mir/ Dir Salomo gepüren tausent/ aber den hüttern zwey hundert sampt seinen fruchten.

Die du wonest inn den garten/ die gesellschaften mercken drauff/
 las mich deine stymme hören. Gleich mein freündt
 vnd sey gleych eym rebe oder jungen hirssen
 auff den wurzbergen.

*

Ende des Hohen lieds
 Salomo.

¶ Getruckt zū Straszburg
 bey Johannen Knoblauch/ Am
 Zylfften tag des
 Merzen.
 Nach Christi geburt. M. D. XXV.


Faint, illegible text at the top of the page, possibly bleed-through from the reverse side.


George Johnson
London


Printed and Sold by
George Johnson


at the Sign of the Crown











Luth.

31

1-3

Das Alte Testament.
deutsch.
Wesphaly 1524 - 1525.